


THE J. PAUL GETTY MUSEUM LIBRARY






















PICTURAE  
ETRUSCORUM




PICTURAE  
ETRUSCORUM











PICTURAE  
ETRUSCORUM  
IN VASCULIS

NUNC PRIMUM IN UNUM COLLECTAE

EXPLICATIONIBUS, ET DISSERTATIONIBUS INLUSTRATAE

A

JOH. BAPTISTA PASSERIO NOB. PISAUR.

Regiarum Academiarum Londinensis, Olomucensis, & Italicarum Furfuratorum,  
Bononienfis, Cortonenfis, Panormitanae, Ferrariensis, ac Perusinae

S O C I O

VOL. SECUNDUM

TABULAS C. CONTINENS

AERE INSCULPTAS.



ROMAE MDCCLXX.

EX TYPOGRAPHIO JOHANNIS ZEMPEL.

Sumptibus Venantii Monaldini Bibliopolae.

PRÆSIDUM FACULTATE.

NK  
2845  
F-3  
v.2









CAROLO

COMITI DE FIRMIAN  
AVREI VELLERIS EQVITI  
IMP. CAES. IOSEPHI IL.P.E. AVG  
CONSILIARIO INTIMO  
MARIAE THERESIAE ROM. IMPERAT  
REGINAE HVNGAR. BOHEMIAE  
&c. &c. &c.

A PENITIORIBVS CONSILIIIS  
ET IN AVSTRIACA INSVBRIA  
AMPLISSIMA CVM POTESTATE ADMINISTRO  
MANTVAE PROPRAEFECTO  
VIRO

NON MODO GENERIS GLORIA  
ET DIGNITATVM SPLENDORE  
SED INTEGRITATE FIDE IVSTITIA MODERATIONE  
CETERARVMQVE VIRTVTVM LAVDE  
COMMENDATISSIMO

OB EGREGIA EIVS IN OPTIMAS ARTES  
ET REM LITTERARIAM VNIVERSAM MERITA  
VOLV MEN ALTERVM

PICTVRARVM ETRVSCORVM IN VASCVLIS  
A IOH. BAPT. PASSERIO CONLECTVM  
ET DOCTISSIMIS COMMENTARIIS INIVSTRATVM  
IOSEPH ANTONIVS MONALDINVS  
PATRONO BENEFICENTISSIMO  
PERPETVVM OBSEQVII SVI MONVMENTVM  
A.L.M.D.D.D









## A D P R O B A T I O N E S.

**P**icturarum Etruscorum in Vasculis explicationes prosequitur celeberrimus Passerius communi eruditorum hominum expectationi donandas. Nihil enim adversus pietatem, ac bonos mores molitur; nam veterum superstitionum ritibus expositis, Religionis Christianae veritas, ac majestas, veluti lux in tenebris magis, magisque elucebit. Ex Aedibus meis Nonis Martiis A. MDCCLXX.

*Jo. Baptista Vicecomes Roman. Antiq. Praefectus.*

**A**Deo nunc obsoleverunt inanes Ethnicorum ritus, & fabulae, ut qui haec ipsa ab oblivione, ac tenebris vindicet, atque eruditorum ingeniis, fideique commendet, nihil omnino sive damni, sive offenculi Christianae Religioni asferre posse, nemo dubitet. Tantum ergo abest, ut Clarissimum Virum Johannem Baptistam Passerium quisquam ob haec ipsa temeratae Religionis infumulet, quod nempe in altero hoc *Etruscarum Picturarum in Vasculis* Volumine antiquam fere omnem Etruscorum *Θγεννάει* tum schematibus ex veteribus archetypis affabre incisis, tum testimoniis ex antiquis Scriptoribus derivatis illustraverit, ac veluti redivivam in medium adduxerit, ut potius ipse summopere commendandus veniat, qui non solum Antiquariam facultatem novis intruxerit praefidiis, novisque ditaverit inventis, verum etiam inter amplissimam praeclarae eruditionis segetem, qua spectandas mentis suae divinationes in tanta rerum incertitudine adeo fulcit, & ornat, ut eas certas, nedum verisimiles faciat, ac quaslibet etiam mutas figuras veluti loquentes inducat, veterum simul Christianae Religionis Apologistarum testimonia, quibus Idolorum ridetur omne genus, opportune in rem suam ut plurimum provocet, ipsaque Etruscorum *μυστήρια* ex deturpatis, contortisque Divinae Revelationis placitis, praesertim in Dissertatione, quae est de *Arcana Etruscorum Philosophia*, procusa contendat. Quare etsi ego non is sim, qui rem prelo dignam calculo meo digniorem faciam, tamen si quid ego sum ex opinione Rm̃i Patris Thomae Augustini Ricchini Sacri Palatii Apostolici Magistri, qui Volumen hoc pro sua auctoritate censurae meae subjiendum voluit, idem dignissimum publica eruditorum luce ipse etiam existimo. Dabam ex Aedibus meis a. d. XII. Kal. Martias Anno Gratiae MDCCLXX.

*Johannes Christophorus Amadutius Publicus Linguae Graecae Professor  
in Archigymnasio Romanae Sapientiae, & Praefes Typographiae  
Sacrae Congregationis de Propaganda Fide.*



I M P R I M A T U R ,

Si videbitur Reverendissimo Patri Sacri Palatii Aposto-  
lici Magistro .

*D. Jordanus Patriarch. Antioch. Vicesgerens .*



I M P R I M A T U R .

Fr. Thomas Augustinus Ricchinius Ord. Praedicatorum  
Sacri Palatii Apostolici Magister .



JOH. BAPTISTAE PASSERII

P I S A U R E N S I S

T R A C T A T U S

P R A E L I M I N A R E S

IN PICTURAS ETRUSCORUM

I N V A S C U L I S

- I. De Arcana Etruscorum Philosophia Differtatio.
- II. De Musica Etruscorum Differtatio.







# JOH. BAPTISTAE PASSERII

P I S A U R E N S I S

DE ARCANA ETRUSCORUM PHILOSOPHIA

D I S S E R T A T I O.

S Y N O P S I S C A P I T U M.

**O** I. Cœcitas scribendi.

II. Philosophia apud Etruscos maxime culta.

III. Arcana Thufcorum Philosophia. Deum unicum admittebat.

IV. Vera Dei cognitio Arcana ab Etruscis diffusa in Romanos etiam antiquitus.

V. Sapientiores Etruscorum præter Religionem naturalem necessario agnoverunt, & admiserunt etiam Religionem revelatam.

VI. Quamquam unici, & æterni Dei cultores essent Etrusci, aliquam tamen in Deo generationem esse agnoverunt.

VII. Integrior Etruscorum disciplina, a Deo formatum fuisse hominem ex luto affirmabat.

VIII. Conditionem naturæ lapsæ, ejusque detrimenta cognoverunt Sapientiores Etrusci, non tantum ex ratione, verum etiam ex traditione Fidei revelatæ.

IX. De opinione Etruscorum circa Genios.

X. Pravorum Angelorum supplicium Etruscis notum.

XI. Animæ immortalitas constantissime ab Etruscis adserta.

XII. Apotheosis ab Etruscis Philosophis constanter admissa.

XIII. Arcana Etruscorum Philosophia transmigrationem animarum admittere non potuit.

XIV. Supplicia æterna malis imminere post mortem putabant Etrusci.

XV.



## SYNOPSIS CAPITUM.

## X V.

Etruscorum traditio circa poenas leviorum criminum .

## X VI.

Quæ fuerit sententia Etruscorum circa Fatum .

## X V I I.

Etruscorum opinio circa Deos Manes , & Lares .

## X V I I I.

Quid sensierint Etrusci circa Sacrificia funebria .

## X I X.

Arcana Etruscorum Philosophia circa originem Mundi , & ejus exitum .

## X X.

Loca indicantur , ex quibus confirmatio præcedentium petenda est .





PANORMI IN MUS. NOB. VIRI IGNATII PATERNO BISCHERIAE PRINCIPIS.

JOH. BAPTISTAE PASSERII  
PISAURENSIS

DE ARCANA ETRUSCORUM PHILOSOPHIA

AD EMINENTISSIMUM, ET REVERENDISSIMUM DOMINUM

D. JOH. FRANCISCUM STUPPANUM

S. R. E. CARD., ET EPISCOPUM PRAENESTINUM

DISSERTATIO.



Uum multi  
hac ætate  
fuerint præ-  
stantes Viri,  
qui in vete-  
rum Etrusco-  
rum Philoso-

ram me quoque meam in idem ne-  
gotium conferre jubes, STUPPANI  
CARDINALIS AMPLISSIME ,  
quam dudum , Te monente , præ-  
paraveram in felici illo Tuo contu-  
bernio , seu potius perenni Acade-  
mia . Cum enim inter pericula hu-  
jus sæculi fluctuantis in tanta opi-  
nionum contentione versentur inge-  
nia , omnibus id , quod mirabilius  
sit , adfectantibus , felici paucorum  
exitu , multorum vero luctuoso (nam  
quod sanctius est , ipsa religio ten-  
tatur) provide monebas , eo omnium

studia

phiam indagandam operam contu-  
lerunt , Jacobus Brukerus mihi ,  
dum vixit , benevolentia conjun-  
ctissimus , Johannes Maria Lampri-  
dius , & Agathopistus Chromatia-  
nus Vir Religiosissimus , & omni-  
gena eruditione refertus , tesse-



studia dirigi oportere, ex quo Pietas, ad quam fovendam nati sumus, fulciatur. Est enim quædam adfinitas inter humana, divinaque studia, qua se invicem complectuntur, atque ad eundem finem ordinantur. Cum vero inter cetera, quæ Tuo sub auspicio studia colebantur, Etrusca. Antiquitas tunc renascens potissime tractaretur, dicere solebas, id præcipue curandum, ut ex tantis, tamque illustribus monumentis, quibus sese in lucem sæculi exposuit, ea potissimum excolerentur, quæ Majorum exemplo ad bonos mores promovendos contulissent. Quid ni, cum Mediolanenses Tui Etruscæ originis gloriantur, quam ex Etruria primitiva diffusam Insubria omnis, & regio Padana in sinu complexa est, atque amplificavit? Nec inaniter auspicabaris, multa exinde erui posse ex vestigiis hujusce Nationis, quam omnium tunc temporis cultissimam esse non dubitabas, e quibus revelatae Religionis a primis usque Parentibus transmissæ, atque secum in Italiam traductæ argumentum aliquod profiliret, quod incredulis hujus temporis objici potuisset, ut detrectantibus sacra, etiam profana obtruderemus. Quid enim deterius hac ætate privato homine, qui, nullo auctore, religionem, si

quam habet, sibi componat legislator, & judex?

Hæc mecum animo volvens, diuque in hisce monumentis enarandis versatus universa feligenda censui, quæ ad evidentiam demonstrarent, fuisse inter Etruscos præter ludicra illa haruspiciæ studia, quæ vel ex ipsis sapientiores de, riderent, scholam aliquam seclusam, nec multitudini perviam, in qua, dum multitudo declinaret in fabulas, Arcana quædam doctrina a primis usque Parentibus propagata custodiretur, & litteris mandaretur, quæ deinde apud Romanos perveniret, nec in pretio esset, nisi cum, subodoratis Moyseis libris, ac coruscante ex eis veritate, Deorum Religio conclamaretur. Quam enim fidem præbuissem in nobilissima hac Natione cordati viri, ac sapientiores novis in diem erumpentibus caeremoniis, ac Diis barbaris, quam, quaeso, Orpheo, ac Lino, ac similibus circulatoribus, quorum doctrinam nihil commendabat, nisi obscuritas, & arcana quædam loquendi ratio, quam neque intelligerent, qui illam proferrent? Quis non derideret primogenitum illud Chaos Hesiodi, unde Diï nati sunt, ut aliquando foecundum esset, quod nihil erat, nullaque mens esset, quæ tantam rerum molem

molem ordinaret? Nec Chao Deorum creatore meliores erant homines, qui mortuos consecrarent, eosque probrosissimos, a quorum cultu se penitus abdicavit Arcana Etruscorum Schola, quæ Jovem vulgi omnino repudiavit, alterum sibi Numen, quod a Majoribus exceperat, venerandum sibi constituens, quod & monumentis, & veterum testimoniis per singulas Religionis partes excurrens in medium proferre non dubitabo, ut in tanta erroris colluvie, quæ ipsam quoque Etruriam invaserat, aliquos semper veritatis tenacissimos, quamquam paucos, & fere taciturnos, fuisse cognoscamus. An id ex voto successerit, rectius judicabis, **CARDINALIS SAPIENTISSIME;** mihi profecto blandior, etsi inaniter, in re tamen gravi, operam quamcumque meam impendisse.

C A P. I I.

*Philosophia apud Etruscos maxime culta.*

**P**hilosophiam apud Etruscos præter ceteros tunc populos maxime floruisse, multa nobis persuadent; origo in primis, cum ex Oriente Nationem hanc recta via ad nos pervenisse, melioribus argumentis

*Tom. II.*

teneamus. Scio quidem esse, qui credant, populum hunc ex interiore Germania erupisse primum, ac tenuisse Padanam Regionem, ubi hæc scribo. Ast quamam via? Num Populus ille per Asiæ deserta ex Armenia Scythiam totam peragravit, ut Italiam occuparet? Repugnant quidem huic opinioni qua Græcorum, qua Latinorum testimonia, qui Etruriam sub Appenninis in duodecim urbes divisam, serius tamen, exuberante numero, in Padanam Regionem descendisse tradiderunt, totidem ibi constitutis coloniis, quot capita erant urbium, quarum Princeps Bononia esset, quam Felisnam dixerunt a nomine Vulsinensium, qui primas in veteri Etruria obtinebant. Maxima Græcæ Linguae antiquioris vestigia, quæ in Etrusca observantur, nil Celticum præferunt, & hujus populi exquisitissima disciplina a primis usque temporibus propagata, nihil Scythicum redolet, præsertim vero Philosophia, cujus vestigia ordinamus. Sub inlustri hoc nomine nihil intelligimus, nisi quamdam loquelam animæ rationalis, ad felicitatem invitantis, nemini subtraham, ut nulla umquam fuerit tam barbara natio, quæ ex eo fonte aliquam sibi regulam non instituerit ad sui custodiam, & societatis. Si mo-

c

res,



res , si leges , si foedera , aut hominum in unum convenientium confortia inspiciamus , omnia completur Philosophia , quam , veluti humanitatis normam , adpellamus Sapientiam . Hæc famula Religionis unica ubique esse debuisset , quemadmodum unica omnibus populis lex a Deo est constituta , eaque tam æqua , tam placida , ut nullum aeris , & climatis discrimen exsecutioni , & obedientiæ repugnaret . Hominum tamen depravata indoles utramque eousque perturbavit , ut fingeret laborem in præcepto . Hinc deridemus in Philosophia nova semper monstra pro climatis varietate ; deploramus vero in Religione , multis contra facientibus , & docentibus , quos penitus exsecramur .

Ad corrumpendam igitur Philosophiam potissimum contulit diversitas Caeli laxioris , sive rigidioris pro diversitate organorum , quorum structuram varietas aeris turbat , ut alibi honestum , alibi utile pro fine præscribatur ; itaque pro sui , & societatis custodia alicubi ratio , & æquitas constituitur , alibi rursus ferocia , & immanitas , quemadmodum Gothorum legibus inductum erat , ut controversiæ ferro deciderentur , tamquam interprete Divini iudicii , cui foret adquiescendum . Hæc , & similia fug-

gerebat Septentrionalibus Populis inclementia climatis ; at contra enerve , & fluxum apud Meridionales , quidquid erat Philosophiæ , sedentaria contemplatione arcanis involvabatur , unde aenigmata , & parabolæ processerunt , tormenta ingeniorum , quæ maiestatem ex sola obscuritate adstruebant . Inter omnes vero populos semper excelluit temperati climatis disciplina ; nam docilioribus organis animi motus temperabantur , ac mitiora instituta induci solebant , & volucris ingenii audacia æquiori meditatione temperari . Græciam totam in medium adfero sapientum feracissimam , & laudabilem , nisi perennes apud ipsos aemulationes non scientiam magis , quam discordiam produxissent , vitio præcipue poeticae libertatis , qua nihil aptius ad errores obtrudendos in mentibus , quæ novitatem sectantur .

Omnium tamen felicissima sedes ad Philosophiam excolendam fuit Etruria nostra , quam nec truces Scythæ , nec elanguidi Orientales , nec Poetae nebulones præceptis perturbabant sub benigno Caelo , natura donis suis obsequente , ac diuturnissimo simul , atque æquissimo Imperio fulgentem , ubi securis privatorum dominiis cives quieti alebantur , acres ingenio , maxi-

# DISSERTATIO.

xv

maxime industres , simulque urbani , & quod caput est , proclivissimi ad pietatem , quæ omnia ad moderate philosophandum incitabant , atque excolendum tria potissima hominum officia in Deum , uti principium , & finem actionum , in Societatem ad publicum bonum , & demum erga Individuum ad recte , honesteque vivendum .

Id vero nomen Philosophiæ , si indiscretum sumatur , multis , ac maximis contradictionibus obnoxium erit . Oportet enim Popularem Philosophiam sejungere ab Arcana , de qua tantum pro nostro instituto erit differendum ; multa enim de priore jactantur , quæ principiis alterius severioris , ac penitus sobriæ de directo repugnant . Qui enim sapientiores legem naturæ sanctius colerent , & sincerioribus traditionibus a primis usque temporibus transfusis inhaerent , simulque selectissimis ex populo communicarent , cujusmodi semper in omni natione exstiterunt , fabulas , divinationes , oracula , & auguria inridebant , quemadmodum de Cætone notat Cicero de Divinat. Lib. II. Cap. XXIV: *Vetus autem illud Cætonis admodum scitum est ; qui mirari se ajebat , quod non rideret baruspex , baruspiceem cum vidisset ; & de Cicerone ipso Divus Augustinus*

*de Civit. Dei Lib. IV. cap. 30: Cicero Augur irridet auguria , & reprehendit homines corvi , & corniculæ vocibus , vitæ consilia moderantes.* At multo his plures recenset Clemens Alexandr. Stromat. Lib. V. , quos in ipsa densiore erroris caligine superna lux inlustraverat , ut vanitatem Polytheismi penitus , palamve reprobaverint adferendo , Deum nisi unum esse non posse . Periculosum id , multisque sapientibus fatale fuit , ut qui pari dono dignati essent , illud intra conscientiae limites retinerent , & vix inter intimos conferrent , ut de Varrone idem Augustinus de Civ. Dei Lib. IV. cap. 31: *De Religionibus loquens multa dixit esse vera , quæ non modo vulgo scire non sit utile , sed etiam , tametsi falsa sint , aliter extimare populum expedit . . . .* Dicit etiam idem Auctor acutissimus , atque doctissimus , quod hi soli ei videantur animadvertisse , quid esset Deus , qui crediderunt , eum esse animam motu , ac ratione Mundum gubernantem , . . . . *cujus sententiae suae testem adhibet inter cetera etiam Gentem Judaeam.* Ecce nunc apud omnes fere populos introducta secreta illa , atque Arcana Philosophia , quam sapientiores silentio premebant , ne sibi , & quieti publicæ novitate offecissent .



Pictores vero, & Sculptores, qui alterutram sententiam tenerent, seu etiam alienæ deservirent, maxima libertate universis obsequabantur, nullo contradicte, ubi nullus adfector insurgeret, cum singulae disciplinae praesertim abstrusiores propria taciturnitate, & ceterorum ignoratione tuerentur. Nec de Sculpturis, aut Picturis admodum solliciti fuerunt Etrusci; nam in exprimendis Bacchanaliorum secretis, ceteroquin ineffabilibus, fuerunt maxime liberales, adeout conlatis simul, & ordinatis Picturis ad ea pertinentibus (quod Tomo sequente præstare constituimus) arcanum omne proditum videatur, cum potissime haec opera fere omnia non publicae luci, sed tenebris sepulcrorum adjudicarentur.

## C A P. III.

*Arcana Thufcorum Philosophia Deum unicum admittebat.*

**A**ntiquissima omnium Occidentalium Nationum Etrusca sive ex benignitate ingenii, seu potius ex traditione a Majoribus accepta, & fidelius conservata unum omnino Deum univerforum conditorem, rectorem super omnia perfectissimum, atque iustissimum esse cre-

debat, aeternum, atque immortalem; nec fieri potuisse, ut alios aequales sibi condidisset, ipsosque foecundos, quibuscum potestas divideretur, aut contenderetur. Hanc vero tam sublimem cognitionem non Graecis, sed sibimetipsis debuerunt Etrusci; nam Graecia tota expulsa, nihil antiquius, aut solemnius acceptum est, quam Hesiodi doctrina in ejus Theogonia V. 116.:

\*Η τοι μὲν πρῶτις αὖ καὶ γένετ' αὐτὰς ἔπατα

Γαί' εὐρύς ἐστιν . . . . .

\*Ηδ' Ἐρῆ, ὅς καλλις ἐν ἀθανάτοισι θεοῖσι.

. . . . .

Ἐκ καὶ δ' Ἐρεβός τε, μελανά τε Νύξ ἐγένοντο.

. . . . .

Γαῖα δέ τοι πρῶτον μὲν ἐγένετο ἴσον ἑαυτῇ

Οὐρανὸν ἀσπερόν, ἵνα μιν περὶ πάντα καλύπτοι.

*Primum quidem omnium Chaos fuit, & deinde*

*Tellus lato pectore praedita . . . .*

. . . . .

*Atque Amor, qui pulcherrimus inter immortales Deos;*

. . . . .

*Ex Chao vero Erebusque, nigraque Nox editi sunt.*

. . . . .

Ter-

*Terra vero primum genuit parem  
sibi*

*Caelum, stellis ornatum, ut ipsam  
totam obtegeret.*

Quis vero adquiesceret doctrinae tam turbidae, ac repugnanti? Si Chaos erat Deus, sese distraxit in partes, & in alia corpora degeneravit, unico tantum nomine, sed inani, praeservato. Si non Deus, iners perpetuo in aeternum permansisset, ut recte arguit Hebraeorum superioris aetatis eruditissimus Isaac Cardosus in postremo suo de Philosophia libera tractatu, ubi totus est in Unitate Dei vindicanda, non sine tamen Judaica perfidia, ut videatur excludere, quod Unitati erat adjungendum. Quid igitur Chaos nec Deus, nec Materia? Ergo nil aliud, nisi massa informis a Deo creata, & nutu mentis adorandae in machinam perfectissimam ordinata? Deum hunc inquirentibus obcurrit Orpheus producens ΠΡΩΤΟΝΟΝ ex semetipso existentem, hoc est aeternum, tantae machinationis capacem, quamquam illum tanta caligine involvat, sive ex industria, aut ex ignoratione, ut quod reliquum est, nusquam ex ejus descriptione eruatur. Ulterius itaque progrediendum erat Sapientibus nostris, ut meliora perciperent: perquirenda nempe patrum

suorum traditio, in qua Deum unicum ex seipso existentem ab aeterno, sed sine nomine invenerunt.

Intonuit tandem toti fere Europae circa annum Mundi MMCCCCL., Deum hunc vere primigenium sese manifestasse in Aegypto, Nomenque suum portentis terribilibus confirmasse. Erat tunc ea regio, sicuti omnium potentissima, ita & arbitra Religionum, veluti quae Deos exfules olim servasset in gremio, eorumque nomina prodidisset. Herodotus Lib. II: Δυσθελντε θεῶν ἐπαυ-  
μίας ἔλεγον πρώτους Αἰγυπτίους νομίσαι,  
καὶ Ἕλληνας παρὰ σφέων ἀναλαβῆναι. βαμνός  
τε καὶ ἀγάλματα καὶ ἱεροὺς θεοῖσι ἀπονῆμαι  
σφέας πρώτους. *Aegyptios quoque pri-  
mos duodecim Deorum cognomina in  
usu habuisse, & ab illis Graecos  
fuisse mutuatos; item primos Diis  
& aras, & simulacra, & delubra  
statuisse.* Illuc ergo festinarunt Po-  
puli, ut Nomen potentissimi hujus  
Dei, qui solus, aeternusque esset,  
intelligerent, quod non Hebraeis  
tantum manifestatum fuerat, sed  
Aegyptiis, ut Exodi cap. III. 14.,  
& V. 5: *Post haec ingressi sunt  
Moyse, & Aaron, & dixerunt  
Pharaoni: haec dicit Jehovah Deus  
Israel.* Quod nomen deducitur ab  
יהוה *hajah* nempe esse, ac si  
antonomastice dicatur *existens*, aut  
omni-



omnibus tribuens essentiam . Id vero nomen tanto adparatu prodigiorum ubique vulgatum apud gentes , turpiter Filio Saturni adtributum fuisse , censet Concivis meus Augustinus Steuchius *de Peren. Philosophia* Lib. III. cap. 18: *Quod cum esset ( Jehovah ) nomen summi, & singularis Dei, adtributum est postea homini nefario filio Saturni, & vocavit Deum, nomine scilicet divini summo, quo passim apud Antiquos vocabatur Deus, sicut Dios, & zeús apud Graecos, etiam hac ratione docemur unum singularem Deum ipsos confiteri: & rursus: Vult igitur Plato, Jovem dictum esse Zena a Graeco Zen vivere, quemadmodum scimus ab essendo vocatum Hebraice Jehovah, qui forte est JOVES. Agnoscunt igitur eundem esse Jovem, atque Deum. Qui dictus est AB ETRUSCIS, quorum sermo, atque litterae fuerunt Hebraicae, nomine Hebraico JOVES. Hic notandum, Steuchium nostrum nomen id desumpsisse ex Tabulis Eugubinis latino charactere scriptis; nam in ceteris, quae Etruscis notis exaratae sunt, semper legitur Juvē, & Juvies. Idem Auctor lib. VI. cap. 13. ita sententiam hanc firmat: Sequiturque, Jovem apud antiquissimos Graecos, Latinosque fuisse nomen sempiterni Dei; & idem Augustinus lib. XIX. cap. 22. verum,*

& unicum Deum describens: *Ipse est Deus, quem Varro doctissimus Romanorum Jovem putat, ... hunc enim eum esse credidit, quem summum putavit Deum. Id dudum innueram in libello de Hebraismo Aegyptiorum, & in meis in Dempsterium de Etrur. Reg. Paralipomenis, signanter vero in Epistolis Roncaliensibus, quibus nuper adcessit auctoritas Cl. Comitis Carlii in Hesiodum pag. 87: La qual voce di Jovia mi ricorda il Jehovah degli Ebrei.*

Anno igitur indicato ante Christum natum MDLXVIII., & propterea diu ante Romam conditam vulgato Dei nomine ineffabili Judaeis, Aegyptiis, Afris, Palaestinis, ac Graecis, qui assidue in Aegyptum navigabant, & quos latere non poterant flagella, caedes, & naufragium illius populi, diffugiumque Hebraeorum cum causis tantae calamitatis, mirum quidem, nullos sive odio, sive terrore nomen illud in Patriam adtulisse, nisi solos Etruscos, qui regionem illam navigationibus frequentabant, illudque mordicus retinuisse, ac diu post cum finitimis Latinis communicasse. Id audacter adferimus, ex quo antiquior hujus nominis mentio in Tabulis nostris Eugubinis inscriptum videatur *Juve, Juvī, Juvie, Jovies, Jovie, Jovī, Juvia, Juvepatre &c;* nec

nec enim aliud antiquius monumētum habemus , in quo Jovis nomen scriptum inveniatur ; quod nomen , ut supra diximus , derivatum a יהוה *Jehovah* , Etrusci a Graecis excipere non potuerunt , quibus omnino fuit ignotum . Accepta ergo ab Etruscis vera hujus nominis significatione , illam fere aequivalentibus epithetis cumularunt , quae ex iisdem Tabulis Eugubinis eruuntur , quae in nostris Paralipomenis in Dempsterii Etruriam Regalem diffuse exposuimus . Huc spectat VNTEBE ab *Ἐπει sum* , unde *ὄντῃ* *existens* , synonymon nominis ineffabilis , de quo Divus Dionysius Areopagita , vel quilibet alius Auctor Libri *de divinis nominibus* , & Steuchius meus Lib. I. cap. 28. , & Lib. III. cap. 7. , quod etiam praemisimus in Supplementis ad Thesaurum Diptycorum ad Tab. III. , & in Tractatu de Diis Iguvinorum inter praefata nostra Paralipomena ex pag. 240. Dicitur AKERUNIE , & AKERUNIAMEM a voce *Cerus* , nempe Creator . Huc pertinet & ACERSONIUS . Tum SERFE idem est , ac Servator . FOSSEI a φῶς *lumen* , quasi auctor lucis . GRABOVEI , hoc est potentissimus . NERF Deus fortis . OSE Sanctus . PRESTOTA , videlicet beneficus . RESTATU expiator , & misericors . SANSIE

Sanctus . SITIR , & ANSIHITIR Soter , Servator , & Superfervator , seu dupliciter Servator . TUSE , quasi Tyfius a *θυς* , ac si dicas excellenter sacer . TURSITU , veluti Turius bellator , ac Deus exercituum . His adjicias epitheta terribilia Ultoris malorum , Feritoris , & Vindicis , quae ubique obcurrunt in iisdem Tabulis , & optime congruunt cum notione perfectissima Dei , quo emphatici Ethnicorum Poetae numquam adcesserunt . Imo vides heic adumbrata ab Etruscis decem Dei Nomina , Dei fortis , Dei exercituum , Excelsi , Dominatoris , Ex se existentis , Omnipotentis , Sancti , Misericordis , seu Expiatoris , & Creatoris .

Ne vero videamur plus aequo Etruscis nostris tribuisse , unius aeterni , ac omnipotentis Dei cognitionem illis adferentes , Patrum universorum , qui pro Christiana Religione certarunt , testimonia adducere , quibus clare evincitur , apud omnes fere populos sapientiores existisse , qui non obscure veritatem hanc faterentur ; sed unus adfertioni nostrae prae cunctis opituletur Divus Paullus in Epist. I. ad Romanos cap. 1. 20. loquens de his , qui inter densissimas Idololatriae tenebras versabantur : *Deus enim illis manifestavit ; invisibilia enim ipsius a crea-*



a creatura Mundi per ea, quae facta sunt, intellecta conspiciuntur, sempiterna quoque ejus virtus, & divinitas, ita ut sint inexcusabiles, quia cum cognovissent Deum, non sicut Deum glorificaverunt, aut gratias egerunt, sed evanuerunt in cogitationibus suis. Utinam non otiosa fuisset apud Etruscos haec ingens cognitio, sed quid in privato ipsi fuerint, penitus ignoramus.

## C A P. I V.

*Vera Dei Cognitio Arcana ab  
Etruscis diffusa in Romanos,  
etiam antiquitus.*

Cum inter universas Nationes in tenebris involutas verum Dei Nomen יהוה Jehovah ad solos Etruscos pervenerit, ejusque genuina notio inter selectos sapientes custodiretur, minime mirandum est, ad finitimos Romanos pervenisse, ex quibus paullo ante praesignavimus Varronem, & Ciceronem, quos numquam crediderim fuisse solos, aut primos, silentio historiae in re tam ardua subpressis ceteris. Hanc doctrinam expresse Etruscis adtribuit citatus Steuchius de Perenni Philosoph. Lib. III. cap. 13: Vult igitur Plato Jovem dictum Zena a Greco Zen, vivere, quemadmodum scimus

ab essendo vocatum hebraice Jehovah, qui forte est Joves. Agnoscunt igitur eundem esse Jovem, atque Deum, qui dictus est ab Etruscis nomine hebraico Joves. De hoc ultimo videntur idem Steuchius lib. VI. cap. 2., ubi totus est in Cicerone a polytheismi nota vindicando, & Londinensis nostrae societatis decus Middlethonium in illius vita. Quid ni? testimonia illius sunt apertissima: Deus significatur beatus, & aeternus, ut de Nat. Deor. I. 47. Quanto id Deo est facilius, cujus Numini parent omnia, de Divinat. 202. Deo paret Mundus, & huic obediunt maria, terraeque, & hominum vita jussu supremæ legis obtemperat, de Leg. III. 2. Sed nos Deum nisi sempiternum intelligere qui possumus? de Nat. Deor. I. 19. Ecce jam sublata contentio de elementorum imperio, & fabulae inanum generationum, quae vel ipsis aliquando damnosae exstiterunt. Subrisit seclusa haec Schola Deos vulneratos grandi voce detonasse apud Homerum, nisi Graecorum sapientissimus haec scripisset, ut Nationis suae deliria exprobraret. A disciplina igitur Thufca, ad quam saepissime recurrit Cicero, haec intelligentia emanavit, non vero a Graeca, quam ita expendit in Libris de Nat. Deor., ut veluti disputans illam explodat, ut Dei unius ideam

ideam , quam expresse insinuare , verebatur , quisque sibi mente pura deduceret .

Deorum pluralitatem omnino excludit Plinius lib. II. cap. 7. : *Innumeros quidem credere ( Deos ) majorem ad socordiam adcedit . Fragilis , & laboriosa mortalitas in partes digressi* . Cornelii Taciti religionem ita prodit citatus Cardofus lib. VII. cap. 1. ex Historiarum lib. V. : *Judaei mente sola , unumque Numen intelligunt summum illud , & aeternum , neque mutabile , neque interituum* . Inde deducit , non alium animo , veluti perfectissimum concepisse Virgilium in Urbe Thufca natum , ac proinde patriae scientiae non ignarum , quemadmodum in omni peregrina doctissimum ita sentiisse , seu saltem cognovisse deducit ex pluribus locis idem Cardofus Lib. VII. cap. 6. , & saepe laudatus Steuchius lib. VI. cap. 2. Locum vero Virgilii Aeneid. VI. 724. ita inlustrat Servius : *Ergo Deus est quidam Spiritus divinus , qui per quatuor infusus elementa gignit universa* , de quo etiam videndus Ovidius Metam. I. vers. 21. , ubi Deum omnibus praeexistentem supponit :

*Hanc Deus , & melior litem natura diremit .*

His adcedit Plutarchus , qui Romae instructus , & doctissimorum

hominum consuetudine expolitus animum suum ita aperit in libello de EI inscripto foribus templi Delphici :

Οὐ γὰρ πολλὰ τὸ θεῶν ἔστιν , ὥς ἡμῶν ἕχαστος ἐκ μυρίων διαφορῶν ἐν πάθει γινόμενων , ἀθροισμα πατοδαπὸν καὶ πανηγυρικῶς μεμιγμένον . ἀλλ' ἐν ἑναι δ' αἶ τὸ ὅν , ὥσπερ ὃν τὸ ἔν . ἡ δ' ἐτερότης , διαφορὰ τοῦ ὄντος , αἱ γένεσιν ἐξίσταται τοῦ μὴ ὄντος .

*Non enim multa sunt Numina , sed Unum , non ut unusquisque nostrum congeries ex infinitis , diversissimisque adfectionibus varie commixta quomodo ex omnis generis hominibus solemnes conventus conflantur ; Sed unum oportet esse ID , QUOD EST : & esse id , quod unum dicitur ; nam diversitas cum differentia entis ponitur , jam ad procreandum id , quod non sit , vergit* . Argumentum vero sumere videtur a nomine , quo Etrusci Deum adpellabant formatum ab *existentia* , quod multis paullo ante declarat . Ceterum cum Plutarchus in Graeciam reversus Sacerdotium Apollinis capeßere non dubitaverit , nihil aliud praesumpsisse puto , quam civilem magistraturam . Quae vero summi isti viri , veluti musitantes , & quasi dissimulantes expresserunt , ne multitudinem adversus se concitarent , Seneca libertate Palatina multis in locis apertissime declaravit , nonnisi unum , perfectissimumque , licet



invisum plebi, Deum esse non posse, quod a Thuscorum libris haurire poterat, unde universa religio excepta erat, ut testatur Valerius Max. lib. I. cap. 1.: *Tantum autem studium antiquis non solum observandae, vel etiam amplificandae Religionis fuit, ut florentissima tum, & opulentissima Civitate decem Principum Filii Senatus Consulto singulis Etruriae Populis percipiendae sacrorum disciplinae gratia traderentur, & paucis interjectis: Majores nostri statas, solemnes caeremonias, Pontificum scientia, Augurum observatione, Etrusca disciplica explicari voluerunt.* Hanc vero, quam exteris palam tradebant scientiam, non arcanam fuisse puto, sed communem, & popularem. Senecam vero auctoritate, quaungebatur, secretiores libros expilasse, ostendit Natur. Quaest. lib. II. cap. 45. aperte declarans, se Jovi Capitolino minimum fidere, sed alium longe diversum vereri, quem ab Etruscis acceperat. Hanc ego Philosophi doctrinam dudum conlegeram a Steuchio meo lib. VI. de Peren. Philosoph. cap. 2., 3., & 4., ubi totus est in Senecae sententia explicanda, praecipue vero cap. 5., ubi ita fatetur: *In quaestionibus igitur lib. II. eundem Etrusci, quem nos, Jovem intelligunt Custodem, Rectoremque*

*universi, animum, ac spiritum Mundi, hujus operis dominum, & artificem, cui nomen ESSE convenit. Vis illum Fatum vocare? non errabis.... Vis illum Providentiam dicere? recte dicis.... Vis illum Naturam vocare? non peccabis.... Vis illum vocare Mundum? non falleris.* Sed integrum Senecae locum producendum est, quo Jupiter Capitolinus auctoritate Thuscorum, & ipsius Senecae e rupe Tarpeja deicitur: *Illos vero altissimos viros error iste non tenuit, ut existimarent, Jovem modo levioribus fulminibus, & luforiis uti, sed voluerunt admonere eos, quibus adversus peccata hominum fulminandum est, non eadem modo omnia esse punienda; quaedam frangi debere, quaedam elidi, & distringi, quaedam admoneri..... Nec hoc quidem crediderunt, Jovem, qualem in Capitolio, & in ceteris aedibus colimus, mittere manu fulmina, sed eundem, quem nos, JOVEM intelligunt custodem, rectoremque universi, animum, ac spiritum, mundani hujus operis dominum, & artificem, cui nomen omne convenit. Vis illum Fatum vocare? non errabis, Hic est, ex quo suspensa sunt omnia, causa causarum. Vis illum Providentiam dicere? recte dicis. Est enim, cujus consilio huic Mundo providetur, ut inconfusus eat, & actus suos explicet.*

*plicet . Vis illum Naturam vocare ? non peccabis . Est enim , ex quo nata sunt omnia , cujus spiritu vivimus . Vis illum vocare Mundum ? non falleris . Ipse enim est totum , quod vides , totum suis partibus inditus , & se sustinens vi sua . Idem ETRUSCIS quoque visum est , & ideo fulmina a Jove mitti dixerunt , quia sine illo nihil geritur . Quo testimonio nil praeclarius expectari poterat ab ipsa Neronis Aula ad sententiam nostram confirmandam , nempe Arcanam Etruscorum Philosophiam de Unitate Dei ad Romanos aliquando fuisse transfusam , quod totum sperandum erat in maxima erroris colluvie , Paullo nondum cetera revelante .*

## C A P . V.

*Sapientiores Etrusci praeter Religionem Naturalem necessario agnovērunt , & admiserunt etiam Religionem revelatam .*

**D**E moribus Populorum , qui jam longa aetate esse desierunt , non facile judicamus , cum illorum mentem , atque propositum vix , aut vix adsequi valeamus ; quapropter de illorum institutis bene , aut male pro nostri ingenii ductu judicamus . Unicum nobis

Tom. II.

subsidium quaerendum superest a notitia originis illarum Gentium , in qua si quid certi nobis reservatum est , non inani judicio a Parentum institutis ad descendentium mores indagandos progredimur .

Quae fuerit origo Etruscorum , lite numquam decidenda disputatur inter eruditos . Mihi vero semper adrisit opinio , Italiam nostram , ubi primum ex aquis adparuit ( nam diu Pelago obruta est post Diluvium , donec Abyla , & Calpe redundantis Maris nostri abyssum in Oceanum effuderint ) ubi primum , inquam , adparuit a Chetim Noe Pronepote sibi fuisse adquisitam : ( Littera Hebraica habet **כִּיִּם** *Chittim* , ) nam a Noe prognatus est Japhet , cujus filius Javan genuit Elisa , Tharsis , Chittim , & Dodanim ; ab his derivatae sunt Insulae Gentium in Regionibus suis , unusquisque secundum linguam suam & familias suas in Regionibus suis , ut in Genes. X. Javan Graeciam occupavit , quae ab illo nomen fortita est in Scripturis Sanctis , quemadmodum a Chittim dicta est Italia apud Hebraeos , ut notat D. Hieronymus : num. XXIV. 24.

Cum ergo ex tam puro fonte prima haec , & princeps Colonia in Italiam deducta est , & signanter in Etruriam , quae prima habi-



tari coepit, (nam ceterae Urbes a Campania, & infra a Graecorum Coloniis longe post deductis frequentari coeperunt, servato Etruscis primatu) nil mirum, multa sibi de traditione Patrum retinuisse, quae nonnisi a fide revelata in posteros transmitti poterant, & fideliter conservari. Quamquam enim humana levitate, & commercio cum populis corruptissimis haec Fidei hereditas sensim deformaretur, tamen Etrusca Natio omnium illius temporis cultissima, atque castigatissima notas plurimas primaevae Religionis in aliqua semper Schola tenacissime, & cautissime conservavit, in qua, licet rari, sed sapientissimi instruerentur.

Hinc dogma illud praecipuum Unitatis, atque Aeternitatis Dei arcessendum est; quamquam enim humanae rationi concessum sit ad hanc veritatem pervenire, attamen maxime dubito, mentes, nonnisi purissimas, atque castissimas, quae ea aetate rarae admodum erant, tam grande donum multitudini hominum omnino obpositum consequi potuisse.

Ad eundem fontem refero creationem Angelorum, quos ipsi Genios vocabant, & impensissime colebant, & in omnibus suis actionibus, veluti Praefides, & Custodes,

inferere solebant, ut clare liquet ex tota praesenti hac collectione. Medios illos reputabant inter Deum, & homines Creaturarum omnium custodiae deputatos, qui mortalium vota, sacrificia, & bene facta Deo exponerent, ut vice bonorum operum fausta omnia, & felicia hominibus a Deo reportarent. De his videndus Tractatus noster de Cultu Genii in Musei Etrusci Tom. III.

Aliquos ex iis Deo repugnantes, & illius summae gloriae invidentes, malae mentis, & hominibus infestissimos agnoverunt, quos deinde fabulae in Gigantes, & Titanas deformarunt, in poenam rebellionis detrusos in Tartarum. Vide notas in has Picturas Etruscas Tabul. LVIII., & LIX., & in nostris Supplementis ad Tom. III. Mus. Etrus. Tab. XXV. Haec notitia, quam in divinis Scripturis subinde productis raram, & subobscuram habemus, Etrusci, nonnisi ex traditione Fidei revelatae, desumere potuerunt.

Vitam omnino beatam, eamque aeternam fervari in Caelis his omnibus, qui iuste, & pie vixissent, firmiter crediderunt; poenas vero aeternas, ac faevissimas malis, quidquid ceteri hominum putavissent circa immortalitatem animae, aut virtutem vitii deturpatam. De hoc argumento consule nostrum Acheront-

ronticum, & praecipue de mortuis inter Deos referendis, & quae infra paravimus ad Tom. III. Picturarum Etruscarum circa finem.

Inter crimina gradum quemdam agnoverunt majoris, aut minoris malitiae, ut alia aeternum, alia vero temporarium supplicium paterentur obnoxii. Vide Dempsterium, & adnotationes nostras ad has Picturas, ubi incidit sermo de Balneis, & Lavacris purificatoriis ante Nuptias, & sumptionem Togae Virilis, in Tomo praecedenti, & alibi.

Peccata omnia expiari quodammodo posse in hac vita per aliquod poenitentiae genus reputabant, & statas caeremonias, & purgationes, etiam atrociore pro modo culpa. Vide Gorium Mus. Etrusc. Tom. I. Tab. CLXXIII., rursusque in Tomo III. nostrarum Picturarum circa finem.

Suffragia pro mortuis utilia praedicabant, dum minori labe contaminati excessissent, ita ut viventes pro mortuis debita exsolverent, ut istorum supplicia mitigarentur, aut cessarent. De hoc argumento plurima dicenda erunt, & monumentis confirmanda in sequenti Tomo III., ubi de funebribus sacrificiis sermo erit.

Sacrificia cruenta, nonnisi ex Di-

vina revelatione, ejusque praescriptione ante, & post Diluvium intelligere potuerunt, quamquam superstitio succrescens, & fabulae omnia ubique depravaverint.

Traditio de Resurrectione Mortuorum omnino adversa doctrinae transmigrationis, non nisi a lege revelata, deduci poterat. De hoc argumento testimonia plura suo loco adferemus.

Exstitisse vero apud plerasque Gentes aliquod lumen scientiae a Deo aliquando revelatae, vel ex hoc intelligimus, quod apud plurimos haec notitia degeneraverit in fycophantiam; unde populorum duces, & regnorum fundatores cum legibus suis auctoritatem conferre vellent, eas caelitus hausas, & a Diis communicatas effutiebant; ut apud Aegyptios, Graecos, aliosque Populos evenisse intelligimus, pronis hominum animis ad ea, quae caelitus dimissa ferebantur. Hinc apud Etruscos etiam (non tamen sobriae disciplinae) cum ad inania Haruspicinae studia plurimi declinassent, vulgo diffusum, Carmentam, Bigoen, & Tagetem leges servandas tradidisse, tamquam a Diis datas circa arborum fulguritarum curam, ceteraque omnia, quae sibi tractu temporis Disciplinae Etruscae nomen sibi vindicarunt; quibus commentis plebeculam



Iam continerent. Ex his vero fallaciis, quas regnandi cupido induxerat, intelligimus, insitam fuisse hominibus opinionem, eamque vehementem de religione aliqua antiquitus revelata, quae sensim obscurabatur, ac hominum vitio degenerabat in fabulas. Haec summatim attingenda censui, ut ex hoc uno specimine intelligamus, qui, & quales fuerint Etrusci nostri, ut ea, quae separatim circa id argumentum infra dicturi sumus, Lectorem magnitudine argumenti non deterreant.

## C A P. V I.

*Quamquam Unici, & Aeterni Dei  
Cultores essent Etrusci, aliquam  
tamen in Deo generationem  
esse, agnoverunt.*

**Q**Uicumque humanae mentis ductu Deum Unicum, Aeternumque concipimus, facillime intellectu adsequimur creationem omnium rerum eidem esse tribuendam, ut nihil omnino sit, quod mirabili ex fonte illius non emanaverit. Ardua tamen captu est illius generatio, quae nobis suggerit productionem omnino paris, & aequalis sibi, quod non nisi ex fide revelationis poterat hominibus patefieri. Adse-

quitur quidem ratio, Deum perpetuo perfectiones suas cognovisse, & cognitae amasse, sed quomodo cognoscendo Parem sibi necessario produxerit, a revelatione declarandum exspectat. Hanc vero generationem adsequutos esse Thufcos, comperimus ex traditione primorum Parentum, quibus tam grande secretum non fuerat ignotum, Deum nempe Prolem unigenitam non creasse, sed generasse ab aeterno. Arcanum id, ut poterant, Sapientissimi Etruscorum in publicum effunderunt, sed plebs corrupta statim fabulis obvelavit, idque tantis ambagibus, ut quidquid erat veritatis, miserrime perderetur.

Quoties igitur Bononiae Pateram Cospianam, Etrusci operis singulare monumentum, manibus versabam, in qua exprimitur Jupiter Minervam e capite effundens, continuo conspicatus sum, aliquid longe eminentius fabella Etruscos in ea adumbrasse. Et revera meditar Orpheum in Hymno Minervae totam Deorum genesim penitus subvertisse, cum ipsam adpellet ΔΙΟΥ ΜΟΥΝΟΓΕΝΗΝ *Jovis unigenitam*:

Παλλὰς μουνογενὴς, μεγάλου Διὸς  
ἔγγονε σεμνή.

*Pallas unigenita magni Jovis filia  
veneranda,*

cum contra, si intendimus fabulis,  
filios

filios ille plurimos procreavit. Subtulit autem dubitationem locus Plutarchi in libro *de Iside, & Osiride*, ubi ex Aegyptiorum sententia nihil sub Minervae nomine intelligendum declaravit, nisi Sapientiam Dei coaeternam, & omnium, quotquot creata sunt, productricem; refert enim inscriptionem Minervae positam in ejus templo apud Aegyptios: *Εγώ εἰμι πᾶν τὸ γεγενῆσθαι, καὶ ὅν, καὶ ἐσόμενον. καὶ τὸν ἐμὸν πέπλον οὐδὲς πωθοντὸς ἀπεκάλυψεν.* Ego sum omne, quod fuit, quod est, quod futurum est. Velum meum nemo mortalium hactenus revelavit. Proclus vero in libro *de Anima, & Daemone* subdit particulam a Plutarcho intermissam in fine, quam sic proferre, deficiente Graeco textu, necesse est: *Quem ego fructum peperī, fuit Sol.* Quod mire congruit cum Salomonis elogio, dum enumerat opera Sapientiae Ecclesiastic. XXIV. 5.: *Ego feci, ut in Caelis oriretur lumen indeficiens, & sicut nebula texi omnem terram.* Vides igitur, quid in ea sculptura intellexerint Etrusci, quamquam sub velamine fabulae, cum nihil ultra apud vulgus panderetur, quam generatio quaedam aeterna: *Εγώ εἰμι πᾶν τὸ γεγενῆσθαι, ego sum omne, quod fuit; semper duratura: καὶ ἐσόμενον, & quod futurum est;* demum omnia perspiciciens in toto

eo, quod ὅν audit, scilicet *quod est*, ut nihil aliud huic simile a Jove creatum sit, quam *Παλλὰς μουνογενής, Pallas unigenita.*

Quod vero sub nomine Jovis, alibi demonstravimus, nihil a principio sapientes intellexerint, quam Deum unicum increatum, atque omnium factorem saepe argumentis demonstravimus. Obcurrit vero in praesentia testimonium Apostoli Pauli Actorum XXVII. 28., ubi citat locum Arati in princip. Phaenomenon:

*Πάντη δὲ Διὶ καὶ καὶ ἡμεῖς πάντες: τοῦ γὰρ ὃ γένος ἐσμὲν.*

*ubique autem Jove indigemus omnes:*

*Hujus etenim genus sumus.*

Paullus vero hunc textum adducens Jovem Διὸν manifestissime Deum interpretatur: *In ipso enim vivimus, & movemur, & sumus, sicut & quidam vestrorum Poetarum dixerunt, ipsius enim & genus sumus. Genus ergo cum sumus Dei, non debemus aestimare auro, & argento, aut lapidi, sculpturae artis, & cogitationis hominis divinum esse simile.* Cum ergo Dei magnalia ab initio sincere culta sub nomine Jovis, si ve, ut innuimus, *יהוה Jehovah*, diffusa sint in populum joculariorem, & fabulis redundantem, mirandum non est, aliquid de Divina generatione



tione sensisse, eaque aeterna, & in aeternum manfura. Nec enim Dei cogitatio similis est humanae, cum cogitans semper producat, & qui ab aeterno semper cogitavit, aliquid ab aeterno cogitatione generaverit. Ipsum nomen Minervae Etruscis tantum intellectum nil aliud significat, quam ΜΕΝΟΣ *animus*, & revera Etruscis semper dicitur ΜΕΝΕΡΝΑ sub forma derivativi, quemadmodum a ΚΕΡΑΣ *Cerva*, & alia huiusmodi. Latini vero ex ΜΕΝΟΣ *Mentem* deduxerunt, ut ex Nunnescio ostendit Vossius. Sit Animus, sit Mens, sit Cognitio, sit Effatum Dei (nam proprio vocabulo uti non audeo) haec est illa Cognitio perfectissima sui, sine qua Deus numquam esse potest.

## CAP. VII.

*Integrior Etruscorum Disciplina a Deo formatum fuisse hominem ex luto affirmabat.*

**D**educta ex primis purissimis fontibus traditione, eaque diligenter ab Etruscis custodita circa Divina adtributa, & opera illius speciosiora, Deum formasse hominem ex luto, firmiter reputabant. Pudeat Aegyptios illum ex putri eduxisse, quale probrum nec ver-

mibus imputamus. Nec felicius hariolati sunt aliqui ex Graecis, qui genus humanum imperio subjectum sine origine aeternum fuisse, putaverunt. Luisse vero crediderim, qui tradidere, Deucalionem, & Pyrrham, projectis post tergum lapidibus, labefactatum diluvio genus hominum abundanter reparasse; commentum infelix, quo non historiae tantum, sed & dignitati fabulae detrahatur. Operam vero luisse, credo non eos tantum, qui haec rudibus obtruderunt, sed eos potissime, qui in hisce rugis arcana quaedam altissima doctis viris enucleare conati sunt.

Veritatem adtigerunt Etrusci nostri, quibus firma stetit opinio, Providentiam Dei hominem formasse ex luto, eumque ad imaginem sui, quemadmodum intellexi ex geminis Etruscis lapillis incisis, quorum eçtypa excepi ex schedis Cl. Bonarrotii, eaque in octava Centuria Gemmarum selectissimarum, quae lucem prope diem expectant, redegi, & inlustravi. Sedet in utraque Artifex senex, qui ex luto imposito super arulam hominis simulacrum educit, & stilo perficit ad elegantiam. Inventum utrique idem haud multum discrepantibus lineamentis. Haec expositio ad Mosaiacae historiae veritatem adcedit; nam Prom-

# DISSERTATIO.

XXIX

Prometheus nil, nisi Providentiam nobis obicit, quae Graecis *Προμηθεΐα*. Sub hoc vero adtributo etiam Ethnici Deum intellexerunt, ut ex Cornuto Lactantius lib. II. cap. IX. circa fin.: *Prometheum adpellatam Providentiam animae universalis, quam juniores vocarunt Providentiam*. Quin etiam apud Lucianum in Timone habemus, Deucalionem a Prometheo edoctum arcam sibi fabricasse, in qua cum conjuge diluvii naufragium evaderet, inclusa Columba indice cessationis tam magnae cladis, quae omnia conlimant cum sacra Historia, ex qua instrui-mur, Noe non alio, quam Dei praecepto, haec omnia praestitisse, licet non sine temporum, & personarum perturbatione, quod semper fabulae solemne fuit. Quin etiam fabulam alteram subtexuerunt Prometheo, quod in Caucaſi rupibus supplicio adfectus esset, quod Jovi in sacrificio bovem osseum obtulisset, pinguiore sibi reservato, ut apud Hesiod. Theogon. 536.:

Τότ' ἔπειτα μέγαρ βοῦν πρόσφρονι  
θυμῷ

Δασσάμενθ' προῦθηκε, Διὸς ἰδὼν ἔξα-  
πατίσκων.

Τῷ μὲν γὰρ σάκκας τε καὶ ἔγκατα πύονι  
δημῷ

Ἐν ῥινῷ κατέθηκε, καλύψας γαστέ-  
ρα δ' ἄη.

Tom. II.

Τῷ δ' αὖτ' ὄξέα λευκά βοῦθ' ὀσλήν  
ἐπὶ γέγχρῃ

Εὐθετίσας κατέθηκε, καλύψας ἀργέτι  
δημῷ.

Δὴ τότε μιν προσέειπε πάντῃς αἰδισῶν  
τε, θεῶν τε.

Ἰαπετεονίδῃ, πάντων ἀριθέκῃ ἀνάκτιον,  
ὦ πέπον, ὥς ἔτεροζήλως διεδάσσαο  
μοίσας.

Τὸν δ' αὖτε προσέειπε Προμηθεύς ἄγκυ-  
λοπήτης.

Ζεὺς κύδιζε, μέγιστε θεῶν αἰαγανετάων

Τῶν δ' ἔλευ ὀπποτέρῃν σε ἐνὶ φρεσὶ  
θυμῷ ἀνάγα.

*ibi tum magnum bovem  
prompto animo*

*Divisum proposuit, Jovis mentem  
fallens.*

*Hac enim parte carnesque, & in-  
testina cum pingui adipe*

*In pelle deposuit, tegens ventre  
bovino.*

*In altera rursus ossa alba bovis,  
doloſa arte,*

*Rite disponens, deposuit tegens can-  
dida arvina,*

*Jamque tum ipsum adloquutus est  
Pater hominumque, Deūmque:*

*Japetionida omnium celeberrime  
regum,*

*O amice, quam inique diviſiſti partes!*

*Hunc rursus adloquutus est Prome-  
theus vaſer:*

e

Jupi-



## CAP. VIII.

*Jupiter gloriosissime, maxime Deorum sempiternorum,*

*Harum elige utram te in pectoribus animus jubet.*

Heic siquidem manifeste Caini sacrificium intuemur, ac maledictionem inde illi subsequutam. Recte de hoc Cicero Tusculan. Quaest. lib. V. cap. 3.: *Nec vero Atlas sustinere Caelum, nec Prometheus adfixus Caucaſo, nisi caeleſtium divina cognitio nomen eorum ad errorem fabulae traduxisset. A quibus ducti deinceps omnes, qui in rerum contemplatione studia ponebant, sapientes & habebantur, & nominabantur. Ceterum fabulis omnia turbantibus, ac depravantibus, nihil ultra de Prometheo ex Thuscorum monumentis habemus, nisi formationem hominis ex argilla, & illius supplicium, de quo infra, tum quae produximus ex Cicerone, qui hujus fabulae originem ex Caeleſtium divina cognitione deducit, quam facile ex Etruscis mutuari poterat, unde etiam Ovidius Metam. I. vers. 79., qui pari cognitione fulcitus formationem hominis Deo adtribuit:*

*Ille opifex rerum Mundi melioris origo.*

*Conditionem Naturae lapsae, ejusque detrimenta cognoverunt sapientiores*

*Etrusci non tantum ex ratione, verum etiam ex traditione*

*Fidei revelatae.*

**M**Entem Etruscorum, subtractis eorum libris, non obscure adsequimur a monumentis, quibus doctrinam suam penitiorum ingeniose ad posteros transmiserunt. Doctrina haec plurima fubest fabulae, sive allegoriae Promethei ad pabulum vulturis proprio jecore deputati, ex quo intelligimus fabularum inconstantiam, praesertim longo temporum successu, ut primi, qui Prometheum Dei Creatoris imaginem esse voluerunt, usurpato deinde a successoribus nomine, ad Adam naturae lapsae primum auctorem inconsiderate transtulerint, & supplicio deputaverint, quod hominum mentem depravasset. Utra ex duabus hisce fabulis antiquior sit, ut haec postrema correctae fuerit per alteram superiore loco evolutam, in tanta temporum caligine penitus ignoramus. Ex hoc tamen commento unum id intelligimus, Sapientes Etruscos adtigisse conditionem naturae lapsae non tantum ex ratione, sed etiam ex traditione. Fidei revelatae primis parentibus, quibus

quibus magis de proximo adcedebant. Ratione quidem; cum enim in brutis, immo in ipsis insectis tantum ordinem videamus in sui custodiam, & propriae speciei circa finem illis praescriptum, quis non miretur, hominem, in cuius gratiam quidquid conspicitur creatum est, & ad altissimum finem institutum ab utroque deviasse, ac totius naturae miserrimam esse creaturam? Adcessit traditio praecepti alicujus indicti primis Parentibus, quo transgresso, poena esset subsequuta. Quod vero selectiores hominum solitarie meditabantur, vulgus expressit figura Promethei ad supplicium damnati, quam suo loco producturi sumus.

Filius hic Japeti (fortasse Japhet, de quo in libro Genesis cap. 10.) hominum procreator ex luto post diluvium, & propagator humani generis facile confunditur cum primaeva creatione, ad quam refertur adlusio. Hunc credebant, formati ex argilla hominum figuris, furtivo igne animam illis indidisse. Ovid. Metam. I. vers. 82.:

*Quam satus Japeto, mistam fluvialibus undis,*

*Finxit in effigiem moderantum cuncta Deorum.*

Quin & excerpta a singulis animalium speciebus indole, ac peculiari natura,

Tom. II.

hominibus suis mixtim inferuisse, ferebatur timorem, audaciam, cupiditatem, rapinam. Hinc Horatius Carm. lib. I. Od. XVI. vers. 13.:

*Fertur Prometheus addere Principi*

*Limo coactus particulam undique*

*Desectam, & insani Leonis*

*Vim stomacho apposuisse nostro;*

unde homines ad vitia cuncta proclives produxit. Propertius lib. III. Eleg. V. vers. 7.:

*O prima infelix fingenti terra Pro-met-heo;*

*Ille parum cauti pectoris egit opus.*

*Corpora disponens mentem non vidit in arte,*

*Recta animi primum debuit esse via.*

Deerat calor simulacris animandis, quem ille, femina duce, nempe Minerva, e caelo raptum figmentis inferuit. Horatius Carm. lib. I. Od. II. vers. 27.:

*Aulax Japeti genus*

*Ignem fraude mala gentibus intulit:*

*Post ignem aetherea domo*

*Subductum macies, & nova febrium*

*Terris incubuit cohors;*

*Semotique prius tarda necessitas*

*Lethi corripuit gradum;*

Subeunte nempe Pandora, quae mala

c 2

cuncta



cuncta diffudit; & Prometheus conjectus in vincula poenitentiae aeternae deputatus est, unica spe superstiti venturi aliquando Herculis, qui illum e supplicio liberaret.

Hinc deducebatur perpetua illa in nobis passionum pugna, quam Cicero Tusculan. Quaest. II. 21. divisionem animi adpellat: *Est enim animus in partes tributus duas, quarum altera rationis est particeps, altera expers; cum igitur praecipitur, ut nobismetipsis imperemus, hoc praecipitur, ut ratio coerceat temeritatem; & rursus lib. IV. 5. : Pythagorae primum, deinde Platonis descriptionem sequar, qui animum in duas partes dividunt, alteram rationis participem faciunt, alteram expertem. In particepe rationis ponunt tranquillitatem, idest placidam, quietamque substantiam, in illa altera motus turbidos tum irae, tum cupiditatis contrarios; inimicosque rationi; quod iterum adfirmavit de Fato cap. 5., & de Universitate cap. 33.*

Hanc vero pugnam, seu potius dicam, periculum in tam nobili creatura ad principatum naturae destinata, deinde vero (ut etiam Etrusci credebant) ad participationem aeternae felicitatis, non ex vitio creationis intelligebant evenire potuisse, quam perfectissimam omni-

no concipiebant ex parte Creatoris, sed tantummodo ex culpa primorum Parentum, qui ordinationem pulcherrimam noxa aliqua, ipsaque ingenti, naturam labefactaverint. Ne tamen nimium adtribuifse videar meditationibus hujus Nationis, in medium adducam sollicitum illud institutum, quo in pueris educandis potissime utebantur, de quo saepe incidit sermo in nostris ad has Etruscorum Picturas annotationibus, ex quibus conligitur ceteris omnibus populis in hoc officio praeiisse, haud obscuro argumento agnovisse illos pericula humanae indolis sine dubio corruptae a puriore primo statu, nonnisi studio maximo corrigi potuisse. Hinc unica haec Natio ante Romam conditam legitur habuisse singulis in Urbibus ad pueros instituendos publicas Academias, in quibus etiam peregrini adciperentur, quos inter Romulum adolescentem numerat Macrobius in Somnio Scipionis lib. II. 17., & Cicero de Divinat. cap. 41. Ex hac vero schola non communem tantum disciplinam hausisse puto Romanos, sed aliquid ex penitiori degustasse, cujus aliqua vestigia cautissime expressa in eorum libris invenimus.

## CAP. IX.

*De opinione Etruscorum  
circa Genios.*

**N**ulla inter antiquas Nationes inventa est, quae creationem caelestium quarundam Potestatum ignoraverit; sed nusquam hujus doctrinae frequentiora monumenta inveniuntur, quam penes Etruscos. Has Graeci Δαίμονας, Tusci vero, & Latini ab illis edocti Genios appellarunt, neque alios esse putaverunt, quam Dei supremi filios, hoc est creaturas. Festus: *Genius est Deorum filius, & parens hominum*; nec alio sensu Jupiter apud Graecos vocatur Pater Deorum, praesertim vero apud Homerum. Iliad. A. 544.:

Τὴν δ' ἡμέτερ' ἔπατα πατὴρ ἀνδρῶν τε,  
θεῶν τε.

*Huic respondit postea Pater virorumque, Deorumque;*

& apud Virgilium Aeneid. X. 18.:

*O Pater, o hominum, Divumque aeterna potestas;*

& Soranus apud D. Augustin. de Civ. Dei lib. VII. cap. 9.:

*Jupiter omnipotens rerum, Regumque, Deumque*

*Progenitor.*

Haec enim nuncupatio non a fabulis petita est, secundum quas vix paucorum Deorum fuit parens, sed

ab intima Mythologia, quae Deum omnium Creatorem, principium, & finem hominibus suggerebat, ut apud Orpheum in Hymno Jovis:

Παντογένεθλ', ἀρχὴ πάντων, πάντων τε  
τελευτῇ.

*Omnium generator, principium omnium, idemque finis.*

Hanc vero traditionem antiquissimam fuisse oportet, & usque ab initio revelatam; nihil enim de hac creatione apud Moysen, qui tamen in Libris suis illum continuo supponit. Par erat tamen, Deum grande Opus mundi molientem, quod ordine, & gradibus constare debebat, aliquid medium inter Ipsum, & hominem, & veluti vehiculum, concepisse ad distantiam maximam conciliandam, ut terreno contemplatore creato, mentem illius elevareret ad imitationem caelestis. Hos vero Genios, ut cum Etruscis loquar, in plures ordines distinctos Gentiles etiam agnoverunt; nam Plato in libro de Generibus Animalium alios invisibiles, & omnino caelestes tradit, alios nobis familiariores, & aliquando adparentes, quibus postremis officia plura demandata esse putabant. Primum exponit Plato in Symposio: καὶ γὰρ πᾶν τὸ δαμόνιον μεταξύ ἐστι θεοῦ τε καὶ θνητοῦ. Τίνα (ἢνδ' ἐγώ) δυνάμιν ἔχον; Ἐρμηνεύον, & διαπορθμεύον θεοῖς τὰ παρ' ἀνθρώπων,



θράπων, καὶ ἀνθρώποις τα παρὰ θεῶν, τῶν μὲν τὰς δειψίας, καὶ θυσίας, τῶν δὲ τὰς ἐπιτάξεις τε, καὶ ἀμοιβὰς τῶν θυσιῶν . . . Οὗτοι δὲ οἱ δαίμονες πολλοί, καὶ παντοδαποὶ εἰσιν. *Etenim omne Daemoniorum genus interjacet inter Deum, & mortales; Quam vim habet? Interpretatur (inquit) & trajicit humana ad Deos, divina ad homines; horum quidem preces, & sacrificia, illorum praecepta, sacrosque solemnes, institutiones, & ordinem .... Enim vero hi Daemones multiplices sunt, & varii.* Singulorum praeterea hominum curam illis commissam credebant. Seneca Epist. CX.: *Unicuique nostrum Paedagogum dari Deum, non quidem ordinarium, sed hunc inferioris notae.* Addo pictoricam ejus imaginem ex Tabula Cebetis: Οἱ δὲ γέρων, ὁ ἄνω ἐς νηκῶς, ἔχων χάρτην τινὰ ἐν τῇ χειρὶ, καὶ τῇ ἐτέρᾳ, ὥσπερ δακτύλῳ τι, οὕτως δαίμων καλεῖται. προσάττει δὲ τοῖς ἀσπορευομένοις, τι δ᾽ αὐτοὺς ποιεῖν, ὥς ἀν᾽ ἀσελθῶσιν εἰς τὸν βίον. καὶ δακτύλῳ ποῖαν ὁδὸν αὐτοὺς δ᾽ βαδίζειν, εἰ σωζέσθαι μέλλουσιν ἐν τῷ βίῳ. *Senex autem, qui superne stat, chartam aliquam manu tenens una; & altera quasi aliquid monstrans, hic Genius vocatur. Mandat autem ingredientibus, quid eis faciendum sit, ubi in vitam ingressi fuerint, & ostendit, cui viae se committere debeant, si velint esse salvi in vita.* Adde his Martianum Ca-

pellam de Nupt. Philol. lib. I., & Jamblichum de Mysteriis, ceteroque hujus doctrinae adfertores, quos deduxi in Dissertat. de Genio Domestico Mus. Etrusc. lib. III.

Alterum quoque officium Geniis adtribuerunt, ut Urbes, Provincias, & Regna tuerentur. Plato in IV. de Legibus: *Τινάσκων ὁ Κρόνος ἄρα ... ὡς ἀνθρώπων φύσις οὐδεμία ἱκανὴ, τὰ ἀνθρώπινα διοικοῦσα αὐτοκράτως πάντα, μὴ οὐχ ὑβρεῶς τε, καὶ ἀδικίας μετῴσθαι. Ταῦτ' οὖν διανοοῦμεν, ἐφ' ὅσῃ βασιλείᾳς γε, καὶ ἀρχοῦντας τῶς πόλεσιν ἡμῶν, οὐκ ἀνθρώπους, ἀλλὰ γένους θεοτέρεον τε, καὶ ἀμείνονας, δαίμονας. οἱ τε νῦν ἡμεῖς δρωμεν τοῖς ποιμνίοις, καὶ ὅσων ἡμεῖς εἰσιν ἀγλαί. οὐ βοὺς βοῶν, οὐδὲ ἄλλας αἰγῶν ἀρχοντας ποιοῦμεν αὐτοῖς τινὰς, ἀλλ' ἡμεῖς αὐτῶν δεσπόζομεν, ἄμεινον ἐκείνων γένος. Cognoscens Saturnus, .... nullam humanam naturam res humanas ita gubernare posse, ut si omnibus arbitratu suo dominetur, lasciviori superbia, injustitiaque non repleatur; Cum haec, inquam, non ignoraret, non homines, sed diviniotis, praestantiorisque generis Daemones, Civitatibus nostris reges, principesque praefecit, quod nunc nos in ovium gregibus, aliorum cecurum armentis facimus. Non enim bobus boves, nec capris capras praeficimus, sed nos ipsi genus melius dominamur. Utinam hae doctrina ex purissimo fonte propagata fabulis, & inlu-*

& inlusionibus exturbata non fuisset, non enim subjungenda foret quæ-  
la Prudentii contra Symm. 444.:

*Denique cur Genium Romæ mihi  
fingitis unum,*

*Cum portis, domibus, thernis,  
stabulis soleatis*

*Assignare suos Genios . . .*

Ceterum quicumque fuerit & in hac re Etruscorum excessus, constat tamen, doctrinam hanc in sui origine nitidissimam in illorum animis alte fuisse impressam, cum in omni fere actione Virorum Genii, & Geniæ feminarum custodes ad discrepantiam demonstrandam ex lineamentis introducantur.

Numquam vero mirari destiti formas, quas Etrusci Geniis suis adtribuerunt, nempe adolescentum pulcherrimorum, atque aligerorum, tam consonas iis, quas postea ex Hebraeorum traditione Angelis Sanctis adtribuit Ecclesia; quin etiam sub tali adpectu Sanctis Viris adparuisse compertum est. Mirabar vero quam maxime Geniis omnibus præposuisse Genium supremum, cui potestatem animarum discernendarum tribuerunt, prout merita vel bona, vel mala exegissent. Huic Mercurii nomen indiderunt, quem morientes potissime & formidabant, & invocabant, ut cubitum ituri sine ejus sacrificio a somno abstinerent,

quod somnus imago tantum mortis, & veluti umbra videretur, de quo Virgil. Aeneid. IV. vers. 240.:

*primum pedibus talaria  
nectit*

*Aurea, quæ sublimem alis, sive  
aequora supra,*

*Seu terram rapido pariter cum  
flamine portant.*

*Tum virgam capit. Hac animas  
ille evocat Orco*

*Pallentes, alias sub tristitia tarta-  
ra mittit,*

*Dat somnos, adimitque, & lu-  
mina morte resignat.*

Quin etiam Etrusci, præter talaria, sæpissime ejus humeris quatuor prægrandes alas geminas sursum conversas addiderunt, duas vero deorsum inflexas, quibus superna simul, & inferna penetraret.

Symbolum maxime notandum, hujus Genii Principis occurrit in Tabula CCLXII. Tomi sequentis jam parati, in qua fata Achillis, ejusque deificatio diligenter expressa est. Hoc Heroe defuncto, anima illius conspicitur in collo Vasis, quæ constituta cernitur coram Mercurio, veluti judicanda, utrum inter Divos sit recensenda. Mercurius vero adpensa trunco ingenti lance merita illius videtur expendere; quæ omnia suadent, notitias istas de hujus Principis officio ab optimo



optimo fonte degustatas paulatim fabulis subiecisse.

Nec mihi objiciatur, Deum hunc apud Etruscos unum esse ex primariis Diis, quos vocabant Consentes, non vero ex classe Geniorum, quos Deorum ministros reputabant; cum enim in Schola Arcana longe diversa a Populari, quae innumeros pene Deos sibi fingeat, unus tantum omnino Deus esse putaretur, quidquid praeter illum existeret inter ejus Creaturas constantissime censebatur.

#### C A P. X.

##### *Pravorum Angelorum supplicium Etruscis notum.*

**C**onsentiunt Eruditi, fabulam illam de bello Gigantum, ac Titanum adversus Deos de caeli primatu contendentium, eorumque in Tartarum dejectionem, licet humanis coloribus obfuscatam, Luciferi, & sociorum ejus grande supplicium manifeste designare. Hanc Etruscos non latuisse, manifestissime ostendit illius descriptio in Urna Etrusca Perusina apud Dempsterium Tab. LXX., & rursus Tab. LXXI. n. 2., tum & in Urna apud Doctissimum Guarnaccium lib. VI. cap. III. Italicarum Originum pag. 174., ubi Jupiter,

& Luna alata in quadrigis Titanes debellatos, proculcat; quemadmodum & in altera, quam protuli in meis Additamentis ad Tomum III. Musei Etrusci Tab. XXV. n. 3., in qua unus ex Titanibus serpentinis pedibus deformatus adversus Deorum ictus pelta interposita se tue-tur. Repetas ex Apollodoro duplicis ejus belli descriptionem; & ea omnia, quae ex his marmoribus conliguntur, si compares cum locis Biblicis, & SS. Patrum testimoniis, continuo, abjecta larva fabulosa, veritas elucescet.

Hanc traditionem vulgarem fuisse apud Ethnicos, confirmat fabella altera de Dea Ate filia Jovis, & contubernale, quae cum discordiam in caelo sparsisset, inde a Parente dejecta fuit, ut narrat Homerus Iliad. XIX. 126.:

Ἀΐτινα δ' ἔλ' Ἀτὴν κεφαλῆς λιπαρο-  
πλοκάμιο,

Χαόμενθ' Φρεσὶν ἦσι, καὶ ὤμοσσε καρτερὸν  
ἔρπον.

Μήποτ' ἐς οὐλυμπόντε, ἢ οὐρανὸν ἀσει-  
σέεντα

Αὔτις ἐλεύσεσθαι Ἀτὴν, ἢ πάντας αἰῶται.

Ὡς αἰσῶν, ἐρρίψεν ἀπ' οὐρανοῦ ἀσεισέεν-  
τον,

Χερὶ περισρέψας.

*Illico autem (Jupiter) corripuit  
Atem; capite nitentibus capil-  
lis ornato,*

*Iratus*

# DISSERTATIO.

XXXVII

*Iratus animo suo, & juravit fir-  
mum juramentum,  
Numquam in Olympumque, & Cac-  
lum stellatum  
Redituram Aten, quae omnes in-  
fortunio adfcit.  
Sic fatus ejecit e Caelo stellato  
Manu rotans.*

Haec autem, quae noxa, detrimen-  
tum, ac maleficiū interpretatur, nihil est apud ipsum Homerum, nisi Daemon humano generi insi-  
dians; eamque Suidas manifeste Diabolum esse adfirmat, & post Suidam doctissimus Cardinalis Bes-  
farion lib. III. in *Calumniatores Pla-  
tonis*. Luciferum vero sua culpa ejectum in terram, & exsecratum idem Plato didicerat ab Homero ejus Theologo, qui, sive beneficio quodam naturae, sive Moysis Pro-  
phetæ scriptis carmine suo expo-  
suerat lapsum Luciferi, quem ille Atem adpellat.

Hunc vero noxium spiritum, quem Homerus dicto lib. XIX. v. 90. supra hominum capita incedere de-  
scripsit:

Θεοῦ δ' ἰὰ πάντα τελευτᾷ  
Πρέσβη Διὸς θυγάτηρ Ἄτη, ἣ πάντας  
ἄντας,  
Οὐλομένη, τῆς μὲν θ' ἀπαλοὶ πόδες. οὐ  
γάρ ἐπ' ὀστέα  
Πίλναται. ἀλλ' ἄρα ἦγε κατ' ἀνδρῶν κεράτα  
βαίνει,  
Tom. II.

Βλάπτουσι ἀνθρώπους.

*Dea omnia perficit  
Veneranda Jovis filia Ate, quae  
omnes offendit,  
Perniciosa; hujus quidem molles  
pedes; non enim ad terram  
Adpropinquat, sed haec per viro-  
rum capita incedit  
Laedens homines.*

Hanc, inquam, optime norunt E-  
trusci, in quorum marmoribus ipsam in aere suspensam saepe intuemur, nec nisi ad trucia quaeque impel-  
lentem, ut Musei Etrusci Tom. I. Tab. CXXV., & CXLI.; rursus-  
que eam criminabimur in Tab. LVI. Tomi IV. ejusdem Operis, qui Ty-  
pographi manum exspectat. Hinc deducitur, Etruscos sub utriusque fabulae involucro primaevam malo-  
rum nostrorum originem intellexisse, reproborum Angelorum lapsum, simulque supplicium, e cujus sede  
insensissimi omnimode insidiarentur hominibus, ut eos in eandem for-  
tem involuerent.

Haec cum agnoscerent Thufci, duo exinde deduxerunt, optimum unum, ac rectum, Animae nem-  
pe immortalitatem, de qua infra erit sermo; reprobum alterum, at-  
que perversum, non tamen com-  
mune sapientibus, sed popularibus, ac vulgaribus, nempe duo esse. principia inter se pugnantia, atque  
f aequi-



aequipollentia , Boni nempe , ac Mali , quae Lucis , & Tenebrarum nomine exprimebant ; cum enim vim tantam fieri iustitiae viderent , ut saepe opprimeretur , atque in semetipsis impetum quemdam ad malum sentirent , non aliter id fieri posse opinati sunt , quam ex imperio Potestatis alicujus , quae vires Boni aequilibraret . Invaluerat hic error apud quosdam Philosophos , veram originem ignorantes corruptae naturae , de qua Plutarchus in libro *De Iside , & Osiride* : Νομιζουσι γὰρ τοὺς μὲν θεοὺς ἓνα δύο , καθάπερ ἀπὸ Πέχρους . Τὸν μὲν ἀγαθὸν , τὸν δὲ φαύλον δημιουργόν . οἱ δὲ τὸν μὲν ἀμείμονα , θεόν , τὸν δὲ ἕτερον , δαίμονα καλοῦσιν . ὥσπερ Ζεῦ ὁ Ζεὺς ὁ δὲ μὲν γῆ , ὃν περὶ ἅπαντας χιλιούς ἔτεσι τῶν Τριῶν γεγενῆσθαι πρεσβύτερον ἰστοροῦσιν . οὗτος δὲ οὐν ἐκάλεται τὸν μὲν , Ὀρομάζην , τὸν δὲ , Ἀρεμάριον , καὶ προσαπεφαινέτο . . . . . μέσον δὲ ἀμφοῖν τὸν Μίθραν . Existimant enim alii , duos esse Deos , contrariis editos artibus , ut bona alter , alter mala opera conficiat ; alii eum , qui est melior , Deum , qui deterior , Daemonem dicunt ; in qua sententia fuit Zoroaster Magus , quem narrant 100. annis antiquiorem bello Trojano exstitisse . Is ergo melioris nomen OROMAZAN , pejoris AREIMANIUM perhibuit ; addiditque . . . . . , medium horum esse MITHRAM . Hinc circa annum Chr. CCLXXVII. exor-

ta est inter Christianos Manichaeorum secta , quae Maximum Augustinum occupavit in ea refutanda .

Hoc igitur errore seducti simpliciores ex Etruscis duo sibi constituerunt , nempe principium Malum . placandum esse sacrificiis , quae in honorem Hecates ex victima catuli praescribuntur in Tabulis Eugubinis , ne messibus noceret , quod sacrum Graeci περισκυλακισμόν , Etrusci vero *πυνλκτε* Persulum per syn- copen adpellabant . Alterum erat inferna illa Hierarchia Inferioribus Numinibus refertissima cum imperio , & majestate , nec sine deliciis , & ambitione Nuptiarum , jactante Plutone apud Claudianum de Rapt. Proferp. II. vers. 334. :

*Amissum ne crede diem ; sunt al-  
tera nobis*

*Sidera ; sunt orbes alii ; lumenque  
videtis*

*Purius , Elysumque magis mirabe-  
re Solem ,*

*Cultoresque pios ; illic pretiosior  
aetas*

*Aurea progenies , habitant .*

*nec mollia defunt*

*Prata tibi ; Zephyris illic melio-  
ribus balant*

*Perpetui flores , quos nec tua pro-  
tulit Henna .*

Quid Parcis venerabilius ; quid au-  
gustius Aeaco , Rhadamantho , &  
Minoe

Minoe Triumviris Juridicundo apud Inferos; quid religiosius palude Stygia,

*Diis cuius jurare timent, & falle.  
re Numen?*

Haec tamen omnia, si leniter excurras Etruscarum Antiquitatum libros, ubique magnifice expressa observabis, praesertim apud Virgilium Thufcae originis hominem, ipsumque non in aliena tantum, sed potissime in nationis suae eruditione versatum. Haec tamen commenta in vulgus Etruscorum refello; selecta enim Schola, quae tam bene de Deo sentiebat, cum haec audiret, subrisit, & tacuit. Quis enim integer mentis credat Deum malum Bono coaeternum? Quis Deum bonum felicem tali aemulo copulatum? Quis cum videat plura mala, quam bona fieri, Deum Malum Bono praepotentem non credat? Abhorrent haec a recto iudicio, ut potius in hominum depravatam a primaevo statu naturam haec detrimenta refundamus.

## C A P. X I.

*Animae Immortalitas constantissime  
ab Etruscis adferta.*

CUM multa graffarentur Philosophorum commenta circa animae conditionem, nil antiquius habet Tom. II.

buerunt Etrusci, quam de animae immortalitate sentire. Obvium omnibus argumentum est, & a naturali ratione subministratum; Deus est; ergo anima est immortalis; nam ubi Deus, cum prosperantur latrones, aut innocentes cruciantur, nisi poena, vel praemium aliquando illis reservetur? An ne tanta rerum machinatio in obsequium hominis ordinata fuit, in quo nihil inesset, nisi paullulum aetheris facile evanidi, ut apud Aristotelem lib. I. de Anima putabat Orpheus? Hujus errorem Epicurus amplificavit adversus Platonis sententiam dicentis in Phaedone: Μη φοβηθῆ (ταῦτα δ' ἐπιτηδεύουσα, ὦ Σιμμία τε, καὶ Κέβης) ὅπως μὴ διασπασθῆσα ἐν τῇ ἀπαλλαγῇ τοῦ σώματος, ὑπὸ τινῶν ἀνέμων διαφυσθῆσα, καὶ διαπταμένη οἰχνηται, καὶ οὐδὲν ἔτι οὐδαμοῦ ᾖ. Non est, cur metuat, o Simmia, & Cebes, ne cum recedat a corpore, distrabatur, & dissipetur, omnisque in ventos vita recedat, & supersit nihil cuiquam; ut de Dido ne dixit Virgilius:

*omnis, & una*

*Dilapsus calor, atque in ventos vita recessit.*

Fuere inter ceteros, qui maxime ridendam doctrinam effuderint, quam non uno in loco Servius impingit Virgilio, quem licet poetice loquutum, ab ea tamen longe  
f 2 alienum



alienum fuisse ex manifestis locis deducimus ; tres nempe animas inesse hominibus , quamquam disparis dignitatis , spiritum nempe , sive purioris conditionis animam , quae veluti , ut aiebant , pars divinae substantiae Caelum peteret , praeterea imaginem , sive simulacrum , quod inferno deputatum erat , Umbram vero , quae circa corpus versabatur , donec subsisteret , ut Aeneid. IV. 654. in illud : *sub terras ibit imago : bene imaginem dixit , valde enim quaeritur apud Philosophos , quid illud sit , quod inferos petat ; sed definitum esse quoddam simulacrum , quod ad nostri corporis effigiem fictum inferos petat , & est species corporea , quae non potest tangi ;* Et Aeneid. V. 722. : *animae caelum tenent , simulacra vero apud inferos sunt ;* & lib. VI. 740. : *deposito corpore sordes supersunt , poenas autem minime perferunt animae , sed illius conjunctionis reliquiae , quae fuit inter animam , & corpus ;* & supra Aeneid. III. 68. : *in sepulchrorum animas ( quam alibi vocat umbras ) vagas esse , & hunc constat non legitimum sepulchrum fuisse . Rite ergo reddita legitima sepultura , redit anima ad quietem sepulchri , quam Stoici terris condi , idest medium secuti tamdiu durare dicunt , quamdiu durat &*

*corpus ; unde Aegyptii periti sapientia condita diutius servant cadavera , scilicet , ut anima multo tempore perduret & corpori sit obnoxia , nec cito ad alios transeat . Romani contra faciebant , comburentes cadavera , ut statim anima in generalitatem , idest in suam naturam rediret .* Haec praemisisse juvat ; nam alibi de hac doctrina , sive nugis erit differendum .

Quae interim fuerit Etruscorum sapientum opinio de statu Animae , illam facile intelligemus ex Romanorum sapientioribus , qui immortalem esse adseruerunt non ex Graecorum Philosophia , quam semper variam , & vacillantem agnoverunt , sed potius a vicinis Etruscis , apud quos altiores litteras profitebantur , quos inter Cicero , & Seneca constantissime hanc doctrinam , & ubique professi sunt . Huc pertinent expiationes a culpis omnibus , quas Etrusci in vita , in morte , & post mortem sibi , & suis procurabant . Quid enim viventes initiari Bacchicis , quod solemnissimum habebant , & multiplicare lavacra in flumine vivo , & praesertim in mare , sefeque februis , suffumigiis , taeda , & sulphure , & ovis sese purgare in hoc saeculo , nisi gravius supplicium animae superstiti imminere reputarent ? Funerum adparatus ad eandem

dem disciplinam spectabat ; praefertim vero cadaveris combustio , qua mediante , contagia praecedentis vitae absumi credebant . Ovid. Metam. IX. 263. :

*Interea quodeumque fuit popula-  
bile flamma ,*

*Mulciber abstulerat , nec cognoscen-  
da remansit*

*Herculis effigies , nec quicquam ab  
imagine ductum*

*Matris habet , tantumque Jovis  
vestigia servat .*

Liquores praeterea fanciti lactis , mellis , & sanguinis , qui animabus gratissimi ferebantur , veluti quae amiserunt , recuperarent , iterumque repetita quotannis anniversario die sacrificia animam subsistere confirmabant ; demum expiationes illae , quae ipsis animabus corpore solutis imminere credebant , hanc veritatem apud Etruscos constantem confirmabant , longa praefertim per Oceanum peregrinatio , cujus aquae delendorum criminum virtutem maximam tribuebant . Quippe quae vulgo credebatur infinitorum pene Numinum domicilium , simulque alimentum , tam multiplici divinitate consecratum ; sapientes vero credebant , diuturnam hanc iactationem per undas esse temporarium supplicium ad minora crimina diluenda . Haec omnia longo ordine

monumentorum Etruscorum suo loco ad evidentiam usque confirmabimus . Sed omnem tollit ambiguitatem locus Arnobii lib. II. adversus Gentes : *Neque illud obrepat , aut vobis aëria spe blandiatur , quod a sciolis nonnullis , & plurimum sibi adrogantibus dicitur , Deo esse se gnatos , nec sati obnoxios legibus , si vitam restrictius egerint , aulam sibi ejus patere , ac post hominis functionem , prohibente se nullo , tamquam in sedem referri Patriam ; neque , quod Magi spondent , commendaticias habere se preces , quibus emollitae , nescio quae Potestates vias faciles praebeant ad Caelum contendentibus subvolare , neque quod Etruria Libris in Acheronticis pollicetur certorum animalium sanguine Numinibus certis dato , divinas animas fieri , & a legibus mortalitatis educi . Blandimenta haec cassa sunt ; & inanium fomenta votorum . Ipse quoque Mercurius Thuscus , de quo plura paulo ante praemisimus , & cujus imagines ex pictis Vasculis producturi sumus , argumentum hujus veritatis subpeditat : Quin & in hoc commento traditionem illam purissimam misere obfuscata intuemur ; esse nempe Spiritum quemdam Dei ministrum , qui morientibus praesto sit , ut meritas animas in Caelum deducat , sive piacularibus flammis addicat*



addicat repurgandas , aut penitus praetereat puniendas , prout , veluti lance expensas , aut bonas invenerit , aut improbas . Inimicus enim Diabolus veritatis cum illam subvertere funditus non valeret , eam faltem fabulis corrumpere , & deflectere procuravit .

Inter tot varias , & abhorrentes opiniones in una , & eademque Natione , sed plus nimio contemplativa , unum conligo commune omnibus , nempe firmam traditionem de immortalitate animae , cui praeparatione multa , ac adhibitis sacrificiis divinitatem tradi posse reputabant , hoc est transferri ad gloriam , & participationem aeternae felicitatis . Haec , ni fallor , erat Arcana Philosophia . Ceterum tres illas animas , quarum melior absolute Caelum peteret , ut anima Herculis adsidere animae Caci , altera vero sine remissione descenderet in Infernum , tertia cum Sandapilis circa sepulcra versaretur , has omnes integras restituo circulatoribus , & , si velis , etiam Haruspibus , qui ab interiore Philosophia penitus exfulabant . Nec constans fuit apud Etruscos disciplina cadaverum comburendorum , cum saepe invenerimus mortuos integros arcis lateritiis inclusos cum Thusca inscriptione tegulis incisa , quarum multas ex Agro Tuderte effossas

videre est Pisauri in Museo Oliveriano .

## C A P. XII.

*Apotheosis ab Etruscis Philosophis  
constanter admissa .*

CUM unum , aeternumque Deum , ipsumque perfectissimum Thusci sapientes profiterentur , animamque hominis immortalem , par erat , ut praemia , & poenas illi pro operum meritis adficerent eidem imminere post mortem , nec universam justitiam in hac vita concludi . Cum vero Romani adhuc rudes , & magna ex parte ab Etruria adventitii disciplinam omnem divinam , humanamque ex eo fonte susciperent , ipseque Romulus apud Thuscos litteras hausisset , minime dubito , doctrinam hanc imbibisse . Et revera Romulus , dum regnaret , divinos honores constituit Aetæ Laurentiae nutrici suae , Larentalibus in ejus cultum institutis , ut conligitur ex Varrone de Ling. Lat. lib. V. , ipseque Romulus inter Deos receptus est , cui successit & uxor Herfília . Ovid. Metam. XIV. in fin. :

*ibi fidus ab aethe-*

*re lapsam*

*Decidit in terras ; a cujus lumine  
flagrans*

*Herfíliae crinis cum sidere cessit in  
auras .*

*Hanc*

# DISSERTATIO.

XLIII

*Hanc manibus notis Romanae conditor urbis*

*Excipit, & priscum pariter cum corpore nomen*

*Mutat, Oramque vocat, quae nunc Deo juncta Quirino est.*

Inde vero nil frequentius audiit Roma, quam Divos novos, quorum prolixam seriem congerit Manilius Astronom. lib. I. 755., Cicero in Verrem I. 11., Asconius in Divinat., & in Verrem III., Plutarchus in Lucullo, & Appianus de Bello Mithrid.; donec ad Caesares ventum est, quorum vix pauci calumniam hanc consecrationis effugerunt, quamquam initio virtutis testimonium proferrent, judicio Ciceronis in Somn. Scipionis: *Omnibus, qui Patriam conservarint, adjuverint, auxerint, certus est in Caelo, & definitus locus, ubi beati aeterno sempiterno fruuntur*; & de Nat. Deor. lib. II.: *Suscepit autem vita hominum, & consuetudo communis, ut beneficiis excellentes viros in Caelum fama, & voluntate tollerent*; & ad Atticum lib. XIV. epist. XV.: *Nostri illi Heroes, sed Dii futuri quidam in gloria sempiterna sunt*. Praecipue vero hanc fuisse Thufcorum disciplinam, confirmant verba Arnobii lib. II. adversus Gentes superius adducta: *Nec quod Etruria Libris in Acheronticis pollicetur certorum animalium*

*sanguine Numinibus certis dato divinas animas fieri, & a legibus mortalitatis educi.*

Omnium vero maxime comprobant hanc illorum opinionem exempla consecrationum in Deos, quae ex illorum Picturis eruuntur, quas librorum loco superstites, atque illorum mentis interpretes conservamus; nam a Tabula CCLX. usque ad finem Tomi III. harumce Picturarum, qui post praesentem, ut praemisimus, lucem expectat, nil aliud frequentius observabis, quam Heroum consecrationes, adeo ad vivum expressas, ut historiam integram ejusdem ritus tibi videre videaris. Plerumque in ima parte Picturae caeremoniae universae funebres observantur; in superiore vero caelestes bigae, aut quadrigae, quas vel Mercurius auriga idoneus, aut Hesperus, sive Victoria in caelum effert cum anima Herois consecrati; ut in ipsa superstitionis nebula id veritatis eruamus, Thufcos sapientes numquam vel minimum de immortalitate animae dubitasse.

## C A P. X I I I.

*Arcana Etruscorum Philosophia transmigrationem Animarum admittere non potuit.*

**Q**Uamquam Etruria, ut vulgo creditur, Pythagoream doctrinam sequeretur, ambiguo adhuc judicio



dicio Thufca ne, an Graeca origine Auctor prodierit, immo an Etrusci ab ipso, sive ipse ab Etruscis imbiberit disciplinam, numquam tamen inducar, ut credam, selectionem hujus Nationis Scholam transmigrationem animarum admisisse, quam Aristoteles lib. I. de anima Πυθαγορικῶς μύθους *Pythagoricas Fabulas* jure merito definivit. Non enim qui tam bene de Deo, atque anima sentiebant, in hujusmodi absurdum incidissent doctrinae suae penitus repugnans.

Enim vero Mundum aliquando interitum adfirmabant, ut ex testimonio cujusdam Etrusci Scriptoris refert Suidas in voce τυρρήνια, de quo infra fusius agendum erit Capite XIX., quam sententiam inde susceperunt Romani, ut patet ex Cicerone de Natur. Deor. II., ex Ovid. Metam. I. 256., & ex Seneca Consolat. ad Marciam, & Natural. Quaestion. lib. III. 28. Pythagoras vero, quamquam Mundum corruptioni obnoxium crederet, quia corporeum, οὐ μὲν φθαρτὸν μένόν γε, προνοία, καὶ συνοχὴ θεοῦ, non tamen perituum (adfirmabat) providentia cum, & Deo continente, ut refert Plutarchus de Placit. Philosoph. lib. II. cap. IV. Hoc jacto fundamento, Pythagorae doctrinam in medium adferamus, Ovid. Metam. XV. 157.:

*Morte carent animae, semperque priore relicta*

*Sede, novis domibus vivunt, habitantque receptae.*

*Ipse ego (nam memini) Troiani tempore belli*

*Pantboides Euphorbus eram, cui pe-lore quondam*

*Hac sit in adverso gravis hasta minoris Atridae;*

*Cognovi Clypeum laevae gestamina nostrae*

*Nuper Abanteis templo Junonis in Argis;*

& Horat. Carm. I. 28:

*habentque*

*Tartara Pantboiden, iterum Orco*

*Demissum, quamvis Clypeo Trojana refixo*

*Tempora testatus; nihil ultra Nervos, atque cutem morti concesserat atrae.*

Minimum quidem id fuisset, nisi ex scriptorum omnium testimonio, & praecipue Plutarchi, & Servii non uno in loco tradidisset, etiam animas malemeritas, antequam in homines reverterentur, immixtas fuisset in Bruta deterioris naturae; quin etiam in insecta, ut poenam diluerent peccatorum. Hic vero insuperabilis in sententia Etruscorum insurgit contradictio. Si Mundus aliquando cum viventibus interiturus erat, quae

# DISSERTATIO.

XLV

quae, nam poena, nisi finalis, reprobos expectabat, cum in bruta, aut homines transmitti non possent? Ecce igitur ex Pythagora Mundum aeternum fore, aut Deum divinae justitiae ordinem, & aequalitatem intervertere debuisse. Succedit absurdum aliud; cum enim anima hominis in vermiculos abiisset, potentias universas amittebat, ut anima esse defineret. Immo quae poena foret ista, cum diluta penitus memoria prioris vitae in Lethaeo gurgite, ignorans penitus criminum, & infcius malefactorum puniretur. Deum cur uni tantum Pythagorae indultum, ut legem communem oblivionis eludere ridiculo commento Clypei olim sui recognito in Templo Junonis Argivae? Itaque opinor sapientes nostros pariter irrississe sententiam propriae disciplinae adeo repugnantem, multoque magis testimonium sententiae.

Maximus hic error, qui fortasse simpliciores Thuscorum invaserat, non tamen selectam Scholam, una cum altero Magni Anni, de quo infra, ex purissima sententia detortus fuit, per quam sapientiores resurrectionem corporum aliquando futuram crediderunt. Ex Graecis Phocylidem feligimus in ejus Poemate Admonitorio v. 94.:

Γάαν ἐπιμοιρᾶσθαι ἀταχέτοις νεκύεσσι.

Tom. II.

Μὴ Τύμβον Φθιμένων ἀνορύξῃς, μήδ' ἀθεάτω

Δείξῃς ἡελίῳ, καὶ θαμόνιον χόλον ὄρεσσι  
Οὐ καλὸν ἀξιμονίην ἀναλύμεν ἀνθρώποις.  
Καὶ γὰρ δ' ἐκ γαίης ἐλπίζομεν εἰς Φαός  
ἐλθεῖν.

Δείψαν' ἀποικομένων, ὅπισθα δὲ θεὸς τε-  
λεούσται

Ψυχὰί γὰρ μέμνουσιν ἀκήριοι ἐν Φθιμέ-  
νοισι.

Πνεῦμα γὰρ εἰς θεοῦ χερσὶς θνητοῖσι,  
καὶ εἰκάν.

Σῶμα γὰρ ἐκ γαίης ἔχομεν, καὶ πάντες  
εἰς αὐτὴν.

Λυόμενοι κόνις ἐσμέν. αἷς δ' ἀνὰ πνεῦ-  
μα δέδεκται.

*Terram impertire infepultis cada-  
veribus.*

*Ne tumulum mortuorum refodias,  
neque non videnda*

*Soli monstres, divinamque iram  
provoces.*

*Non honestum est hominis compa-  
gem resolvere,*

*Et mox e terra speramus nos in lu-  
cem prodituras*

*Defunctorum reliquias, postea vero  
Dii erunt;*

*Animae namque manent incorru-  
ptae in mortuis,*

*Spiritus enim Dei est usus morta-  
libus, & imago.*

*Corpus vero ex terra habemus, &  
omnes in eam*

*Resoluti pulveris sumus, aer vero ite-  
rum spiritum recipit.*

g

Proxi-



Proximior vero Etruscis Plinius multorum in hanc doctrinam consensum refert, quamvis ipse dissideat. Sic enim lib. VII. 55. : *Similis & de affervandis corporibus hominum, ac reviviscendi promissa Democrito vanitas, qui non reviviscit ipse.* Ab hac vero rectissima traditione perperam depravata processit transmigrationis fabella, sicuti altera Anni Magni, cum corpora caelestia, consumata vertiginum suarum periodo, ad pristinum locum, in quo dudum creata fuerant, revertentur, ut inde iterum eisdem producant effectus, quos cursu praecedente, ut iterum imperium Etruscorum restituatur, & nos iterum de illis scribamus,

*Atque item ad Trojam magnus mittetur Achilles,*

ut poetice jocatus est Virgilius v. 36. Eclog. IV., quae tota est in hoc commento exornando, quo nihil absurdius, arctato nempe libero hominum arbitrio, ut ea ipsa, quae olim altera aetate & voluerunt, & perpetrarunt, iterum necessario & velint, & faciant, veluti lege fatali, quamquam de primis actionibus poenas atrocissimas luerint, iterum, iterumque sine iustitia puniendi. Longe haec aberant a penitiori Etruscorum Philosophia, quae vim fati-  
rum penitus dissolvebat; ut infra

suo loco probabimus, suppliciis, & praemiis pro omnium merito adtributis.

Hanc resurrectionem Plato in Phaedro παλιγγενεσιαν, hoc est Regenerationem adpellat, qua voce usus est Redemptor noster apud Matthaeum cap. XIX. 28. : *In Regeneratione (παλιγγενεσιᾷ) cum sederit Filius Hominis &c.*, ubi aperte loquitur de Resurrectione in die extrema iudicii, cum eadem corpora, tamquam instrumenta vitiorum, in partem poenae computabuntur, quod aliquo modo innotuit Plutarcho de Facie in Orbe Lunae, ubi animarum *μιασμός*, id est *inquinamenta*, ait proficisci ἀπὸ τῆ σῶματος, ὥσπερ αἰτίᾳ πορνείᾳ, a corpore, tamquam a causa mala.

#### C A P. X I V.

*Supplicia aeterna malis imminere post mortem, putabant Etrusci.*

**S**unt aliquid Manes, lethum non omnia finit,

*Luridaque evictos effugit umbra rogos.*

Quis enim tam excors, qui Deum esse credat, animamque morti superstitem flagitiorum poenas eludere, nisi quis semetipsum repugnantem, & reluctantem in errorem inducat? Audiamus Platonem in Phaedone :  
Οἱ δ' αὖν δόξωσι ἀνιδίως εἶχαι, διὰ τὰ με-  
γέθη

γένη τὰ ἀμαρτημάτων, ἢ ἱεροσυλίας πολ-  
λὰς, καὶ μεγάλας, ἢ φόνους ἀδίκους, καὶ  
παρὰ νόμους πολλοὺς ἐξαργασμένοι, ἢ ἄλλα  
οὕτα τυγχάνει ὄντα τοιαῦτα, τοὺτους δὲ ἢ  
προσηύκουσα μῦθον εἰπτα ἄς τὸν τάρταρον,  
ὅθεν οὐποτε ἐκβαίνουσιν. *Qui vero ob  
scelerum magnitudinem insanabiles ef-  
se videntur, qui videlicet sacrilegia  
multa, & magna, vel caedes ini-  
quas, vel alia horum similia perpe-  
traverint, hos omnes conveniens fors  
mergit in Tartarum, unde nunquam  
egrediantur.* Idem repetit Plato ipse  
in Gorgia: πόλλων γὰρ ἀδικημάτων γέ-  
μοντα τὴν ψυχὴν ἄς ἀδου ἀφικέσθαι, πάν-  
των ἔσχατον κακῶν ἐστὶ. *Multis enim  
peccatis refertam animam ad infe-  
ros descendere, extremum omnium est  
malorum:* Et infra: Ἡ οὖν νόμος ὁδὸς  
περὶ ἀνθρώπων ἐπὶ κρόνου, καὶ ἀδ, καὶ νῦν  
ἔτι ἐστὶν ἐν θεοῖς. . . . τοὺς δὲ ἀδίκους, καὶ  
ἀθέως (τὸν βίον διελθόντα) ἄς τὸ τῆς τί-  
σεως τε, καὶ δίκης δεσμοκτήριον, ὃ δὴ τὰς-  
ταρον καλεῖσιν, ἵέναι. *Exstabat autem  
lex de hominibus sub Saturno, &  
semper, & nunc etiam exstat apud  
Deos. . . . ut qui injuste, impieque vi-  
xissent, in punitionis, justique suppli-  
cii carcerem, quem adpellant Tar-  
tarum, irent.* Consentit Plutarchus  
in libello *Latenter esse vivendum* per  
haec verba: Ἡ δὲ Τρίτη τῶν ἀνοσίων βε-  
βαιωκότων, καὶ παρὰ νόμων οὐδ' ἐστὶν ἄς ἐξε-  
βός. Τί. καὶ βάρβαρον ὠδοῦσα τὰς ψυχὰς,

Ἐνθεν τὸν ἄπαρον ἐξεύγουται σκότον

Tom. II.

Βληχροὶ δνοφερᾶς νυκτὸς ποταμοί.

*Tertia via est eorum, qui impie, &  
flagitiose vixerunt, quae animas in  
Orcum, & voraginem detruit.*

*Ubi immensas tenebras eructant*

*Validi nigrae noctis fluvii.*

Luculentius vero haec supplicia de-  
scribit in altero libro de his, qui  
fero a Numine puniuntur. Nec  
adversantur ea, quae male excidif-  
se videntur Senecae, ubi Martiani  
consolatur: *Nullas scimus imminere  
mortuis tenebras, nec carcerem, nec flu-  
mina flagrantia igne, nec oblivionis  
amnem, nec tribunalia, & reos:*  
quae nimis blande repetit Epist.  
XXIV., & LXXXII. Quin etiam  
Ciceronis in id argumentum in Ora-  
tione pro Cluentio cap. 61., Tuscu-  
lan. Quaes. lib. I. cap. 16., de Nat.  
Deorum II. cap. 2., ubi fabulas tan-  
tum inferis adpictas deridet, cum  
ceteroquin in Tusculanis lib. I. cap.  
30. aperte dicat, animabus impio-  
rum devium quoddam iter esse seclu-  
sum a concilio Deorum; & alibi:  
*Numquam Majores nostri caeremonias  
sepulcrorum tanta cura coluissent, nec  
violatas tam expiabili religione san-  
xissent, nisi haesisset in eorum men-  
tibus, mortem non interitum esse o-  
mnia tollentem, atque delentem, sed  
quamdam, quasi migrationem, com-  
mutationemque vitae: quae in claris  
viris, & feminis dux in Caelum sole-*



*ret esse, in ceteris humi retineretur, & permaneret.* Unde hauserint Romani tam enormem doctrinam, si vere eam tenuerunt, ignoro; nam Etrusci praeter caeremonias, quas ad criminum expiationem, ne punirentur, instituerunt, de quibus infra, multa nobis testimonia in Monumentis reliquerunt, quibus instrui-mur, inferna supplicia, atque ea aeterna reprobis instituisse. Quia vero mala omnia inferos cruciari credebant, quae pondere suo felicitatem beatorum coaequarent, & quae nemo mente conciperet, hinc Poetis habenae laxatae sunt, ut quidquid animo imaginarentur, impune fabulis obtruderent, ut, quo magis possent, uniuersa tormentorum genera vulgus conciperet, nec in tanta libertate punctum adtigerunt. In hoc vero culpabiles, quod nugae haece ita ordinaverint, ut in partem religionis infertae detestabiles animae in Deos eleuarentur.

Triplici vero argumento demonstrari potest, Etruscos illos, qui puriorem Philosophiam colebant, credidisse, reproborum animas corpore functas sine expiatione poenis interminabilibus, & pro modo culpae intensius cruciari in Inferno. Primum deduco a ratione, alterum ab auctoritate, ultimum a Monumentis. Ratio validissima est, nec

eluctabilis; cum enim Deum unum crederent, unumque sapientissimum, & necessario iustissimum, animam vero immortalem, consequens est, scelestos homines, qui culpas suas minime diluissent, poena vel temporali, vel aeterna plectendos esse post mortem; cum enim culpa gravis nil aliud sit, nisi recessus a Deo Legum Latore, & omnimoda renunciatio beneficiis, & clementiae illius, par est; ut, veluti ex contractu inito, ab omni beneficio seclusi illud tantum fortiantur, quod extra Deum est, aeternum supplicium. In hanc sententiam convenere Philosophi, qui de animae immortalitate non dubitarunt, quorum sententias recenset pietate, & doctrina Cl. Steuchius de Perenni Philosophia lib. X. cap. 21., & sequentibus.

Auctoritas mirum in modum adferit hanc sententiam Etruscis, qui, ut terrorem tam atrocis supplicii ingererent suis, non alibi, quam in proprio solo fauces hujus Barathri constituerunt, ubi natura loci aptior visa est ad hanc injuriam excipendam, in Campania scilicet prope Cumas, quod cum non ignoraret Homerus, qui Regionem illam oculis distincte lustraverat, adhaesit Thuscæ doctrinae, & aeternitati commendavit Odyss. A. v. 13. Hinc conligimus, jamdudum ante Trojana tem-

tempora, cum Etrusci omnia ea loca tenerent, constitutam fuisse Inferorum sedem, in qua hominum impietas mulcetur. Consentit Hesiodus Homero coetaneus, nisi anterior, qui in Theogonia ver. 720. Titanomachiam describens, Infernum, in quo rebelles dejecti sunt, in eodem loco conlocavit, & licet regionis nomen reticeat, quod Homerus toto citato libro graphice demonstrat, attamen conveniunt notae universae, ex quibus patet ad eundem situm, quem Homerus indicavit, respexisse, & praesertim Insulas Liparitanas flammivomas, & montem ardentem. Exinde consentiunt universi, quotquot scripserunt, in eandem sententiam, unde cognoscimus, doctrinam hanc primum ab Etruscis promanasse, quamquam allegoriarum libertas omnia fabulis obumbraverit.

Tertium argumentum desumitur ex Monumentis Etruscorum, & praesertim sepulcralibus, in quibus Inferorum supplicia explicantur. Haec breviter adumbrantur loco cit. ab Homero, fusius vero a Virgilio, qui nefarios homines, quos majora flagitia notiores reddidissent, adaequatis poenis addictos describit. Horum antesignanos Titanas nobis obicit Hesiodus; nondum enim, dum Dii germinarent, omnes supervene-

rant, qui praemium, aut poenam in se concitarent, sed Homerus, qui posteriorem praetexit historiam, impiorum multos enumerat, Graecos tamen universos. Hos saepe nobis exprimunt Etruscorum Sculpturae, non quia Inferni notitiam a Graecis desumpserint, sed ut haberent, quos in Tartaro conlocarent sine detrimento propriae Nationis, quae religiosior ea hominum monstrumquam protulerit.

Poenas vero inexspiablem criminum aeternas esse crediderunt Etrusci, qui perpetuis suppliciis hominum pessimos condemnatos fuisse reputabant. Hos inter Salmoneum, Tityum, Ixionem, Tantalum, & Theseum, quem aeternae fedi delictum opinabantur, jure adensemus. Testem profero Etruscum Pateram Etruscis characteribus insignitam, quae in Museo Bononiensis nostri Instituti adservatur, in qua Theseus serpentis nexibus fedi vinctus conspicitur, Hercule adveniente. Mentem Etruscorum Artificum de proximo explicavit Virgilius Aeneid. VI. 618.:

*sedet, aeternumque sedebit*

*Infelix Theseus;*

ubi poenarum aeternitatem manifestissime adseruit. Et quamquam ab Hercule ea vice fuerit solutus (ut Servii sententia) eum tamen ita abstraxit, ut illic corporis ejus relinqueret



*queret partem*: seu potius, ut notat Cerdanus; abstraxit viventem; sed Virgilius loquitur de Theſeo jam mortuo, & propriae poenae in aeternum reſtituto. Hoc uno loquaci teſtimonio pro multis intelligimus, ſupplicia Inferni juxta mentem Etruſcorum fuiſſe perpetua. Idem Virgilius ab ejuſdem Populi doctrina mutuatus eſt Gorgones, Harpyias, Hydras, Centauros, Scyllas, Chimaeram, atque Titanes aeterno ſupplicio addiſtos. Ibid. 286.:

*Centauri in foribus ſtabulant, Scyllaeque biſformes,*

*Et centumgeminus Briareus, ac belua lernae*

*Horrendum ſtridens, flammisque armata Chimaera,*

*Gorgones, Harpyiaeque, & formae tricorporis umbrae;*

& rurfus v. 574.:

*Cernis, cuſtodia qualis Veſtibulo ſedeat? facies quae limina ſervet?*

*Quinquaginta atris immanis biatibus Hydra*

*Saeuor intus habet ſedem;*

& ſupra v. 400. de Cerbero:

*Licet ingens janitor antro*

*Aeternum latrans exanguis terreat umbras;*

ubi poenarum aeternitatem manifeſte confirmat. Horum vero monſtrorum formas remotiſſimae antiquitatis

paſſim inuenias in Etruſcorum Monumentis apud Dempſterium, Gorium, & in meis lucubratiunculis. Non negamus, haec & Graecis fuiſſe communia, licet admodum raro obcurrant in eorum Nummis aetate poſterioribus. Noſter vero Maro ea conlocavit in Barathro, quod ad terrorem impiorum in proprio ſolo conſtituerunt Etruſci, cum Graecia flagitiis redundans, & more latronum vivens nullam aeterni ſupplicii imaginem mente conceperit, niſi poſt Homerum, aut Heſiodum, qui illud primi a nobis agnoverunt.

#### C A P. X V.

*Etruſcorum traditio circa poenas leviorum criminum.*

**A**T non omnes culpa ſupplicium aeternum incurrere arbitrati ſunt ſapientes Etruſci, quin leviores temporaria tantum poena diluerentur; Adeo invaluerat ſententia, neminem vel leviter inquinatum beatitudinem, quaecumque ea putaretur, poſſe adipiſci. Firmiter igitur credebant, minora crimina vel expianda eſſe in hac vita voluntariis caſtigationibus, vel poſt mortem ad tempus ſtatutum mulctanda. Quid magis conſonum rationi poterat cogitari? Eam nobis doctrinam pandit Virgilius, quam ex Etruſca diſci-

disciplina didicerat, ut infra demonstrabimus. In primis locum purificationis inter Inferos constituit, sed distinctum a Tartaro, ut Aeneid.

VI. 720. Deinde prosequitur:

*Quin & suprema cum limine vita reliquit,*

*Non tamen omne malum miseris, nec funditus omnes*

*Corporeae excedunt pestes: penitusque necesse est*

*Multa diu concreta modis inolescere miris.*

*Ergo exercentur poenis, veterumque malorum*

*Supplicia expendunt. Aliae panduntur inanes*

*Suspensae ad ventos: aliis sub gurgite vasto*

*Infectum eluitur scelus, aut exuritur igni.*

*Quisque suos patimur Manes: exinde per amplum*

*Mittimur Elysum, & pauci laeta arva tenemus:*

Atque ibi Servius ad 740.: *Supplicia expendunt: Ideo agunt supplicia, non ut animas puniant, sed ut eas peccatis exuant pristinis. Hanc sententiam fovet inter Ethnicos Plutarchus, si tamen Ethnicus dici potest, qui tam recte de Deo, & anima sensit. Hinc in libro de his, qui ferro a Numine puniuntur, visionem de Inferni poenis referens haec ait:*

*Ἀλλὰ δὲ ἄλλη τιμωρία τριῶν οὐσῶν φύλακι, καὶ χειρουργῇ προσήκει. Τοὺς μὲν γὰρ εὐθύς ἐν σώματι καὶ διὰ σωμάτων κολαζομένους, μεταχειρίζεται ποινὴ ταχέα, πρὶν τινὶ τρόπῳ καὶ πασαλεποῖσι πολλὰ τῶν καθαρᾶς δεινῶν. Porro alios aliter puniri & ipsam ( Adrasteam ) tria suppliciorum genera tueri, atque exsequi. Quosdam enim ( agebat ) statim in corpore, & per corpora plerendos poena velox arripit miti quadam ratione, & quae multa omitiat expiationis indigentia.*

Ex Etruria vero haec de Inferis doctrina emanavit, in quo testem profero Martianum Capellam lib. II. Philolog., ubi introducit Philologiam gratias agentem Athanasiae, quod illam in Caelum introduxerit recta via, praetermissis purificationibus, quae apud Plutonium, & Proserpinam ceteris necessaria erant, haec inquit: *Quod nec Vedium cum uxore conspexerit, sicut suadebat ETRURIA, nec Eumenidas, ac Chaldaea miracula formidarit, nec igne usserit, nec Lympha subluerit, nec animae simulacrum Syri cuiusdam dogmate verberarit.* Vedius vero non alter est, quam Pluto, ut declarat Gyradius Syntagm. II. in *Veioris*, & Syntag. VI. in *Vedius*. Ecce nunc hujus antiqui Scriptoris testimonio firmatur, totam hanc disciplinam ab Etruscis promanasse.

Virgi-



Virgilius vero, qui doctrinam hanc diligentius, ut occasio exigebat, pertractavit, quatuor omnino elementis adtribuit purgationem, ut, qui ex totidem elementis hominem constare credebat, unumquodque partem suam repurgaret, loc. cit. 739.:

*Ergo exercentur poenis, veterumque  
malorum*

*Supplicia expendunt. Aliae panduntur inanes*

*Suspensae ad ventos; aliis sub gurgite vasto*

*Infectum eluitur scelus, aut exuritur igni.*

*Quisque suos patimur Manes: exinde per amplum*

*Mittimur Elysium.*

En tria purgamenta, quartum vero terrae aerumnosae, & curis refertissimae locus ipse subpeditat, nempe Infernus; & re vera Aeneas, licet in templo Sibyllae expiatus sacrificiis, attamen Elysii sedem intraturus, ut omnino absolutus videretur, aqua iterum se purgat vers. 635.:

*Occupat Aeneas aditum, corpusque  
recenti*

*Spargit aqua.*

Sed nemo melius praecedentem Virgilii locum de tribus purgationibus interpretatus est Divo Augustino de Civitate Dei lib. XXI. cap. 11., ubi recitatis Poetae versibus haec subdit: *Qui hoc opinantur, nullas poe-*

*nas, nisi purgatorias, volunt esse post mortem, ut quoniam terris superiora sunt elementa, aqua, aer, ignis, ex aliquo istorum mundetur per expiatorias poenas, quod terrena contagione contractum est. Aer quippe accipitur in eo, quod ait suspensae ad ventos; aqua in eo, quod ait sub gurgite vasto; ignis autem suo nomine expressus est, cum dixit aut exuritur igni.... Ceterae omnes poenae, sive temporariae, sive sempiternae, sicut unusquisque Divina providentia tractandus est.*

Has vero purgationes, quae mortem sequebantur, ab Etruscis pro palatas fuisse, docent exempla plurima, quae in illorum Monumentis observamus; illam praesertim per aquam Maris, cum passim videamus in illorum Urnis animas mortuorum a piscibus, & monstris marinis per Oceanum deferri ad beatas Insulas, ut dilutae ab omni labe tandem aeterna pace fruerentur, ut diximus in Dissertatione *De Transvectione Animarum, Musei Etrusci. Tom. III.* Enim vero in aqua Marina aliquid supernaturalis virtutis inesse credebant, veluti in Deorum habitaculo, quemadmodum in fontibus, & in flumine vivo, quibus Dii locales, seu Genii custodes esse reputabant. Sed haec inventa Sculptorum, & Poetarum adumbrabant quidem sinceram illam superiorum sapien-

fapientum traditionem, ut res ab omni sensu remota visibilibus figuris exprimeretur, ita tamen, ut sinceram doctrinam in nucleo continerent.

Dilatato progressu temporis errore, ut veritas obvelata figuris sensim declinaret in superstitionem, adinventum sunt quaedam purgamenta animarum, per quae supplicia mortuis debita viventes eluderent. Igitur instituerunt caeremonias aliquas, quae analogiam cum praefatis poenis haberent, nempe lustrationem per taedam, & sulphur, ventilationem, & lavacra, quae tribus elementis respondent, quam doctrinam exponit Servius Aeneid. II. 116.: *Sciendum in sacris simulata pro veris accipi, unde quum de animalibus, quae difficile inveniuntur, est sacrificandum, de pane, vel cera fiunt, & pro veris accipiuntur*; & rursus Aeneid. III. 370.: *In ratione sacrorum par est animae, & corporis causa; nam plerumque, quae non possunt circa animam fieri, fiunt circa corpus, ut solvere, vel ligare, quo possit anima, quae per se non potest, ex cognatione sentire*. Potentissima vero ad hunc finem censebantur Initia, quae plurima fuerunt superstitionis adinventum; nam praeter ea, quae fuerunt Magnae Matris, Mithrae, ac praeter

Tom. II.

Eleusinia, & Orgia, quae frequentissima erant, Urbes plurimae peculiaria sibi instituerunt, ut conligimus ex Pausania. Apud Etruscos vero nulla alia praeter Bacchi mysteria admissa fuisse, adhuc cognovi, sed haec plurima, & popularia, quibus non modo quaevis scelera admissa purgari posse credebant, sed ea etiam, quae in mysteriorum exercitio patrabantur, & erant frequentissima, minime imputari, ut impie docet Jamblichus de Mysteriis cap. XXII., cui titulus: *Inspiratus vacat ab actione propria, ac Deum habet pro anima*. Hucusque processit infamia, quam aliquando restauratam fuisse condolemus in Haeresi, quam vocabant *Orationem Quietis*.

Quoad expiationes, quae per Bacchica mysteria obtineri putabantur, exempla plurima ubique occurrunt in nostris hisce Picturis, & in iis, quas libro sequente in seriem redactas exhibere constituimus; nam plurima adhuc ignota circa universos ritus elucidabimus. Hanc vero diluendorum criminum rationem, quae ad arcanam Philosophiam non pertinent, a Sapientioribus penitus exfuisse non dubito; siquidem qui Deum unicum colerent, haec subsidia a Diis, quos rejiciebant, numquam exceperunt, ut disciplinam hanc Orgiorum omnino popularem fuisse.

credam . Certas vero voluntarias poenas , quas sibi conscii minorum criminum praesumpsisent , omnino admiserunt . Testimonium profero ex Tabula LXXXVIII. apud Dempsterium , in qua Picturae in sepulcro Cornetano observatae referuntur . Videas in illis tres virorum imagines nudas in altum suspensas ex brachiis , ut quamdam turturae imaginem referant , quod primum supplicium ad Ventilationem pertinet . Ministri fuccincti facibus illos circumstant , alii uncus quosdam gerunt pluribus alveolis instructos , in quibus plura sulphuris suffumigia consistere poterant , ut uno , eodemque tempore universi corporis sensus fumo inficerentur , unus vero ex Ministris , veluti geminas situlas offert ad adpersiones ministrandas . Hanc disciplinam adfligendi corporis facile ex traditione hauserunt Etrusci , quorum Patres maximis calamitatibus a Deo multatos fuisse pro peccatis , dissimulare non poterant .

## CAP. XVI.

*Quae fuerit sententia Etruscorum  
circa Fatum .*

**M**agnum Fatorum nomen apud antiquos , ut in illorum comparatione longo potestatis intervallo Dii omnes vincerentur .

Quid vero essent haec Fata , nec hi , qui ea praedicarent , intelligebant ; modo Deos ipsos adferentes , frequentius vero aliquid longe diffusum non sine multiplici contradictione , ut vix adsequamur intellexisse sub hoc titulo quamdam *necessitatem* rerum sequendarum , sive legem quamdam naturae , cujus sedem penitus ignorabant . Jovem enim , quem ubique jactabant Omnipotentem , Fatibus subditum profitebantur . Servius Aeneid. X. 8. : *Alia est necessitas Fati , alia voluntas Deorum* . Manifestius Cicero de Divinat. lib. I. 10. : *Hoc sentit Homerus , cum querentem Jovem inducit , quod Sarpedonem filium a morte eripere non posset* . Locum Homeri transcribimus ex Iliad. II. 431. :

Τὸν δὲ ἰδὼν ἔλεησε Κρόνου πάϊς ἄγκυ-  
λομήτεω ,

Ἡρὴν δὲ προσέειπε κασιγνήτην , ἄλο-  
χόῳτε

Ὡμοὶ ἐγὼν , ὅτε μοὶ Σαρπηδόνα φίλτατον  
ἀνδρῶν

Μοῖρ' ὑπὸ Πατρόκλοιο Μενοτιάδαο δα-  
μῆναι .

Διχθαῖ δέ μοι κραδίη μέμονε Φρεσὶν ,  
ὁρμαίνουσι

Ἡμῖν ζῶν ἐόντα μάχης ἀπο δακρυόεσ-  
σης

Θέα ἀναπαύξας Αὐκίης ἐνὶ πτόνε δῆμω ,  
Ἡρὴν ὑπὸ χερσὶ Μενοτιάδαο δαμάσσω .

Τὸν δ' ἡμείβετ' ἔπειτα βοῶπις πότνια  
Ἡρῆ ,



Ἀνέστατε Κρονίδη, ποῖον τὸν μῦθον  
ἔαπες;

Ἀνδρα θνητὸν εἶντα πάλας πεπεσμένον  
αἶσῃ

Ἄψ' ἐθέλας θανάτοιο δυσηχέει· ἐξανα-  
λῦσαι;

Ἐγὼ. ἀτὰρ οὗτοι πάντες ἐπαινέσμεν θεοὶ  
ἄλλοι.

Ἄλλο δέ τοι ἐρέω, σὺ δ' ἐνὶ φρεσὶ βαλ-  
λεο σῆσιν.

Ἄϊκε ζωὴν πέμψῃς Σαρπηδόνα ὄνδε δό-  
μονδε,

Φράζεο μή τις ἐπατα θεῶν ἐθέλῃσι ἄλλος  
Πέμπαν ὃν Φίλον υἱὸν ἀπὸ κρατερῆς ὕ-  
σμινος.

*Hunc autem intuitus miseratus est  
Saturni filius versuti,*

*Junonem autem adlocutus est soro-  
rem, uxoremque.*

*Hei mihi, quando mihi Sarpedo-  
nem carissimum virorum*

*Fatum est a Patroclo Menoetiade  
interfici.*

*Bisariam autem mihi cor delibe-  
rat mentibus cogitandi,*

*An ipsum vivum existentem pu-  
gna a lacrymosa*

*Conlocem raptum Lyciae in divi-  
te populo,*

*An jam sub manibus Menoetiade  
domabo.*

*Huic autem respondit deinde ocu-  
lis decora veneranda Juno:*

*Molestissime Saturnie, quale ver-  
bum dixisti?*

Tom. II.

*Virum mortalem existentem diu  
destinatum Fato*

*Iterum vis a morte tristi liberare?*  
*Fac; tamen non te omnes adpro-  
babimus Dii alii.*

*Illud autem tibi dicam, tu vero  
in mentibus pone tuis;*

*Si vivum miseris Sarpedonem suam  
ad domum,*

*Confidera, ne quis postea Deorum  
velit, & alius*

*Mittere suum dilectum filium e  
forti pugna.*

Textum prolixiorē adduximus,  
quod manifestissimum agnovimus ad  
Graecorum mentem explicandam.  
Idem Virgilius Aeneid. V. 376. de  
Fatorum indissolubilitate:

*Desine Fata Deum flesti sperare  
precando.*

Sed longe humanius sensere Etru-  
sci, qui cum Deum omnino unum  
esse crederent, nihil penitus ab illo  
diviserunt, cum alterum, in quo  
illius adtributa conlocarent, non  
invenissent. Seneca Quaest. Natur.  
lib. II. cap. 45.: *Vis illum Fatum  
vocare, non errabis..... idem Etru-  
scis quoque visum est; & de Benef.  
lib. IV. cap. 7.: Eundem & Fatum  
si dixeris, non mentieris;* nam eo lo-  
co Philosophus ab Etruscis eruditus  
totus est in restituendis Deo adtri-  
butis, quae impie ab illo se juncta  
fuerant. Cum enim Fatum nihil sit,  
h 2 nisi

nisi placitum divinae mentis, ab illa numquam poterat segregari, quemadmodum nec ab anima sejungi possunt potentiae, atque illorum operationes.

Quo vero ad Fati mutabilitatem, quam Stoici penitus negabant, ut conligitur ex Servio Aeneid. I. 26.: *Dogma Stoicorum ostendit, nulla ratione posse Fata mutari*: diversimode senserunt Etrusci, & qui illorum sententiam amplexi sunt. Apulejus Metam. I.: *Quod si sedulis obsequiis, & religiosis ministeriis, & tenacibus castimoniis Numen nostrum promerueris, scias, ultra statuta Fato tuo spatia, vitam quoque tibi prorogare mihi tantum licere*. Idemque Servius Aeneid. VIII. 398.: *Sed sciendum est, secundum haruspicinae libros, & sacra Acherontia, quae Tages composuisse dicitur, Fata decem annis quadam ratione differri*; nam Fata differuntur tantum, numquam penitus immutantur; unde Virgilius:

*Nec Pater omnipotens Trojam, nec  
Fata vetabant*

*Stare, decemque alios Priamum  
supereffe per annos;*

In qua doctrina mihi videor videre Etruscos regulam sibi universalem constituisse ex celeberrimo, sed tamen singulari exemplo Regis Ezechiae, ad cujus morientis preces vita ad decennium prorogata est,

conversa retrorsum umbra horologii decem lineis.

Utrumque sit, video Etruscos circa Fatorum mutabilitatem recte sensisse, agnoscendo in Deo absolutam voluntatem, & conditionatam: Absolutam in his, quae naturae ordinem respiciunt, aut grande aliquod objectum ab ejus providentia praescriptum, ut mutationem Regnorum, quo conlimant apud Virgilium fata illa immutabilia, quae ad constitutionem Romani Imperii pertinebant, de qua firmitate videndus Seneca Nat. Quaest. II. cap. 35. Conditionata vero voluntas ut impleatur, conditionis implementum expectat non semper ex parte hominis adveniens, unde exitum aut differt, aut submovet, ut in Regis Saul reprobatione clare cognoscimus, Reg. I. 13. 13.: *Stulte egisti, nec custodisti mandata Domini Dei tui. Quod si non fecisses, jam nunc praeparasset Dominus regnum tuum super Israel in sempiternum*. Improperie tamen dicimus fata, hoc est Dei voluntatem mutari, nam in Deo rerum hamanarum moderatore actus voluntatis, & intellectus simul concurrunt, nempe futuri praescientia, qua ab aeterno cognovit, an conditiones decreto adjectae ad effectum nec ne ex parte hominis sint deducturae. Idem sensit & Seneca,

neca, qui lib. II. Quaest. Nat. cap. 37. de fulminum significatione ex libris Etruscorum adcurate disputans haec tradit: *Cum illius divinitati omne praesens sit . . . Quaedam a Diis immortalibus ita suspensa relicta sunt, ut in bonum vertant, si admotae Diis preces fuerint, si vota suscepta. Ita non est hoc contra Fatum, sed ipsum quoque in Fato est.* Hanc eandem doctrinam Etruscis clare adtribuit Cicero Orat. III. in Catilinam cap. 8., ubi prodigia illa connumerat, quae Reipublicae ruinam suo tempore minabantur. *Quo quidem tempore cum Haruspices ex tota Etruria convenissent, caedes, atque incendia, & legum interitum, & bellum civile, ac domesticum, & totius Urbis, atque Imperii occasum appropinquare dixerunt, nisi Dii immortales omni ratione placati, suo Numine prope Fata ipsa flexissent.*

## CAP. XVII.

*Etruscorum Opinio circa Deos  
Manes, & Lares.*

**E**X his, quae supra demonstravimus, aperte liquet, Etruscos de immortalitate animae recte sensitse, quonimmo & de retributione bonorum operum, & suppliciis malorum post mortem imminentium. Id iudicium Deo reservatum

ipsi quoque honore, & obsequiis imitari conati sunt, ut eos, quos claros meritis excessisse ex hac vita cognoscerent, pro mensura virtutis honestarent, immo & ad Caelum usque deferrent. In quatuor ergo classes memoriam mortuorum dividebant, nempe in malos, in ambiguae conditionis, in bonos, & demum in excellentes. Hos omnes gradus officiis adaequatis pro singulorum merito prosequerentur; Malos, ne nocerent; Dubiae conditionis, ut piaculorum subsidio a culpis, quibus fortasse irretiti obissent, exsolverentur; Bonos ad eorum felicitatem augendam; Optimos vero, quos inter Numina habebant, ut eos sibi propitios, & Reipublicae conciliarent.

Hujus divisionis testimonia manifestissima conligimus ab antiquis Scriptoribus, qui doctrinam hanc, ut demonstrabimus, ab Etruscis desumpserunt. Malorum animas, & tartaro addictas credebant, permitta tantum facultate nocendi viventibus; seu potius crederent, praeter animam, adhaesisse corpori umbram illius prioris indolis maleficae tenacissimam, quae cuncta vexaret. Has Lemures vocabant, seu Larvas, utrumque Etrusco nomine, quae terrifico quodam adpectu, & incurfionibus familias infestabant. Lemures



ab umbra Remi dicti sunt, Larvae, corrupto nomine, a *Lar*, & *Ve*, hoc est Lar malus; nam *Ve* malum significat, ut *Vedius*, hoc est malus Juppiter, nempe Pluto; quae voces ab unica tunc in hac Italiae parte Etrusca lingua defluerunt. Nonius lib. II. 513.: *Lemures, Larvae nocturnae, & terrificationes imaginum, & bestiarum*. Id supplicium passus est Romulus, fratre Remo enecato, cujus umbrae occurfu ipse, & nutritores sui vexabantur. Ovidius Fast. V. v. 450.:

*Romulus ut tumulto fraternas con-*  
*didit umbras,*

*Et male veloci iusta soluta*  
*Remo,*

. . . . .  
*Umbra cruenta Remi visa est as-*  
*sistere lecto,*

*Atque haec exiguo murmure ver-*  
*ba loqui &c.*

*Romulus obsequitur, lucemque Re-*  
*muria dixit.*

Hoc vero solemne sacrum in primaevo illo Urbis schemate alio ritu institui non potuit, quam Etrusco omnia tunc occupante. Favet huic distinctioni auctoritas Divi Augustini de Civit. Dei lib. IX. capit. IX.: *Lares, si meriti boni sint; Lemures, seu Larvae, si mali*. Jocosam vero erat caeremonia, qua ea terriculamenta avertabantur. Var-

ro de Vit. Pop. Rom. I.: *Quibus temporibus in sacris fabam jactant noctu, ac dicunt, se Lemures domo extra januam ejicere*. Formulam diligenter recitat Ovidius loco citat. vers. 418.:

*Nox ubi jam media est, somno-*  
*que silentia praebet,*

*Et canis, & variae conticui-*  
*stis aves,*

*Ille memor ritus veteris, timidus-*  
*que Deorum*

*Surgit; habent gemini vincula*  
*nulla pedes.*

*Signa, quae dat digitis medio cum*  
*pollice junctis,*

*Occurrat tacito ne levis umbra*  
*sibi,*

*Terque manus puras fontana per-*  
*luit unda,*

*Vertitur, & nigras accipit ore*  
*fabas.*

*Aversusque jacit; sed cum jacit,*  
*haec ego mitto,*

*His, inquit, redimo meque,*  
*meosque fabis.*

*Haec novies dicit, nec respicit;*  
*umbra putatur*

*Colligere, & nullo terga viden-*  
*te sequi.*

*Rursus aquam tangit, Temesaea-*  
*que concrepat aera,*

*Et rogat, ut tellus exeat umbra*  
*suis.*

*Alia quoque ratione Lemurum*  
*incur-*

incurfus avertēbant, nempe suspendendo prae foribus imagunculas virorum, & mulierum ex Lana, aut Pilas ex eadem materia. Festus in Superstitibus schedis: *Pilae, & viriles, & muliebres effigies in compitis suspendebantur in Compitalibus, ex lana, quod esse Deorum Inferorum hunc diem festum, quos vocant Lares, putarent, quibus eo die tot Pilae, quot essent capita servorum, tot effigies, quot essent liberi, ponebantur, ut vivis, sic enim invocantur, parcerent, & essent his Pilis, & simulacris contenti*. Exinde substituerunt pro Pilis laneis marinas Pilas, seu globulos, ex minutissimis radicum filamentis compactos aestu maris ad littus reiectos, qui in ora Etrusca frequentes sunt, rariores in littore Pisaurensi. Nonius in Strophium: *Suspendit Laribus marinas, molles pilas, & reticula, & strophia*. Id vero genus spirituum adeo malum esse putabant, ut, dum placarentur, templa Deorum clausa fervarentur ab illorum injuriis. Ovidius loc. cit. vers. 484.:

*Fana tamen veteres illis clausere diebus,*

*Ut nunc ferali tempore operta vides.*

Hanc caeremoniam tuto adtribuimus Etruscis pro nostro instituto,

ex quo multa hujusmodi testimonia desumimus ex illorum Picturis, & praesertim ex illis ad Compitalia pertinentibus. Huc referuntur spectra quaedam ex caetu Lemurum, quae refert Martianus Capella, nempe Larvae, Maniae, Mana, Manturna, Aquilia, Furia, Furina, quae linguam Etruscam sonant.

Gradum ulteriorem occupabant animae conditionis incertae, de quibus ambigebatur, inter bonas ne, an inter malas essent computandae, quarum numerus fuit semper amplissimus. De hac classe mentionem passim nobis obijciunt Scriptores. In primis in libro IX. de Civ. Dei cap. IX. D. Augustinus ex sententia Platoniorum: *Dicit quidem & animas hominum daemones, & ex hominibus fieri Lares, si meriti boni sint; Lemures, seu Larvas, si mali*. Manes autem Deos dici, cum incertum est, bonorum eos, seu malorum esse meritorum. Hanc etiam distinctionem confirmat Apulejus de Deo Socratis: *Cum vero incertum est, quae cuique eorum sortitio evenierit, utrum Lar sit, an Larva, nomine Manium Deum nuncupant, & honoris gratia Dei vocabulum additum est*. Manium igitur adpellatio communis erat, & arbitraria, quae passim unicuique a posteris, & heredibus tribui solebat defun-

defunctis; nec enim vox ista aliud designabat, quam Bonos, ac propterea univerforum suffragiorum meritissimos; quae describit Ovidius Fast. II. 532.:

*Est honor & tumultus animas placare paternas,*

*Parvaeque in extinctas munera ferre pyras.*

*Parva petunt Manes, pietas pro divite grata est*

*Munere, non avidos Styx habet ima Deos.*

*Tegula porrectis satis est velata coronis,*

*Et sparsae fruges, parvaeque mica salis:*

*Inque mero mollita Ceres, violaeque solutae,*

*Haec habet media testa relicta via.*

*Nec majora veto; sed & his placabilis umbra est.*

*Adde preces positis & sua verba focis.*

Vanis hisce oblationibus a vulgo frequentatis, & quae sapientiores ubique deriserunt, adcessere victimae, & plurima sanguinis circum tumulum effusio, sed vereor, ne aliquid deterius superstitione lateret in hac liberalitate erga defunctos, nempe occultum aliquod principium Necromantiae, qua mortuorum Manes ad sepulcra adcersebantur,

ut conligitur ex Euripide in Hecuba v. 536., ubi Pyrrhus Polyxenae sanguinem libaturus ad Achillis sepulcrum ita fatur:

Δέξαι χάρις μου τὰς θεῖς κλητηγίους,  
Νεκρῶν ἀγωγούς. ἐλθέ δ' ὡς πρὶς μέλαν  
κόρης ἀκραιφνὲς αἷμ', ὃ σοὶ δωρούμεθα  
Στρατόστε, κ' ἀγῶ.

*Accipe libationes meas hacce propitiabiles,*

*Mortuos elicientes; veni vero, ut bibas nigrum*

*Puellae illibatum sanguinem, quem tibi damus*

*Exercitusque, & ego.*

Sacrilegum id exercitium etiam ante diluvium a Daemone institutum fuisse, suspicor, quando universa caro corrumperet viam suam, cum notabile sit, primum praeceptum a Deo injunctum fuisse generi humano in filiis Noe Genes. IX. 3.: *Excepto, quod carnem cum sanguine non comedetis*; quod plerumque a Patribus exponitur, ut homines eum conciperent horrorem adversus sanguinem, ut ab universo abusu, qui ex eo fieri posset, omnino abstinerent. Et re vera hoc mandato pefundato, Cham unus ex istius Patriarchae Filiis primus omnium post diluvium, teste Philone in libro Antiquit., Necromantiam in Aegypto instituit. At longe alio sensu Etrusci sanguinem infundebant sepul-



pulcris, quodam conatu inanissimae pietatis in mortuos, ut quod maxime optassent, recuperarent. Verior tamen conjectura suadet, id genus sacrificii non ad mortuos dirigi, tamquam ad Deos, sed ad Mortem, quam inter Infernas potestates maximae auctoritatis verebatur; nam Virgilius, qui lingua Sacrorum utebatur, id sacrificium non mortuis, sed Morti offerri testatus est loc. cit. lib. XI. : v. 197.

*Multa boum circa maectantur corpora Morti,*

*Seuigerosque suos, raptasque ex omnibus agris*

*In flammam jugulant pecudes;*

ex quo manifeste conjicitur, has hostias expiatorias fuisse, ut mortuis levamen aliquod conciliarent. Mortem, veluti Numen, placandam esse reputabant, haud levi testimonio Orphei, qui illam in ejus Hymno suffimento mannae demulcendam esse praescribit, deque illius auctoritate, tamquam Dea, meminit Pausanias in Lacon., & rursus in Eliacis, ubi eam Noctis filiam esse tradit. Nec bruta tantum animalia maectabant in funeribus, verum etiam, quod acceptius Morti putaretur, Virorum praestantiores. Sic apud Homerum Iliad. x. v. 22. inducitur Achilles promittens ob Patroclum interfectum,

*Tom. II.*

Δώδεκα δ' ἐπισπάρσῃ πυρὴς ἀποδαίσο-

τομήσαν

Τρώων ἀγλαὰ τέκνα.

*Duodecim vero e conspectu rogi obtruncaturum*

*Trojanorum nobiles filios.*

Sic etiam apud Q. Smyrnaeum in Paralipom. r. 676.:

Ἄμφι δ' ἐ Τεύχεα πολλὰ πυρὶ περιμή-  
σατο

Αἰζῆων κταμένων. πολλούς δ' ἐφύπερθε  
βάλουτο

Τρώων δηώσαντες ὁμῶς περικαλλέας ὕϊας.

*Arma ergo plurima rogo accumulant*

*Interfectorum Juvenum; nec paucos super injiciunt*

*Una Troum forma insignes natos, quos obtruncaverant.*

Ratio hujus impietatis ea fuerat, quod victimas hasce crederent non mortuo, sed Morti fore gratissimas. Arcanum explicat Statius Thebaid.:

*Stygiis emissa tenebris*

*Mors fruitur Caelo, bellatoremque volando*

*Campum operit, nigroque viros invitat biatu,*

*Nil vulgare legens, sed quae dignissima vita*

*Funera, praecipuos annis, animisque cruento*

*Angue notat.*

Huc refero gladiatorum dira spectacula

Etacula ab Etruscis introducta in funeribus, atque exinde propagata ad Romanos, ut voluntario sanguine Mors emolliretur, ut quem sibi rapuerat, meliori saltem in sede conlocaret. In notis vero ad Tabulam primam Tomi III. Picturarum Etruscarum conjecturam nostram produximus, Mortem eandem esse, ac Proserpinam universae subterraneae potestatis arbitram, & acerbam sedium dispensatricem.

Praecipuum vero honoris gradum obtinuerunt defuncti, qui, potissimo aliquo in Rempublicam beneficio, totius populi consensu, & solemni iudicio Divorum sedibus inferebantur, & sacra, veluti sibi debita, non in alios transferebant, ut Manes, sed proprio nomine accipiebant. Differentiam hanc inter sacrificia Deorum, aut Heroum, qui communi suffragio consecrati essent, & inferias mortuorum, qui privato auspicio inter bonos computarentur, depromo ex Apollodoro Biblioth. lib. II. cap. V., ubi Molochi adparatum in adventu Herculis describit: *Ξενίζεται πασα ἀνδρῶν χερνήτη Μολόρχω. καὶ θύειν ἱερῶν θέλοσι, εἰς ἡμέραν ἔφη Τησεῖν τριακοσὴν. καὶ ἂν μὲν ἀπὸ τῆς θήρας σῶος ἐπαρέλθῃ Διὶ Σωτήρι θύειν. ἐὰν δὲ ἀποθάνῃ, τό τε ὡς ἥρωι ἐναγίζειν. . . . . Καταλαβὼν δὲ τὸν Μόλορχον, ἐν τῇ Τελευταίᾳ τῶν ἡμερῶν*

*ὡς νεκρῶ μέλλοιτα τὸ ἱερῶν ἐναγίζαν, Σωτήρι θύσας Διὶ, ἥγεν εἰς Μυκήνας τὸν λείοντα.*  
*Hospitio excipitur (Hercules) a Molochro Viro, qui manibus suis vitum quaerebat, & ei hostiam immolare volenti, eam ad diem trigesimum servare jubet; eamque si a venatione incolumis reverteretur, Jovi Servatori mactaret; si vero occubisset, sibi tum, veluti Heroi, inferias ageret. . . . . Ubi vero extrema sui reditus die, Molochum, ut mortuo sibi inferias daturum deprehendit, Servatori Jovi sacra fecit, & leonem Mycenis intulit. Homines vero plurimos virtutibus, & beneficiis insignes Etrusci inter Deos retulerunt, & publice coluerunt. Mitto Feminas Nortiam, Juturnam, Vacunam, Ancariam, Valentiam, Voltumnam, aliasque, quas recenset lib. II. de Etrur. Reg. Dempsterius, & Gorius noster Musei Etrusci Tom. I., qui doctissime circa id argumentum versati sunt; nam ex illarum nominibus nihil esse conjicio, nisi Dei adtributa. Sed praeterire non debeo, Vertumnum, qui cum agrorum culturam primus vel Aiano secundus vel docuisset, vel perfecisset, in Etruria Deum factum esse, ut probat idem Dempsterius lib. I. cap. 15., lib. II. cap. 6., & alibi sparsim. Sic Pilumnus quoque, quod pinsendi frumenti*

# DISSERTATIO.

IXIII

menti usum in Etruriam invexisset, & Picumnus, sive Stercutius, ex quo usum stercoretorum invenerit agrorum, Dii facti sunt, ut refert Divus Augustinus de Civitat. Dei lib. V. cap. 9., & Servius in IX. Aeneid. vers. 4. His adcenſeo Tagetem, & Bigoem, quod haruspicinam docuissent; sententiam in id ferentibus universis, qui ex hac arte vel lucrum, vel auctoritatem captabant.

## C A P. X V I I I.

*Quid senserint Etrusci circa sacrificia funebria.*

EX his, quae praemisimus, aperte constat, solertissimos fuisse Etruscos circa cumulanda in funeribus sacrificia, quod nisi aliunde adpareret, ex Picturis, quas Tomo frequenti prodituri fumus, exuberanter demonstraremus. Id institutum singulis quibusve gentibus commune fuit, non tamen unica apud omnes ratione introductum; nam plerumque hic honor in animam defuncti dirigebatur, veluti quodammodo divinitatis participem, quia ex igne caelesti constare dicebant Stoici, ut tradit Cicero de Nat. Deor. lib. III. cap. 14., vel delibatam ex mente divina censebant, ut ex Pythagora,

Tom. II.

& ut refert idem Cicero de Senect. cap. XXI., ex qua opinione mortuorum animabus, quaecumque fuerint, quaedam divinitas tribuebatur juxta antiquam legem: *Letbo dantos Divos habeto*; quemadmodum tradit idem Cicero lib. II. de Legibus, & Plutarchus in Solone, ubi ait: *Καὶ γὰρ ὅτιον τοῦς μεθεστῶτας, θεοῦς νομίζαν.* Est enim primum defunctos existimare sacros. Alii nil ad mortuum haec obsequia spectare putabant, rati, pompam esse mere civilem ad Familiae munificentiam ostentandam. Thusci ad Deos referebant, ut defunctorum animabus propitiarentur, & delebiles maculas hisce obsequiis diluerent; Optimum quidem consilium, cum Deum unum agnoscerent, & excusabile in iis, qui, corrupta etiam religione, pristinam doctrinam in hac parte servarent.

Inter officia funerum primum locum obtinebat sepultura, ex insita nobis sententia, quod pulvis simus, & in pulverem reversuri. Hinc etiam exorta est superstitio, animas numquam posse quiescere, donec corpus inhumatum permaneret; unde illud apud Virgilium VI. Aeneid. 374.:

*Tu Stygias inhumatus aquas, amnemque severum*

*Eumenidum adspicies, ripamve injussus abibis?*

i 2

& Ac-



& Aeneid. XI. 23.:

*Interea socios, inhumataque corpora terrae*

*Mandemus; qui solus bonos Acheronte sub imo est.*

Haec vero ineptia inde ortum duxit, quod inhumati his carerent sacrificiis, quibus animas expiari credebant; nam, ut supra innuimus, haec sacra non ad mortuos dirigebantur, verum ad ea Numina, quorum iudicio animabus propriae fedes distribuerentur. Haec adfertio adeo vera est, ut vana putarentur haec sacra pro illis, qui vitam innocentem palam transegissent, ut de Pallante adhuc adolescente idem Virgilius Aeneid. XI. 51.:

*Nos Iuvenem exanimum, & nil jam caelestibus ullis*

*Debentem, vano moesti comitamur honore.*

Haec vero parentalia ex mente Etruscorum nihil prorsus erant, nisi suffragia Diis oblata pro requie, & pace defuncti. Id conligo ex luculentissimo alibi adducto Arnobii testimonio lib. II., qui illorum institutionem iisdem Etruscis adtribuit: *Neque illud obrepat, aut spe vobis acria blandiatur, quod a sciolis nonnullis, & plurimum sibi adrogantibus dicitur, Deo esse se gnatos, nec Fati obnoxios legibus: si vitam restrictionem egerint, aulam sibi ejus patere,*

*ac post hominis functionem, prohibente se nullo, tamquam in sedem referri patriam: neque, quod Magi spondent, commendaticias habere se preces, quibus emollitae, nescio quae, potestates, vias faciles praebeant ad Caelum contententibus subvolare, neque, quod ETRURIA libris in Acheronticis pollicetur, certorum animalium sanguine Numinibus certis dato, divinas animas fieri, & ab legibus mortalitatis educi. Blandimenta haec cassa sunt, & inanium fomenta votorum. Et rursus: Quid illi sibi volunt secretarum artium ritus, quibus adfamine, nescio quas potestates, ut sint vobis placidae, neque ad sedes remeantibus patrias obstacula impeditiois apponant. Ecce nunc mortualium sacrificiorum oblatio non ad animas dirigi, sed ad Deos iudices animarum, ut illas placidi accipiant. Hanc vero doctrinam non induxit Aeneas in Italiam, ut sensit Ovidius adulator, nam Aeneas cum adpulit in Italiam, eam ibi jam introductam invenit apud Etruscos, ceterosque populos, qui ab illis originem jam deduxerant. Virgilius Aen. XI. 189.:*

*huc corpora quisque suorum  
More tulere Patrum, subjectis ignibus atris,*

*Ter circum accensos cincti fulgentibus armis*

*Decur-*

*Decurrere rogos.*

*Multa bouum circa maſtantur cor-  
pora Morti,*

*Setigerosque ſues raptasque ex o-  
mnibus agris*

*In flammam jugulant pecudes.*

C A P. XIX.

*Arcana Etruſcorum Philoſophia circa  
originem Mundi.*

CUM multa ferveret apud an-  
tiquos de Mundi origine di-  
ſcordia, quod alii, qui Dei omni-  
potentiam non adtingerent, aeter-  
num crederent, alii fortuito coa-  
luiffe ex informi materia, alii ve-  
ro conſultius ſcite arbitrarentur  
creatum, nihil erat, quod litem  
hanc humano ingenio definiret.  
Nullum ſubſidium exſpectari pote-  
rat ab Aegyptiis, qui omnium pri-  
mi rebus occultis ſpeculandis nava-  
runt operam, cum ea, quae adſequi-  
ti effent, fabulis portentofis obduxif-  
ſent, ab ipsis quoque, qui invenif-  
ſent, deridendis. Itaque divina pro-  
videntia factum eſt, ut hanc pri-  
mariam univerſae ſcientiae ſcholam  
Moyſes divinitus inſtructus aperiret,  
qui ad Nationem illam, ceterasque  
erudiendas Genefim ſcriberet, ut  
unum omnino Deum Creatorem

omnium oſtenderet, & quo ordine  
proceſſerit, manifeſtaret.

Huic traditioni, ſive alteri an-  
tiquiori a patribus exceptae adhae-  
ſerunt Thuſci; quippe quia de Diis  
fabulae, quas ſubinde exceperunt,  
longe poſteriores ſunt, ac eminus  
diſtant a primaeva illa populorum  
ſimplicitate, qua cum duriore vi-  
tae ratione, & laborioſa utebantur,  
dum otio pernicioſo minime frue-  
rentur, unde fabulae exortae ſunt.  
Quid igitur ſenſerint Thuſci de  
Coſmopoeja, ediſſerit nobis ex ve-  
teri hiſtoria illius Nationis Suidas,  
quae ejus tempore adhuc ſupererat;  
nam doctus iſte Grammaticus haec  
habet in voce τυρρηνια: Ίςοριαν δὲ παρ  
αὐτοῖς ἀνὴρ ἐμπαρςⓈ συνεγράψατο. ἔφη γὰρ  
τὸν δημιουργὸν τῶν πάντων Θεὸν δώδεκα χι-  
λιάδας ἐνιαυτῶν τοῖς πᾶσιν αὐτοῦ φιλομή-  
σασθαι κλίσμασι, καὶ ταύτας διατᾶναι τοῖς  
ιβ. λεγομένοις οἰκοῖς. καὶ τῇ μὲν α' χιλιά-  
δι ποιῆσαι τὸν οὐρανόν, καὶ τὴν γῆν. τῇ δευ-  
τέρῃ ποιῆσαι τὸ ζεφείωμα τοῦτο τὸ φαινόμε-  
νον, καλέσας αὐτὸν οὐρανόν. τῇ τρίτῃ, θα-  
λασσαν, καὶ τὰ ὕδατα τὰ ἐν τῇ γῇ πάντα.  
τῇ δ', τοὺς φωσῆρας τοὺς μεγάλους, ἥλι-  
ον, καὶ σελήνην, καὶ τοὺς ἀστέρας. τῇ ε', πᾶ-  
σαν ψυχὴν πετεριῶν, καὶ ἐρπετῶν, καὶ τετρα-  
ποδῶν, ἐν τῷ αἵματι, καὶ ἐν τῇ γῇ, καὶ τοῖς ὕδασι.  
*Apud eos (Thuſcos) vir peritus hi-  
ſtoriam ſcripſit, in qua ait, Opifi-  
cem rerum omnium Deum duodecim  
annorum millia Univerſi hujus crea-  
tioni impendiſſe, reſque omnes in duo-  
decim*

*decim domos ita dictas distribuisse ; ac primo millenario fecisse caelum , & terram : altero fecisse firmamentum illud , quod adparet , illudque caelum vocasse : tertio mare , & aquas omnes , quae sunt in terra : quarto luminaria magna , Solem , & Lunam , & Stellas : quinto omnem animam volucrum , & reptilium , & quadrupedum in aere , terra , & aqua degentium . De sexto millenario , seu potius periodo expresse non loquitur Anonymus Thuscus , sed conligitur ex sequentibus verbis , ubi mentionem facit de creatione hominis , quam supponit perfectam ante septimum millenarium ; prosequitur enim : Φαίνεται οὖν τὰς μὲν πρώτας ἑξ χιλιάδας πρὸ τῆς τοῦ ἀνθρώπου διαπλάσεως παρεληλυθέναι . τὰς δὲ λοιπὰς ἑξ χιλιάδας διαμένειν τὸ γένος τῶν ἀνθρώπων . ὡς ἔστιν τὸν πᾶντα χερόν τῆς συτελείας μέχρι χιλιάδας δώδεκα . Videtur igitur sex primos millenarios ante formationem hominis praeteriisse ; & reliquos sex millenarios duraturum esse genus hominum , ut sit universum consummationis tempus duodecim millium annorum . Hinc conligit Amicus , quoad vixit , meus , semperque laudandus Jacobus Brukerius in Historia Critica Philosophiae , Etruscos , si tempus corrigas , consensisse cum Mo-faico systemate dividente creationem in sex dies , sive periodos .*

Opinio vero de sex mundi aetatibus adprime respondit communi traditioni , quae rerum creaturarum durationem in totidem segmenta , sive epocas distribuit . Huic opinioni adhaesisse Etruscos , conligitur ex alio ejusdem Suidae loco in Σύλλας , ubi haec refert : Ὅτι ἐπὶ τοῦ Σύλλα τοῦ Ὑπάτου ὁ ἐμφύλιος Ῥωμαίων ἀνέφθη πόλεμος . ἐπιστημῶν δὲ τῶν μελλόντων κακῶν φορῶν Διβιόφησι , & Διόδωρος . ἐξ ἀνφέλου τοῦ ἀέρος καὶ αἰθέρας πολλὴ ἤχον ἀκουσθῆναι σάλπιγγος , ὅζον ἀποτανοῦσης & θρηνώδη φθόγγον . καὶ τοὺς μὲν ἀκούσαντας ἀπαίτας ἐκφερας ὑπὸ θεοῦ γενέσθαι . τοὺς δὲ Τυρρηνῶν μάχας μεταβολὴν τοῦ γένους & μετακόσμησιν ἀποφῆ-  
 νασθαι σημαίνειν τὸ τέρας . ἔπειτα μὲν γὰρ ἀνθρώπων ὁκτώ γέννη , διαφέροισιν τοῖς βίοις & τοῖς ἡθεσιν ἀλλήλων . ἐκάστω δὲ ἀφωρίσθαι χερόν ὑπὸ τοῦ Θεοῦ , συμπεραινόμενον ἐνιαυτοῦ μεγάλου περιόδῳ . τῆς γοῦν προτέρας περιόδου τελευτήσης , & ἐτέρας ἐνισταμένης κινῆσθαι τι σημεῖον ἐκ γῆς ἢ οὐρανοῦ θαυμάσιον , ὃ δὴλον εὐθύς τοῖς Ἰατρίαις σφοδρῶς γίνεσθαι , ὅτι & τῆσποισι ἄλλοις & βίοις ἀνθρώποις χράμενοι γαγόνασι , & Θεοῖς ἥκτον τῶν προτέρων μέλοισιν . Syllae Consulis temporibus civile. Romanorum bellum exarsit . Futurorum vero malorum illorum tempestatem signa quaedam praeceffisse , Livius , & Diodorus tradunt . Aere enim sereno , & admodum sudo tubam auditam esse , quae acutum , & lugubrem clangorem red-  
 deret ;



deret; omnesque, qui eam audierant, prae metu obstupuisse. Tyrrenos autem vates respondisse, prodigium illud generis humani mutationem significare. Octo enim esse hominum genera vita, & moribus inter se discrepantia; quorum unicuique certum tempus a Deo praestitutum sit, quod magni anni circuitu absolvatur. Priore igitur circuitu ad finem perducto, & altero instante, prodigium aliquod admirabile in terra, vel Caelo adparere, ex quo rerum illarum periti statim coniciant, exstitisse homines aliis moribus praeditos, quique Diis minus curae sint, quam priores.

Harumce aetatum definitionem diversimode statuunt Historici, praefertim gentiles, qui litteras sacras ignorantes eum a politicis mutationibus desumpserunt. Primam a creatione Mundi ad Diluvium, quod uno, vel altero nomine nuncupatum minime ignorabant: Alteram a divisione primitiva humani generis: Tertiam a coloniarum, & libertatis fundatione: Quartam ab interitu libertatis, quae, Sylla Consule, in tyrannidem declinabat; subodorant enim fortasse ex Prophetia Danielis barbarorum inruptionem, quae universa vastaret: Quintam adtingimus infra: Sextam vero temporibus nostris praeservatam ita penitus

perhorresco, ut posteri nil, nisi exitium expectent.

Hanc autem doctrinam, vel a Sibyllis, vel a Danielis Prophetia, ut indicavimus, vel a fama ex inde evulgata facile exceperunt Etrusci, unde spatium durationis argumento mystici Simulacri, quod senas aetates adsignabat, Auream, Argenteam, Aeream, Ferream, Ferream simul, & Luteam, & demum Luteas extramitates: *Et digitos pedum ex parte ferreos, & ex parte fictiles.* Quinta vero aetas, quae post quartam Romanae Monarchiae successit, facile in tres distingui potest, nempe in declinationem Romani Imperii, quam post Constantinum accidisse cognoscimus, deinde in Gothorum Imperium, demum in Turcicum, quae omnia post eventum nos singillatim designamus. Etrusci vero ab uno ex indicatis fontibus, vel per aenigma edocti in senas aetates rerum omnium perturbationem praescripserunt. Nec otiosa sunt verba Auguris Thufci: *ὁ δ' ἄλλον αὐτοῦ τοῖς ταῦτα σοφοῖς γίνεσθαι, ὅτι καὶ Τρόποις ἄλλοις καὶ βίοις ἄνθρωποι χρόμενοι γέγονασιν, καὶ Θεοῖς ἥττον τῶν προτέρων μέλουται.* Ex quo rerum illarum periti statim coniciant, exstitisse homines aliis moribus praeditos, quique Diis minus curae sint, quam priores. Quod etiam praeviderat Horatius Carm. III. 6.:

*Aetas*

*Aetas parentum pejor Atavis tu-  
lit:*

*Nos nequiores, mox duros*

*Progeniem vitiosorem;*

& re vera compertum est, singulas ex  
praefatis perturbationibus rerum hu-  
manarum corrupisse quam maxime  
mores, & restrinxisse Religionem.

Ex sententia quoque Etrusci Hi-  
storici, quam supra praetulimus,  
clare patet, ipsos recte sensisse con-  
tra Mundi aeternitatem, quam plu-  
rimi Graecorum perperam adfere-  
bant, declarans, τὰς λοιπὰς ἔξ χιλιά-  
δας διαμέναν τὸ γένος τῶν ἀνθρώπων. ὡς  
ἔσται τὸν πάντα χρόνον τῆς συντελείας μέ-  
λει χιλιάδας δώδεκα, *reliquo sex mil-  
lenarios duraturum esse genus hominum,  
ut sit universum consumationis tempus  
duodecim millia annorum.* Ex Thu-  
scorum disciplina, non vero Graeca  
didicerunt Romani, finem huic mun-  
do aliquando imminere. Lucretius  
lib. V. v. 96.:

*Una dies dabit exitio, multosque  
per annos*

*Subtentata ruet moles, & machi-  
na mundi;*

& Ovidius I. Metam. v. 256.:

*Esse quoque in Fatis reminiscitur,  
affore tempus,*

*Quo mare, quo tellus, correpta-  
que Regia Caeli*

*Ardeat, & mundi moles operosa  
laboret;*

& Lucanus de Bell. Civ. I. 72.:

*sic cum, compage soluta,*

*Saecula tot Mundi suprema coege-  
rit hora,*

*Antiquum repetens iterum Chaos,  
omnia mixtis*

*Sidera fideibus concurrent, ignea  
pontum*

*Astra petent, tellus extendere lit-  
tora nolet,*

*Excutietque fretum.*

Idem sensit Seneca Quaest. Nat. III.  
26., & Sibyllae apud D. Augusti-  
num de Civitate Dei XVIII. 13.,  
ubi Graeca earum carmina latine  
versa refert.

Huc usque adtigimus, STUPPA-  
NI CARDINALIS AMPLISSI-  
ME, paucula, quae nos de Arca-  
na Etruscorum Philosophia conlige-  
re potuimus, plura daturi, nisi in-  
curia hominum, & temporum in-  
vidia eorum libros nobis penitus  
subrepsisset. Primo quidem obtutu  
percipies, dogmata haec minime  
fuisse popularia, cum longe aliud  
nobis promittat Philosophia Etru-  
scorum, quae potissime circa Populi  
Politiam versabatur, auguria, au-  
spicia, haruspicinam, & alia hujus-  
modi, quorum examine detrahitur  
potius illorum gloriae, quamquod  
confulatur. Quid enim tristius no-  
bis, qui Etrusca origine nati sumus,  
ea retractare, quibus adferamus,  
majo-

maiores nostros toti generi humano imposuisse, ut inter nebulones censeantur? Id unum ad eorum laudem referendum supererat, floruisse inter eos purissimam disciplinam circa ea, quae vere sapientem instituunt, Arcanam tamen, atque seclusam. Quis enim contraire ausisset toti Populo, quem Sacerdotes quaestuosi, & Haruspices subvertissent, quorum maxima auctoritas erat in Republica, nec impar lucrum, & qui divinae mentis interpretes habebantur? Mirum itaque est, tam pauca dogmata ex sobria illorum Philosophia, quam ceteri adversabantur, ad nos pervenisse; nam in tanta, atque universa errorum conluvie, aut maxime secreta, aut certe exsecrata esse debuerunt.

Plura jam prae veram de communi Philosophia, de ea praefertim, quae ad naturam, & artes pertinebat; sed modum libri jam excessimus. Dabimus aliquando, si praesens Collectio, quae continuari desiderat, prospero successu prosequatur.

## C A P. X X.

*Loca indicantur, ex quibus confirmatio praecedentium petenda est.*

DE Genio Domestico vide Tractatum nostrum in calce Tom. III. Mus. Etrus. Goriani in Tom. II.

Addition. p. 1. , ubi multa de Laribus Etruscis publicis, & privatis, & de multiplici ordine eorundem Geniorum proponuntur.

De Laribus Etruscorum publicis, & privatis, & de illorum Larariis vide nostrum Tomum I. de Pictur. Etruscor. in Vasculis pag. XXIX.

De Bacchanalibus Etruscorum egimus peculiari tractatione praefixa Tom. III. ejusdem operis Picturar. Etruscarum jam pro editione praeparato.

Acheronticus, sive de Ara Sepulchrali, ubi late differitur de Cultu, & Consecratione Mortuorum ex Ritu Etrusco, multaque de Geniis, & Laribus cumulantur; Mus. Etrus. Goriani Tom. III. in Nostreis Addition. pag. 17.

De Cratere Asperforio, quo cadavera Etruscorum Arcanis liquoribus inrorari solebant; Inter Symbolas Gorianas, & iterum in Nova Collectione, cui titulus: *Selecta Monumenta, Florentiae 1750.* pag. 237.

De Mensa Sacra Junoni dedicata Etruscis, sive Ovis litteris inscripta; ibi pag. 257.

De Funere Etruscorum; In nostris Additionibus ad Tom. III. Mus. Etrus. pag. 79.

De Etruscorum Sepulcris; ibid. pag. 145.

De Scriptura, & Litteris Etru-

k

sco-



scorum Tractatus in principio nostri Tom. IV., sive continuationis Musei Etrusci, quem pariter publicae luci addinctum, & centum Tabulis jam incisis instructum in promptu habemus.

De Lingua Etrusca egimus in nostris Epistolis Roncaliensibus editis Venetiis in Confectione Calogeriana Opusculorum Scientificorum annis 1740., 1741., & 1742.

De Hellenismo Etruscorum, nempe de lingua Graeca aliqua ex parte in Etruriam transfusa Tractatus intes Symbolas Gorianas, & iterum in praefata Confectione, cui titulus: *Selecta Monumenta, Florentiae 1750.* pag. 35.

Etruria Homerica; Tractatus, in quo manifestissime ostenditur, Etrufcos studiosissimos fuisse linguae Graecae, & Graecorum Librorum, potissime vero Homeri. Exstat in Tomo XVIII. Novae Confectionis Opusculorum Scientificorum. Venetiis. 1769.

Inscriptio Osca, in qua fines reguntur Agri Nolani, & Abellani, exposita, & notis inlustrata. Primum id Monumentum illius linguae, quae maxime adfinis est antiquae Etruscae, prodiit in lucem, & prima haec tentamina in hanc linguam publicae luci exponuntur in Tom. II. Confectionis Opusculorum Acade-

miae Columbariae pag. 1. Hanc novis inlustrationibus auctam publicare meditamur in nostra continuatione Musei Etrusci.

De Nominibus, Praenominebus, & Metronymicis Etruscorum; in nostris Paralipomenis ad Etrur. Regalem Dempsterii pag. 217.

De Re Nummaria Etruscorum, & aetate, cui Nummi singuli probabiliter tribuendi sint; ibid. pag. 147.

De Pictura Etruscorum, ejusque singularibus artificiis, & praesertim de Adcessoriis hujus artis, scilicet Geometria, & perspectiva, tum & de eruditione in fabulis exprimendis Tractatus praefixus Tom. I. Picturarum Etruscarum pag. LXIV. Idem Italico idiomate in Pictorum gratiam traductus in Nova Confectione Opusculorum Scientificorum Tom. XVI. Venetiis an. 1768.

De Architectura Etruscorum videnda Dissertatio in calce Mus. Etruf. Goriani pag. 129. Tom. III.

De Caeramica Etruscorum, & praecipue de Fucis, & coloribus, praesertim rubro encaustice paratis, quibus Etrusci utebantur in Vascularis adornandis, multa traduntur in nostra Dissertatione de Genio Domestico in calce ejusdem Tomi III. Mus. Goriani, 9. 10. 40., & sequentium.

De Re Vestitaria Etruscorum.

Tra-

# DISSERTATIO.

LXXI


Tractatus praemissus Tom. I. Picturar. Etruscar. pag. LIII.

Vindiciae Etruscae, quibus Vasa depicta, quae in Etruria, potissimum in Campania, & in Sicilia, ac Samnio passim eruuntur, ex Etruscis officinis prodiisse demonstratur, & confirmatur. De lin-

gua Etruscorum multa passim praemissa sunt in citatis operibus, praesertim vero in Epistolis Roncaliensibus, & novissime in Paralipomenis ad Etrur. Regal. Dempsterii, in quibus Tabulae Eugubinae magna ex parte explicantur.



# DE MUSICA VETERUM ETRUSCORUM DISSERTATIO.



## ARGUMENTA CAPITUM.

- |  |  |
|--|--|
| <p>I.<br/><b>E</b>trusci apud Italos omnium<br/>primi Musicam excoluerunt.<br/>Organa univërfa invenerunt, &amp;<br/>perfecerunt, ac Romanis primum<br/>tradiderunt.</p> | <p>me describuntur, &amp; subinde cetera<br/>Tensilia Etruscorum.</p>  |
|  | I V.   |
|  | Inflatilia illorum enumerantur.  |
|  | V.   |
|  | Describuntur Pulsatilia, quae<br>in Etruscorum Monumentis conspi-<br>cua adparent.   |
|  | V I.   |
|  | Ex Organorum Etruscorum stru-<br>ctura, & praefertim citharopoeja<br>facile arguitur, Musicam ejus Natio-<br>nis ad summum apicem perfectio-<br>nis pervenisse sine Graecorum ad-<br>jumentis. |
|  | V I I.   |
|  | Musicae antiquae excellentia cum<br>recenti comparatur, & judicium<br>proferetur, utra sit praeferenda.  |

### I I.

### I I I.





EX VRNA FICT. APVD DEMPSTERVM T.I. Tab. XXXVI.

# DE MUSICA

## VETERUM ETRUSCORUM

### DISSERTATIO.



Bcurrente mihi in his Tabulis uniuersa pene Etruria, ac producente e latebris singulos mores suos ordinate dispositos, Musica illius negligenda non erat, ars nobilissima, & Deo prae omnibus adcedens cum votis, & precibus nostris; ubique enim in hisce Picturis ejus testimonia intuemur in choris canentium, cum harmonicis instrumentis, quorum indoles nobis est inquirenda. Quam ma-

xime floruerit haec facultas apud Etruscos, ostendit non uno in loco Athenaeus, & praesertim lib. XII. cap. 3.: Ὑπὸ δὲ τῆς Τρυφῆς οἱ Τυρρῆνοί, ὡς Ἀλκιμῶν ἱστορεῖ, πρὸς ἀνδρῶν καὶ ματτούσι, καὶ πνεύουσιν, καὶ μασιγούσιν. *Alcimus Thuscos ad voluptatem adeo propensos refert, ut tibiae cantum adhibeant, cum fontes flagris caedunt, pugillatu certant, & farinam pin-sentes subigunt.* Adde pompas, processus, atque convivia, praecipue vero sacra, quibus fere semper concentus intuemur. Id studium potissime efferbuit in hac natione, rudi adhuc cetera Italia, atque ipsa Roma vel nascente, vel nulla, quae deinde

deinde adolefcens non alio ex fonte hanc artem excepit, quam ab Etruria, omnium tunc bonorum institutorum magistra, ac deinde portentum. Strabo lib. V. Geogr.:

Λέγειν δὲ καὶ ὁ θριαμβικὸς νόσμος, καὶ ὑπαϊκός, καὶ ἀπλῶς ὁ τῶν ἀρχόντων, ἐκ Ταρκυνίων δεῦρο μετένεχθῆναι, καὶ ῥαβδοί, καὶ πλέκας, καὶ σάλπιγγες, καὶ ἱεροποιῖαι, καὶ μαθηκὴ, καὶ Μουσικὴ ὅση δημοσίᾳ χρῶνται Ῥωμαῖοι. *Traditum est, ornatum triumphalem, ac consularem, omniumque adeo Magistratum a Tarquiniis Romam fuisse translatum: nec non fascēs, secures, tubas, sacrificia, divinationem, & MUSICAM, qua publice utuntur Romani, hinc venerē.* Illorum inventum fuit tuba, lituus, ceraulus, quorum testimonia, sicuti ceterorum organorum, quae in modulationibus adhibuerunt, antiquissima ex hisce iconibus monumenta producemus. Adcedit idem Athenaeus lib. IV. cap. 25.: *Τυρρηνῶν δ' ἔστιν ἔνσημα κέρατα τε, καὶ σάλπιγγες.*

*Etruscorum inventum sunt cornua, ac tubae.* Quin & tibiā curvam iidem adtribuit Pollux lib. IV. cap. IX. num. 5.: *Ὁ Τυρρηνὸς αὐλὸς ἀπὲς βραμμένην σύριγγι παρειοικώς, χαλκὸς μὲν ἔστιν ὁ κάλαμος, κατωθεν δὲ ὑποπνεόμενος.*

*Tyrrhena tibia inversae syringi similis, cujus quidem arundo aerea est, quae inferne inflatur;* & idem Pollux loc. cit. cap. XI. num. 1.: *Ἐν δὲ καὶ ἡ*

*σάλπιγξ τοῖς αὐλοῖς προσήκα, τὸ μὲν ἔνσημα Τυρρηνικόν. Quod vero tibiis & tuba competit, Etruscorum inventum est;* Nec aliunde tibicines Roma exfurgens adcerfivit, quam ab Etruria nostra. Ovid. de Art. lib. I. v. 112. Sabinarum raptum describens:

*Dumque, rudem praebente modum tibicine Thusco,*

*Ludius aequatam ter pede pulsatur humum.*

Cujus quidem Tyrrhenae tubae mentio plurima est apud antiquos Scriptores Servium Aeneid. VIII. 526., Sil. Italic. lib. II., & V., Stat. Thebaid. III. 652., & lib. VI. 402., & lib. VII. 630.

## I I.

**Q**uae tamen fuerit melopoeja Etruscorum, quodve illius artificium atque excellentia, impossibile est adsequi, arte ipsa, dum dum producit, evanescēte, nisi scriptis commendata posteris diagrammata transmittantur, vel canones, quibus illa continebatur, quorum nihil superest. Unica ergo nobis remanet via ad illam inter tenebras inquirendam, organorum contemplatio, ob adfinitatem maximam, quae intercedit inter organicam Musicam, atque vocalem. Etenim rudia instrumenta simpliciorē cantum redarguunt, atque

atque negligentiore, cum contra, quae subtiliori investigatione compa-  
cta videntur, facultatem longe faga-  
ciorem, magisque studiosam por-  
tendunt.

Nemo interim ignorat, Musicam  
ex duobus potissime constare, nem-  
pe ex varietate toni, & temporis  
exquisitissimis intervallis, quae in  
singulo gressu rhythmico continentur.  
Hi vero pulsatione quadam designa-  
bantur, quam Ἀναβάλλεσθαι τὸν ῥυ-  
θμὸν adpellabant. Fiebat vero ele-  
vatione manus, aut pedis, seu  
conspicui alicujus instrumenti, cum  
praefertim chorus esset frequentior,  
& tunc Ἀπὸ τοῦ dicebatur; contra vero  
τάσις, cum nutus deprimeretur. Grae-  
cis in re Tuscanica abutor vocu-  
lis, nam studia majorum nostrorum  
ad alios transfusa peregrino ornatu  
ad nos rediere, detritis patriis, quae  
abeuntes detulerunt. Hujus formu-  
lae unicum exemplar, sed satis ido-  
neum, infra producimus in Tab.  
CLXXXI., in qua Lar victor, ἐν  
bello redux, ovantis more, sistitur  
inter Aquilas Legionarias, cui ex  
altera parte obcurrit Lar familiaris  
coronatus inter Larundas, citharam  
pulsans; una vero ex feminis epi-  
necium canit, altera Archisympho-  
netam agit, & manu elata *Gamma*-  
*dion* adtollit, quo excitat ecphone-  
sim. Dubitavi aliquando, an istud

instrumentum in formam r pro Sym-  
bulo Musicae artis habendum esset;  
nam integer canon vocum, quem  
vulgo *scalam* adpellamus, antiqui-  
tus *Gamma* nuncupabatur a nota  
r, quae primariae voci adponeba-  
tur, & universo systemati harmoni-  
co nomen tribuebat. Hoc tamen  
institutum haud tantae antiquitatis  
esse cognovi, ut ad Etruscos per-  
venerit; nam communiter adtribui-  
tur Guidoni Aretino Monacho A-  
sceterii Pomposiani, in hac Ferra-  
riensi ditione olim celeberrimi; A-  
lio igitur defluxit suspicio mea in  
hujus figurae contemplatione, nec  
fortasse a vero aberraverim, conj-  
ciendo, tigillum hoc cum regula  
transversa, quae adtolli, & demit-  
ti posset, ideo fuisse adinventum, ut  
cum modus Musicus esset variandus,  
praescripto signo de Lydio in Phry-  
gium, sive Doricum, de quibus infra,  
integrum chorum praemoneret. Rem  
obscuram eruditae antiquae melopoe-  
jae examinandam libens remitto.

## III.

UNiversus organorum adparatus  
ad tria capita referendus est; nem-  
pe ad *Tensilia*, *Inflatilia*, & *Pulsa-*  
*tilia*. Omnium choriphaea erat Ci-  
thara, quae communiter confundi-  
tur cum Lyra, nam forma par u-  
tri-



trique, differente tantum chordarum numero, & chordotonia. Haec orchestram moderabatur, ut nunc Polipectrum, aut Claichordium. Ex quatuor partibus constabat, Echaeo, five ventre concavo, intra cujus specum vibratio chordae concussae profundius reboaret. Ex illo duo cornua, seu brachia in altum procedebant, in quorum vertice jugum transversum infixum erat. Echaeum modo angustius, modo amplius pro chordarum crassitudine, ut mitius, seu vehementius resonarent. Spatiosum videas in Tab. CII., minimum in Tab. CXXIII.

Chordae ex inferiore claviculo supra ventrem extensae, & magadio, five ponticulo elevatae, atque disjunctae, ut liberius resonarent, in summo jugo adfigebantur volubilibus epitoniis, quorum adcurata vertigine tonum praescriptum adtingerent, atque fervarent. Aliquando tubulis ossis immissae per jugi foramina fursum trans mittebantur, ut constantius vocem propriam retinerent; atque exemplum profero in Tab. CV., in qua conspicua sunt epitonia, & tubuli inferiores. Chordae, seu fidiculae, quas improprie Nervos vocamus, ex intestinis ovillis componebantur. Subrogatae vero faepissime chalcochordae & Chalypsochordae ex auricalco, vel chalybe,

prout Musicae genus remissiore, aut acriorem sequelam organi postulare.

Numerus chordarum non semper idem pro ejusdem artis incremento; nam praeter Monochordum, de quo infra, simplicior cithara tribus chordis instructa erat, quarum armoge constabat ex tribus tonis A. C. E, in quibus tantummodo vox canentis organum obsequentem habebat, assa in reliquis efflabatur, cui instituto aptari quodammodo potest scomma Horatianum de Art. Poet. v. 355.:

*Et citharoedus*

*Ridetur, chorda qui semper oberat eadem.*

Haec inops harmonia rudem artem explodit instrumento magna ex parte otioso. Hujus Trichordii imaginem habemus in Tab. CII., & CXLVII.

Tetrachordum frequentius erat (repete Tabulam CII.) cujus chordonium erat A. C. E. F. Rursus Pentachordon obcurit in Tab. CLVIII., & CLX. Exachordon in Tab. CI., CLXXII. Eptachordon, quod totum systema continebat in Tab. CLXIX. Demum his adjectum Diapason consonantiarum praecipuum, atque unum omnium unisonum, ceteris tantummodo consonis. Itaque confectum Octachordon, ut in Tab. CV. Ars subtilior addi-

addidit integro systemati Hyperipatas, & Hypernetes, chordas nempe graviores, & tenuissimas ad antiphthongia elicienda, quibus consonantiae graves, & acutae formarentur. Subinde additum Disdiapason, geminae nempe octavae, & Trisdiapason, quod tres octavas contineret, cujusmodi est cithara, quam saepe memorat Divus Hieronymus. Demum proditae citharae Simicae ex chordis XXXV., & Epigonia XL. continentes. Non tamen amplissimum hoc systema primum Diapason sequebatur, nam subcessivae chordae pro tribus Musicae generibus paratae pro metabolism variam chordotoniam adiciebant, de qua infra erit sermo.

Citharae adaccessoria Episphineter, sive constrictorium, quo epitonia chordarum vertebantur, genus clavivis aereae, vel ferreae; cum enim verticilla admodum spissa forent, manu inermi tractari non poterant. Plectrum spathula erat eburnea mucronata, qua chordae singulae pulfabantur. Aliquando adunco cuspi de instructae erant ad carpendas duriores chordas, quas hyperhypatas vocabant, quemadmodum contra hypernetas acutissimas, quae extra systema tendebantur, stilo tenuissimo excitabant. Demum adcessit pecten instructum dentibus ita dispositis,

Tom. II.

ut unico pulsus chordam, quam vocant fundamenti, & consonas excitaret. Universum hoc armamentarium in theca bene ornata circumferebant cum organo, sicuti suspensam e cingulo defert Apollo sedens in Tab. CXXX.

Barbiton censebatur inter tensilia omnium maximum, proceritate hominem aequante, vocis profundissimae, & crassioribus chordis instructum, cujus figuram nusquam observavi, quam in Tab. CII. Modus hujus instrumenti adeo excrevit apud Romanos, ut Ammianus Marcellinus XIV. 6. inter luxus sui temporis numeraverit *LTRAS ad speciem carpentorum ingentes*.

Monochordium, quod unicam ciceret vocem, duplici commento polytonum reddidere. Apicem chordae tigillo mobili adfixum sinistra manu extendebant, aut remittebant, ut tonos universos pro modo agilissimae tensionis effunderet, unum ex omnibus tensilibus, quod semitonos exprimeret. Alterum monochordium invenerunt Etrusci, in quo Nervus perpetuo rotae vortice confricatus resonaret, additis tamen octo taxillis, qui chordae longitudinem ordinate prementes totidem tonos distinguèrent, ut integro canoni satisfacerent; ejus specimen observamus in Tab. LX. praecedentis libri, fru-

stra alibi inquirendum. Inde emer-  
sit Lyra Mendicorum adhuc apud  
Germanos maxime frequens. Id e-  
xemplar maximi facio; nam inde  
triplex inventum emanavit ad Mu-  
sicae perfectionem. Rotae lubricus,  
& diurnus circuitus, unde arcus  
crinitus derivavit. Origo & hinc fuit  
taxillorum ad singulas voces distin-  
guendas. Demum hinc deducta est  
chordarum palpatio, quae pro di-  
scursu digitorum tonum fidium pro  
libito imminuit, translato dein feli-  
citer hoc invento ad unicum manu-  
brium, quo fero admodum pervene-  
runt Romani, ut infra notabimus,  
haud dissimulantes, gloriam hanc  
Etruscis nostris esse tribuendam.

Denique habuerunt Etrusci Tri-  
gonum, ut in Tabul. LXIX. ejus-  
dem Primi Tomi, & qui saepius  
recurrat in aliis Tabulis nondum  
incisis inter schedas meas. Chordae  
mediae erant in illo crassiores, at-  
que longiores, sensim hinc, & in-  
de decrecentes, ita ut duo diver-  
sa chordarum systemata pro duo-  
bus Musicae generibus contineret,  
simplicissimo instrumento.

## I V.

**I**nsflatilia cujusvis generis habue-  
runt Etrusci, documento natu-  
rae sibilantibus per rimulas ventis,

& pro modo faucis organizantibus.  
Monaulum in primis breviorum  
tibia, sed dulciorem, qui gemit-  
na manu palpatus videtur saepe  
in his Tabulis, & frequentius in  
schedis meis; quin dubitem, inte-  
grum canonem vocum continuisse.

At magis obviae sunt tibiae du-  
plices, quae unico flatu inspiraban-  
tur. Hae aliquando brevissimae e-  
rant, & *Pueriles* adpellabant. Adi  
Tab. LXIX. prioris Libri. Intro-  
duxerunt & *Virginales* mediae for-  
mae, ut in Tab. VII., CXLIV., &  
apud Dempsterium Tab. XXXIX.,  
& LXIII., demum & *Viriles* potif-  
sime in Bacchanalibus hujus Cen-  
turiae observandas. At singulae  
tria tantum foramina habuerunt cum  
tono A. C. E. in dextera, totidem  
vero in sinistra, non unisonis, sed  
consonis vocibus ad majorem har-  
moniam.

Aliquando dispares erant, alte-  
ra longiore, ut in Tab. XIII. To-  
norum utrique par numerus, sed,  
ut puto, major minori respondebat  
per diapason, alioquin disparitas  
inutilis exstitisset.

Buccinam ab Etruscis adhibitam  
video in Tabul. CLXIII., in qua-  
quum nullum insit discrimen vo-  
cis, nisi gravioris, aut remissioris  
boatus, aliena erat a modulata me-  
lopoeja, & vix admissa in tumultu



tu pleni concentus, parco ululatu ad tonos aliquos adgravandos.

Ceraulum, & Lituum ampliorum recurvum ax aere factum, ut supra innuimus, conspicimus in Marmoribus, & praesertim Tom. I. Mus. Etrusc. Tabul. CLXXVIII., & CLXXIX., & Tom. III. Class. III. Tab. LXXVIII., ubi Ceraulus obcurrit a puero inflatus. Haec instrumenta lunata numquam integrum canonem vocum excurrunt. Si vero integro orbe flatus reflectatur, potissime si circuli multiplicentur, ut retardato spiritu in vorticibus mollius spiret, tonis omnibus respondet. Hujus postremi Organi imaginem videas in eodem Tom. I. Mus. Etrusc. Tab. VI., desumptam ex Pictura Vasis Gualterii apud Dempsterium Tab. XLVIII., in qua Mars ad Peonem adcedens tubam hanc in triplicem gyrum sinuatam substinet.

Sambucam inter Etruscorum organa inflatilia recenset Pollux in introitu hujus Tractationis adlegatus, qui ita scribit: οἱ Τυρρῆνες αὐτὴν ἀντεστραμμένην σύριγγιν παροικῶς. *Tyrrhena Tibia inversae syringi similis*. Utraque in figuram parabolicam sinuata erat. Atqui cum tubam in Marmoribus magis recurvam in exitu observamus, consequens est, inversam Syringam mi-

Tom. II.

nus sinuosam fuisse in infima parte, magis vero arcuatam, ubi flatum adciebat. Praeterea exitus ejus non patulus, ut in tuba, sed angustus fuit. Quapropter illius sonum describens Athenaeus lib. IV. cap. 7. haec ait: Ἐφ' ὃ Μακροῦργον δ' ἐξυφθόγγον ἀναμουσικὸν ὄργανον τὴν σάμβυκην. *Acutum esse Masurius dixit Sambucae sonum*. Respondet definitioni ejus figura, quae conspicua est in pompa funebri Columellae Alfaniae, quam publicavimus, atque explicavimus in calce Tom. III. Mus. Etrusci.

Fistulam Etruscam ex pluribus disparibus calamis compactam saepius intuemur in Urnis sepulcralibus illius nationis modo ex quinque, ut ex Tab. LX. Mus. Etrusc. Tom. I., aliquando ex septem, ut ex Tab. XLVII. ibidem, demum ex octo, ut apud Dempsterium Tab. LXXIII. Graecas praetermitto, quas vidi Romae in Marmoribus, in quibus praeter canonem septem vocum gradatim desinentium observabantur etiam quatuor ultra ordinem longiores hyperhypatae ad consonantias profundiores. Has, inquam, praetermitto; nam Etrusca tantum inquirimus.

Adcessoria Inflatilium erant calamaulus, & lingula. Haec extrema flatum ductu arctiore immitte-

bat in tubum organi. Ille vero lamella tenuissima lingulae interjecta, atque palpitante raucedinem quamdam pro modo amplitudinis sono communicabat. Semel obcurrit hujuscemodi additamentum in tuba Martis, quae ter in orbem sinuatur, de quo supra sermonem fecimus.

## V.

**P**ulsatilia instrumenta ad clangorem magis, quam ad Musicam spectant; nam praeter asperitatem monotona sunt, dum Sistrum excipias, recens inventum ex pluribus aereis calamis disparibus compactum, & malleolis pulsandum, aut trigonum cum aereis decrescen- tibus circulis, sive campanulis ad harmoniam adcomodatis, quae tamen aliena sunt a nostro instituto. Tintinnabula, & codoniscos adhibuerunt frequentissime Etrusci in choraeis, & saltationibus; quinimo horum lineas ex humero in obpositum latus recurrentes, aut coxae, & tibiis strictim adligatas saepissime intuemur in his Tabulis, vestesque ex illis contextas, ut inter incedendum, atque saltandum crepitarent.

Tympanum ubique videas, praefertim Tab. XIII., LXVII., CXXII., CXXVIII., & CXXXIV. Consta-

bat ex aereo lebate forinfecus multiformiter exculto, & corio superinducto. Aliquando sinistra suspensum unico bacillo plectebatur, aliquando duplici, utraque manu operante, ut in Tab. LXX. Illo praecipue utebantur in furialibus pompis Ideae Matris, & Bacchicis, ubi terror religioni conciliandus erat.

Discus aereus crassior bacillo ferreo ictus tinnitum effundebat, in morem nostri Aeris Campani, quo pariter in Bacchanalibus Etrusci utebantur. Suspensum parieti observabis in Tab. CXXXIII., & alibi saepe in manibus Faunorum saltantium, item apud Dempsterium in Etrur. Regali, non uno in loco.

Crotala ad instar gemini cyathi forinfecus ansati obcurrunt in Tabul. CXXXII. apud Dempsterium loc. cit. Tab. XXXVI., & Gorium in Mus. Etrusc. Tom. III. Class. III. Tab. XXII. Scutellae mutuo incussu acrem, raucumque sonum ciebant, ad excitandos animos aptissimum, quo etiam in bello utuntur Orientales. Minora crotala ex ostreorum testis, & ad illarum imaginem buxea simul juncta unica manu quassabantur, praecipue a saltantibus, crepitu obsequente singulis motibus exsultantium. Specimen hujus instrumenti observatur in Tab. CLXIII.

Cyclus aereus, qui suspensus bacillo ferreo quateretur in Liberi Patris Mysteriis, obcurrit nobis in Tab. CLVI., & CLIX. Alibi etiam observandus, decussatis tigillis adfixus, quo commodius transferri posset.

Erant praeterea crepitacula omni-gena ad enthusiasum, & phanatissimum inducendum aptissima, quae observantur in Tabulis CXXIX., & CLVII., in quibus sese obfert instrumentum in modum paterae manubriatae confectum, in cuius extimo limbo antrorsum, atque retrorsum fluctuant virgulae mobiles, cardinibus vinctae, quae celeri concussione agitatae acre sonum in disco excitabant, translato deinde hocce invento ad nostra Semanteria, quibus in Sanctiore Hebdomada utimur, cum Aera sacra funestata conticescunt.

Lances pendulas, quae invicem quaterentur, suspensas in extremitatibus perticae observamus in Tab. CLXVIII., in qua plebejum Bacchanale adumbratum conspiciamus.

## V I.

**H**actenus ex contemplatione organorum, quae sibi Veteres Etrusci praepararunt, specimen quoddam rude illius Musicae adtigimus. Superest nunc, ut subtilio-

Tom. II.

re conamine artis excellentiam inquiramus, quam nonnisi a cithara choriphoea sperandum putamus. Tres praecipuos *Musicos Modos* agnoscimus ad universos animi motus concinne exprimendos ab antiquis adcomodatos, *Lydium* ad molles passiones, *Phrygium* ad vehementes, *Dorium* ad intermedias, qui, succedente industria, in plures etiam gradus divisi sunt ab artificibus melopoeiae ad exactissimam homoeophoniam adsequendam cum imitatione naturae, & ad pathos, sive passionem adaequatam in auditoribus excitandam. Non enim aequo semper gradu flava bilis exultat, aut atra exspumat, cum laeta, aut tristitia repraesentantur, quarum vivacissima expressione animos ad sui voluntatem exturbat Musica impetratrix. Quin aliquando illos non modo in enthusiasum abstrahit, sed etiam in phanatissimum exagitat, veluti in embateriis bellicrepis cum spiritus in vorticem tumultuarium perturbantur. Proinde legimus, Henricum Daniae Regem aliquando, audito percelebri Musico, ita efferbuisse, ut plures ex ejus familia, tamquam mentecaptus, necaverit.

Itaque singulis modis aptatae sunt expressivae melopoeiae, cum organis nerveis, aereis, aut ex cha-



lybe extenuatis, quae fervorem rei sequerentur. Praeterea modis singulis aptata sunt *Genera* Musicae; *Diastalticum* nempe pro laetis, *Haesystalticum* pro quietis, *Systalticum* pro flebilibus; totidemque stili, *Diatonicus* nimirum, *Enharmonicus*, & *Chromaticus*, cum maximo doctrinae adparatu in Metabolis, cum de uno in alterum genus excurrendum esset, & non sine magno vocabulorum rumore, Graecia undique reboante.

Quid igitur de Etruscis nostris in tantis ambagibus disciplinae? Adierunt ne Thebanas orchestrae, ut discerent Oedipodarum calamitates metodice deplorare? Vix credam de Natione cultissima, cum naturam haberet omnisciam institutricem, & exemplaria familiaris loquelae. Cum maerorem exponimus demisse, & tarde verba proferimus, ac interrompimus. Iram properante, vehementique voce significamus. Sensus mitefcunt in faustis, adfurgunt ad majestatem in gravibus, & divinis, furuntque in adversis. Quid vero est Musica, nisi loquela harmonica, quae recte tractatur, si ad naturam adcedat? Quapropter narrationem sedati cum cantu exprimimus, erigimur vero in monostrophis, seu, ut vulgo dicimus *Arie*, nam in illis ex narratione

in enthusiasmum adflamur, & fulminius mentis conceptum explodimus.

Ipsam quoque corporis nostri organum sine praeceptore tria Musicae genera magis praecipua sponte producit. Cum enim dolor, & metus vim spirituum nostrorum impediat, atque retardet, & furor exagitet, praecordia nostra coarctantur, aut dilatantur, efficiuntque illam *Systolem*, atque *Diastolem*, unde *Systalticum* genus, & *Diastalticum* factum est, mediumque *Haesystalticum*, non Graecis modo, sed universae humanitati notissimum, varia tantum adpellatione discretum, & pro modo ingenii, in quo Etrusci Graecis non concedebant, illosque iudicio superabant.

Consequens ergo est, Etruscos antiquissimos, qui in Italia omnium primi Musicam invenerunt, tantoque adparatu organorum excoluerunt, ipsa natura duce, ac viam praemonstrante, tria illa genera harmonica fuisse adsequutos, quae nihil amplius important, quam animi passionum imitationem, aptamque rerum expressionem. Quinimmo ad hanc artem pervenisse, facile demonstrat opificium cithararum tropis adcomodatum, per quae de uno ad alterum modum transcendebatur. Horum quisque propriam harmoniam,

gen; sive temperamentum peculiare postulabat, ut in paucissimis chordis phthongi indolem Modi sequerentur. Itaque primus tonus Lydii erat in Do, Phrygii in Re, & Dorii in Mi, unde reliquum Systema dependebat. Tres igitur Lyras habuerunt Graeci, cum de uno ad alterum modum transire debebant, simul conjunctas basi triangulari, cujus facillima evolutione de uno in alterum modum procedebant. At Thufci simpliciore artificio idem obtinuerunt jugo cytharae volubili, in cujus extremitatibus anfae consisterent, quae integrum systema modica versione vel adtollerent de una in alteram vocem, vel deprimerent. Id inventum adtribuimus Etruscis, nam illorum monumenta, e quibus adparet, Romana antecedunt, eadem methodo fabricata. Excurras (si libet) universas cithararum formas ubique in his Tabulis sparsas, & praesertim primam hujus Centuriae, simulque observabis citharae jugum hinc, & inde proilientem a cornibus, in cujus extremitatibus anfulae adinstar malleolorum infixae sunt pro facili conversione totius cylindri.

Adcessit alterum artificium longe commodius, atque facilius, ut in ima parte citharae versatile hoc

lignum consisteret, cum extrema rota, ut manus sinistra facillimo motu tonum mutaret. Testem adduco ex schedis meis Picturam Vasis Etrusci, quod ad haec usque tempora mansit in Bibliotheca Collegii Soc. Jesu in Insula Melitae, unde schema ad me pervenit. Idem inventum, & invertendae citharae rationem fero admodum exceperunt Romani, nullo antiquiore argumento, quam ex sculptura marmorei Sarcophagi, quod Romae adservatur in Hortis Caelimontanis Matthaeiorum, ejusque opus Antoninorum aetati adtribuitur, cujus imaginem addendam curavi Operi Doniano de Lyra Barberina, cui ultimam manum adhibui, ut videre est in Tab. V. num. 2., & 7. Tomi I., quem admodum rursus edendam praestolamur a Cl. V. Joh. Christophoro Amadutio in eorundem Hortorum Veteribus Monumentis, quibus suas jam adtexuit inlustrationes. Hinc non inaniter censeo inventum ad Etruscos esse referendum. Quae cum ita sint, clare dignoscimus, Musicam apud Thufcos ad summum apicem elegantiae pervenisse sine Graecorum adiumentis, ut versatilibus organis, iisque simplicissimis universas artis argutias commode exprimerent.

## VII.

**S**uperest nunc, ut Musicam antiquam generaliter sumptam, Graecam simul, atque Romanam cum recenti nostra conferamus, ut iudicium constitui possit, utra illarum sit praeferenda, argumentis ab organorum examine derivatis; nam alioquin interdictum est ambas experimento tentare.

Judicium triplex proferendum est de singulis Musicae partibus, *Organica*, *Melopoeja*, & *Cantu*. Quod adinet ad primam, video omnibus antiquorum organis tarditatem, & asperitatem, quas repeto a praemissa Citharae descriptione; ubi enim chorda manu dextera tentanda esset, sinistra proximas hinc inde dimovere oportebat. Inde chordae universae tam acriter pertentatae tensionem praecipuam relaxabant. Paucitatem tonorum vix compensabat numerus subinde multiplicatus, qui facile citharoedum confundeat. Torpebat ergo Musica Organica, quae plerumque excitabatur in clausulis, cum periodus harmonica expiraret, assa ceteroquin voce cantantis. Nunc in manubriis disposito canone, vocum agili palpatione in decursu manubrii arcus crinitus fluxu repentino universas voces depromit. Nulla olim fugacium notarum agilitas, atque illa harmoniae fulgura, quae

lubricas voces nec discerni patiuntur, nec numerari, perturbatione gratissima. Hinc ambiguae vocis in duplicem partem anhelantis protrahita suspensio, & vocum deliquia, aut incrementa, quae quondam ex obstinatissimis tonis nec minui poterant, nec augeri. Deerat haec celeritas ad perfectam imitationem naturae, quae cum turbatur, & vehementer commovetur, non loquitur, sed dilabitur.

Si vero praeestamus in Organica, facile in Melopoeja superamur. Exacta illa naturae imitatio nonnisi ab intima Philosophia petenda est ad passionum indolem adsequendam. Inde adcerfendus in expressione iracundiae primus ille in exortu tumultus, atque confusio, & veluti haesitatio; progressus vero constantior, exitus praeceps, & ruinosus. In rebus trepidis prima illa imago periculorum, inde dejectio, demum desperatio. In laetis confusa exultatio, quae in spem potiorum erecta, in entusiasmum proripitur. In hoc vero maxime profecit antiqua Melopoeja, quia a Philosophis intimae naturae consensibus tractabatur, usque ad miracula elicienda, (si fides scriptis adhibeatur,) ut morbos Musica curarent, furorem compefcerent, & inertes excitarent. Hanc excellentiam (sed miraculo tenus) aeta-



te mea adsequuti sunt scitissimi artifices Vincius, Bononcini, Pergulensis, alique, sed in primis Vir Religiosissimus, atque humanissimus Joh. Baptista Martinus Bononienſis, Franciscanae Familiae Alumnus, cuius nomine recreor, qui intensissima scientiae harmonicae cognitione, omnes facile praedecessores superavit, quique ad universalem Musicae Historiam elaborandam numerum decem, & septem millium Auditorum theoreticae partim, & practicae Musicae conlegit, ad quos fane obstupuit Vir Cl. Martinus Gerbertius Abbas Cong. S. Blasii in Silva Nigra, & S. R. Imperii Princeps, qui eruditissimum Opus de Musica Ecclesiastica jamdiu parat, quamquam ipse insigni huic Martinianae Conſectioni ex ejus selectu potissimum ex Germaniae Bibliothecis facto plurium ad rem idoneorum Scriptorum Appendicem suppeditaverit, ut ipse testatur in *Itinere Italico* edito Typis San-Blasianis anno MDCCCLXV. pag. 461., ubi de ejus transitu Bononiam, & Ferrariam agit, qua in Urbe degens humanissime ab ipso tunc visitatus sum, ut proinde hoc loco haec obsequii argumenta rependere voluerim, quo etiam honorificae, quam ipsi libuit ibidem nostri facere, commemorationi aliqua stet nostri

itidem officii vicissitudo. Hisce igitur ducibus Melopoeja robur pristinum, & majestatem reparasset, nisi potior Archisymphtonetarum turba corruptis vulgi auribus obsequens, natura posthabita, unice titillationi deserviret. Nempe hi sunt, qui profusi in minutias auditu gratissimas, sed cordi incognitas, non ultra progrediuntur, intactis passionibus, quae sine vera imitatione non excitantur. Cur enim ad iram movear, si Musfurgus naturam irae vel ignoret, vel negligat. Ita nec flector ad pietatem, cum extrema Polyxenae morientis verba percipio inter garrula subsilientium notularum diffugia blandule emollita; dum luciniam audio, non Musicum, qui mortem Regiae Virginis gargarizat.

Quo vero ad tertium Musicae officium, quod circa Cantum versatur, sine dubio praestamus antiquis. Veterum miracula tribuuntur Thaleti, Empedocli, Pythagorae, Socrati, Asclepiadi, quorum vox multum de Stoa, aut Peripato resonabat; at nulla tunc exercitamenta perpetua sub Phonasco, ut hodie, etiam sub communi convictu, nec ampla stipendia, quae sectionem corporis magno foenore, atque honore compensat. Nemo olim ex honestis viris Musicam ignorabat, sed

fed tam vulgaris artis diffusio intimam cognitionem facile excludit. Addo frequentiam nostrorum Drammatum, quae periculo plena exercitamentum maximum postulant, atque artis adparatum. Si vero Musica rationalis vim cantantis erigeret, jactata illa veterum miracula validius experiremur, quam cum Philosophi decantarent.

Prae ceteris vero oportet, Poesin anteire Musicae in praeceptis Pathologiae, ut animi motus ad vivum eliciat, simulque adtollat, & robo-

ret, ut expressio fortius urgeat, & premat, idque in gratiam spirituum stupidorum, qui tradius excutuntur. In primis vero Poesis tota imaginibus redundet, praesertim in monostrophis, in quibus aliquid enthusiastici inesse debet. Nam in illarum imitatione, & sequela potissimum emicat Melopoeiae artificium; maxime vero elanguescit, cum nil, nisi nuda verba cantantur, in quibus nihil prorsus obcurrit, quod modulatione imitetur.



## I N D E X

## T A B U L A R U M

*Quae in hoc II. Volumine inlustrantur.*

## CLASSIS VIII.

- TAB. CI. Dea Juventus Adolescenti Praetextato obcurrrens. *pag.* 1  
 Tab. CII. Tripudia in adsumptione Togae celebrata. *pag.* 3  
 Tab. CIII. Convivia in adsumptione Togae celebrata. *pag.* 4  
 Tab. CIV. Bacchi Apotheosis in datione Togae. *pag.* 7  
 Tab. CV. Ludi, & Lectisternia in Togae Virilis adsumptione. *pag.* 8

## CLASSIS IX.

- Tab. CVI. Cultus Lari domestico, dum Toga Tironibus concederetur. *pag.* 10  
 Tab. CVII., & CVIII. Idem Argumentum. *Ibid.*  
 Tab. CIX. Idem Argumentum. *pag.* 11  
 Tab. CX. Idem Argumentum. *Ibid.*  
 Tab. CXI. Idem Argumentum. *pag.* 12  
 Tab. CXII. Idem Argumentum. *pag.* 13  
 Tab. CXIII., & CXIV. Matronae Sacrum parantes. *pag.* 14  
 Tab. CXV. Sacra Genio Tironis peracta, cum Togam fumeret. *Ibid.*  
 Tab. CXVI., CXVII., & CXVIII. Exemplum Virorum fortium Adolescentibus

proposita, dum Togam adsumerent. *pag.* 15

## CLASSIS X.

- Tab. CXIX. Initia Bacchi. *pag.* 17  
 Tab. CXX., & CXXI. Idem Argumentum. *pag.* 18  
 Tab. CXXII., CXXIII., & CXXIV. Initia Bacchi. *pag.* 19  
 Tab. CXXV., & CXXVI. Bacchi Antistita cum Satyrisco. *pag.* 22  
 Tab. CXXVII., & CXXVIII. Idem Argumentum. *pag.* 23  
 Tab. CXXIX., & CXXX. Idem Argumentum. *pag.* 24

## CLASSIS XI.

- Tab. CXXXI., CXXXII., CXXXIII., CXXXIV. Baccha Faerens. *pag.* 25  
 Tab. CXXXV., CXXXVI., CXXXVII., CXXXVIII., & CXXXIX. Idem Argumentum. *pag.* 27  
 Tab. CXL., & CXLI. Idem Argumentum. *pag.* 28  
 Tab. CXLII., & CXLIII. Idem Argumentum. *pag.* 29  
 Tab. CXLIV. Baccha in Lectisternio. *pag.* 32  
 Tab.



- Tab. CXLV. Bacchae Sacra facientes. *Ibid.*  
 Tab. CXLVI. Satyrus, & Baccha. *pag.* 35  
 Tab. CXLVII., CXLVIII., & CXLIX.  
 Fauni cum Bacchis studentes. *Ibid.*

## CLASSIS XII.

- Tab. CL. Bacchus Senex in Lectisternio. *pag.* 37  
 Tab. CLI. Bacchus, & Baccha. *Ibid.*  
 Tab. CLII. Bacchi Antistes coronatus. *pag.* 38  
 Tab. CLIII. Bacchi Antistes ovans. *pag.* 40  
 Tab. CLIV. Bacchus alatus cum Sacerdote. *Ibid.*  
 Tab. CLV. Bacchus cum Noctua. *pag.* 41  
 Tab. CLVI. Indictio Bacchanaliorum. *pag.* 42  
 Tab. CLVII. Bacchus Baccham deosculans. *pag.* 43  
 Tab. CLVIII. Pars adversa ejusdem Vasis. *pag.* 44

## CLASSIS XIII.

- Tab. CLIX., CLX., CLXI., & CLXII.  
 Tripudia, & Conventus Bacchi-  
 ci. *pag.* 45  
 Tab. CLXIII. Processus Bacchicus. *pag.* 47  
 Tab. CLXIV., & CLXV. Fabulae  
 Theatrales in Bacchanalibus. *pag.* 49  
 Tab. CLXVI., & CLXVII. Bacchi  
 Triumphus de Indis. *Ibid.*  
 Tab. CLXVIII. Bacchanalia Rusti-  
 ca. *pag.* 51  
 Tab. CLXIX., & CLXX. Bacchana-  
 lia. *pag.* 52

- Tab. CLXXI. Bacchus Tridentifer. *pag.* 54  
 Tab. CLXXII. Bacchanalia cum Ca-  
 pro. *pag.* 57  
 Tab. CLXXIII. Processus Bacchi-  
 cus. *pag.* 58  
 Tab. CLXXIV. Dimissio Bacchanalio-  
 rum. *pag.* 59  
 Tab. CLXXV. Bacchus cum Diis dome-  
 sticis. *pag.* 60

## CLASSIS XIV.

- Tab. CLXXVI. Larum Expeditio mili-  
 taris, & res Bacchica. *pag.* 61  
 Tab. CLXXVII. Laris Expeditio. *pag.* 63  
 Tab. CLXXVIII., & CLXXIX. Lares  
 pugnantes. *pag.* 64  
 Tab. CLXXX. Triumphus post bel-  
 lum. *pag.* 65  
 Tab. CLXXXI. Ovatio. *pag.* 66  
 Tab. CLXXXII., CLXXXIII.,  
 CLXXXIV., & CLXXXV. Sacrum  
 Triumphale. *pag.* 67  
 Tab. CLXXXVI. Lar Victor. *pag.* 69  
 Tab. CLXXXVII., & CLXXXVIII. La-  
 res in Bacchanalibus. *pag.* 70  
 Tab. CLXXXIX. Lar in Sacello. *Ibid.*  
 Tab. CXC., & CXCI. Idem Argumen-  
 tum. *pag.* 71  
 Tab. CXCII., & CXCIII. Idem Argu-  
 mentum. *pag.* 72  
 Tab. CXCIV., & CXCV. Idem Argu-  
 mentum. *pag.* 73  
 Tab. CXCVI., CXCVII., & CXCVIII.  
 Idem Argumentum. *Ibid.*  
 Tab. CXCIX. Lar, & Larunda. *pag.* 74  
 Tab. CC. Venatio. *pag.* 76



PICTURARUM ETRUSCORUM  
IN VASCULIS  
CLASSIS VIII.

FESTIVI ADPARATUS IN TOGAE  
VIRILIS ADSUMPTIONE.



TAB. CI.

DEA JUVENTUS ADOLESCENTI  
PRAETEXTATO OCCURRENS.



Acrum illud Praetextatum, quo toga adolescentibus tribui solebat, ex Etruscorum Picturis Libro priorre aliqua ex parte inlustravimus. Quod superest, eo libentius continuandum fuscipimus, quo haec caeremonia etiam Romanis moribus solemnissima vix, aut vix in illorum monumentis adumbratam videamus.

In hac Tabula adolescens togam expectans tunicula in lateribus aperta indutus est, quam Etrusci nobiliores super nudo deferebant, & cui toga superponebatur. Id manifeste conligitur ex simulacro aeneo Etru-

Tom. II.

A

sci

sci Proceris Perusiae reperto apud Dempsterium Tabula XXXX. Vestis erat omnium simplicissima, pannus nempe oblongus, unico foramine, circa medium apertus, per quod caput transmitteretur, de quo in nostro Tractatu de Re Vestiar. pag. LVI. Dubitavi aliquando, ne id indumentum referret nobis veram praetextae imaginem; sed plura suadent, nil aliud fuisse, nisi intimam vestem tam adulatorum, quam puerorum, qua frigoris arcendi gratia utebantur, tam sub toga, quam sub praetexta. Enimvero apud Gorium Museo Etrusc. Tom. III. Clafs. 3. Tab. XXIII. num. 1. in Marmoreo Sarcophago, in quo funus conspicui viri expressum est, adstant duo pueruli, eadem tunica inferiorius induti, superne vero praetexta in modum togae circumvoluta, quod etiam ex aliis monumentis ibidem Tab. XXVII. & ex Columella Alfania, quam in eodem Libro produxi, & inlustravi, abunde comprobatur.

Adcedit, quod idem genus vestimenti Magistratibus concessum fuit. Livius XXXIV. 7.: *Purpura viri utemur; praetextati in Magistratibus, in Sacerdotiis; liberi nostri praetextis Purpura togis utentur.* Erat ergo praetexta in modum togae conformata, lineis purpureis tantum distincta a toga pura, qua viri utebantur, & a toga ornamentis tantum differebat, & prolixitate; nam praetexta ad talos usque demissa erat.

Dum adolescens, deposita veste puerili, togam praestolatur, Dea Juventa e caelo delapsa eidem occurrit, & citharam illi pulsandam offert, veluti symbolum novae aetatis, quae ad graviora studia excitabat, inter quae Musica censebatur. Dea, solutis crinibus, incedit, ut saepe in sigillis, & in hisce Picturis; nam juventutis patrona intonso pueros imitabatur. Hinc apud Persium Sat. III. 54.:

*indetonfa juvenus,*

& Horat. III. 20. de Nearcho adolescente:

*Fertur & leni recreare vento*

*Sparsum odoratis humerum capillis.*

& lib. IV. 10. de Ligurino:

*Et quae nunc humeris involitant deciderint comae:*

Dea coronata adparet, qualem eam vocat Hesiodus, a quo *χρυσόσφαιρος* adpellatur.

Notan-



Notanda sese offert dispositio citharae, quam Juventus adolescenti exhibet, veluti pignus hilaritatis; qui enim id instrumentum pulsabant, sinistram partem, unde lorum pendebat, humero sinistro aptabant, & conligabant. Qui vero alteri utendam tribuerent, latus illud Lyrae praemittebant, in quo vinculum dispositum esset, ut acceptam collo aptarent.

## TAB. CII.

## TRIPUDIA IN ADSUMPTIONE TOGAE CELEBRATA.

**D**UM Pueri Togati simul conveniunt, veluti invicem gratulabundi, domi solemne tripudium praeparatur. Mulier Archisymphoneta sedens citharam pulsat longiore echaeo instructam, *μακροπήχυν*, ob distantiam jugi, in quo erant Epitonia, ab imo capite chordarum, quod genus instrumenti fortiores chordas postulabat ad sonum graviorem excitandum, de quo in Tractatu de Musica Etruscorum cap. III.

Psaltriae geminae in Etruscorum conviviis usitatissimae adsunt una cum bacillis, quos inter saltandum quassabant, aereos ne, an ligneos, ignoro. Hos digito suspenso manu agitabant; ut ad modos crepitarent. In nostris Lucernis, & in Bellorianis frequenter occurrunt Mimi, qui utraque manu par bacillorum excutiant.

Mulier altera ejusdem instituti exomide super induta est, tintinnabulis undique referta, quae ad singulos motus persisterent. Apud Graecos prodromi, sive anteambulones simili veste exsistere, *καδωνοφόροι* adpellati, veluti monitores, ut populus via excederet. Apud Etruscos vero id gestamen omnino laetitiae adtributum est; nam passim obiciemus Geniorum imagines lineas codonum gestantium. In ejus sinistra crepitaculum cernitur, quod aliquando ex ostreorum testis, lamellis buxeis, aereis, introrsum cavis constabat, cujusmodi in Bacchanalibus utebantur. De his feminis loquitur vetus Juvenalis Schol. Sat. XI.: *Psaltria, quae ad molles corporis gesticulationes effracta est; quam olim symposiis intromitti solemne erat, usque adeo, ut ne emendatioris vitae Philosophi abstinerent.*

Ultima intercedit Ancilla citharistia brevioris moduli, quae molliorem sonitum tenuioribus chordis excitaret, manu vero sinistra arcu-

iam adtollit, unde Toga recta adolescenti depromeretur, vel cui praetexta jam emerita includi deberet.

## TAB. CIII.

CONVIVIA IN ADSUMPTIONE TOGAE  
CELEBRATA.

**S**olemne fuit Poetis, ac Pictoribus, praefertim Etruscis, Deos suos in quavis, licet vulgari, actione exprimenda interponere, ingens aliquid subsidium ad sublimitatem, & majestatem operibus conciliandam, nisi hujusmodi familiaritas Deos ipsos maxime, prostituisset. En igitur in solemnitate acceptae Togae convivium ordinatum, in quo plures Dii epulentur.

Primum locum occupat Bacchus, Dominator temporis, quo potissime virilis Toga fumebatur, cornu potorium adtollens, & thyrsus sustinens. E thyrsu diffunditur vitis racemis undique referta, quam Deus iste, ubicumque oporteret, producere solebat, veluti in navi, cum a latronibus captus esset, ut in hymno Homeri vers. 38.:

Αὐτίκα δ' ἀκρότατον παρὰ ἱεῖον ἐξετανύσθη

Ἄμπελον ἐνθα καὶ ἐνθα, κατεκρημνῶντο δὲ πολλοὶ

Βότρυες.

*Statim autem in summitate veli extensa est*

*Vitis, huc, atque huc, pendebant autem multae.*

*Uvae.*

Gestamen capitis recens Pictor deformavit in galerum ex mithra, fasciis luxuriantibus in nodos; unde ab Orpheo nuncupatur in Trieter.:

Μιτρηφόρε, θυεσσινάκτα,

*Mithram ferens, coronam agitans.*

Baccha, quam libenter Etrusci viro suo conjungebant, discum profert cum placenta ex his, quas Clemens Alexandrinus Cohortation. ad Gentes cap. II. describit: πόπανα πολυόμφαλα, *Liba multis distincta umbilicis*. Ejus Vestis globulis, sive stellis ornata est ea prorsus ratione, qua maculosae Tigrides, quae in ejus tutela erant, atrox Caehi simulacrum, cujus imperium Bacchus sibi tribuebat, de quo videndus Macrobius.

Apollo

Apollo coronatus, & ramum lauri bifidum adtollens citharam sub-  
stinet, nil esculentum, aut poculentum, nisi alienum expectans, mo-  
re Poetarum. Propert. III. 16.:

*Quod superest vitae, per te, & tua cornua vivam,  
Virtutisque tuae, Bacche, Poeta ferar.*

Pendet a cithara Apollinis plectrum thecae inclusum cum chorda  
desuper involuta. Chordotonum nuncupabant. Adcurrit tamen Bacchi  
minister Ampelus, sive Acratus cum vini situla, & cyathum adtollens.

Ex ima parte Dea Tellus pomis coronata opportune accedit cum  
placentula, unde flores, & fructus exsultant.

Imminet Telluri Silenus Citharedus, non caudatus, sed tunicatus,  
quam differentiam infra opportune notabimus; nam Fauni caudati in  
participatione sacrorum medium locum obtinebant post Tirones Satyricos;  
utrumque autem ordinem praecedebant Sileni omnibus Baccho proximio-  
res, & qui intima secreta adtingebant.

In ejus capite insignis corona conspicitur tribus globulis in fronte  
insignita. Numerus iste Baccho acceptissimus habebatur ob triennalem  
in Indos expeditionem, unde Trieterica instituta sunt. Globuli hu-  
juscemodi bullas referunt, quae gemmeae, aureae, aereae, & fictiles  
pro conditione fortunae vittas sacras adornabant; quod etiam in scul-  
pturis, quae Cistophoros expriment, manifestissime observatur. Bullas  
hujusce notae cum posteriore adminiculo, quo firmarentur in insulis,  
Romae multas conlegi, quarum nonnullas parergi loco conlocavi initio  
Tomi III. mearum Lucernarum, & in Tabulis CV., & CVI. ejus-  
dem Libri, ubi nonnulla circa illarum usum eo loco adtigi. Nec for-  
tasse difficile erit ex Bacchanaliorum Picturis conligere, numerum hunc  
bullarum indicasse gradum provectionis in hisce mysteriis, quem omni-  
no triplicem fuisse cognovimus. Ceterum hujusmodi signaculorum usum  
in coronis Bacchantum indicat nobis Lucianus in Tragopodagra, ubi  
*sphragisma* illum vocat vers. 78.:

Ἡμῆτις ὑμῶν Βακχέων κομίζεται;

Ἀλλ' οὐχ' ἐπεὶ κισσὶν σφαγὴς νόμος.

*Anne hymnus Bacchantium canitur?*

*Sed non subest bederaceum Sigillum comis.*

Citharam pulsata, ut cum Apolline, licet dispari voce, bicinium  
compo-



componat ad convivium condecorandum; in hoc enim Musica potissime desiderabatur, ut liquet ex Homero Iliad. I. vers. 601.:

Ὡς τότε μὲν πρόπαν ἡμᾶρ ἐς ἥλιον κατασύντα  
 Δαίνυντ' : οὐδ' ἔτι θυμὸς ἐδύετο δαυτὸς εἴσῃς ,  
 Οὐ μὲν Φόρμιγγι περικαλλέει , ἣν ἔχ' Ἀπόλλων ,  
 Μουσάων θ' : αἱ δ' αἶδον ἀμαβόμεναι ὀπί καλῇ .

*Sic tunc quidem totam diem usque ad solem Occidentem  
 Convivabantur: neque amplius animus indiguit convivio aequali,  
 Neque lyra perpulchra, quam tenebat Apollo,  
 Musisque, quae canebant invicem excipientes se voce pulchra.*

& lib. XXI. Odyss. vers. 428.:

Νῦν δ' ὤρεη καὶ δόρπον Ἀχαιοῖσιν τετυκέσθαι  
 Ἐν φάει, αὐτὰρ ἔπατα, καὶ ἄλλως ἐψίδασθαι  
 Μολπῇ, καὶ Φόρμιγγι. τὰ γὰρ τ' ἀναθήματα δαυτὸς.  
*Nunc autem hora est coenam Achivis parari  
 In luce, at postea, et alioquin delectari  
 Cantu, et Cithara; haec enim ornamenta convivii.*

In ima parte conspiciuntur tres Ephebi nuper Toga donati, qui ad aram consistunt, cui imminet e clavo praetexta puerilis in globum, constricta, quam domesticis Laribus emeritam resignabant. Ex his unus strigilem adtollit, veluti signum potestatis publicorum balnearum. Hic vero notanda occurrit caeremonia in hisce solemniis usitata, quod nempe Tirones vitta coronati incedunt, quod alibi fere semper occurrit. Mos iste confirmatur Propertii testimonio lib. IV. 11., 33., ubi narrans, se post Togam acceptam matrimonio junctum fuisse, haec habet:

*Mox ubi jam facibus cessit praetexta maritis,  
 Vinxit, et acceptas altera vitta comas.*

Unde conligo ante vittam maritalem alteram detulisse, quam cum Toga susceperat.

# ETRUSCORUM.

7

## TAB. CIV.

### BACCHI APOTHEOSIS IN DATIONE TOGAE.

**T**Hema praecipuum hujus Tabulae est Togae virilis traditio ; Fabula vero adjecta parergon est , in quo Bacchi Apotheosis exprimitur , idque opportunissime , nam , ut praemisimus , haec solemnitas tempore Bacchanaliorum recurrebat .

Praecedit Mercurius Dux itineris , subsequitur Hercules , qui humeris , quibus caelum sustinuit , Bacchum fratrem suum senem imbecillem , ac multo vino temulentum , & vacillantem in caelum defert , exemplo tamen singulari .

Faunus comes obversus ejus languorem , & inertiam admiratur , & increpat , cum alioqui Mercurius longe humanior Bacchum respiciens ipsum confortare videatur .

Dea Tellus in scopulo sedens Dei , a quo bona multa susceperat , discessum cogitabunda admiratur .

Nec alteri , quam Mercurio officium id debebatur , nam cum adhuc Bacchus infans esset , & ad necem conquisitus ipse clam sublatum diligenter enutrivit . Praeterea alteri nemini datum erat animas in caelum efferre . Horat. I. 10. :

*Tu pias lactis animas reponis*

*Sedibus .*

Ita etiam sensere Graeci , teste Pausania in *Lacon.* , ubi ex sculpto marmore hanc consecrationem describit : Διόνυσον δὲ , τὸν μὲν παῖδα ἐς οὐρανὸν ὄντα ἔτι ἔστιν Ἑρμῆς φέρων . *Liberum Patrem puerum adhuc in caelum portat Mercurius .* At contra Nonnus Dionys. lib. postremo in fine v. 974. Bacchum non puerum , sed jam longe adustum , & de toto pene orbe triumphatorem in caelum migrasse narravit :

Καὶ θεῶν ἁμπελόεας πατρῷον αἰθέρα βαίνων ,  
Πατρὶ σὺν εὐώδινι μῆτις ἔψαυσε τραπέζης ,  
Καὶ βροτέην μετὰ δάϊτα , μετὰ προτέρην χύσιν οἶνου ,  
Οὐράνιον πῖε νέκταρ ἀξιοτέροισι κυπέλλοις ,  
Σύνθερον Ἄπολλωνι , συνέστι δίδι Μαινῆς .

*Et Deus vitis patrum aethera scandens ,*

*Patre cum partum felicem habente unam tetigit mensam ,*

*Et*

*Et mortale post convivium, post priorem fusionem vini,*

*Caeleste bibit Nectar melioribus poculis,*

*In una sede sedens cum Apolline, convictor filio Maiac.*

Res agitur in Oceano; nam sub Mercurii pedibus marini fluctus revolvuntur, & undique pisces inter Actorum pedes elabuntur, quod mysterio non caret; siquidem Heroes ex Diis, & mulieribus progeniti, licet jure sanguinis caelum sibi vindicarent, attamen mortale quidpiam eluere prius debebant; Bacchus praefertim malorum multorum auctor feracissimus. Purgatio autem trina erat, per aquam, ignem, & ventilationem. Virgil. Aeneid. VI. vers. 740.:

*aliae panduntur inanes*

*Suspensae ad ventos, aliis sub gurgite vasto*

*Infectum eluitur scelus, aut exuritur igni.*

Eadem conditio Herculem subjecit incendio. Ovidius Metam. IX. v. 262.

*Interea quodcumque fuit populabile flammae,*

*Mulciber abstulerat, nec cognoscenda remansit*

*Herculis effigies, nec quidquam ab imagine ductum*

*Matris habet.*

### TAB. CV.

#### LUDI, ET LECTISTERNIA IN TOGAE VIRILIS ADSUMPTIONE.

**E**Adem caeremonia in utroque Vase exprimitur, inter geminos adultos, qui baculis innituntur, quod solemne erat in Saturnalibus, ut Libro priore declaravimus. Stat Tiro, brachiis intra Togam inclusis, nec enim, nisi post annum, modestiae causa, exertos prodire licitum erat, ut jam praemisimus.

Prioris Vasis latus occupat tripudium cum Musica. Modos facit Apollo Citharedus, & Musa tibias pares inflans, saltat Bacchus cum ferula, ex qua geminae vittae dependent.

Alterius Urnae posticum latus ornatur lectisternio in honorem Larundae, cum enim id sacrum ad matrisfamilias officium pertineret, teste Propertio IV. 130.:

*Mox ubi bulla rudi demissa est aurea collo,*

*Matris, & ante Deos libera sumpta Toga,*

hinc



hinc Deae maternae primas occupant in hac actione. Larundae indumentum peculiare est, & omnino Samniticum. Id conligo ex pari forma faguli Samnitici, quo Lares infra exponendi adornantur cum galea duplici penna insignita, quale gestamen militibus ejusdem nationis peculiare erat cum lancea bicuspide, qua passim Lar ejus populi incedit armatus, quam describit Gratius in Cynegetico:

*Ille etiam valido primum venabula dente*

*Induit, & proni moderatus vulneris iram*

*Omne moris exceptit onus, tum stricla verutis*

*Dentibus, & geminas subiere hastilia furcas.*

Hujusmodi lanceam aeream e veteri sepulcro defossam vidi olim Tuderiti.

Larunda igitur jacet in lectisternio, quod inter maximas Deorum preces censebatur, nec nisi diebus solemnioribus, aut diris calamitatibus ingruentibus, frequentari solebat. Stratis ergo in templis, aut domorum sacriis splendidissimis lectulis cum pulvinaribus, Deorum simulacra in illis erigebantur, adpositis exquisitissimis dapibus, quibus Dii, si vellent, pascerentur, sin minus Epulones, qui Deorum vices obibant, manducando: genus sacerdotii omnium commodissimum. Servius in Georg. lib. III. 533.: *Lectulus, in quo Deorum statuae reclinabantur*. Conligitur tamen ex Valer. Max. II. 1. Deorum effigies sedentes in pulvinaribus positas, quia feminae in convivio federent, non jacerent, ut viri: *Jovis epulo ipse in lectulum, Juno, & Minerva in sel-las ad coenam invitantur*; Sed contrarium evincitur ex Livio V. 13., ubi in tribus lectulis conlocat *Apollinem, Latonam, ac Dianam, Herculem, Mercurium, & Neptunum*. Differentiam ritus conloco in forma simulacrorum, quae, si recto statu constructa essent, reclinari quidem in pulvino poterant, non vero flecti, ut federent.

Mater Familias linteo sacro pectus adoperta adcurrit cum gutto, seu simpulo, vinum obferens, & Larundae cistam ampliorem deferens capite, in ea novam Togam filio tradendam Deae primum obiicit, ut numine suo auspiciorem efficiat.

SACRA DIVERSA IN TRADITIONE  
TOGAE.

## T A B. C V I.

CULTUS LARI DOMESTICO, DUM TOGA  
TIRONIBUS CONCEDERETUR.

**D**E sacris Domesticis, quae, cum Toga adolescentulis traderetur, peragebantur, nonnulla praemisimus Libro superiore, quae multiplici exemplo ex sequentibus Tabulis confirmantur. Mater filium suum e balneo surgentem cum linteo, & pateram porrigentem adloquitur, & situlam desert, unde vinum fundat in patera, ex qua natus, ante quam Togam induat, & coronam sumat, primum sacrum auspicetur.

Senex barbatus baculo innixus nihil humanum praefert, sed sub hoc adspectu vel Hebonem, aut Larem Domesticum saepe observavimus, senili vultu, & habitu paganico ornatum cum baculo, quo fures depellat.

## T A B. C V I I. E T C V I I I.

## I D E M A R G U M E N T U M.

**E**X priore adspectu hujus Vasis facile intelligimus, quo ritu Toga primum componeretur supra dorsum adolescentis; nam non modo brachia penitus inclusa tegebat, sed partem etiam faciei, oculis tantum exclusis, qui cultus non ad verecundiam modo pertinebat, sed etiam ad majestatem sacrificii, quod nonnisi velatos facere licebat.

Deus Hebo, de quo in superiore nota, sive Lar Domesticus, adcurrit Publicis Laribus, qui armati non domos tantum, sed Urbem tuebantur, ad sacra civium adcurrunt, veluti in sui tutelam novum civem, & columnen Patriae suscipiant.

Parum distat argumentum Tabulae CVIII., in qua Lar publicus clypeo armatus non vulgari sacrificio honoratur, sed duplici victoria adcer-

adcerfita corona, & strophio excipitur. Haec donaria e Lana fieri solebant, cui aliquid religionis inesse putabant veteres. Plinius XXIX. 2.: *Lanis auctoritatem veteres Romani etiam religiosam habuere, postes a nubentibus adtingi iubentes.* Prolixitas hujus vittae ostendit, ex his fuisse, quae terno ambitu altaria cingebant. Propertius IV. 6.:

*Terque focum circa lanceus orbis eat.*

## TAB. CIX.

## IDEM ARGUMENTUM.

**L**ares Domestici nudi a matrefamilias coronantur; nam ab eorum cultu coronae in jus sacrum concesserunt. Plinius lib. XXI. 3.: *Et jam tunc coronae Dearum bonos erant, & Larium publicorum, privatorumque, & sepulcrorum, & Manium;* Et Juvenalis Sat. IX. 137.:

*Lares, quos thure minuto,*

*Aut farre, & tenui soleo exornare corona.*

Dubium fortasse ingerit, quod Lares Domestici plurali numero hic adpareant, cum frequentius Deus iste singularis sit. Scrupulum tamen tollit doctrina Etruscorum, qui Lares familiares nihil esse putabant, nisi Majorum umbras, qui familiae decus, & nomen maxime extulissent, ut latius ostendimus in nostro Acherontico Cap. XI., & XII.

Materfamilias viticulam calcat ex illis, quas in memoriam traditae Togae, quemadmodum in natalitiis, humi depangebant, de qua consuetudine aliqua adtigimus in nostris Paralipomenis ad Tab. Dempsterianam XX.

## TAB. CX.

## IDEM ARGUMENTUM.

**D**omesticum Sacrarium ramusculis virentibus undequaque renetur. Alveolus, in quo Lares servabantur, apertus est, unde ex catenula pendet suspensa situla vini ad sacrificium peragendum. Larunda seminuda aram occupat, oblationes expectans, & vittas sacras ad caeremoniam rite peragendam mulieribus sacrificulis obfert.



Harum una lancem cum ovis sinistra adtollet ad expiationem. Apulejus Metam. XI.: *Summus Sacerdos ibeda lucida, & ovo purissime purificatam dedicavit*, & Ovidius de Art. Amand. II. 329.:

*Et veniat, quae lustret Anus lectumque, locumque,  
Praeferat & tremula sulphur, & ova manu.*

Dextera vero crotala stringit, quorum crepitu sacrum toti familiae indicat.

Mulier altera situlam ex Sacrario adtollet ad libationem; altera vero manu speculum obponit Deae praesenti, quae formula inter sacra obsequia censebatur. Idem Apulejus sacrum processum feminarum describens: *Aliaeque, nitentibus speculis pone tergum reversis, venienti Deae obvium commostrarent obsequium.*

Materfamilias ante aram sedens filio Togato ex patella placentam sublatam illi obfert, ante Lares suspendendam.

Praecipuum est in hac Pictura duplex Lararium apertum in eodem cubiculo, in quo fortasse Dii Domestici pro disparitate sexus custodirentur.

## T A B. C X I.

### I D E M A R G U M E N T U M .

**O**Mnia consonant cum Tabula superiore. Mater sedens ante aram sub Larario nondum aperto libum filio obfert; sedentes enim vota concipiebant.

Lar armatus obcurrit Deae Larundae feminudae, & ornatissimo cultu sedenti. Duo ramusculi roris marini hinc, & inde dispositi in causa sunt, cur ego Laribus hanc Picturam adscribam; nam haec planta, veluti domestica, Domesticis Laribus sacra erat. Horat. III. 14.:

*Parvos coronantem marino*

*Rore Deos, fragilique myrto.*

Ornatur praeterea Bulla, quae ab adolescente deposita Laribus obveniebat, ut alibi ostendimus.

Ara media in forma candelabri adfurgit; deest tantum crater mobilis, qui cum prunis recentibus adferebatur, ubi thus adolendum esset. Fastigium vero triangulare ornamentum erat temporarium, ne arula imperfecta interim subsisteret, atque deformis, amoto lebetes. Nec inficia-

ficiarer; id parergon exprimere illos *thuris acervos*, cucullo, sive reticulo inclusos, qui parati sacrificium praeestolarentur.

Corona, quam sinistra substinet Lar, ex illis est, quas Etruscas vocat Plinius, lemniscis dependentibus.

## TAB. CXII.

## IDEM ARGUMENTUM.

**L**AR Samnitico cultu armatus adparet, galea duabus pennis insignita, & brevi sagulo, cujus thorax adcessionem novi praesidii confirmatur. Lapidem putarunt multi ex forma quadrata in angulum forinsecus prominente, cum primum haec schemata observari datum fuit. Sed audiamus Livium IX. 40., ubi Samnitum armaturam describit: *Spongia pectori tegumentum, & sinistrum crus ocrea tectum; galeae cristatae*. Romanis tandem subjecti hanc armaturam gladiatoribus concesserunt. Plinius VII. 20.: *Tritanum in gladiatorio ludo Samnitium armatura celebrem*; qui vero aemulum ex his superasset, detracta pinna, se victorem ostentabat, unde Juvenal. Sat. III. 158.:

*filius inter*

*Pinnirapi cultos Juvenes, Juvenesque lanistae.*

Hinc mirum non est, Samnites proprio cultu armasse Lares suos, ut ex innumeris harumce Tabularum, quae apud me sunt nondum aeri incisae, testimoniis maxime comprobatur.

Arbuscula sacra ad pedes Laris adsurgit. Inter vero Togatos forulus Larium clausus adparet, pendente ex illo catenula cum flore, unde situlas vini, aliaque donaria suspendebant.

Supra frontem Larundae conspicitur pecten aureus fortasse, aut eburneus, Deae votivus, quo maxime officio Deas delectari reputabant. Apulejus Metam. IX.: *Venienti Deae (mulieres) obvium monstrarent obsequium, & quae pectines eburneos ferentes gestu brachiorum, flexuque digitorum ornatum, atque oppexum crinium regalium fingerent.*

## TAB. CXIII. ET CXIV.

## MATRONAE SACRUM PARANTES.

**I**N Tabula priore media stat Materfamilias, quae, stola in caput reducta, adparatu sacificiali cum patera properat ad altare.

Matrona altera & ipsa stolata, non tamen velata, sed tamquam caeremoniae ministra Vasculum cylindricum adtollet, in quo thus, aut liquor aliquis ad sacrum obeundum accommodatus continetur.

Postrema arculam cum infula elevat, in qua deferri solebat toga, adolescenti tribuenda, quae tamen ante Lares sistebatur, & quodammodo dedicabatur, ut a Deo recipi videretur.

Subsequens Tabula CXIV. idem prorsus argumentum continet. Par numerus feminarum sine tamen stola, quae exomide supra tunicam indutae, quo cultu in aestivis caloribus mulieres domi utebantur, procedunt ad sacrum. Prior latum cingulum acupictum substinet; altera scriniolum fortasse cum nova toga; postrema locum sacrificii designat.

## TAB. CXV.

SACRA GENIO TIRONIS PERACTA,  
CUM TOGAM SUMERET.

**M**agna Etruscorum religio erga hominum Genios potissime ex hisce Picturis adparet, de qua multa heic dicere oportet, nisi peculiari Dissertatione, quam habes superius, de *Philosophiis Etruscorum* ea luculentius pertractassem.

Ne tamen sicco pede has Tabulas transeamus, praemittendum est, Etruscos praeter omnes populos diutius retinuisse primorum parentum traditionem circa Angelorum creationem in tempore, eorumque naturam, & officium quodammodo custodiisse, quamquam diuturnitate temporis, & commercio cum corruptis nationibus eam fabulis obumbraverint. Qui rectius sentiebant, non aliter, quam Etrusci de Angelis, quos Graeco vocabulo *Daemones*, communi vero apud Italos *Genios* nuncuparunt. Sic de illis Proclus de Anim., & Daemon., ex versione latina, quam ob Graeci textus defectum unice producimus: *Daemones igitur a prima vivifica idea sortiri substantiam, atque inde velut ex*  
fonte



*fonte essentiam nacti sunt animalem, & hanc quidem magis intellectualem, illi, qui maiorem habent, perfectioremque substantiam, minus vero intellectualem, & potius rationalem, qui media possident. Ecce divisio ordinum inter Angelos; Quae infra sunt, a vera traditione declinant, redolentque commenta caecutientium Philosophorum. Ex hisce Geniis singulos singulis hominibus adsignarunt. Servius Aeneid. VI. 743.: Quum nascimur, duos Genios fortimur; unus est, qui hortatur ad bona, alter, qui depravat ad mala.*

Illis igitur alas adtribuerunt ad denotandam caelestem naturam, atque agilitatem, simulque officium, per quod hominum benefacta Deo exponunt, & inde bona cuncta reportant, ut scriptis commendavit Plutarchus in Libro *de facie in orbe Lunae*. En igitur in Tab. CXIII. Genius alatus sedens, cui matrona ramum felicitis arboris portans coronam obfert lemniscatam, veluti votivam, dum dationis Togae solemnitas recurrit. Ramus vero ex illis est, qui terrae commendabantur, ut adolescerent Genio sacri, & filii salutem auspicarentur, quos propterea maximo studio alere, quin & venerari solebant, quo processit superstitio.

### TAB. CXVI. CXVII. ET CXVIII.

#### EXEMPLA VIRORUM FORTIUM ADOLESCENTIBUS PROPOSITA, DUM TOGAM ADSUMERENT.

**S**olebant Etrusci Tironibus, dum Togam fumerent, Vasa haec utenda largiri, in quibus Heroum, & Virorum fortium gesta essent expressa, ut, ineunte aetate, ad illorum aemulationem incenderentur, quod multiplici exemplo ex schedis meis comprobare potuissim. Ast duo tantum ex Tabulis incisis nunc profero, quorum primum exhibet nobis Herculem, qui, adstante Minerva ejus clavam custodiens, Iphitum Centaurum sublatum e terra subfocat, atque ex muris Tirynthi dejectum oppremit. Tzetzes Chidiad. II. 36. vers. 319.:

Ο' τοῦ Ἑυρύτου δ' Ἰφίτου ἐλθὼν πρὸς Ἡρακλέα,  
Ἐκώσαντα τὴν Ἀλκην ἦδ' ἡ, καὶ πεφθαρκότα,  
Ἐξήγα τὰς τῆς Ἡρακλῆ. ὃ δὲ ξενίῃα τοῦτον,  
Κατασχεθεῖς μανίᾳ δὲ πάλιν, ὀργαῖς τῆς Ἥρας,  
Ἐκ τῶν ταχῶν τῆς Τίρυνθος εἴψας αὐτόν, ἀνῆλθεν.

*Euryti*

*Euryti autem filius Iphitus cum venisset ad Herculem ,  
 Qui servasset Alcestim jam , & mortuam ,  
 Repetit has (filias) ab Hercule ; ille vero hunc hospitio exceptum ,  
 Oppressus furore rursus , indignatione Junonis ,  
 Ex muris Tirynthi cum projecisset , interfecit .*

Eadem videas apud Apollodorum lib. II. : Ἡρακλῆς δὲ ὑποσχάται , καὶ ξενίῃα μὲν αὐτόν . μανείς δὲ αὐτοῖς , ἀπὸ τῶν Τιρυνθίων ἐρρίψαν αὐτόν ταχῶν . *Hercules pollicetur , ipsumque (Iphitum) hospitio accepit ; at furore iterum agitatus , hunc e Tirynthiorum moenibus dejecit ; alibi vero subdit hac de caussa Mycenis exfulasse , & ab Eurysteo expiationem obtinuisse .*

In Tab. CXVIII., dum Togatus munusculum accipit , fortasse guttum , a viro exerto ex alio latere , virum barbarum intuemur ex Arimaspiis , pugnantem cum Grypho , quam discordiam refert Plinius lib. VII. 2. , & Helianus de Animal. lib. IV. 27. Haec fabula innotuit Etruscis , unde frequenter argumentum sculpturis suis desumpserunt , innotuit , inquam , ex carminibus redivivi Aristei , de quibus idem Tzetzes Chiliad. II. 50. vers. 731. :

Μετὰ δ' ἑπτὰ χρόνους Φανείς πάλιν ὁ Ἀριστεύς ,  
 Ἑπτά ἀριμάσπια λεγόμενα συγγράφα .

*Post septem annos conspectus rursus Aristeus  
 Carmina , Arimaspia quae dicuntur , conscribit .*

& Herodotus lib. IV. cap. XIII. : Ἐφν δὲ Ἀριστεύς ὁ Καυσεοβίου , ἀπὸ Προκοννήσιου , ποιῶν ἔπεα , ἀπικέσθαι ἐς Ἴσσηδόναν , Φοιβόλαμπτου γενόμενῃ . Ἴσσηδόναν δ' ὑπεροικίαν Ἀριμασπῶν , ἀνδρας μουνόφθαλμους . ὑπὲρ δὲ τούτων , τοὺς χιυσοφύλακας γρύπας . τούτων δὲ , τοὺς ὑπερβορέους , κατήκοντας ἐπὶ θάλασσαν . τούτους ὦν πάντας , πλὴν Ὑπερβορέων , ἀρξάντων Ἀριμασπῶν , αἰὲ τοῖσι πλαιοιοχάροισι ἐπιτίθεσθαι . *Aristeus quidam Proconnesius versificator , Castrobii filius memorat , se Phoebi instinctu venisse ad Issedonas ; & supra hos incolere Arimaspos , viros unoculos ; & item supra hos esse Gryphas , qui aurum adferrent ; ac super hos esse Hyperboreos , id est super aquilonares , ad mare pertingentes . Hos autem omnes , praeter Hyperboreos , Arimaspiis auctoribus , assidue finitimis bellum inferre .* Paullo post subdit , famam illorum carminum devenisse , ac invaluisse apud Metapontinos , ex quibus facile in Etruriam diffusa est . Ornatus barbaricus in caussa est , cur ab hac fabula Fineum ab Harpiis discerptum excludam , de quo Apollon. Argonaut. II.

CLASSIS

## INITIA BACCHI.

## TAB. CXIX.

## INITIA BACCHI.

**A**Rduum opus adgredimur explicaturi secretissima Bacchi My-  
 steria, quorum maximum silentium fuit apud Scriptores;  
 Artifices vero nihil penitus in Sculpturis, Picturisque ad nos  
 transmiserunt, nisi umbras quasdam, & allegoricas imagines, quarum  
 veritatem desiderandam potius, quam adsequendam caecutientes perseru-  
 tamur. In hac Tabula, quam extremam producimus ex his, quae per-  
 tinent ad Togae traditionem, principium adtingimus Orgiorum, nec  
 abs re alienum; nam facile ex sequentibus observabimus, Matresfami-  
 lias, quae praesertim Bacchis nomen dedissent, filios suos cum pri-  
 mum Togam accepissent, Orgiis initiasse; Lege enim cevebatur, ne  
 provectioris aetatis admitterentur. Livius lib. XXIX.: *Biennio proximo  
 institutum esse, ne quis major viginti annis initiaretur; captari aetates,  
 & erroris, & stupri patientes.*

Principium Sacri ab expiatione, ut in ceteris initiis, incipiebat.  
 Gratius Cyneget. 446.:

*Emicat ipse, manu ramum pallente sacerdos  
 Termiteum quatens: procul hinc extorribus ire  
 Edico, praesente Deo, praesentibus aris;  
 Queis scelus, aut manibus sumptum, aut pectore motum est,  
 Inclamat: cecidere animis trepidantia membra.*

Hinc in praesenti Pictura Bacchus ramum stringens cum situla ad  
 adspersiones exsequendas innititur fonti, haud obscure indicans, a pu-  
 rificatione, & lotione, ut in ceteris sacris, esse incipiendum, in cujus in-  
 stituti testimonium adducimus Pausaniae locum in Boeoticis lib. IX.,  
 qui ait: *Τὰς γυναῖκας παρὰ τὰς Ταναγραίων πρώτας Διονύσου τὰ ὄργια μνηθεύσας  
 ἐπὶ θαλάσσαν καταβῆναι καθαρσιῶν ἕνεκα.* Tanagraeorum primarias Matronas  
 arcanis Liberi Patris initiatas ad mare, quo expiationis causa lava-  
 rent, descendisse. Velum brachio involutum ad sacra pertinet; est enim



superhumerales illud, quo in Sacris Bacchi perficiendis initiati velabantur, quod infra saepissime observabimus.

Mulier Antistita fedet cum flabello, quod faciei praeponere in adventu, ut stulte putabant, Dei. Haec vero Cistam sacram oculis anteponit, ex qua profluit cordium imagines, quae Clemente Alexandr. in principio Cohortation. ad Gentes Cap. II. enumerantur in Cistae Bacchicae supellestiles: καρδιαί, νάρθηκες, καὶ κίττοι. Corda, ferulae, & hederæ; Si tamen καρδιαί legendum est; nam Fed. Morellius legendum suspicatur κερδαί, ut de ramis ficulneis intelligatur, quia Clemens paulo post κλάδων συκῆς inter Dionysiaca refert; quam emendationem fecit etiam Reinesius Variar. Lection. lib. I. cap. 23. Ceterum ibidem instat etiam avicula, quam ob sui tenuitatem fefellisse Pictorem autumo.

## T A B. C X X. E T C X X I.

## I D E M A R G U M E N T U M.

**I**N priore ex his Tabulis Bacchum praecipue prodit vitis bifida, quam ipsi tribuerunt, ex quo mares cum feminis ad sacra recondita admitti sunt. Livius lib. XXIX.: *Primo sacrarium id feminarum fuisse, nec quemquam virum eo admitti solitum, Sacerdotes invicem Matronas creari solitas. Pacullam, Miniam, Campanam Sacerdotem omnia, iamquam Deum monitu, immutasse, nam & viros eam primam suos filios initiasse Minium, & Herennium Cerrinios.... ex quo in promiscuo sacra sint, & permixti viri feminis, & noctis licentia accesserit.*

Situla, quam Bacchus heic, & alibi substat, non modo vini donum ab eo hominibus concessum significat, verum etiam illud aquae vas, quod ad purificationem in Orgiis praeferebatur. Plutarch. de Isid., & Osirid.: τῶν ἱερῶν ἀπὸ προπομπέου τοῦ ὕδατος ἐπὶ τιμῇ τοῦ θεοῦ. *Ante sacra in pompa semper praecedat Vas aquarum in honorem Dei.* Ramus vero cum Amphora vini ducebatur in pompa. Plutarchus de cupid. Divitiarum: Ἡ πατρις τῶν Διονυσίων ἑορτὴ τὸ παλαιὸν ἐπέμπετο δημοτικῶς, καὶ ἰλαρῶς. Ἀμφορέας δὲν, καὶ κληματὶς αἶτα τράγον τὶς ἄλλων. *Accepta a majoribus Bacchanalium festivitas antiquitus plebejo more, & hilari agebatur; Amphora vini, & palmitis sarmentum, tunc aliquis caprum traherebat. Palmes iste ille erat, quo Antistita profanos e conspectu abigebat, de*

quo

quo Gratius loco cit., illumque humi defigebat, quousque alienis accedere liceret. Statius Achilleid. I. vers. 591.:

*Lex procul ire mares, iterat praecepta verendus  
Ductor, inaccessumque viris edicitur antrum.  
Nec satis est; stat fine dato metuenda sacerdos,  
Exploratque adius, ne quis temerator oberret.*

## TAB. CXXII. CXXIII. ET CXXIV.

## INITIA BACCHI.

**T**Abulas hacce maximi facio; ex his enim caeremoniam aliquam adsequimur, qua Adolescentes ad Mystera Bacchi primum admittebantur. Post balneum, de quo infra ad Tabulam CLXXII., sacrificium praemittere oportebat, hirco, aut agnis jugulatis, de quorum pellibus super nudo vestiebantur, ut nihil humani Tiro praeferret. Euripides in Bacchis vers. 176.:

Θύρσους ἀνάπταν, καὶ νεβρῶν δοράς ἔχον,  
Στεφανῶν τε κρᾶτα κισσίνοις βλασθήμασιν.

*Thyrso suscollere, & hinnulorum pelles gestare,  
Et coronare caput hederaceis frondibus,*

& Dionysius Halicarnas. VII.: Σκλαὶ δὲ αὐτοῖς ἦσαν τοῖς μὲν, εἰς Σιληνὸς ἑκασθῆσι, μαλλωτοὶ χιτῶνες, οὓς ἔτιοι χορταίους καλοῦσι, καὶ περιβόλαια ἐκ παρτὸς αὐθους. τοῖς δὲ εἰς Σατύρους, περιζώματα καὶ δορεὶ τεράγων, καὶ ὀρθότριχες ἐπὶ ταῖς κεφαλῇς φόβαι, καὶ ὅσα τούτοις ὅμοια. E quibus, qui Silenos repraesentabant, amicti erant tunicis villosis, quas quidem adpellabant scor-teas, amiculisque confertis ex omni florum genere; qui vero Satyrorum speciem induerant, hircinis se pellibus incinxerant, horrentesque in capite gerebant fetas, & alia his similia. Tum Hesychius, & Suidas in Διὸς κώδια manifeste testantur, initiatos pellibus hostiarum, & expiatos indui consuevisse, eaque pedibus subposuisse, quod incunctanter evincitur ex Tab. XXIII., in qua puer calceatus adparet. Audiatur Hesychius: Διοσκώλιον (lege Διῶ· κωδιὸν) οὕτως ἔλεγον οὗτοι. ἱερῶν ἐτίθετο, ἐφ' οὗ οἱ καθαιρόμενοι ἐς ἡέκσαν τῷ ἀρισεῖν ποδὶ. Τινὲς δὲ, τὸ μέγα καὶ τέλειον. ὁ δὲ πολέμων, τὸ ἐκ τοῦ Διὸς τεθυμένου ἱερῶν. Jovis Corium sic dixerunt hi. Vtima ponebatur, super quam mundati stabant sinistro pede. Aliqui vero

*magnam, & perfectam. Polemon vero victimam ex aliqua re, quae Jovi esset sacrificata. Dein Suidas: Διὸς Κόδιον. Οὗ τὸ ἱερῆον Διὶ τέθεται. Θύουσιν τε τῷ μαλίσῳ, & τῷ κτησίῳ Διὶ. τὰ δὲ κώδια τούτων φυλάσσουσι, Διὰ προσαγορεύουσιν. Χεῖρται δ' αὐτοῖς, οἱ τε κυριοφρίων τὴν πομπὴν ῥέλλουσιν, & ὁ θαυοῦχθ' ἐν ἐλευσίνι. Καὶ ἄλλοι τινὲς πρὸς τοὺς καθαρμούς ὑποσπονδύουσιν αὐτὰ τοῖς ποσὶ τῶν ἐναγῶν. Jovis Corium. Victimae, quae Jovi fuit immolata, pellis. Imolabant autem Jovi Milichio, & Ctesio. Harum vero pelles servabant, eas Jovem adpellantes. His autem utebantur & illi, qui Scirophoriorum pompam ornabant, & Daduchus in Eleusiniis, & alii quidam ad lustrationem, eas substernentes pedibus eorum, qui piaculo erant pollui. Haec luculentius firmanda censui; nam aliquando repertis Romae simulacris e nigro marmore, toto corpore villosis, aliud longe exprimere visa sunt, nempe barbaros captivos, quos nulla umquam terrarum plaga generavit. Adde Virg. Aeneid. VIII. 281.:*

*Jamque Sacerdotes, primusque Potitius ibant  
Pellibus in morem cincti.*

Qui hujusmodi cultu in Tab. XXII. Bacchas sequitur, porcum gestans implet officium sibi injunctum in ipso aditu initiorum. Sic Trygaeus apud Aristophanem in Pace vers. 316.:

Εἰς χοιρίδιόν μοι νῦν δάνασον Τρεῖς δραχμας.

Δεῖ γὰρ μνηθῆναι με πρὶν Τεθνηκέμαι.

*Ad porcum mihi nunc foenera tres drachmas;*

*Oportet enim initiari me, antequam moriar,*

ubi Scholiastes: τοῖς μουυμένοις ἐστὶν ἔθθος, χοιρίδιον θύειν ἐξ ἀνάγκης. *Initiatis mos est porcum mactare ex necessitate. Rursusque in Acharnensibus vers. 748.:*

Χήσεται Φωνὴν χοιρίων μουσηρικῶν.

*Et cantate vocem porcellorum sacrificabilium.*

& vers. 765.:

Δι. Τί δαί Φέρας; Με. Χοίρους ἐγὼ γάρ μουσικάς.

Di. *Quid igitur fers? Me. Porcas ego sacrificabiles.*

Id vero non in ceteris tantum initiis, sed praesertim in Bacchicis factum fuisse intelligo non tantum hujus Tabulae testimonio, sed etiam ex alia CLXVIII.

Ceterum haec initia avidissime adpetebantur, nam duo potissima bene-



beneficia praestare credebantur. Primum quidem, ut ait Cicero de Leg. II. 14.: *Nihil melius istis mysteriis, quibus ex agresti, immanique vita exculi ad humanitatem, & mitigati sumus, initiaque, ut adpellantur, ita revera principia vitae cognovimus.* Et Servius in I. Georg. 166.: *Liberi patris sacra ad purgationem animae pertinebant; & Arrianus in Epict. III. cap. 21. de mysteriis loquens: Ἐπὶ παιδείᾳ, καὶ ἐπανορθώσει τοῦ βίου κατεστάθη πάντα ταῦτα ὑπὸ τῶν παλαιῶν. Ad disciplinam, & emendationem vitae constituta sunt haec omnia ab antiquis, ita ut qui Ciceronis vitam ex ejus scriptis deduxerunt, duo haec beneficia ex initiis ipsum consequutum esse, conlegerint; Deum nempe, nisi unum, esse non posse, animamque hominis immortalem.*

Alterum, quod sibi promittebant, erat beatitudo post mortem. Isocrates in Panegyri. enumerans initiorum beneficia haec habet: περὶ τῆς τοῦ βίου τελευτῆς, καὶ τοῦ σύμπασι- αῶντος, ἡδίστους τὰς ἐλπίδας ἔχουσιν. *De vitae fine, & universo aëro dulciores spes (initia) habent; & Aristides in Eleusiniis: Ἀλλὰ μὲν τότε κέσθαι τῆς πανηγύρεως, οὐχ' ὅσον ἡ παρούσα εὐθυμία, οὐδ' αἱ τοῦ προτέρου χρόνου δυσκολίῃν λύσεις, καὶ ἀπαλλαγαί. ἀλλὰ καὶ περὶ τῆς τελευτῆς ἡδίστους ἔχων τὰς ἐλπίδας, ὥς ἄμεινον διαξοῦντας. Attamen fructum hujus sacri adeo non praesens laetitia, neque praecedentis temporis vexationum remissiones, & dispulsiones; sed & de morte dulciores fovere spes, tamquam melius peracturos.*

In Parergo hujus Tabulae CXXII. videas Juvenem nudum, toga nondum suscepta, coronare vitem sacram, memorem hujus celebritatis sibi imposterum maxime venerandam, ejusque Genio sacram, e cujus felici incremento auspiciū propriae fortunae sibi foret desumendum.

In sequente Tabula CXXIII. Antistita termitem sacrum tenens puerum adloquitur hircina pelle indutum, qui lyram sinistra, dextera vero plectrum substinet. Nihil horridius illius larva penitus satyrica, & amplissime barbata. Jam ille primum gradum, qui ad Satyros pertinebat, adsequutus est, vitta purpurea coronatus: Purpurea, inquam, nam in schedis ad me transmissis colores singuli ad vivum expressi sunt. Vitta etiam, quam Antistita substinet, & quae de Lyra dependet, & Satyrisci ima tibiārum ex fatura rubrica constat, albis tamen ligaminibus. Hic color legitimus putabatur in Bacchanalibus. Statius Achill. I.:

*Cinxit purpureis flaventia tempora vittis.*

Nebride

Nebride puer praecinctus est maculosa ob Bacchum Astrorum dominum. Diodorus Sicul. lib. I. : *Φασὶ δὲ τινες καὶ τὸ ἔναμμα αὐτοῦ τὸ τῆς νεβρίδος ἀπὸ τῆς τῶν ἀστρῶν ποικιλίας περιῆφθαι. Nonnulli quoque pelle hinnulea, quae Nebris dicitur, Bacchum amictum esse dicunt, ut astrorum varietas significetur.*

Ex Larario Dea Libera cum sceptro sacrum id prospectat, & numine suo confirmat.

In Tabula CXXIV. eadem Antistita, velatis manibus, & nescio quid occultans, Juvenem jam maturae aetatis adloquitur, veluti quae majora secreta aperiat. Non enim universa secreta cum Tironibus communicabantur, nisi per gradus profecissent. Horum tres omnino cognovimus; Satyriscorum, qui nuper ab inculta, &, ut ajebant, ferina vitae ratione advenerunt, in qua sub capripedum Satyrorum specie in Bacchanalibus sculptis nobis objiciuntur. Sic aliquantum probati, veluti cultiores, deposita hircina specie, sed tantum relicta cauda, inter Faunos censebantur. Plutarchus in vita Antonii : *Ἐἰς γοῦν Ἐφεσον εἰσιόντι αὐτοῦ, γυναῖκες μὲν εἰς Βάχκας, ἄνδρες δὲ καὶ παῖδες εἰς Σατύρους, καὶ Πάνες ἡγοῦντο διεσκευασμένοι. Cum igitur ipse Ephesum ingressus est, mulieres quidem Baccharum habitu, viri autem, & pueri Satyrorum, atque Panum cultu ornati praecefferunt. En igitur distinctio puerorum, & virorum in Satyros minoris ordinis, & Panes superioris distincti. Hos infra saepe obcurrentes observabimus. Adde & Catullum de Nupt. Pel., & Thetid. LXII. vers. 251. :*

*At parte ex alia florens volitabat Jacobus*

*Cum Thiaso Satyrorum, & Nyfigenis Silenis.*

## TAB. CXXV. ET CXXVI.

### BACCHI ANTISTITA CUM SATYRISCO.

**S**edet Ministra Sacrorum Bacchicorum super Cista, in qua arcana supellex continetur, veluti in testimonium potestatis, & Satyrisco adstanti mytheria altiora exponit; veluti cui jam emerito progressus ad altiore gradum debeat.

In

In altera parte hujus Vasis Tab. CXXVI. idem juvenis, non jam caprinis pedibus, sed humanis procumbit ad pedes Sacerdotriae, ac si sacrum aliquid sit accepturus. At illa, tamquam oestro conrepta, & stupens *Cistam Sacrorum* capacem supra caput Juvenis adtollit, ac si divinum quiddam in ejus animum infundat. Horrorem sacrum hirtis capillis testatur, quo se Deo plenam, atque in enthusiasmum actam significat. Virgilius Aeneid. VI. 47.:

*non vultus, non color unus,*

*Non comptae mansere comae;*

& Senec. in Agamem.:

*Silet repente Phoebus, & pallor genas,*

*Creberque totum possidet corpus tremor.*

*Stetere vittae, mollis horrescit coma.*

## TAB. CXXVII. ET CXXVIII.

### IDEM ARGUMENTUM.

**R**ecentes Fauni secreta mysteriorum intenti accipiunt, & in ima parte prioris Vasculi, adtonito Faunisco, stans Sacerdos tesseram quamdam illi obfert, veluti pignus religionis, quae cordis imaginem refert; unam ex illis, quae in Cista servabantur, ut refert Clem. Alexandr. alias citatus ad Tab. CXIX.

In sequente Tab. CXXVIII. idem Faunus adstat coram Antistita, & obsequii gratia faciei vannum anteponit, & arrectis auribus illam dicentem auscultat. Sic Horatius Bacchum mysteria sua affectis tradentem inducit lib. II. 19.:

*Bacchum in remotis carmina rupibus*

*Vidi docentem, credite posteri,*

*Nymphasque discentes, & aures*

*Capripedum Satyrorum acutas.*



**B**Accha, quae Faunum instituit, sinistra manu crepitaculum ad-  
tollit longo manubrio instructum, & duabus ansis hinc inde  
munitum, minutis circumcirca tintinnabulis suspensis, quo in  
altum elevato, & alterno motu concussio, principium pompae indice-  
batur.

Manu dextera lancem adtollit cum tribus pomulis, quem nume-  
rum maxime sacrum habebant affeculae Bacchi, ob triennium ab eo in-  
sumptum in Indica expeditione. Ovidius Metam. IX.:

*Ismariae celebrant reperita triennia Bacchae;*

& Diodor. Sic. lib. IV. 3. de Baccho: Στρατεύσαιτα δ' εἰς τὴν Ἰνδικὴν τριεῖα  
χρόνα, τὴν ἐπαύροdon εἰς τὴν Βοιωτίαν ποιήσασθαι, κομίζοντα μὲν λαφύρων ἀξιολόγων  
πληθεύον, κατὰγαγῆν δὲ πρῶτον τῶν ἀπάντων θρίαμβον ἐπ' ἐλέφαντι Ἰνδικῷ. Καὶ  
τοῦς μὲν Βοιωτοὺς, καὶ τοῦς ἄλλους Ἕλληνας, καὶ θεῶν ἀπομνημονεύοντας τῆς κατὰ  
τὴν Ἰνδικὴν στρατείας, κατὰδεῖξαι Τριετηρίδας θυσίας Διόνυσῳ. *Cum in expeditione  
Indica triennium consumpsisset, in Boeotiam cum multis, opimisque spoliis  
est regressus, & primus omnium super Elephante Indico triumphum egit.  
Boeoti igitur, ceterique Graeci, & Thraces ad conservandam Indicae  
expeditionis memoriam Trieterica ( idest triennia ) Bacchi sacra insti-  
tuerunt.*

Infra pendet globus decussatus, quem nihil continere, alibi indica-  
vimus, nisi praetextam emeritam, & in globum arcte constrictam,  
quae Diis votiva suspendebatur, Laribus, Juventae, & Bacchae, seu  
Deae Liberae, cum, in Liberalibus sumpta Toga, adolescens Bacchis ini-  
tiaretur. Globum hunc conspicuis rugis undique tumentem ex panni  
alicujus involucri constare, manifestissime evincitur ex aliis similibus  
Picturis inter meas schedas.

Ille speculum anteposit gemmatum Deae, & fertum ex tribus  
floribus, ejusque corona, qua ejus caput incinctum est, tribus pomulis  
supra frontem adornatur. Termes post Juvenis terga confurgens tam in  
hac, quam in sequenti Tabula arbusculam sacram, de qua saepe di-  
ctum est, designat, sive potius indicium est loci, quo profanis adce-  
dere non liceret.

In Tabula CXXX. adfistunt eidem caeremoniae Antistitae geminae, sed ordinis inferioris, quae Maximae Sacerdoti ministrant una cum face, quae ad purgationem pertinet; altera cum Thyrso, in cujus vertice nux pinea conspicitur, quae etiam duplici in loco pendet parieti fuspensa.

## C L A S S I S X I.

## S A C R A D E A E L I B E R A E.

T A B. CXXXI. CXXXII. CXXXIII.

E T CXXXIV.

## B A C C H A F U R E N S.

**I**N secreto Bacchi coetu, ex quo viros admisit, Rex, ejusque conjux Regina sacrorum constituebatur, ut constat ex Demosthene Orat. contra Neaeram: τὰς δὲ θυσίας ἀπάσας ὁ βασιλεὺς εἶθυσεν, καὶ τὰς σεμνοτάτας, καὶ ἀρρήτους ἢ γυνὴ αὐτοῦ ἐποίησεν ἀκότως, βασίλισσα οὖσα. *Sacra autem Rex obibat omnia, eorumque religiosissima, & arcana uxor ejus curabat; idque merito, cum Regina esset. Uterque Bacchico cultu adornatus in sacris incedebat, ut Bacchum, & Deam Liberam ad vivum exprimeret. Ita prorsus Matronarum coetus huic cultui additus Baccharum indumentum, & speciem induebat. Livius lib. XXIX.: Matronas Baccharum habitu, crinibus passis, cum ardentibus facibus decurrere ad Tiberim. Ita ascleclae juxta gradum provectionis. Dionysius Hallicarnas. alias citatus lib. VII.: Σκευαὶ δὲ αὐτοῖς ἦσαν, τοῖς μὲν εἰς Σιληνοῦς ἀκασθεῖσι, μαλλωτοὶ χιτῶνες, οὓς ἐνιοὶ χορταῖους καλοῦσι, καὶ περιβόλαια ἐκ παντὸς αὐθους. Τοῖς δὲ εἰς Σατύρους, περιζώματα καὶ δορεὶ τραγῶν, καὶ ὀρθότερες ἐπὶ ταῖς κεφαλῇς φόβαι, καὶ ὅσα τούτοις ὅμοια. *E quibus, qui Silenos repraesentabant, amicti erant tunicis villosis, quas quidam adpellant scortecas, amiculisque confertis ex omni florum genere; qui vero Satyrorum speciem induerant, hircinis se pellibus incinxerat, barrentesque in capite gerebant fetas, & alia his similia. Quin & larvatos supra vidimus in Tabulis antecedentibus. Quoties igitur in sequentibus Bacchum, aut Baccham intuebimur, non Deum, aut Deam referre reputemus, sed maximos hujus sacri Antistites, & Choriphaeos.**

In hac igitur Tab. CXXXI. Sacrorum Reginam intuemur, quae oestro, & furore percita furgit e sella, & Cistam sacram adtollit. Statius Thebaid. V.:

*insano veluti Theumesia Thyas*

*Rapta Deo, cum sacra vocant, Idaeaque suadet*

*Buxus, & a summis auditus montibus Evan.*

Virgilius Aeneid. IV. 301.:

*qualis commotis excita sacris*

*Thyas, ubi audito stimulant Trieterica Baccho*

*Orgia, nocturnusque vocat clamore Cythæron;*

ubi Servius: *Moveri enim sacra dicebantur, cum solemnibus diebus aperiebantur templa, instaurandi sacrificii causa.*

Supra tunicam triplici tunicula induta est tenuissima ob mysticum numerum, de quo supra. Instrumentum parieti suspensum non pate-ram, cujus nullus usus erat in Bacchanalibus, sed crepitaculum refert, de quo supra.

In Tabula CXXXII. iterum commoveri sacra observamus, aperto Sacrario, unde furens Antistita, solutis crinibus, cum Thyrso ex-filit, arcanum quidpiam dextera adtollens ad pompam excitandam.

Caput Mulieris mitra redimitum in parte Vasis adversa schema est ad vivum exprimens vultum ipsius magnae Sacerdotis; nam isthaec Vasa non tantum in usum opportunum sacrificii confici solebant, ve-rum etiam, ut monumentum susceptae dignitatis domi conservarent.

Quae sequitur numero CXXXIII., distincta eadem fere nobis obiicit, quae antecessens, discrepantibus tantum adtributis. Baccha non vannum, sed Arcam adtollit pomulis, & floribus ornatam. Eu-ripides in Ione vers. 1337.:

Ὅρας τὸ δ' ἄγγυ' χεῖρὸς ὑπ' ἀγκάλας ἐμαῖς;

Ὅϊω παλαιὰν ἀντίπνυ' ἐν σέμμασιν.

*Vides hanc cistam manus brachiis sub meis?*

*Video antiquam cistam, involutam coronis.*

Sinistra coronam Etruscam gemmatam, & lemniscatam substinet, e qua pendet vitta sacra Bacchantum peculiaris. E regione conspicitur *mystica vannus Jacchi*, cribrum, quod aliquando ad dignitatem ex aureis filis constabat. Apulejus Metamorph. XI.: *Quintus auream van-*

*num*



num aureis congestam ramulis ferebat. Ratio hujus adtributi multiplex fuit, prima, quod Bacchus infans in vanno exceptus sit, quod fertilitatis, & opulentiae specimen praeferebat, ut Libro priore adnotavimus. Potissima vero, quod animarum purgationem denotaret, quam in hisce Sacris inquirebant. Servius in I. Georg. 166.: *Mystica Jacchi ideo ait, quod Liberi patris sacra ad purgationem animae pertinebant, & sic homines ejus mysteriis purgabatur, sicut vannis frumenta purgantur*. Hinc *Δικνίτου Licniti* Epitheton fortitus est in Hymno apud Orpheum.

In Tabula CXXXIV. eadem sive Dea, sive Antistita sedens crepitaculum sinistra, dextera vero tympanum adtollit; nullis enim segmentis distinctum est, quorum indicio vannum esse reputemus. Tympanis enim maxima stetit auctoritas in Bacchanalibus, quorum licentia horum strepitu, & ululatibus tegebatur. Ovidius Metam. IV. 30.:

*Quaecumque ingrederis, clamor juvenilis, & una  
Feminae voces, impulsaque tympana palmis,  
Concavaque aera sonant, longoque foramine buxus.*

TAB. CXXXV. CXXXVI. CXXXVII. CXXXVIII.  
ET CXXXIX.

IDEM ARGUMENTUM.

**U**Niverſa haec Vasa ad ufum Bacchicorum Myſteriorum adorata in gratiam Matronarum, quae ſacris praeficerentur, imaginem Deae praefecerunt, quam cultu, & poteſtate imitabantur. Quandoque ipſi Antistitae adſtant Puellae, veluti poſtulantes admitti ad participationem ſacrorum, ut in Tabulis CXXXV. CXXXVI. CXXXVII., & CXXXVIII., in quibus eadem prorsus ſacra inſignia videre eſt, quae in ſuperioribus obſervavimus.

In Tabula vero CXXXVI. ſingulare quid notandum obcurrit, quod nempe Dea Libera ſedens quatuor globulos e manu, veluti talos, in altum projiciat. Horum ſignificationem tentabimus infra in notis ad Tabulam CXLII.

In poſtrema CXXXIX. geminae ex Bacchi comitibus nudae ſibi  
Tom. II. D 2 invi-

invicem obcurrunt, cornua potoria comparantes, ex quibus potissime in his sacris utebantur more antiquo, praecipue ob Bacchum, quem *δικέρωτα cornua habentem* vocat Orpheus in Hymno, & alibi *Ταυρόκερας Tauri cornua habens* dicitur, & Horatius II. 19.:

*Te vidit infons Cerberus aureo*

*Cornu decorum.*

Nonnus vero expresse tradit, Bacchum ex cornu bibere consuevisse, Dionysiac. XII. 201.:

*Καὶ γλυκερὸν ποτὸν ὄρε . καὶ οἶνοχύτου Διονύσου*

*Λόκα διαμομένων ἐρυθαίνετο δάκτυλα χερῶν .*

*Καὶ δέπας ἀγκύλον ἔχε βοὸς κέρας . ἡδυπότου δὲ*

*Χέλεσσιν ἀνεθιάτοισιν ἐγεύσατο Βάκχῳ ἐέρσης .*

*Et dulcem potum invenit, Et vinum fundentis Bacchi*

*Albi madefactarum rubebant digiti manuum,*

*Et poculum curvum habuit bovis cornu, dulcem potum habentem vero*

*Labiis summis gustabat Bacchus rorem.*

## TAB. CXL. ET CXLI.

### I D E M A R G U M E N T U M .

**S**edet ante aram Dea Libera cingulo gemmato conspicua. Antistitum sedes in Sacris Bacchi non aliter locabantur. Sic Hypsipyle Thoantem patrem suum Bacchi spolia usurpantem in templo conlocavit apud Valerium Flaccum Argon. II.:

*Tacita pavidum tunc sede locavit*

*Sub pedibus, dextraque Dei. Latet ille receptus*

*Veste sacra.*

Manu substat hastam Bacchicam, cui corona lemniscata imminet, loco nucis pineae, idque ad ostendationem supremæ dignitatis.

A tergo adcedit pari cultu redimita Fortuna scalam proferens, singulare ejus symbolum, ut demonstravimus Libro superiore, quæ sinistra vittam sacram in tres sinus expansam substat; Fortunam enim Baccho libenter conjungebant; illum enim sic salutatur Orpheus in Hymno Lyfii Lenæi: *ἔυκαρπε, πολυγηθέα καρπὸν ἀέζων. Fructuose, laetum fructum augens.*

Sedet

Sedet Antistita in Tab. CXLI. libum adtollens in cratere, unde pyramides exsiliunt. Has inter secreta Cistarum conlocat Clemens Alexandr. Exhortation. ad Gentes Cap. II.: οὐ σπασμῷ ταῦτα, καὶ πυραμίδες, καὶ γλύψαι; *An non ea sunt sesamæ, & pyramides, & glomi?*

Haec Baccham venientem excipit, quae facem ardentem praefert, quam in his facris intervenisse, notat Livius loc. cit.: *Cum ardentibus facibus decurrere ad Tiberim*. Laeva manu substinet scuticam, cujusmodi adhibebantur in Lupercalibus. Plutarchus Quaestion. Roman. LXVII.: οἱ τοῖς λουπερκαλίοις γυμνοὶ διαθέοντες ἐν περιζώμασι, καὶ καθικνουμένοι σκῦτα τῶν ἀπαυτώντων. *Qui Lupercalibus nudi, solisque praecincti subligaculis discurrant, & scutica obvios feriant*. His vero ictibus Matronae libenter manus exponebant, ut foecundae efficerentur. Ovidius Fast. II.:

*Nupta quid expectas? Non tu pollentibus herbis,*

*Nec prece, nec magico carmine mater eris.*

*Excipe foecundae patienter verbera dextrae,*

*Jam focer optati nomen habebit avi.*

Terni flores pendent e pariete. Mystici numeri rationem alibi tradidimus. Flores maxime conveniebant Baccho, qui Ἀϋστὶς *Floridi* nomen fortitus est apud Phlyenses, teste Pausania in Atticis, quin & apud Latinos. Catullus LXIII. 251.:

*At parte ex alia florens volitabat Jacchus.*

## TAB. CXLII. ET CXLIII.

### I D E M A R G U M E N T U M.

**S**edet Dea Libera feminuda, passis crinibus, & frondentem thyrsum substinens; tum lancem adtollit duobus pomulis refer-  
tum.

Totidem defert Baccha in disco, ternos vero super arculam alia Baccha in opposito angulo, quae coronam Antistitae videtur dedicare. Ternarius numerus ad Trieterica spectat, quaternarius vero in hac Tabula divisus in duas partes, integer vero in Tab. CXXXVIII., si divinari licet, ad gradus caeremoniae, sive, ut ita dicam, ad festiones totius pompae pertinet. Nec fortasse vagor in incertum, opi-  
tulan-



tulante auctoritate Statii in Tebaid. II., ubi pompas hafce, licet clamorofas, non tamen tumultuarias fuiſſe teſtatur, quinimmo ex regularibus quibuſdam progreſſibus, regreſſibus, excuſibus, & occuſibus a lege praefcriptis, & praecipue *quaterno numero* conſtituiſſe:

*Tamque movent grefſus, thyafisque Iſmenia buxus,  
Signa dedit, quater aera Rheae, quater Evia pulſant  
Terga manu; variosque quater legere recurſus.  
Tunc thyrfos pariterque levant, pariterque reponunt,  
Multiplicantque gradum, modo quo Curetes in actu,  
Quoque pii Samothraces eunt, nunc obvia verſae  
Peſtine Amazonio, modo quo citat orbe Lacaenas  
Delia, plaudentesque ſuis intorquet amyclis.*

Geminae palmulae fruſtibus refertae, quae in duobus oppoſitis hujus Tabulae angulis exfurgunt, indicant termites illos, per quos locus facer, & inacceſſibilis profanis designabatur. *Termes ramus ex arbore decerptus cum fructu, nec foliis repletus, nec nimis glaber, qui quoniam in diviſione agrorum, antequam metae ponerentur, figi ſolebat.*

Miniftra Sacrorum, ſed inferioris ordinis, nam unica tantum tunica velata eſt, ſpeculum, & crotalum gerit. Fauniſcus vannum antepoſuens in conſpectu ſupremae Antifititis, quae Deam repraeſentabat, vinum adfert.

In averſa parte hujus Vaſis, quae numero CXLIII. diſtincta eſt, Sacrarium conſpicitur, ſed adhuc clauſum, in cujus valvis flos ampliſſimus expreſſus eſt ad ſimplicem ornatum, haud obſcuro indicio repraeſentari in hoc ſchemate ſimplicem adparatum rei ſacrae, nondum incoeptae, Deoſque ad illud adcedentes. Primus ex alto comparet Bacchus cum vite bifida, & corona gemmata. Succedit Apollo cum lauri ramo, ex alia parte unus ex Bacchi Comitibus haſtam ſubſtinet, in cujus ſumma parte gemina folia ex planta cinarae luxuriantur, cum velo ſacro e brachiis pendente, quo in Bacchicis Sacris potiſſime utebantur, & vittam, qua caput cingat, ſubſtollit.

Ultima ſuccedit Dea Libera, brachiis linteo ſacro obvelatis, cum myrtea corona, & lance. Myrtus enim Baccho ſacra erat. Ariſtophanes in Ranis verſ. 327.:

Ἰακχ', ὦ Ἰακχε ,  
 Ἐλθε Τόνδ' ἀνὰ λειμῶνα χορεύσων  
 Ὅσιους ἐς θιασώτας ,  
 Πολύκαρπον μὲν Τινάσσων  
 Ἀμφὶ κρατὶ σὺ βρύοντα  
 Στέφανον μύρτιαν.

*Jacche , o Jacche ,  
 Veni hoc in Pratum tripudiaturus  
 Sacros inter saltatores ,  
 Multifructus quidem quatiens  
 Circa caput tuum emanantem  
 Coronam myrthis .*

In ima parte Lar cum corona Etrusca lancem adtollit cum placenta, unde producuntur gemini ramusculi roris marini, heic crassiore stilo expressi; quae adtributa Larem designant, ut Libro superiore adnotavimus. Ipse etiam Bacchico velamine brachiis superinducto conspicuus est.

E regione occurrit Larunda cum flabello, & arca sacrorum. Senis actoribus respondent sex vittae ex genere Bacchicarum, parieti suspensae, ut suam quisque fortiat. Duo ex hisce vittis, quas muliebres adpellarem, lacinias habent, ob multiplicem gyrum, pluresque sinus, quos distinguere debebat in prolixo feminarum capillitio, ideoque pluribus ligaminibus instructas esse oportebat. Quatuor vero viriles unico tantum vinculo munitae sunt; nam ambitu simpliciore explicabantur. Quae omnia optime conveniunt cum Sacrario adhuc clauso; nec enim insignia fumebantur, nisi cum sacra commoverentur.

Neque repugnat Deos ad unius Dei sacra convenire; nam Bacchi Orgia numquam respuerunt, pro illorum maxima dignitate. Ovidius Fast. I.:

*Festa corymbiferi celebrabat Graecia Bacchi ,  
 Tertia quae solito tempore bruma refert ,  
 Dii quoque cultores gelidi venere Lycaei ,  
 Et quicumque jocis non alienus erat .  
 Vina dabat Liber , tulerat sibi quisque coronam .*

## TAB. CXLIV.

## BACCHA IN LECTISTERNIO.

**R** Eclinata in Lectisternio quiescit Baccha, more discumbentium, feminuda super tigridis pelle, more Heroum, qui ferarum coriis toros substernebant. Virgilius VIII. 175.:

*Haec ubi dicta, dapes jubet, & sublata reponi*

*Pocula, gramineoque viros locat ipse sedili.*

*Praecipuumque toro, & villosi pelle leonis*

*Accipit Aeneam;*

& Silius Ital. XVII.:

*jam membra cubili*

*Erigit; & fulvi circumdat pelle leonis.*

& Nonnus Dionysiac. lib. XXIV. vers. 336.:

*Δέρμασιν αργείοισιν ἐπεσσεύεσθαιτο χαμᾶνιν.*

*Caprinis in pellibus sternebant lectum.*

Faunus facem sustollit, ministra coronam, & lancem cum uvis adfert, alterque Fauniscus tibus pares inflat.

Sub toro scabellum conspicitur, quo ad faciliorem consensum utebantur, quod alibi notabimus.

## TAB. CXLV.

## BACCHAE SACRA FACIENTES.

**S** Eminuda, & monilibus ornata sedet Dea Libera, tympanum sustollens, circumquaque diffluentibus teniolis refertum; tympanum, inquam, non vannum; haec enim, ut par est, semper perforata adparet.

Deae ministra lancem obfert cum senis pomis, & crotalum substinet.

Ad Aram adcedit mulier altera ex Bacchicis feminuda cum altera lance, in qua totidem poma disposita sunt, & coronam Etruscam in honorem Deae altari admovet. Hanc vestium negligentiam notat Ovidius Fast. I. 399. in descriptione Bacchanalis, & cultus Bacchan-tium Nympharum:

*Illa*



*Illa super furas tunicam collecta ministrant ,*

*Altera dissuto pectus aperta sinu ,*

*Exerit haec humerum , vestes trahit illa per herbas .*

Quae tunicata adcedit ad Altare cum situla, speculum oculis anteponit prae obsequio, ne quid obcurrat, quod intentam sacris mentem perturbet. Nec est, cur id instrumentum pro patera sumamus; haec enim nudo limbo constabat, ne defluens liquor inter parerga exteriora retineretur. At contra specula Matronarum, plerumque circa gyrum, gemmis, & flosculis ornata erant, ut saepe in his Tabulis observandum obcurrit.

Frequenter innuimus, morem hunc peculiarem in Sacris Bacchi existisse, quod ad sacra praefertim secretiora adcedentes faciei vel patenam, vel speculum, aut cribrum, sive quidquid aliud ad manus esset, oculis anteponebant, quod passim obsequio sacrificantium adtribuimus; indulgentioribus alioquin ceteris Diis, qui nihil hujusmodi exigebant. Ast in Bacchi mysteriis rigorem hunc necessarium fore putabant, ne, Deo adveniente, conspicuumque sese exhibente, illum impune intuerentur. An ne in Orgiis Bacchus adparebat? Ita porro sibi infingebant. Orpheus in Hymn. Lysii Lenaei ita eum compellat:

Θνητοῖσι Φανεῖς ,

*Mortalibus adparens ;*

& Horat. II. 19. :

*Bacchum in remotis carmina rupibus*

*Vidi docentem , credite posteri ,*

& Sophocles in Antigone de Baccho vers. 1162. :

Πᾶ Διὸς γενέθλον ,

Προφανῆθαι ξὺν Νάξιας

Σαῖς θυάσι προσπόλοις ,

Ἄε δὴ σε μαινόμεναι

Πάνυχοι , χορεύουσι

Τὸν Ταμίαν Ἰακχόν .

*Fili, Jovis proles ,*

*Ostende te cum Naxiis*

*Tuis Sacerdotibus Ministris ,*

*Quae circa te insanientes*

*Per totam noctem saliant*

*Custodem Jacchum .*

Id vero mysterium nemo melius expofuit, nifi Bacchus ipfe Penthaeo, cui adhuc ignotus Bacchi myfteria edificerebat, fe feque Bacchum vidiffe incredulo homini testabatur apud Euripidem in Bacchis verf. 478. :

Πεν. Τὸν Θεὸν γὰρ ὁρᾷς σὺ φῆς σαφῶς, ποῖος τις ἦ;

Διο. Οὐ ποῦθ' ἤθελ', οὐκ ἐγὼ τάσσον Τόδε .

Pent. *Tu igitur dicis, te vidiffe Deum palam, qualis effe?*

Bacch. *Qualis ipfe voluit, non ego notavi hoc.*

Dein verf. 502. :

Πεν. Καὶ ποῦ 'στιν; ἐν γὰρ Φανερός ὁμμαστὶν γ' ἐμοῖς .

Διο. Παρ' ἐμῷ . σὺδ' ἀσεβὴς αὐτὸς ὢν, οὐκ ἄσπερος .

Pent. *Et ubi est? Non enim conspicuus est oculis meis.*

Bacch. *Penes me . Tu vero impius cum sis, non vides.*

Quapropter mirandum non est, si apud Gratium loc. cit. Bacchi Antistita profanos ejiciens utitur magnifica formula :

*Edico, praesente Deo, praesentibus Aris.*

Quia vero periculofum valde erat Deum conspexisse, faciem ve-  
labant . Pausanias in Phocicis lib. X. : τὸ ἐπ' οὖν ἀληθεύαν ἔοικε τοῦ  
Ομήρου, σὺν οὐδενὶ αἰσίῳ τοῦς θεοὺς τῷ γένει τῶν ἀνθρώπων ἐναεγῶς ὀρᾶσθαι . *Homeri  
igitur facile existimari potest nihil a vero abhorreere, non posse cuiquam  
hominum benevertere, cui perspicue Deos cernere contigerit; & Callima-  
chus in Lavac. Pallad. :*

Ὅς κα' τιν' ἀθανάτων, ὅκα μὴ θεὸς αὐτὸς ἔλῃται,

'Αθρήσῃ, μισθῷ τοῦτον ἰδεῖν μεγάλῳ.

*Quisquis aliquem immortalium, nisi Deus ipse velit,*

*Conspexerit, mercede conspiciat magna.*

Diutius in hoc immoratus sum; nam hujusmodi observatio ad intel-  
ligentiam eorum, quae sequentur, maxime conducit .

## TAB. CXLVI.

## SATYRUS, ET BACCHA.

**S** Acris admissus Satyrus Tiro, & linteo sacro jam munitus introducit a Baccha pari velo ornata in Sacrarium, quae vanum oculis admovet in conspectu Numinis metuendi, & sinistra sublata, Satyrum excitat, ut totum se formet in religionem. Ipse teter, & veluti horrore conreptus, manus adtollit, dum caprinis pedibus ad Deum adcedit, tamquam ad praesentem. Diodorus Sic. lib. IV. 3.: Τὰς δὲ γυναικας κατὰ συστήματα θυσιαζεν τῷ θεῷ, καὶ βακχεύειν, καὶ καθόλου τὴν παρουσίαν ὑμνεῖν τοῦ Διονύσου. *Matronae autem catervatim sacrificia obeunt, ac bacchantur, Numen id non secus, ac si praesens sit, festis carminibus profequentes.* Haec Tabula ad prima initia pertinet.

## TAB. CXLVII. CXLVIII. ET CXLIX.

## FAUNI CUM BACCHIS STUDENTES.

**C** Um Satyrisfci aliquantum profecissent in mysteriis, eorumque secretum, & tolerantia satis probata exstitisset, ex illa primaeva rudi, ac ferina conditione provehebantur ad humaniorem, & jam propriis pedibus incedebant, & diffusiores caudam, quam quod Satyrisfci haberent, adquirebant. In hoc primo Vase citharaedus a Baccha accipit ulteriora mysteria, quae ab illa exponuntur, sed tali corporis statu, ut submisce, & quasi secreto illa communicet, guttumque sinistra substat, quo auditorem aut potet mystico liquore, vel adspersat.

In sequenti Tabula CXLVIII. Faunus ad sacra admissus, oestro percitus furibunde tripudiat. Livius Lib. XXXIX.: *Viros, veluti mentis capta, cum iactatione fanatica vaticinari*; & Statius Achill. I.:

*Magnaue difficili solventem brachia motu.*

Rationem huiusce ritus, ridiculam admodum, in re sacra adducit Servius Eclog. V. 73.: *Ideo in religionibus saltabant majores, quia nullam corporis partem esse voluerunt, quae non sentiret religionem; nam cantus ad animum, saltus ad mobilitatem corporis pertinet.*



Baccha in alio Vase ejusdem Tabulae cum ingenti tympano , in morem clypei Argolici , ad aram adcedit sacrificatura .

Tripudiat Baccha in Tabula CXLIX. , qualem describit Ovidius Metam. III. 726 :

*Collaque jactavit , crinemque per aera movit .*

Ad ejus pedes conspicitur vannus perforata , n̄ potius esse velimus placentam , quam in occultis sacris Orgiorum explodit Clemens Alexan. Cohortation. ad Gentes Cap. II. : πόπανα πολύομφαλα . *Libaque multis distincta umbilicis* . Volucer ad ejus pedes recumbens , sive interim anser , sive cygnus , otiosus equidem non inrepsit , sed causam hujus parergi adhuc ignoro .

Haec Antistita duplicem mappam substinet brachiis sine exemplo ; nam unica contenti mares , & feminae incedebant . Id tribuo ejus potestati , qua hujusmodi gestamen non sibi tantum tribueret , sed novitiis etiam Teletis largiretur , cum ad sacra promoveret . Id insigne commune fuit aliis etiam sacris , veluti symbolum ministerii , de quo aliqua praemissi in Dissertatione de Genio Domestico Mus. Etrusc. Tom. III. His adde Servium ad I. Aeneid: *Constat enim majores mappas habuisse villosas , quibus etiam in sacris utebantur , sicut in Georgicis , manibus liquidos dant ordine fontes germanae ; tonsisque ferunt mantilia villis , de supplicaturis enim hoc dixit* . Et Valer. Flac. Argon. I. 660. :

*Ergo humeros Duxtor sacro velatus amictu*

*Aesoniamque capit pateram .*

*Hac pelago libat laeices .*

Ex alio latere Faunus temulentus , ac stupens parem mappam ventilans aliquid de Cista sumit , sive potius admota manu tangit , veluti sese devoteat sacramento .

## CULTUS BACCHI.

## TAB. CL.

## BACCHUS SENEX IN LECTISTERNIO.

**B**acchum Graeci, & Romani sub forma pulcherrimi adolescentis objecerunt. Ovidius IV. Metam.:  
*Tu puer aeternus, tu formosissimus alto*  
*Conspiceris caelo.*

Etruscis vero prudentioribus, qui vinum vetus praeferebant novo, placuit sub forma senili Bacchum exprimere, quem Hebena nuncuparunt. Macrobius Satur. I. 18.: *Liberi Patris simulacra partim puerili aetate, partim juvenili fingunt, praeterea barbata specie senili, ut in Campania Neapolitani celebrant, Hebena nominantes.*

In hac Tabula senili vultu sub specie convivantis jacet reclinatus in Lectisternio, atque, ut verbis utar Tertulliani, *in otio plurimo placidae stupentis Divinitatis*; quamquam veteres Diis universis id obsequium tribuerent, ut illos sibi penitus adfamiliarerent esurientes.

## TAB. CLI.

## BACCHUS, ET BACCHA.

**I**nnumus supra, Bacchos, & Bacchas in his Tabulis expressas nil penitus referre, nisi larvatos illos Sacrorum Antistites, & pompae Coriphaeos, qui vestibus, vultu, & incessu Liberum, & Liberam toti populo referebant. Procedit itaque fictus Bacchus cum sceptro, insigni, a quo *σκηπτουχος* vocatur ab Orpheo in Hymno Trieterici, & thallum hederaceum manu insuper praeferebens.

Sinistra uxorem suam, veluti Reginam sacrorum jure constitutam, introducit in Sacrarium Bacchico cultu induendam; nam adhuc stola paganica induta est. Antequam vero haec sacrorum Regina insignia potestatis adsumeret, sacramentum interponere debebat sub hac formula, quam accepimus a Demosthene Orat. in Neaeram: Ἀγιστὴν, καὶ

ἐμὴν

ἐμὶ καθαρά, καὶ ἀγνή ἀπὸ τῶν ἄλλων τῶν οὐ καθαρευόντων, καὶ ἀπ' ἀνδρὸς συνουσίας. καὶ τὰ θεόγνια, καὶ Ἰοβακχεΐα γεραίω τῷ Διονύσῳ κατὰ τὰ πάτρια, καὶ ἐν τοῖς καθήκουσι χρόνοις. *Pia, & pura, & munda sum a ceteris immundis, & a viri congressu, & divinum natalem, & Jobacchea celebro Baccho, patrio ritu, & legitimis temporibus.*

Parergon operis est Faunus procax, qui fugientem Nympham impudice prosequitur. Improbata haec spectacula adeo obvia sunt in Bacchanalibus, ut ea a ritualibus impudicissimis praescripta fuisse suspicer. Phornutus obcurrit adfertor, qui Bacchi chorum ita describit: Νέϋ, ἡ πρεσβύτης, διὰ τὸ πάση ἡλικίᾳ πρόσφορος εἶναι. τῶν μὲν νέων λαυρότερον αὐτῇ χρωμέναν, τῶν δὲ πρεσβυτέρων ἡδύτερον. οἱ δὲ παρσάγονται ταῖς νύμφαις ἥδιον αὐταῖς ἐπιμιγνύμενοι. ἡ τὰς μὲν παρῶντες, τὰς δὲ μετὰ παιδείας βιαζόμενοι. *Ad haec fingitur & juvenis, & senex esse, eo quod omni aetati quadret, juvenibus nimirum illo meracius utentibus, senibus autem suavis; qui suaviter commixti Nymphis inducuntur, eas quidem tangentes, has autem joco violare nitentes. Eundem typum habeo in pulcherrimi operis Scarabaeo, quem in mea Dactylothea custodio, ejusdem fere artificii, ac aliud Perusinum, in quo quinque Thebani Heroes sculpti sunt.*

## T A B. C L I I.

## BACCHI ANTISTES CORONATUS.

**G** Eminae Bacchi Sacerdotriae provectiores, diffusis crinibus, & linteo sacro circa dorsum, & brachia obvelatae, Regi sacrorum omnibus insignibus Bacchicis adornato coronam hedraceam imponunt. Haec formula ad ritum hujus sacri pertinebat, quam adamussim servavit Hypsipyle cum Thoante ejus patre, cum Orgia insimulans illum sub Bacchi mentito adpectu a nece liberavit apud Valerium Flacc. Argon. II. v. 353.:

*Tunc excipit artus,*

*Obnubitque caput, tacitumque ad conscia Bacchi  
Templa rapit; primoque manus a limine tendens,  
Exime nos scelere, pater, & miserere piorum  
Rursus, ait. Tacita pavidum tunc sede locavit  
Sub pedibus, dextraque Dei. Latet ille receptus.*

*Veste*



*Veste sacra; voces chorus, & Triclerica reddunt  
Aera sonum, fixaeque fremunt in limine tigres.*

Ejus vestis stellis conspersa est ad imaginem Bacchi, ut ait Eu-  
molpus in Carminibus Bacchicis apud Diodorum Sicul. lib. I.:

Ἀσροφῶν Διόνυσον ἐν ἀλίνεσσι πυρωπὸν.

*Sidereum Dionysum igni radiante coruscum.*

Ex alio latere illum intuemur ex intima sede eductum, & cur-  
rui impositum per pompam circumduci. Valerius Flacc. loc. cit. v. 365.:

*Serta patri, juvenisque comam, vestesque Lyaei  
Induit, & medium curru locat, aeraque circum,  
Tympanaque, & plenas tacita formidine cistas  
Respiciens; teneat virides velatus habenas,  
Ut pater, & nivea tuncant ut cornua mitra,  
Et facer ut Bacchum referat scyphus.*

Haec imago triumphum Bacchi referebat actum de bello Indico;  
quapropter in ludicro hoc spectaculo inducitur Regina sacrorum, ejus  
uxor, sub specie Minervae, quae in ea expeditione Baccho opitulata  
est. Nonnus Dionys. lib. XXX. vers. 248.:

ἦλλοι δ' Ἀθῆνῃ

Ὀυρανὸθεν, πρὸ γὰρ ἦκε διὰκτορον ὑψιμέδων Ζεὺς,

Γνώτ' ὅπως Φεύγοντα φόβῳ πεφοβημένον Ἥρης

Ἐἰς ἐνοπὴν ἐρύσσει μετὰ σφύγαντα μοιρινὴν.

Στῆ δ' ὀπίθε, ξανθὴς δ' ἐκόμης ἐδραξατο Βάκχου.

Μοῦνῳ φανομένη βλοσυρῇ δεῖς.

*venit vero Minerva*

*E caelo, praemiserat enim internunciam in altis regnans Juppiter,*

*Fratrem ut fugientem metu perterrefactum Junonis*

*In pugnam traheret convertentem consilium.*

*Stetit vero retro, flavam vero comam prebendit Bacchi.*

*Soli adparens terribilis Dea.*

Itaque ut auxtrix victoriae, ita triumphus particeps esse debuerat.

## TAB. CLIII.

## BACCHI ANTISTES OVANS.

**E**cce iterum Bacchi supremus Myſta ovans in publicum pro-  
dit, veſtus equo. Adpoſititia ejus ornamenta hominem lava-  
tum oſtendunt, coma inutilis, barba aliena, ceteraque inſi-  
gnia, quae tonſum civem, ut erant Etruſci, niſi adventitia, non  
conveniebant. Ex ejus capillitio cirri in modum ſerpentum per hu-  
meros diſcurrunt; his enim, plerumque fictitiis, Bacchus, & ejus af-  
ſeculae crines cingebant. Horat. II. 19.:

*Nodo coerces viperino*

*Biſtonidum ſine fraude crines.*

Reliqua vero coma, ut ſemper in hiſce ſacris, longa & diſfuſa eſt.  
Ovid. de Remed. Amor. v. 603.:

*Ibat, ut Edona referens Trieterica Baccho*

*Ire ſolet ſiſis barbara turba comis.*

Cothurnos gerit, conſuetum ejus ornamentum. Nonnus Dionyſ. XIV.  
verſ. 237.:

*\*Ἀγυρὰ πορφύρεῖς ἐπέθηκετο τὰρὰ νοθέοις.*

*Induit argenteas plantas purpureis cothurnis;*

Et Tacitus lib. II.: *In celebrando vindemiae ſimulacro Silius Bacchum  
referens hedra vinctus erat, & cothurnos gerebat.*

Antiſtita in parte obverſa, nondum furialibus ſuſceptis inſigni-  
bus, pateram, ſive lancem ſacrificio paratam ſubſtinet.

## TAB. CLIV.

## BACCHUS ALATUS CUM SACERDOTE.

**R**ex Bacchici Sacri, ſenili adſpectu, cum Thyrſo, ſolitarius, &  
nudus, hoc eſt animo, & corpore omnino ſolutus, ad  
aram adcedit, ut ſupremae poteſtatis teſſeram a Baccho  
ſuſcipiat, quem oculis conſpicere ferebatur.

Bacchus volucer, manu ſuper aram producta, ſacramentum exige-  
re videtur. Nec miremur novum Bacchi adtributum, quod Pauſaniae  
auctoritate illi confirmamus. Sic in Laconicis lib. III.: *Θεὸν δὲ σέβουσιν*  
οἱ

οἱ ταύτην τότε Ἀμυκλαῖον, καὶ Διόνυσον, ὁσβότατα ἐμοὶ δοκεῖ. Φίλαν ἐπονομάζον-  
τες. Ψίλα γὰρ καλοῦσιν οἱ Δωριεῖς τὰ πτερά. ἀνθρώπους δὲ οἷον ἐπαίειν τὴν  
ἀνακουφίσαν γνώμην οὐδὲν τι ἦσσαν ἢ ὄνυχας πτερά. *Venerantur, qui hic ha-  
bitant, prae ceteris Amyclaeum, & Bacchum, quem Psila cognomento  
dicunt. Psilae enim Dorienfes alas vocant, quippe vinum incitat homi-  
nes, subleuatque non minus, quam aves alae. Hoc enim adspectu,  
neque alio fingi debebat, qui subito ministris sacrorum intimis adpa-  
rere, & praesto esse putabatur.*

TAB. CLV.

BACCHUS CUM NOCTUA.

**S**Tat Bacchus cum thyrsō frondente, & ingenti cornu potorio.  
Horatius II. 19.:

*Te vidit infans Cerberus aurea  
Cornu decorum, leniter atterens  
Caudam, & recedentis trilingui  
Ore pedes, tetigit crura,*

& Nonnus Dionys. XIV. vers. 240.:

*Δαίη μὲν κέρας εἶχε βεβυσμένον ἡδέεον οἶνου  
Χρύσεον, Ἀποίητον.  
Sinistra quidem cornu habebat temperatum dulci vino  
Aureum, benefactum.*

Noctua eidem adstans nihil cum Baccho commune habet, nisi  
studium tenebrarum, quas Bacchus prae verecundia praeferebat, illa  
vero indolis necessitate. Subest alia ratio inimicitiae, ob quam anima-  
lia saepe Diis, veluti subiecta, obferebantur. Noctua enim una  
omnium animalium vinum criminata est, quam propterea Deus illam  
ab ejus racemis abegit. Tradit etiam Philostratus, infantes, qui no-  
ctuae ova forbuissent, non modò a vino abhorreere, sed & temulentos  
formidare.

Inferior linea exprimit fabulam Bacchanalem, nempe Panes infe-  
stantes Nympham Echo, quam Moschus describit Idyllio VI.:

*Ἦγα Πάν Ἀχῶς τὰς γέγονον, ἦγατο δ' Ἀχῶ  
Σκιρτητὰ Σατύρων, Σάτυρον δ' ἐπεμήνατο Λύδαν.*

Tom. II.

F

Ως



Ὡς Ἀχῶ τὸν Πάνα , τόσον Σάτυρος φλέγεν Ἀχῶ ,  
καὶ Λύδα σατυρίσκον . Ἔως δ' ἐρμύχεται ἀμοιβᾷ .

Ὅσσον γὰρ τλώων τις ἐμίσσει τὸν φιλέοντα ,  
τόσσον ὁμῶς φιλέων ἐχθαίρετο , παρὰ δ' ἄποινα .

*Pan amabat Echo vicinam ; Echo autem ardebat*

*Saltatorem Satyrum ; Satyrus vero insane deperibat Lydam ,*

*Quantum Echo Pana , tantum & Satyrus Echo urebat ,*

*Et Satyrum Lyda : Sic amor per vices flagrabat ;*

*Quantum enim ipsorum aliquis amantem oderat ,*

*Tantum & ipse amans odiosus erat , & patiebatur vindictam .*

Hanc igitur Pictor alatam finxit , ut ejus levitatem exprimeret , cum enim Nympha esse desiit , nil nisi vox fuit .

## T A B. C L V I.

## INDICTIO BACCHANALIORUM.

**B**acchus fenex , & coronatus sceptrum adtollit tornatile , longe diversum a thyrso , quo , veluti signo dato , pompam Bacchicam movet , emittitque e Sacratio juvenem , qui musico instrumento processum indicat , qui conversus praeceptum excipit . Disscessum musicus concentus expediebat . Statius Achill. II. :

*Jamque movent gressus ; thyrsisque Ismenia buxus*  
*Signa dedit .*

In Orgiis omnia fere organa ad fragorem excitandum adhibebantur , Inflatilia , Tensilia , & omnium maxime Pulsatilia , tamquam magis clamorosa . Quod gerit Juvenis pompae prodromus , constat ex aeneo circulo , qui bacillo ejusdem materiae , sive ferreo pulfabatur , stridulumque sonitum reddebat . Similem alibi observavimus in his Tabulis ; nam acutus ille fragor maxime opportunus erat ad animi concitationem provocandam ; ideoque in Bacchanaliorum descriptionibus tinnitum aeris frequenter invenimus . Ovidius Metam. VI. :

*Nocte sonat Rhodope tinnitibus aeris acuti ;*  
& rursus lib. XIV. describens Cybelis pompam , quae maxime cum Bacchica conveniebat :

*Sancta Deum genitrix tinnitibus aera pulsi*  
*Aeris , & inflati complevit murmure buxi .*

Praecur-

Praecursor involutam velo sacro aviculam cristatam praefert. Picam puto, quae ob garrulitatem Baccho admodum grata fuit, ut tradit Natalis Comes Mythol. lib. V. 13., & Gyradius de Diis Syntag. VIII., fretus auctoritate Phurnuti, quinimmo Tuffanus in κίτρα, ubi haec habet: κίτροφι Picam ferens ad mysteria Bacchi peragenda. Hinc intelligimus, symbolum hocce non modo non alienum fuisse ab hisce pompis, verum ex ritualium praescripto ad perfectionem intercedere debuisse.

## TAB. CLVII.

## BACCHUS BACCHAM DEOSCULANS.

**E**X his, quae supra innuimus, solebant Veteres in Bacchanalibus supremos Sacrorum Antistites Bacchico cultu ita adornare, ut Liberum, & Liberam ad vivum referrent, quod monendum erat, ut Fabulas a veritate discerneremus. Addimus nunc alterum testimonium ex Ovidio Metam. VI., ubi tradit, Procnem subfuratam fuisse Sororem Philomelam abditam sub cultu Bacchi in furore Orgiorum:

*Nocte sua est egressa domo regina; Deique  
Ritibus instruitur, furialiaque accipit arma.  
Vite caput tegitur, lateri cervina sinistro  
Vellera dependent, humero levis incubat hasta;*

& post pauca:

*Germanamque rapit, raptaeque insignia Bacchi  
Induit, & vulnus hederarum frondibus abdit;  
Atonitamque trabens intra sua limina ducit.*

Haec notanda erant, ne confunderemus Liberi Patris connubia cum Ariadna, Pallene, aliisque, quae recenset Nonnus in postremo Dionysiacorum, cum caeremoniis, in quibus ab Etruscis antiqua haec facta, si quae fuerunt, simulabantur; magnamque lucem sequentibus Tabulis adfundunt.

Sub umbraculo vitis fedet fictus Bacchus, qui uxorem jamdiu suam complectitur, veluti sponsam, ut Bacchi Nuptias religiose mentiatur Hymenaeus, quem prae omnibus Diis Bacchus diligebat, ut

sæpe notavit Nonnus, manum supra sponæ caput imponit, ut conubium firmare videatur.

Adstant plaudentes duo ex comitibus, Ampelus fortasse, & Achra-tus, quorum unus coriaceum tympanum adtollit, quod descripsimus in Dissertatione *de Musica Etruscorum*; nam ex hoc schemate præcisa ejus forma demonstratur; alter vero poculum substinet.

Postremus Silenus crepitaculum jactat. Sub toro geminae mensæ cum pomis, & libis ad convivium nuptiale paratæ sunt.

## T A B. CLVIII.

## P A R S A D V E R S A E J U S D E M V A S I S.

**C**Oenam excipit Musica, quam ad vigilem protrahendam noctem post epulas inducebant Antiqui, quemadmodum in convivio Didonis, amotis mensis, refert Virgilius Aeneid. I.:

*Cithara crinitus Jopas*

*Personat aurata.*

& Homerus Odyss. XXI. vers. 428.:

Νῦν δ' ὥρη καὶ δόρυον Ἀχαιοῖσιν τετυκένθαι  
Ἐν φάει, αὐτὰρ ἔπατα καὶ ἄλλως ἐψιάσθαι  
Μολπῇ, καὶ Φέμειν. τὰ γὰρ τ' ἀναθήματα δαυτός.

*Nunc autem hora & coenam Achivis parari*

*In luce, at postea & alioquin delectari*

*Cantu, & Cithara; hæc enim ornamenta conviti.*

Sedet igitur Citharaedus, cultu Apollineo, Citharam pulsans, longo firmate circumdatus; nam simili indumento utebatur Apollo, cum Musicus esset. Ovidius Metamorph. XI.:

*Ille caput flavum lauro Parnasside victus  
Verrit humum, Tyrio saturata murice palla,  
Instruatque fidem gemmis, & dentibus Indis  
Substinet a lacra; tenuit manus altera plectrum.*

Heic vero hedera coronatus adparet; refert enim Macrobius Saturn. XVIII., Lacedaemonios Sacra Hyacinthia in honorem Apollinis coronatos hedera sacrificasse. Iste vero cultus maxime decebat Apollinem, five Musicum, qui ejus vice caneret in Sacris Bacchi.

Hic



Hic nudus cum thyrso intentus adstat cantori; Baccha vero post ejus tergum Fauno intenta est, qui ingentem hydriam invergit in vas potorium incurvum (*Anconem* vocabant) ut vinum Poetae ministret. Bacchae Ancilla, & ipsa thyrsigera, mirabunda musico concentu perfruitur.

Supra caput Bacchae, & Fauni lineolae quaedam, nunc otiosae, conspiciuntur, quarum vim incautus nostri temporis Pictor, scripturae Etruscae ignarus, vix adumbravit. Imaginum inferiorum nomina sunt, quae in aliis Vasculis, quorum schedas adservamus nitidiores, adparent, unde intelligimus, antiquos Artifices non in pateris tantum aereis nomina figuris adposuisse, sed etiam Pictores caeramicos, ut vis historiae primo obtutu in claro poneretur.

## CLASSIS XIII.

PROCESSUS, ET POMPAE  
BACCHICAE.TAB. CLIX. CLX. CLXI.  
ET CLXII.TRIPUDIA, ET CONCENTUS  
BACCHICI.

**F**Aunus cothurnatus inter geminas Bacchas oestro conreptas, & fanaticas tripudiat. Jam praemisimus, cothurnos fuisse gestamen Bacchicum, sed non perpetuum, atque commune; nam testimonio nostrarum Picturarum intelligimus, & viros, & feminas pro diversitate graduum aliquando nudis pedibus fuisse debacchatos. Ovidius alias citatus Fastor. lib. I.:

*Illa super furas tunicam collecta ministrat,*

*Altera dissecto pectus aperta sinu:*

*Exerit haec humerum, vestes trahit illa per herbas,*

*Impediunt teneros vincula nuda pedes.*

Et revera capripedes Satyros semper nudis pedibus saltare intuemur;

nam

nam primus iste gradus longe aberat a participatione majorum mysteriorum.

Thyrsis praefixa est lamella perforata, ad instar cratis, per quam, veluti per rimulas, conspiciebant interiores caeremonias.

Ultima ex Bacchis hastam puram desert sine ullo additamento, quia aeneo circulo pulsando addicta est.

In Tabula CLX. incedit Baccha cum Thyrso, & Bacchi poculo, quod maxime venerabile putabatur; nam, ut in Tabulis antecedentibus demonstravimus, id proprium Bacchi insigne putabatur.

Citharistia antecedit, quae conversa in Baccham respiciens, modos facere videtur, dum illa adtonito, & supino vultu Bacchi laudes videtur occentare. Bacchae crines diffusi sunt, ceterarum vero in nodum conlecti. Id etiam notavit Ovidius loc. cit. in descriptione Bacchanalis:

*Najades effusis aliae sine pestinis usu,*

*Pars aderat comptis arte, manuque comis.*

Ultima geminas faces substinet, quarum in sacris nocturnis, & praesertim Bacchanalibus, maximus usus fuit.

Sequens Tabula CLXI. non Faunos saltantes, sed Silenos nobis exhibet, cum sacris illis lintheaminibus, quae ad intima sacra pertinebant. Hi, cauda deposita, homines puros, & ab omni faece humanitatis absolutos denotabat, qui intima Numinis familiaritate, & participatione potiti omnia sibi licita esse reputabant, nihilque eis adtribui ad peccatum. Hinc processit maxima illa cujusvis facinoris licentia, & impunitas, ut ait Livius loc. cit.: *Nihil nefas ducere, hanc summam inter eos religionis esse . . . . nihil enim in specimen fallacius est, quam prava religio, ubi Deorum Numen praetenditur sceleribus.* Hanc labem superiore aetate sub specie *quietis* renascentem acri Ecclesiae judicio sublatam, correptamque Patres nostri plauserunt. Ceterum discursus per urbem, & saltationem, veluti Dei cultum potissimum reputabant, quem proinde Orpheus in Hymno Trieterici sic invocavit:

*Ἐλθέ, μάκαρ σκιρτῶντα.*

*Veni, beate Saltator.*

Alios hujus chori Saltatores, cum velo sacro e brachiis velitante, videas apud Gorium Mus. Etrusc. Tom. III. Class. 2. Tab. VIII.

Infe-

Inferior ex Silenis dextera adtollit *Pomum Granatum*, unum ex arcana supellectile Cistae mysticae, quam exhibilat Clemens Alexandrinus Cohortation. ad Gentes Cap. II. : οἷα δὲ καὶ αἱ κίσαι αἱ μυστικαί; δὲ γὰρ ἀπογυμνώσαι τὰ ἅγια αὐτῶν. . . . Οὐχὶ δὲ ἔσονται πρὸς τοῖς θεοῖς, καὶ κατεθνῆαι, νάρθηκός τε, καὶ κίττοι; Quae porro, & cujusmodi sunt cistae illae mysticae? Nudandum enim quidquid apud eos sancti est. . . . nonne sunt mala punica, corda, ferulae cum bederis. Notandum heic censeo, quod in Tab. CXXVII. Antistita Fauno ex Satyriscorum coetu provecto tradit imaginem *Cordis*; Silenus vero ex suprema Teletarum classe *Pomum Granatum* ostentat ex eadem occulta Cista prolatum, fortasse, utriusque gradus tesseram peculiarem. Duplicis linteoli gestamen notavimus supra ad Tab. CXLIX.

In postrema ex citatis Tabulis Baccha stans cum Thyrsō, & Nebride, elata dextera, canere videtur, dum Faunus sedens citharam pulsat.

Sacerdos inferior in conspectu potissimae Antistitis cymbalo faciem obnubens hymno adstat intenta. Silenus poculum obfert canenti, ministra facem praefert.

### TAB. CLXIII.

#### PROCESSUS BACCHICUS.

**C**Ontinua hujus Vasis historia progressum pompae in Bacchanalibus ostendit, nempe, ut ait Livius: *Viros, veluti mente capta, cum jactatione fanatica corporis vaticinari*. Violentos illorum motus eleganter describit Statius Achill. I. de Achille Bacchante:

*Magnaue difficili solventem brachia motu.*

Bibunt alii ad tiliarum, & citharae cantum, ad crepitum buccinae, & crotalorum.

Notandum occurrit in hac Tabula Bacchantes universos velo sacro coopertos esse, nullumque aut Satyrum, aut Faunum illis intermixtum; sunt enim ex superiore, tertioque, ac intimo coetu Silenorum, quos jam ex omni labe perfectos Numen impleverat, ut quidquid agerent, licet turpissimum, Dei nutu, ac motu quodam caelesti agere



agere viderentur. Hi enim a toto coetu fegregati partem ritus, (ut putabant facri) peragebant.

Nec turbet plures sub hoc nomine cenferi, cum plerumque Silenum unum Bacchi nutritorem, & comitem individuum apud Scriptores nominatum videamus; nam hujus optima merita, quae celebrat Orpheus in ejus hymno, in multitudinem transfierunt, quae Silenorum nomen fortita est. Catullus alias citatus Carm. LXII. verf. 251.:

*At parte ex alia florens volitabat Jacchus,*

*Cum Thiafo Satyrorum, & Nyfigenis Silenis.*

Paufanias in Atticis lib. I. ait: Τὲς γὰρ ἡλικίᾳ τῶν σατύρων προήκοίαις ὀνομάζουσι σεληνῆς. *Maximos enim natu Satyrorum Silenos nuncupant*; quo loco, licet subobscurè, nostram firmat opinionem, ex Satyris non ex merito aetatis, sed profectus in mysteria Silenos evasisse; & Plutarchus Commentar. Quomodo possit adulator ab amico internosci: Σεληνοῖς δὲ Διόνυσος ἐτέρπετε. *Bacchus Silenis delectatus est*. Itaque non miremur, quod Dionys. Halicarn. alias citatus lib. VII. hanc pompam describens Silenos plurali numero enunciet: Τοῖς μὲν εἰς Σεληνῆς ἐκασθεῖσι, μαλλωτοὶ χιτῶνες. *E quibus, qui Silenos repraesentabant, amici erant tunicis villosis*. Nec praetermitteremus Plutarchum alias cit. in vita Antonii: Ἐἰς γὰρ Ἐφεσον εἰσιόντι αὐτῷ, γυνῆκες μὲν εἰς βάκχας, ἄνδρες δὲ καὶ παῖδες αἱ σατύρες, καὶ πᾶσις ἡγόντο διεσκαλασμένοι. κατὰ δὲ καὶ θύρῶν, καὶ ψαλτηρίων, καὶ συρίγγων, καὶ αὐλῶν ἢ πόλεις ἦν πλέα. *Cum igitur ipse Ephesum ingressus est, mulieres quidem Baccharum habitu, viri autem, & pueri Satyrorum, atque Panum cultu ornati praecefferunt, bedera, Thyrsis, Psalteriis, Fistulis, Tibiis personabat Urbs*. Natalis quoque Comes Mytholog. lib. V. 13. tradit, Silenos aciem integram constituisse in bello pro Baccho adversus Saturnum: *Militantibus una nobilissimis Nyseis, qui Sileni sunt vocati, cum primus, qui regnavit Nyssae, Silenus nominaretur*. In hoc quoque gradu adipiscendo juramentum interponebatur, de quo Julius Firmicus de Error. Profan. Relig.: *De tympano manducaui, de cymbala bibi, & Religionis secreta perdidici*.

## TAB. CLXIV. ET CLXV.

## FABULAE THEATRALES IN BACCHANALIBUS.

**I**nter ludicra feriatae Urbis, dum Bacchanalia recurrerent, aliena quidem a sacris, sed tempori non repugnantia censebantur omnimoda spectacula, quae popellum detinerent, & praesertim Comoediae. Ovidius Fast. III. 13.:

*Rusticus ad ludos populus veniebat ad urbem;*

*Sed Dis, non studiis ille dabatur honos.*

*Luce sua ludos urvae commentor habebat,*

*Quos cum taedifera nunc habet ille Dea.*

Thuscae vero Comoediae, quae apud antiquos Scriptores commemorantur, cum illorum libertate perierunt, ut inane prorsus sit sensum harumce Picturarum, qui olim vulgo innotebat, inquirere. In Tabula priore vides Maccos geminos in suggestu Theatri de fiscella disputantes, veluti contractum ineant de interioribus pomis, sive pullis. In altera saltatio exprimitur cum crepitaculis, sene intermedio tunicato, qui fuscina alterum e saltatoribus impetit. Eundem ipissimum typum Tab. CLXV. habeo in schedis ex alio Vase, sed molis, & formae diversae, ex Museo Cl. March. Alberici Albergotti, unde intelligimus, Pictores Etruscos eadem prorsus inventa saepe in Vasculis reiterasse.

## TAB. CLXVI. ET CLXVII.

## BACCHI TRIUMPHUS DE INDIS.

**A**D Scenam refero hanc Picturam ad Bacchanalia pertinentem, in qua triumphus de bello Indico a Baccho gestus ingeniosissime repraesentatur. Ad Scenam, nam in pluribus schedis idem argumentum referentibus currus Bacchi ab imaginariis quibusdam feris trahitur, veluti Gryphis, quae nonnisi fictitiae ad admirationem conciliandam a Pictoribus, & machinarum Artificibus effingi poterant.

Anterior hujus Vasis adspectus a Fauno furente occupatur, qui integram arborem quatit. Statius Achill. I. Bacchanale describens:

*terraque revulsas*

*Ferre trabes,*

Tom. II.

G

ubi

ubi hyperbolice trabes ufurpavit pro arbusculis vefane a Bacchantibus radicitus e terra erutis ad ostentationem divini furoris, ut apud Catullum in Nupt. Pelei, & Tetidos LXII. v. 288.

*tulit radicitus altas*

*Fagos, ac recto proceras stipite laurus.*

Saltant interim Bacchae geminae, quarum una myfticam placentam, unde ferpens arcanus caput exerit, fublevat cum crepitaculis brachio adligatis. Baccha altera tympanum adtollit. Catullus loc. cit. v. 261.:

*Plangebant aliae proceris tympana palmis.*

Cornua potoria humi jacent, neglecta in tanta perturbatione, quae nec potiffimo Bacchi fymbolo indulget.

In averfa parte Bacchi pugna adverfus Indos, ejusque triumphus expreffus est. Bacchi milites Thebana, hoc est patria galea armati funt, & fcuto Argolico; Indi vero gemmatis, pictisfque fagulis refulgent; quapropter a Virgilio Georg. IV. picti adpellantur:

*Ufque coloratis amnis devexus ab Indis.*

Horum unus fecure infultat aemulo; Nonnus Dionyf. XV. vers 32.: id bellum defcribens:

Ἄλλῳ ἔχων δ' ἀσπλῆτα σιδηρεῖς γένυν ἄεπης,

Ἄιγδς ὀρεσσινόμοιο διέθρισεν ἀνθερέωνα.

*Alius habens gravem fecurem harpae*

*Capellae in montibus pafcae amputavit collum;*

Bacchus enim, vino Indis permiffio, illos dementaverat, ut toto eo Libro Auctor citatus profequitur. Ceterum bellum illud faepe apud Poetas celebratur, de quo Paufanias in Phocicis Lib. X.: οὐ ἄλλῳ ( Διόνυσῳ ) κατ' ἐμὴν δόξαν, ἀλλὰ ὁ πρῶτῳ μὲν ἐλάσας ἐπὶ Ἰνδοῦς Σελιάς, πρῶτῳ δὲ Ἐυφράτην γεφυρώσας πῶταμόν. *Neque fuit opinione mea hic Liber alius ab eo, qui primus ad Indos cum exercitu penetravit, cum Euphratem ponte junxiffet.*

Bacchus cum Libera fpoliis Indorum undequaque ornatus triumphum agit, quadriugo curru inveftus. Equi bini nigro colore tinfti funt, alterum par candido diftinguitur. Quod vero me ancipitem diu tenuit, est equorum differentia; nam candidi truncis pedibus deformati funt. Interim vitio ne longae aetatis, quae Picturam depravaverit, an incuriae recentis Pictoris id tribuam, prorfus ignoro. Subeft ne in hac differentia myfterium aliquod veteris mythologiae, quae, ficuti Bac-



cho quatuor equos adtribuit, ob quatuor illius aetates, quas singillatim describit Macrobius Saturn. I. 21., ubi Bacchum puerum imperfectum, subinde adolescentem nondum maturum, virum postea, & demum senem nobis objecit, propterea duos equos invalidos habere voluerit? An potius illum cum Sole confundens *modo descendentem in ima mundi, modo in summam altitudinem resurgentem*, dispares equos habere meruit? Sunt haec fortasse indicia tarditatis in Tropicis, *cum Sol a cursu supero incipit obliquus inferiora jam petere*? Ab Haruspice Etrusco aliqua solutio difficultatis est exspectanda.

TAB. CLXVIII.

BACCHANALIA RUSTICA.

**I**Ta prorsus vocabantur, quae a Plebeiis, & Ruricolis sine ullo apparatu celebrari solebant, more antiquo, ac simplicissimo, Bacchanalia, quae anaglyphtico opere in hoc scypho repraesentantur. Plutarchus alias citatus de cupidit. Divit.: *Ἡ πάτριος τῶν Διονυσίων ἑορτὴ τὸ παλαιὸν ἐπέμπετο δημοτικῶς, καὶ ἡλαρῶς. Accepta a majoribus Bacchanalium festivitas antiquitus plebejo more, & hilari agebatur.* Ludiones inter feminas nudi exsultant, quorum unus longum hastile gerit, ex cujus extremitatibus geminae hinc inde lances pendent, instrumentum utique ludicrum, & minime aptum ponderibus examinandis. Genus crepitaculi esse puto ad quaternas voces ciendas, ut numeris responderent.

In alio latere videas Maccum, qui caput suinum, sine cujus carne, ex Aegyptiorum traditione, Bacchi Festa celebrari non poterant, comportat. Herodotus lib. II. cap. XLVII.: *Τοῖσι μὲν νῦν ἄλλοισι θεοῖσι θύειν ὅς ἐστιν ἀδικαιεῦσι Αἰγυπτιοῖσι. Σελήνῃ δὲ, καὶ Διονύσῳ μάλιστα. . . . Οἱ δὲ πένητες αὐτῶν ὑπὸ ἀσθενείας βίῃ, καὶ ἰσχυρὰς πλάσσειν ὅς ἐστιν, καὶ ὁπλήσειν ταύτας, θύειν. Τῷ δὲ Διονύσῳ τῆς ἑορτῆς τῇ θορπῇ, χοῖρον πρὸ τῶν θυρέων σφάξας ἕκαστος. Aliis Diis immolare sues jus Aegyptiis non est, praeter quam Lunae, & Libero. . . . Qui sunt ex eis inopes, propter tenuitatem facultatum, adsimilatos quosdam sues coquunt, quos immolent. Baccho quoque in ejus Festo singuli in coenam porcā pro foribus maculant.* De hoc ritu consule, quae latius praemisimus ad Tab. CXX.

Succedit alter, qui caprum maculat, de quo infra. Mulier infantem vino potat.

Ultima Phallum init, de qua impurissima superstitione ab ipsis

Gentilibus exhibita, ab Ecclesiae vero Patribus vehementer reprobata pudet hic plura referre. Unus instar omnium proferatur Arnobius lib. IV.: *Etiā ne Mutinus, cujus immanibus pudendis, horrentique fascino vestras inquitare Matronas, & auspicabile ducitis, & optatis.*

## TAB. CLXIX. ET CLXX.

## BACCHANALIA.

**I**N priore Tabula Bacchus barbatus procedit inter Faunos, vitem bifidam deferens, & cantharum ejus insigne. Crocota amplissima indutus est, quae ferica, & purpurea esse debebat, de qua Terullianus de Pallio cap. IV.

Notanda est in pariete nebris maculosa, donarii loco suspenſa, de qua Plutarchus de Isid., & Osirid.: *Α' δ' ἐμφανῶς δεῦσι θάπτοντες τὸν Ἄπιν οἱ ἱερεῖς, ὅταν παρανομίζωσιν ἐπὶ σχεδίας τὸ σῶμα, βακχέας ἔδ' ἐν ἀποδῇ. καὶ γὰρ νεβρίδας περικαθάρτοιαι.* Quae autem palam faciunt sacerdotes, dum Apidis cadaver rate advehtum sepeliunt, nihil distant a Bacchi sacrificio, quippe & hinnuleorum pelles circum appendunt.

In linea inferiore Antistita Bacchi incedit inter duos Silenos, quorum unus cornu potorium ruditer expressum, alter cyathum adtollit, & dum Sacerdotria citharam pulsat, veluti lymphatus, caput contorquet. Catullus de Nupt. Pelei, & Thetid. LXII. 255.:

*Evoe Bacchantes evoe, capita inflectentes,*

& Ovidius Metam. III. 726.:

*Collaque jactavit, crinemque per aera movit;*

& Catullus in Galliambo:

*Tibi Cymbala quatimus, tibi carmina canimus,*

*Tibi spargimus capillum, tibi verticem rotamus.*

In Tab. CLXX. Bacchus amplissimam gerit vitem racemiferam, qualem in Thufcorum navi excitavit, quae undique ramos diffundens, universo pene orbi beneficium vini videtur velle impertiri.

Mulier stolata tetrico incessu arcanum aliquid velatum adtollit, quod nudis oculis videre nefas esset. Hesichius: *Ἰθύφαλλοι, οἱ ἐπίσκοποι, καὶ ἀκολούθοντες τῷ φαλλῷ γυναῖκα ἔχοντες σολὴν.* Ithyphalli, qui Phallum circumferunt muliebrem habentes stolam. Athenaeus lib. XIV. cap. 4.: *οἱ δὲ ἰθύφαλλοι*

Φησὶ καλέμενοι, προσοπαῖον μεθυόντων ἔχουσιν, καὶ ἐς Φάροῦται χαρίδας ἀνθινὰς ἔχοντες.  
*Quos Ithyphallos nuncupant, personas ebriorum induunt, coronas gestant, & manibus florido colore tinctis manus operiunt.*

In parte averfa hujus Vasis tres Deos videas Bacchanalibus obsequentes, Mercurium, Herculem, & Minervam. Solebant enim in hisce Pompis Deorum indumenta usurpare, ut illos, veluti Bacchi pedissequos simularent, ut de Mercurio scribit Apulejus Metam. XI.: *Hic ille Superum commeator, & Inferum, nunc atra, nunc aurea facie sublimis adiollens canis cervices arduas, larva caduceum gerens, dextera palmam virentem;* Et Athenaeus lib. V. pompam Bacchicam omnium sumptuosissimam describens, quam Ptolemaeus Philadelphus exhibuit, inter cetera unum ex Silenis sub Mercurii persona introducit: Μεθ' ὧς Σιληνοὶ δύο ἐν ποσφυαῖς χλαμύσιν, καὶ κρηπίσιν λακῶς. εἶχε δ' αὐτῶν ὁ μὲν πέτασον, καὶ κρητικὸν χεῦσθον, ὁ δὲ σάλπινγαν. *Sileni duo post hos gradiebantur, purpureo pallio vestiti, cum albis soleis. Horum alter petasatus aureum caduceum parvum ferebat, alter tubam.* Alibi me vidisse memini interpositas etiam Herculis, & Apollinis figuras; nec miror de Hercule, cum, teste Stephano, in Agra Hercules Bacchi sacris initiatus fuerit.

Hic insuper introducitur Minerva, taurum praemittens, quem Bacchi affeculae in furorem acti vivum dentibus lacerabant. Julius Firmicus de Errore &c. Cap. VI.: *Vivum laniant dentibus taurum;* & Clemens Alexand. Cohortation. ad Gentes Cap. II.: Διόνυσον μαινόλην ὀργιάζοντι Βάκχοι, ὡμοφαγία τὴν ἱερομανίαν ἀγοῖτες, καὶ τελίσκοντι τὰς κρεωνομίας τῶν Φόνων, ἀνεξεμμένοι τοῖς ὄφεσιν. *Homines furoris oestro perciti Bacchum Maenolen somnibus orgiis celebrant, crudarumque carniū esu sacram agentes insaniam, & sacrarum carniū peragunt divisionem coronati serpentibus;* & Catullus de Nupt. Pel., & Thetid. LXII. v. 257.:

*Pars e divolſo jaſtabant membra juvenco,*

*Pars ſeſe tortis ſerpentibus incingebant;*

& Statius Achill. I.:

*hujus in umbra*

*Alternum revocare piaē Trieterica Matres*

*Conſuerant, ſciſſumque pecus, terraque revulſas*

*Ferre trabes.*



## BACCHUS TRIDENTIFER.

**I**Nter saltantes Faunos consistit Bacchus, veluti post furorem quiescens, atque aliquid praescribere videtur Liberae in ipsum intendenti, dum placentulam ori admovet.

Singulare prorsus est Bacchi gestamen; nam praeter morem non ferulae, sed tridenti innititur. At id insigne ab eo minime repugnat; nam, Statio auctore, intelligimus Bacchas, aliquando trifidas hastas habuisse:

*sparsis subito correpta canistris  
Sylvestris Regina chori decurrit in equum  
Vertice ab Ogygio, trifidamque huc tristis, & illuc  
Numine sanguineo pinum dejectat, & ardens  
Ereſtam attonitis implet clamoribus urbem.*

Quin & in Tabula III. apud Dempsterium Etrur. Regal. iterum videas Bacchum trifido fulmine armatum, de quo videas, quae congestimus in nostris ad ipsum Dempsterium Paralipomenis pag. 24., 25., ubi ipsum ex Etruscorum disciplina inter Deos fulguratores censitum fuisse, ostendimus.

Quia vero varias, & plerumque perturbationis plenas actiones Bacchantum in his Tabulis intuemur, ut propemodum videatur, illas omnino tumultuarias fuisse, prout furor suggereret, operae pretium ducimus errorem hunc submovere, demonstrando, universos hosce lymphatorum motus, etsi concitados, lege quadam, atque ordine firmissimo fuisse praescriptos. Nam quemadmodum introducta fuerant in honorem expeditionis Bacchi adversos Indos, totamque illius historiam complectebantur, ita prorsus ad imaginem bellicae exercitationis regebantur. Erant in hoc spectaculo militares circuitus, unde Statius Sylv. II.:

*Et tu Bassaridum rotator Evan.*

Thyrſi pro armis habebantur. Dividebantur turmae, & vicissim sibi obcurrabant, iterumque conveniebant, quod quater fieri debuisse, colligimus ex eodem Statio Achill. I., & II., qui praeter universos Scriptores pompam hanc dilucide nobis descripsit. Ordo hujusmodi erat.

I. Conveniebant noctu Bacchae in Luco sacro:

*Lucus*

*Lucus Agenorei sublimis ad orgia Bacchi.*

II. In furem actae discerpebant pecora, & arbores evellebant:

*scissumque pecus, terraque revulsas*

*Ferre trabes, gratosque Deo praestare furores.*

Tunc immanes ululatus ciebant, quod erat, veluti pompae anteludium, atque indictio Sacrorum imminentium. Virgilius Aeneid. IV.:

*qualis commotis excita sacris*

*Thyas, ubi audito stimulant Trieterica Baccho*

*Orgia, nocturnusque vocat clamore Cithaeron.*

III. Antistes profanos abire jubebat:

*Lex procul ire mares iterat praecepta verendus*

*Ductor, inaccessumque viris edicitur antrum;*

nam edictum ter reperi debet. In Luco autem antrum, sive facellum esse debet, in quo secretiora peragerentur, Tironibus seclusis.

IV. Dein in fine Luci sacri Antistita ramum figebat, quousque profanis adcessus concedebatur.

V. Choriphaea, dissoluto membrorum motu, ceteras praecedebat:

*Illum virgineae ducentem signa catervae.*

VI. Haec Nebrida ab humero sinistro suspendebat, atque hedera coronabatur, eaque pectus velabat:

*Ut vero a tereti submisit Nebrida collo.*

VII. Vittam purpuream fumebat.

VIII. Thyrsus vehementer agitabat:

*Vibravitque gravi redimitum missile dextra.*

IX. Sic invocato Bacchi Numine, ut interesset, turba prona, vultus ad tollere non audebat:

*Attonito stat turba metu,*

resonantibus interim omnigenis instrumentis, de quibus peculiari Dissertatione aliqua protulimus in hujus libri exordio.

X. Tale nobis obiicitur initium Sacri, donec circa dimidium notis furor cessaret, & quies caperetur:

*Scandebat roseo medii fastigia caeli*

*Luna jugo.*

*Confedere Chori, paulumque exercita pulsa*

*Aera iacent.*

Id tempus fomno datum erat, dum haec Sacra inter feminas constiterunt, non sic, admissis in ea viris, ex quo licentia eo processit, ut acerrima lege, quam recitat Livius toties citatus, Bacchanalia proscriberentur.

XI. Dato signo iterum surgebant:

*Sed Bacchi comites, discussa nube soporis,  
Signa choris indicta putant.*

XII. Signo dato cum sonitu tibiae, Coryphaeae ordinantur turmae, & unaquaeque repetit vestigium suum:

*Jamque movent gressus; ibiasque Ismenia buxus  
Signa dedit.*

XIII. Divisae turmae, vario semper circuitu, quater sibi obcurrunt ad fremitum tympanorum, & cymbalorum:

*quater aera Rheae, quater evia pulsan  
Terga manu, variosque quater legere recursus.*

XIV. Ad numeros Musicos elevant, & demittunt Thyrsos:

*Tunc Thyrsos pariterque levant, pariterque reponunt.*

XV. Circumitur per Lucum multiplici ambitu:

*Multiplicantque gradum.*

XVI. Dividitur turba in classes, quae sibi invicem obcurrunt:

*nunc obvia versae  
Pectine Amazonio, modo, quo citat orbe Lacaenas  
Delia.*

XVII. Quod vicissim pluries fieri debebat ad imitationem bellici occurfus, immo veluti alter alteri suppetias ferret, & testudo instrui deberet, brachia brachiis invicem jungebant, quae omnia legis impatiens neglexit loc. cit. Achilles:

*Nec servare vices, nec jungere brachia curat.  
Tunc molles gressus, tunc aspernatur amictus  
Plus solito, rumpitque choros, & plurima turbat.*

Hucusque descriptionem hujus pompae perduxit Statius, cetera aliunde expetenda.



## TAB. CLXXII.

## BACCHANALIA CUM CAPRO.

**P**erturbato veteri Bacchanaliorum ritu, qui, exclusis penitus Viris, a Matronis tantummodo exercebatur, cujus partem supra adtigimus, multo plura praeter indolem hujus Sacri introducta sunt ex virorum confortio, & plerumque obscœna cum sacrificiis, ut augustiora viderentur. Bacchus igitur in hac Tabula, plaudentibus Faunis, Capri sacrificium exspectat. Plutarchus alias citatus de Cupid. Divit.: Ἡ πατρις τῶν Διονυσίων ἐστὶν τὸ παλαιὸν ἐπέμπετο δημοτικῶς, καὶ λαϊκῶς. *Accepta a majoribus Bacchanalium festivitas antiquitus plebejo more, & hilari agebatur.* (Non heic putemus a Plutarcho describi Graeca Bacchanalia, sed ea, quae, jam corrupta, introducta fuerunt apud Italos.) Dein sequitur: Ἀμφορᾶς οἶνον, καὶ κληματὶς, αἶτα τράγον τίς ἄλκεν. *Amphora vini, & palmitis sarmentum, tum aliquis Caprum trahebat.* (En Tabulae praesentis explanatio.) Tandem subdit: Ἀλλὰ ἰσχυρόων ἀρρίχον ἠκολούθε κομίζων. ἐπὶ πᾶσι δὲ ὁ φαλλὸς. ἀλλὰ νῦν ταῦτα παροράται καὶ ἠφάνισμα, χρυσωμένῳ περιφερομένων, καὶ ἱματίων πολυτελῶν, καὶ ζυγῶν ἐλαυνόμενων, καὶ προσωπείων. *Sequebatur alius calathum ficis plenum gestans, ultimo loco Phallus. Nunc ea negliguntur, & obsoleta sunt, dum inierim gestantur aurea pocula, vestes pretiosae, bigae agitantur, personatique incedunt.* Consonant haec postrema cum triumphali illo hujus pompae adparatu, quem ad vivum repraesentat Athenaeus loco supra citato.

Bacchi calicem idem Athenaeus lib. XI. ita describit: πλημόχον σκεῦος κεραμεῦν βεμβικῶδες ἐδραῖον ἡσυχή, ὃ κοτυλίσκον ἔτιοι περισσαιορέουσιν, ὡς φησι Πάμφιλος. *Plemochos, vas fictile, lusorio puerorum turbini simile, ima sede leviter, modiceque stabili fundatum, quod adpellant quidam Cotyliscum, ut ait Pamphilus.* Hujusmodi plures, atque artificiose tortosatos habeo in Museo, ex antiquis sepulcris Etruscorum erutos in Agro Perusino, & Tuderte.

In linea inferiore sub palma sedet praecipua Bacchi Sacerdos veste coronata, cujus palmitibus quatuor orbis cardines designat, fufis capillis, quod maxime fervari debebat in hisce sacris, quae ad animae solutionem introducta jactabantur. Ovidius de Rem. Amoris:

*Ibat, ut Edono referens Trieterica Baccho*

*Ire solet fufis barbara turba comis.*

& Nonnus Dionys. XIV. vers. 346.:

*ἐπ' ἀμφοτέρων δὲ οἱ ὤμων*

*Ἀπλεέας πλοκαμίδας ἀνερρίπιζεν αἵτης.*

*in utrisque vero ipsi humeris*

*Implexos capillos ventilabat aura.*

E regione Apollo citharam pulsat, five interim unus fit ex Bacchi coetu, qui Apollinis vices ementito cultu repraesentet, quod passim observatur in praesentibus nostris Picturis. Ejus etiam coronam in quatuor prolixos palmites luxuriantem, alibi incognitam, heic iterum notandam proponimus.

Ceterum Capri sacrificium Baccho semper propositum erat, ob adversitatem hujus pecudis in vitem. Ovidius Fast. lib. I.:

*Rode Caper vitem, tamen hinc cum stabis ad aram,*

*In tua quod spargi cornua possit, erit.*

Id sacrificium more ceterorum fieri solebat, exfoleto antiquiore ritu, quo victimae in Bacchanalibus ad ostentationem furoris discerpebantur, quorum carnes crudeae a confortibus Sacri comedi solebant.

## T A B. CLXXIII.

### P R O C E S S U S B A C C H I C U S.

**I**N utraque parte prioris Vasculi Bacchus exertus Baccham adloquitur, quae in ipsum conversa aliquid edisserit ex Mysteriis.

In sequente lagenula Juvenis nudus serpentem sinistra constrictum ad aram adfert. Angues, nonnisi laeva manu capi solere, Marforum ritualia superstitionissime docebant, de quo videnda, quae praemisimus in Notis ad Gemmas selectissimas Tom. I., quae propediem edentur, ubi nonnulla de serpentum Sacris dicta sunt.

Praesens vero typus facile ad Bacchum referri potest, in cujus Mysteriis potissimam partem Draco obtinebat, eratque id unum, quod in mystica Cista tantillum revelari licebat. Magna quoque huic reptili auctoritas stetit in Sabaziis, ut liquet ex Arnobio lib. V.: *In quibus aureus coluber in sinum demittitur consecratis, & eximitur rursus ab inf-*

*inferioribus partibus, aique imis.* Haec in memoriam Jovis Patris introducta sunt, qui in Draconem conversus Bacchum ex Proserpina genuit. Eusebius Praeparat. Evangel. lib. II. cap. III.: *Σαβαζίων γένεσις* μυστηρίων σύμβολον τοῖς μυημένοις ὁ διὰ κόλπον Θεός. Δράκων δὲ ἔτετόν διελκόμενον τῇ κόλπῃ τῶν τελευμένων, ἐλεγχθεῖς ἀκράσιος Διός. *Enimvero Sabaziorum utique Mysteriorum iis, qui sacris initiantur, symbolum est, Deus finum pervadens: Deus autem iste Draco est, qui per medium eorum, quos solemniter ritu initiant, finum trahitur, certum plane impotentis Jovis libidinis argumentum.* Addigit hanc superstitionem Diodorus Siculus lib. IV.: *Φασὶ γὰρ ἐκ Διὸς, καὶ Περσεφόνης Διόνυσον γενέσθαι, τὸν ὑπὸ τινῶν σαβαζίων ὀνομαζόμενον. οὐ γὰρ τὴν γένεσιν, καὶ τὰς θυσίας, καὶ τιμὰς νυκτερινὰς, καὶ κρυφίας παρεστάλυσσι, διὰ τὴν αἰσχύνην τὴν ἐκ τῆς συνουσίας ἐπακολουθοῦσαν. Fertur et alius fuisse Dionysus, qui Jove, ac Proserpina natus, a quibusdam Sabazius nominatur. Cujus ortum, sacrificia, et cultum nocturnum, et secreta (sic enim foedi coitus affecta suadet pudor) introducunt.*

## TAB. CLXXIV.

## DIMISSIO BACCHANALIORUM.

**Q**uemadmodum initia exordiebantur a lavatione, ita profus illis absolutis, nova corporis ablutio praescripta erat. De praecedente testem adduco Pausaniam in Boeoticis lib. IX., ubi ait, de eo, qui in Trophonii specum descendere statuit, praeter ceteras praeparationes, *τὸ δὲ λῦξόν δ' ὁποῖαμος ἐστὶν ἡ Ἑρκυνα. Hercyna fluvio se abluit; Et Libanius Declamat. XIX.: Οὔτε γὰρ τὰτ' ἄλλα καθαροῖς εἶναι τοῖς μύσταις ἐν κοινῇ προαγορεύουσιν, οἷτε τὰς χεῖρας, τὴν ψυχὴν, τὴν φωνὴν Ἕλληνας εἶναι. Nam Antistites inter alia initiatis in publico praedicunt puris esse oportere, verbi gratia manibus, animo, voce Graeca praediis.* Et in Eleusiniis, dum produceretur Bacchi simulacrum, novum lavacrum fieri oportebat. Hefychius in *Ρεῖτοι*: *Ἐν τῇ Ἀττικῇ δύο αἰσὶν οἱ πρὸς τῇ Ἐλευσίνι βῆτοι, βῆγμοι. καὶ ὁ μὲν πρὸς τῇ θαλάττῃ τῇ πρεσβυτέρᾳ θεῷ ἱομίζεται. ὁ δὲ πρὸς τὸ ἄζυ, τῆς νεωτέρας, ὅθεν τοὺς λουτρὺς ἀγνίζεσθαι τοὺς θιάσους. In Attica duae sunt prope Eleusinem fluentes scatebrae, quarum altera erat consecrata Seniori Deae, altera vero ad Urbem Juniori, unde lavacris purificantur Thyasi.* His adcredit Livius lib. XXXIX.: *Decimo die*



coenatum, ac pure lautum in Sacrarium (Bacchi) deducturum. Absolutis vero initiis, iterum lavabantur, non ad purificationem, quam in Sacris plenissime adquisitam reputabant, sed tantummodo, ne divina illa mens a Deo in Orgiis infusa in actionibus profanis pollueretur. Pausanias in Boeoticis lib. IX. ait: Τὰς γυναῖκας φασὶ τὰς Ταναγραίων πρῶτας Διοῦσιν τὰ ὄργια μυθεύσας ἐπὶ θάλασσαν κατὰβῆναι καθαρῶν ἕνεκα. *Tanagraeorum primarias Matronas arcanis Liberi Patris sacris initiatas ad mare, quo expiationis causa lavarent, descendisse.*

Itaque Bacchum in hac Tabula producimus, qui, Sacris absolutis, inter ministros balnearios lotus strigili de more perfricatur.

## TAB. CLXXV.

## BACCHUS CUM DIIS DOMESTICIS.

**B**acchum vidimus hucusque operosum circa Mysteria ordinanda; nunc domi inter Deos familiares otiosum intuemur. Sedet nudus in fella, Pantheriscum recens natum brachio substinens, & fovens. Plerumque ad ejus pedes in Simulacris constitutus est specie blandientis Deo altori, a quo adfluenter vino potatur. Ratio adfinitatis ea communiter traditur, quod ferocissima quaeque peccata vino domentur. Hinc plerumquae ejus currum gemina tigride actum observamus. Ovidius Metam. III.:

*Quem circa tigres, simulacraque inania lyncum,  
Pictarumque jacent fera corpora pantherarum.*

& Silius Italic. lib. XVII. Punicor.:

*Qualis odoratis descendens Liber ab Indis  
Egit pampineos fraenata tigride currus.*

Dea ingenti velo a vertice pendente cum cyatho, & gutturnio, quae Baccho potum ministrat, facile Deam Liberam repraesentat; Vir armatus cum lancea Lar Publicus est. Ultimam Matronam velum ex humero adtollentem Pudicitiam libenter adpellarem, aut Vestam; nam pari gestu utraque obcurrit in Nummis.

## MILITIA ETRUSCORUM.

## TAB. CLXXVI.

LARUM EXSPEDITIO MILITARIS,  
ET RES BACCHICA.

**U**niversa vitae officia, atque instituta, in quibus Etrusci occupabantur, prosequentes, post Sacerdotia, atque initia ab ipsis suscepta in Bacchi Mysteriis (nec enim aliorum adhuc vestigia deprehendimus) succedit Militia, qua maxime claruerunt cum finitimis ad Imperium propagandum, quod diu florentissimum tenuerunt ab Alpibus ad Fretum usque Siculum, nusquam, nisi fero, nec sine injuria a Romanis confringendum.

Quemadmodum vero Etrusci actiones universas humanae vitae, symbolice adumbrare solebant, semperque sublimiter, atque magnifice sub Numinum imaginibus, ecce nunc Militaris exspeditio, reditus, & triumphus sub Larum imagine continenter expressus, quasi Lares integrum negotium propria manu navaverint.

In secundo ex Vasculis gemini Lares Viales nudi arma sumunt adversus hostes; quemadmodum enim Lares Domestici ad custodiam familiarum, Publici vero Urbium remanebant, Viales procul a moenibus adversariis obcurrerant, ut ex sequentibus Tabulis manifestum erit. Haec populorum fiducia de Larum vigilantia perspicue patuit bello Punico, cum Hannibal jam Italiam magna ex parte teneret, & Etruriae imminens cuncta terroribus obruisset. Omnia tunc vota ad Lares conversa, ut Urbes sibi creditas custodirent, nec alteri magis Deorum adtributum est, quod Hannibal profugisset, quam Custodibus istis, qui tot aras, tot templa in Urbibus habebant, quot foci, quot domus in unaquaque numerarentur. Propert. II.:

*Hannibalemque Lares Romana sede fugantes.*

& Festus: *Hostilis Laribus immolabant, quod ab his hostes arceri putabant.* Haec praemittenda erant, ut mens Etruscorum in sequentibus Tabulis manifestius elucescat.

Caput

Caput Matronae reticulo gemmato rediinitum votivum est pro expeditione aliqua, cui Maritus, aut Nati interessent. Virgilius VIII. vers. 556.:

*Vota metu duplicant matres, propiusque periclo*

*It timor, & major Martis jam apparet imago;*

& Statius Thebaid. VII.:

*trepido tamen agmine matres*

*Conscendunt muros, inde arma nitentia natis,*

*Et formidandos monstrant sub casside patres.*

& lib. III.:

*At nuptae exanimes, puerique, aegrique parentes*

*Moenibus effusi per plana, per ardua passim*

*Quisque suas avidi ad lacrimas miserabile currunt.*

In altero ex Vasculis imprudenter a Pictore conjunctis res Bacchica agitur. Praeit Baccha, subsequitur Silenus cothurnatus. Unum heic notandum occurrit, nempe rota intermedia loro circumplexa, in qua turbinem agnosco, singulare Bacchi sacramentum, quod multipliciter exhibilat Clemens Alexandr. Cohortation. ad Gentiles cap. II.:

Τὰ γὰρ Διονύσου μυστήρια τέλεον ἀνάνθρωπα. ὃν εἰσέτι παῖδα ὄντα, ἐνόπλιον κινήσειαν περὶ χορευόντων Κερήτων, δόλῳ δὲ ὑποδύσαν Τιτάνων, ἀπατήσαντες παιδαριώδεσιν αἰδύμασιν ἔτοι δὴ οἱ Τιτᾶνες διέσπασαν, ἔτι νηπίαχον ὄντα, ὡς ὁ τῆς τελετῆς ποιητῆς Ὀρφεύς φησιν ὁ Θεόκριτος.

Κῶν, καὶ ῥέμβων, καὶ παῖγνια καμπεσίγυια,

Μῆλ' αὖτε χρύσεια καλὰ παρ' Ἑσπερίδων λιγυφώνων,

καὶ τῆς δὲ ὑμῶν τῆς τελετῆς τὰ ἄχρεα.

σύμβολα, ἐν ἁρχῇ αὖς κατὰ γνῶσιν παραδέσθαι. ἀσφαλα, σφαῖρα, σφόβιλα, μῆλα, ῥέμβων, ἑσπετιον, πόκ. Dionysi enim mysteria sunt plane inhumana, quem, cum esset adhuc puer, ac circum ipsum Curetes armata saltatione agerentur, dolo subeuntes Titanes puerilibus quibusdam ludis deceptum membratim decerpserant, quemadmodum Thracius Orpheus hujus sacri vates cecinit:

*Turbo, trochus, tum queis inflexus membra cientur*

*Ludicra, & auricomi blandarum ex arbore foetus*

*Hesperidum.*

Inutilia autem hujus mysterii symbola non fuerit inutile ad ea condemnanda



*da adducere; Talus, Pila, Trochus, Poma, Turbo, Speculum, Vellus.*

Conus iste zona circumvolutus agitabatur. Tibull. I. 5. 3.:

*Namque agor, ut per plana citus sola verbere turbo;*

& Virg. VII. 378.:

*Ceu quondam torto volitans sub verbere turbo.*

Sectio circuli clavis distincti pars Calendarii est, quae totidem infixis signis mensem ostendit, quo Bacchanalia recurrebant. De hoc argumento plura dicta sunt initio hujus Libri in Dissertatione de Philosophia Etruscorum.

## TAB. CLXXVII.

## LARIS EXPEDITIO.

**I**N posteriore Vasculo Lar expeditioni paratus cum lancea, parazonio, & calceis commeatum petit a Deabus Domesticis, Vesta sedente, quae moerorem exprimens vultum operit speculo, dum Larunda cibum illi ex patera porrigit.

Vas superius ad Bacchanalia, quae numquam nos deferunt, pertinet. Haec notanda est formula Matronae ad aram adcedentis, sinistro pede suspenso, ut vix digitis dextri insistat. Ratio hujus instituti facetissima est, ut corpus minima sui parte terram tangeret, reliquum vero ad Deos adfurgeret. Martialis XII. vers. 78.:

*Multis dum precibus Jovem salutat,*

*Stans summos resupinus usque in ungues.*

Terrebat quoque auspicium sinistri pedis, ne Sacrarium tangeret, ut ejus omen removeretur. Propert. III. 1. Callimachi Manes interpellans, qui sacrum nemus Elyfiorum obtinuerant:

*Dicite, quo pariter carmen tenuastis in antro,*

*Quove pede ingressi, quamque bibistis aquam;*

& Juvenal. Satyr. X.:

*quid jam dextro pede concipis, ut te*

*Conatus non poeniteat, votique peracti.*

Adde Virgilium in Hymno Herculis Aeneid. VIII.:

*Salve, vera Jovis proles, decus addite Divis,*

*Et nos, es tua dexter adi pede sacra secundo.*

TAB.

## TAB. CLXXVIII. ET CLXXIX.

## LARES PUGNANTES.

**I**N priore Tabula Lares pileo Laconico ornati, quem, vel confecto itinere, vel militari expeditione, facellis suis suspendi gaudebant, ut Libro priore observavimus, veluti in infidiis positi, contracto corpore, occulte procedunt, ut hostem venientem ex improvviso adoriantur.

In altera Tabula binos observamus ex utraque parte depictos, qui equis insidentes in hostes insiliunt. Geminas lanceas uterque gerit. Pindarus. Pythior. Od. IV. vers. 138.:

ὁ δ' αἶσα χρόνῳ

ἔκετ', αἰχμαῖσι διδυμασιν ἀνῆε

Ἐκπαγλος.

*At ille tandem*

*Venit hastis geminis Vir*

*Terribilis;*

& Virgilius Aeneid. V. 557.:

*Cornea bina ferunt praefixa hastilia ferro;*

& rursus Aeneid. VII. 688. de Latinis:

*pars spicula gestat*

*Bina manu, fidosque lupi de pelle galeros.*

Canes singulis adfistunt, perpetui illorum comites. Ovid. Fast. V.:

*At canis ante pedes saxo fabricatus eodem*

*Stabat, quae standi cum Lare causa fuit?*

*Servat uterque domum, domino quoque fidus uterque.*

*Compita grata Deo; compita grata cani.*

*Exagitant & Lar, & turba Diania fures:*

*Pervigilantque Lares, pervigilantque canes.*

## TAB. CLXXX.

## TRIUMPHUS POST BELLUM.

**L**Ares, qui in prioribus Tabulis bellum agunt, in hac praesentis Etrusco Duci victoriae gloriam adtribuunt. Nam in prioribus linea adstant Triumphanti; non enim speranda est in Vascularibus diversis temporis, & artificii ejusdem allegoriae continuatio, quae ex ingenio Pictoris proficiscitur; quandoquidem si alibi placuit integrum bellum per Lares expedire, nunc vero per aliquem ex Lucumonibus, sed Laribus adstantibus, Heroum more nudis, praeter galeam, & clypeum.

Igitur Triumphator, depositis militaribus ornamentis, pacificatoris indumento contentus curru vehitur. Institutum Triumphorum Etruscis adtribuit Florus lib. I. cap. 5.: *Neque pace Tarquinius, quam bello promptior; duodecim namque Thusciae populos frequentibus armis subegit. Inde Fasces, Trabeae, Curules, Annuli, Phaleræ, Paludamenta, Praetexta; inde quod aureo curru quatuor equis triumphatur, Togae pictae, tunicaeque palmatae; omnia denique decora, & insignia, quibus imperii dignitas eminet.*

Praeter Lares Hostilios, seu Viales, quorum auspicio victoria parata est, praecedit inter equos vir barbatus, tunica floreâ indutus, cum galero insignibus cornibus instructo, qui nihil commune habet cum militia. Audiamus Appianum Alexandr. dello Bello Punico, ubi Etruscorum Triumphum ita describit: *Ἀυτοῦ δ' ἡγοῦνται τοῦ Σαττηνοῦ φαβδόουχοι φοινικοῦς χιτῶνας ἐνδεδυκότες, καὶ χοῖθ' κιθαρῖζόν τε, καὶ τιτυριζόν, ἐς μὴνύματα Τυρρηνικῆς πομπῆς. Ipsum imperatorem praecedunt Lictores paludati, & chorus citharistarum, ac Satyrorum, Etrusco more cinctorum.* En igitur unus ex Satyris Larvatis, qui ex veteri instituto triumphum comitatur ad risum, & laetitiam provocandam. Martialis lib. I. 5.:

*Consuevere jocos vestri quoque ferre triumphi,*

*Materiam dictis, nec pudet esse ducem.*

& lib. VIII. 7.:

*Festa coronatus ludet convicia miles,*

*Inter laurigeros cum comes ibit equos.*

*Fas audire jocos, leviora quae carmina Caesar.*

Tom. II.

I

In



In linea inferiore triumphans, curru dimisso, Laribus gratias refert, quod, ipsis opitulantibus, res bene cesserit.

In clypeo unius ex Laribus tres globuli conspicui sunt. Horum vim minime adsequutus fuisset, nisi alterius Laris armati insigne sigillum palmare observassem, Etrusci operis, clypeum hujusmodi substinens. Claviculi ex interna parte laminas firmant versatiles, quibus evolutis, clypeus amplificatur, illisque reductis, restringitur, ut extra conflictum foret magis expeditus.

## T A B. C L X X X I.

## O V A T I O.

**E**X hac Tabula intelligimus, qualia forent Signa militaria Etruscorum, quae ceteroquin ignota nos laterent; hastilia nempe, quibus Aquila, contractis alis, infidebat. Id nationis insigne fuit ob Jovem custodem populi, & revera in clypeo alterius Laris in Tabula praecedente Aquilam depictam observamus, sed volentem; vexillum vero, sive totius exercitus Labarum, semel tantum intuemur in Urna sepulchrali in Tab. CLXXVIII. Mus. Etrusc. Tom. I. Praefens Pictura Ovationem refert, decus adtributum victori, qui bellum minus difficile superasset, nam, interdicto curriculo, vestus equo albo introducebatur, magna quidem pompa, licet impare triumphis.

Ex alio latere Lar Domesticus, qui domi custos constiterat, Vialem redeuntem excipit cum sono citharae, adstante cane, quem habuit custodiae consortem, de quo supra ad Tab. CLXXIX., in quo quidem maximam conformitatem cognoscimus Etruscae Mythologiae, cum Romana, quae inde penitus promanavit.

Quas vero esse putemus Mulieres, quae cum Deo citharizante modulantur? Lara compar Laris Vialis, quae factorum conscia canit Epinicion, at Domestici focia, elata manu cum tigillo, pulsatione continua gressus rhythmicos praescribit, ἀναβάλλειν τῇ ρυθμῇ, nobis *far la battuta*. Regulam, quam manu elevat cum tigillo transverso, quod volubile fuisse puto, ejusque usum descripsi in Dissertatione de Musica Etruscorum, quae initio hujus Tomi habetur; ea enim in hisce pompis magnifica semper intererat. Appianus Alexandr. loc. cit. de

Etru-

Etruscorum triumphis: Ἀυτοῦ δ' ἡγοῦνται τοῦ Σατυροῦ βαβδούχοι Φοινικοῦς χιτῶνας ἐνδεδυκότες; καὶ χοροὶ καθαρίζοντες, καὶ τιτυρίζοντες, ἐς μίμηματα Τυρρηνικῆς πομπῆς, περιεζοσμένοιτε, καὶ Σαφάνην χρυσὴν ἐπικείμενοι. Ἰσάτε βαίνουσιν ἐν τάξει μετὰ ψάλλης, καὶ μετ' ὀρχήσεως. Ἀυτοὺς αὐτοὺς καλοῦσιν, ὅτι (δῖμαι) Τυρρηνικοὶ Ἀυδῶν ἀποικοί. *Ipsū imperatorem praecedunt liētores paludati, & chorus citbaristarum, ac Satyrarum Etrusco more cinctorum, ornatorumque coronis aureis, qui pariter incedunt ordine, cum cantu, & cum tripudio, Ludiones ipsi vocant, ideo, opinor, quia Etrusci Lydorum coloni sunt.*

TAB. CLXXXII. CLXXXIII. CLXXXIV.  
ET CLXXXV.

SACRUM TRIUMPHALE.

**P**Raeter Tempia constantia, quae loco publico pro communi usu Religionis habuerunt Etrusci, ac praeter privata, quae pro modo facultatum in omnium aedibus constituta erant ad Deos Penates, praefertim vero Lares custodiendos, colendosque, quae proprio nomine Lararia adpellari solebant, de quibus sermonem fecimus in Libro priore, erant etiam & temporaria, & lignea, quae statim diebus constitui solebant in Compitis. Dionysius Halicarnas. lib. IV.: Κατὰ πάντας ἐκέλευσε τοὺς Σατοῦρους ἱερεῖς κατασκευασθῆναι καλὰ δῖδας ὑπὸ τῶν γειτόνων ἢ ὧσι προνοωμένοις, καὶ θυσίας αὐτοῖς ἐνομοθέτησεν ἐπιτελεῖσθαι καθ' ἑκάστην ἐνιαυτὸν, πελάνους ἀς φερούσης ἐκάστης οἰκίας.... Ἡρ' ἐτι καθ' ἡμᾶς ἑορτὴν ἄγοντες πρῶτα οἱ διετέλουν, ὀλίγαις ὕστερον ἡμέραις τῶν κρονίων, σεμνὴν ἐν ταῖς πάνυ καὶ πολυτελεῖ. *Per omnia compita mandavit, ut viciniae sacella lignea dedicarent Geniis Compitalibus, & quotannis eis sacra facerent, conferentibus liba singulis domibus..... Quod Festum nostra quoque aetate Romani agitant paucis diebus post Saturnalia, summa cum veneratione, atque magnificentia. Id institutum Tarquinio Prisco adtribuit Plinius XXXVI. 27. expresse declarans, Festum id in honorem Larium fuisse ordinatum.*

Huc pertinere puto Sacella, quae in formam magnifici armarii depicta, & maxime ornata observantur in hisce Tabulis, quae, licet aliquando in privatis domibus existerent, tamen quae ampliora sunt, magisque magnifica, ex illis esse puto, quae in Compitis, hoc est

quadriviis lignea fieri solebant, cum praefertim Laribus pro ingenti aliquo beneficio conlato obsequia reddi deberent.

En igitur in hac Tabula prospectus extemporanei Sacelli compitalitii, in quo allegorice, atque magnifice victoria ab Etrusco Duce reportata sub Deorum imagine celebratur. Grandem hanc adstruendarum rerum rationem saepe observavimus in Nuptiis, & notabimus in Funeribus; nec mirum in Natione, cui Homerus factus erat familiaris. Sedet in Cella Jupiter Etruriae Dominus, & Custos. In fragmento post Auctores de Limitibus: *Scias mare ex aethere remotum. Cum autem Jupiter terram Etruriae sibi vindicavit, constituit, iussitque metiri campos, signari agros.* Tantaque fuit Etruscorum in Jovem Religio, ut sine illius templo justae Urbes non censerentur. Servius Aeneid. I. 226.: *Prudentes Etruscae disciplinae ajunt, apud conditores Etruscarum Urbium non putatas justas Urbes fuisse, in quibus non tres portae essent dedicatae, & votivae, & tot templa Jovis, Junonis, Minervae.*

Jovi igitur, veluti custodi, referenda erat victoria, quam unicus Lar Vialis reportasse ostenditur in hoc Vase, in quo conspicitur Jupiter sedens in Cella cum sceptro, adstante Lare Domestico, senili adspectu, qui innixus nodoso baculo, quem semper gerit, tamquam insigne potestatis, Lari reduci gratulatur. Ille lanceam substinens, & bulgam viatoriam ex humero sinistro prodeuntem, votum solvit, suspensis in Sacello armis, clypeo, gladio, & pileo Laconico.

Coetus Deorum Sacrarium circumstat in Tabula CLXXXI., quorum nomina proferre non vetat Religio, sed ignoratio; vix enim aliquos eorum agnoscimus ex adtributis. Praecedunt gemini Juvenes nudi cum ferto florido, & speculo; subsequitur Dea cum cistula. Subest Baccha uvae racemum substinens, & lancem cum libo, cui bini ramusculi infixi sunt, quos alibi observavimus ex rore marino constitisse. Postremus est alter ex Laribus Vialibus cum clypeo, lancea, & bulga.

In Tabula CLXXXII. Dea altera flabellum, & cistam adtollit. Subsequens substinet arculam, imminetibus crotalis, una fortasse ex Bacchico coetu. Ultimus ex eodem choro lancem adtollit cum strue, sive libum umbilicatum, quod pariter ad Bacchi mysteria pertinuisse notavimus.



In operculo Tab. CLXXXIII. Bacchi Genius coronam lemniscatam substinet, atque tympanum, dum Dea Libera speculum ostendat, & in Bacchum versa parem coronam ornatissimam substinet Lari obferendam; Laribus enim coronae tribuebantur, adsurgentibus foliis insignes, de quibus Festus in *Donaticae*: *Donaticae coronae dictae, quod his viatores in ludis donabantur, quae postea magnificentiae causa institutae sunt supra modum apertum capitibus, quali amplitudine sunt, cum Lares ornantur.* Bacchus placentam, & vitem bifidam adtollit; & Dea altera flabellum, & arculam sacrorum regit.

## TAB. CLXXXVI.

## L A R V I C T O R.

**A**dmiranda fuit Etruscorum Pictorum diligentia in exprimendis unico lineamento diverforum temporum actionibus, quod potissime tribuendum est intelligentiae, atque usui adtributorum unum, alterumve factum manifeste indicantium. Ecce hic Lar Vialis e bello redux cum hasta, parazonio, & pera, qui coronatus rem feliciter gestam, expletamque testatur. At exacto triumpho, indictis ad laetitiam Bacchanalibus, toto se cultu festivae huic celebritati gemmatus parat. Balteus ex baccis, & margaritis constat. Tunicula, & calcei unionibus adornantur, & pede dextero calcit tympanum tintinnabulis circumseptum, quemadmodum conspicitur & linea sinistrae coxae adligata. Omnia Bacchum spirant, & praecipue ara, cui tres globuli Hesperidum, nempe poma, quae in Cista mystica servabantur, de quibus Orpheus apud Clementem Alexand. loc. cit. ad Tab. CLXXXVI.:

Μῆλα τέ χρύσεια καλὰ παρ' Ἑσπερίδων λιγυφώνων.

*Et quae Hesperides miserunt aurea mala.*

Caduceum & ipsum gemmatum pacis sancitae signum substinet. Plinius XXIX. 31: *Hic complexus anguium, & efferatorum concordia causa videtur esse, quare exterae gentes caduceum in pacis argumentum circumdata effigie anguium fecerint.*

Larunda Bacchico cultu ornata non minore luxu ad Aram conficit, placentam illam umbilicis, sive pyramidulis exasperatam obferens.

cae

Anser ad ejus pedes, animal omnino domesticum, Deae Domesticae maxime conveniebat, quin & in manu Laris conlocatum observamus in speciosissimo ejus Sigillo aereo Musei Coratiani, quod peculiari Dissertatione inlustravimus Volumine I. Monumentorum Societatis Columnariae, ubi plura de hoc adtributo.

Corona, & pampinus suspenſa insignia sunt Bacchanaliorum indictorum, veluti indicia solemnitis.

### TAB. CLXXXVII. ET CLXXXVIII.

#### LARES IN BACCHANALIBUS.

**N** Il gratus populo praestari poterat, quinimmo nec Diis, quam Bacchanalia exhibere. In Linea superiore gemini Lares Domestici baculis muniti sedent inter Sacra, dum totidem Larundae compares sedent super arculas, in quibus sacra arcana servabantur. Unum ex Laribus Cistulam quadratam elevat, in cujus operculo semiaperto Serpens Orgius depictus est, quemadmodum & in linea subsequente, proditque pampinum, de qua in adnotatione superiore.

Iidem Lares recurrunt in Linea inferiore, quorum unus e patera prodit sphaeram illam arcanam, de qua alibi; Orbiculi, ut suspicor, Sesamides sunt, hoc est exigui panes ex Sesamo confecti, & ipsi maxime venerabiles, ut in Cistis ignoti venerarentur.

### TAB. CLXXXIX.

#### LAR IN SACELLO.

**L** Ar Victor in Cellula potissimum argumentum est hujus Tabulae, nam Minerva sedens in altera parergon est ad indicandum, id honoris Deo adtributum fuisse pro re bellica feliciter gesta. Tabella ante Larem subfixa titulum indicat hujus obsequii, & fortasse votum persolutum pro victoria, quod a Duce conceptum in dimicatione, a Populo, & Magistratu fideliter servari debebat, cujus instituti exempla plura suppeditat Livius. Laribus praefertim haec vota nuncupabantur. Ovidius Fast. V.:

*praeſti-*

*Praestitibus Majae Laribus videre Kalendae,  
Aram constitui, signaque parva Deum.  
Voverat illa quidem Curius, sed multa vetustas  
Destruit, & saxo longa senectus nocet.*

Inter Deos circumstantes Bacchum cum cornu potorio agnosco, cui respondet Dea arculam adtollens.

In superiore linea idem Bacchus florem, sive uvae racemum adtollit cum pampino, & simul Cistam quadratam, cui obcurrit Baccha cum Thirso insigniter vittato, & tympano.

## TAB. CXC. ET CXCI.

## IDEM ARGUMENTUM.

**P**raefens, & sequentes Tabulae unanimi testimonio consentiunt ad confirmandam expositionem meam de Laribus solemnī pompa receptis in Patriam cum adcessu Bacchanaliorum. En igitur Lar redux exceptus in Sacello cum equo periculi consorte, & particeps encomii. Lar, detracta casside, & deposita lorica, domestico sagulo indutus est. Hic aptari possunt, quae de lorica Domitiani cecinit Martialis VII. 1.:

*I comes, & magnos illaesa merere triumphos,  
Palmataeque Ducem sed cito redde togae.*

Equus in fronte palmulam ventilat in signum victoriae, ut in Vitro Fabrettiano, & in meis Lucernis 28., 29. lib. III., & in alio Vitro Circensi Pisauri effosso, quod initio ejusdem libri illustravi. Id gestamen, ut puto, aureum fuit. Quod inter phaleras computabatur. Suidas in Lexico: *Φάλαρα, τὰς προμεταπίδας τοὺς ἀσπίδισκους. τὴν κόσμησιν τὴν κατὰ τὸ μέτωπον τῶν ἵππων.* Phalerae. Ornamenta equorum ante frontem poni solita. Scutula. Ornamentum, quod ante frontem equorum ponitur. Has Nonius Cap. 18. computat inter Belli ornamenta, & militaria dona, & Virgilius Aeneid. V.:

*Primus equum phaleris insignem victor habeto,*  
quarum originem ab Etruscis desumit Florus I. 5.: *Et inde* (ab Etruscis) *Fasces, Trabeae, Curules, Annuli, Phalerae &c.* Consonat nominis natura; nam phalerae a *phala*, sive *phalis*, turrium summitatibus, & turri-



turribus dicte sunt, quo nomine Urbes plurimas vocatas fuisse accepimus, veluti totum a parte, quae praecipua putaretur.

Adcedunt ad Lararium Bacchus, & Baccha, cum familiaribus donis; & haec postrema arcam Sacrorum coronatam. Euripides alias citatus in Jone vers. 1337.:

Ὅς ἔστι τὸ δὴ ἀγγεῖον χεῖρ' ὑπ' ἀγκάλαις ἐμῆς;

Ὅς ὦ παλαιὰν ἀντιπῆγ' ἐν ζέμμασιν.

*Vides hanc cistam manus brachiis sub meis?*

*Video antiquam cistam involutam coronis.*

& Ovidius Metam: II. 14.:

*Pura coronatis portabant sacra canistris.*

Solemni velo Sacro super humeros de more ornata est, tynpanaque ad ejus pedes jacent.

In averfa parte idem Bacchus, & Baccha ad Aram adcedunt sacro paratam; deficit enim crater ad prunas ministrandas, atque uterque Deus velum e brachio pendentem desert, haud obscure indicans, sacrum nondum esse inchoatum.

## TAB. CXCI. ET CXCI.

### I D E M A R G U M E N T U M .

**O**Mnia in his Tabulis respondent superioribus. Unum excipe, quod Lar Vialis pacatus sedet in Cellula, detractamque galeam parieti suspendit. Ceterum peram viatoriam, perpetuum ejus gestamen, ex humerò ostentat.

Bacchus muliebri cultu comptus crotala adtollit in sinistra, pendentem vero e dextera guttum balsami substat.

In hujus Vasis postica eadem Ara conspicitur, tribus laneis fertis praecineta. Propertius IV. 6. 6. loquens de Sacrificio victorali:

*Costum molle date, & blandi mibi thuris honores,*

*Terque focum circa laneus orbis eat.*

Tres globuli sub Ara in sinu vittae tesserae sunt Trietericorum, de quibus saepe alibi.

De Ramo, quem Bacchus gerit, egimus supra non uno in loco.

TAB.

TAB. CXCIV., ET CXCV.

IDEM ARGUMENTUM.

**A** Deo consonat haec Pictura cum praecedenti, ut minime jam dubitem, utramque ex eadem officina prodiisse; simulque tam arcto foedere haec Vasa fuisse conjuncta, ut in eodem loco, eodemque tempore conspulta nostrorum temporum lucem expectarint. Capita Matronarum in ipsorum collo depicta manifestum praebent indicium, ea fuisse olim votiva, inque Templis, atque Sacrariis obferri consuevisse ad sacra ministeria, & coenas religiosas celebrandas, cum, reportata de hostibus victoria, populus universus una simul cum Patriis Diis tripudiaret.

In hac vero Pictura nemo intervenit ex Familia Bacchi, sed tantummodo Lar Domesticus, & Publicus cum clypeo, ad quorum pedes insurgunt arbusculae.

Aversam partem occupat focus priori omnino similis, ad quem adcedunt geminae Larae feminei sexus cum speculis; nam aliunde conlegimus, hujusmodi instrumenta gemmata, limboque radiato exornata ab usu paterarum longe abiisse.

TAB. CXCVI., CXCVII.,

ET CXCVIII.

IDEM ARGUMENTUM.

**V** Igitur in Sacello Lar redux e bello, hastae innixus, clypeum deponens. Gratulabundae ad ipsum adcedunt quatuor Deae, una cum flabello, & laevo pede suspenso, quam formulam supra exposuimus ad Tab. CLXXVII.

Superior sedens pateram ad sacrum obeundum adtollit.

Baccha e regione cum vini situla, & lance pomis onusto conspicitur.

Ultima Dearum sedens speculum, & vittam subtollet. Poma, nam vulgari adpellatione ea nuncupavimus, fortasse sesamides sunt, quae inter bellaria Baccho acceptissima habebantur, vel denique sunt marinae ille pilae, quae Laribus dicari solebant. Nonius in *Strophium*:

Tom. II.

K

Suspen-

*Suspendit Laribus marinas molles pilas, & reticula, & strophia; de quo argumento fufius egimus lib. I. in Differtion. de Laribus pagin. XXXIX.*

Haec una Dearum, ceteris tribus constantibus, recedit a Sacrario, veluti aliud actura. Quid interim paret; constat ex Tab. fequente CXCVI., quae Picturam exprimit in collo Vafis, in qua continuatur hiftoria. Adit ipfa Bacchum feorfim fedentem, nudum omnino, nifi quod cothurnatus eft, cui, resignata lance cum globulis, speculum obfert, ut Larem reducem hoc munufculo exornet, dum illa rofarum lineam fumit ad par officium exhibendum.

Bacchus converfus in Genium fuum, qui illum praecedat ornatiffimo cultu cum vitta, & ferto floreo, aliquid imperat. Bacchus non femper vino infiftebat, quin etiam floribus maxime delectaretur. Hinc ille Ἀφροδίτη, hoc eft *Floridus* cognominatus eft, atque eo fub nomine cultus, ut refert Paufanias in Atticis, ipfeque ab Orpheo in Hymno Lyfii Lenaei vocatur Sacer Flos:

Παυσιπνοῖον, ἐν τῷ αὐτῷ φανῆς, ἀνδρῶν, λεγόντων ἀνδρῶν.

*Laborem fedans, mortalibus adparens, remedium, Sacer Flos, & Catullus in Nupt. Pelei, & Tetid.:*

*At parte ex alia Florens volitabat Iacchus.*

## T A B. CXCIX.

### LAR, ET LARUNDA.

**N**Otavimus fupra, Lari reduci e bello Bacchanalia cum Larvatis fuiſſe exhibita. Thema hujus Tabulae eruendum eft ex linea inferiore, in qua Lar barbatus, cum propria farcinula, barbarico ornatus veſtimento ab hoſtibus detracto, atque educto gladio victor exultat.

Larunda pari cultu illum venientem excipit, qui cum Truculento Plautino uxorem ita videtur adloqui:

*Mars peregre adveniens ſalutat Nerienem uxorem ſuam.*

Paries undequaque refertus eft imaginibus Auricularum, quod adhuc nullibi obſervaram. Animadverti tamen ſaepe in Gemmis aures incifas, multasque ex Argilla fictiles erutas e Luco ſacro Junonis apud Vejos



Vejos, quae ex Museo Fabrettiano in meum concefferunt, quin & alias fimiles vidimus defoffas fuperioribus annis ex alio Luco facro in Suburbio Pifaurenfi, nunc apud Clariffimum meum Oliverium aetatis no-  
ftrae decus, magnumque venturae fubfidium; Aures etenim computaban-  
tur inter Dorum donaria, ut conligitur ex Infcriptione Gruteriana  
pag. 1067. n. 1.:

MINERVAE . AVG  
L. CALLIDIVS . PRIMVS  
BRIXELLANVS . EX . ARG  
LIB. II. ITEM . L. CALLIDIVS  
PRIMVS . AVRES . ARGENTEAS  
V. S. L. M

Quin etiam Aures adeo facras habuerunt, ut illis, veluti Deabus,  
vota nuncupata fint, ut ex alia Infcriptione pag. 89. n. 6.:

AVRIBVS  
D. D. D  
P E T R V S I A  
PROBA  
MAGISTRA

Quo obfequio, ne abhorrent a nobis Aures Deorum, ut ait Cicero  
ad Octavium IV., illas demulcere folebant. Nil igitur mirandum erit,  
fi in Vafe Diis facro duodenae Aures depictae videantur.

Pars averfa pari ftilo, & cultu Neffum nobis obiicit Dejaniram  
humero tranfvehentem; nam ejufmodi Fabulas in Bacchanalibus expone-  
re confueverant. Ille enim cum Hercule convenerat trans Evenum,  
omnem aquis redundantem traductam. Ovidius Metam. IX. a v. 108.:

*Neffus adit, membrisque valens, fcitusque vadorum,  
Officioque meo ripa fiftetur in illa  
Haec, ait, Alcide.*

## T A B. C C.

## VENATIO.

**I**Nter spectacula triumphalia, quae populo exhiberi solebant gratio-  
ra, censebatur Venatio, sive in Circo, aut Theatro, campove cir-  
cumsepto, pro populorum dignitate, atque opulentia. Huc refe-  
rendam puto hanc Tabulam, in qua Venator nudus damas insequitur; nec  
enim crediderim, venationem illam, quae in saltibus, & montibus  
exercebatur, Venatores, omni penitus dimisso velamine, & aperto ca-  
pite, agitasse. Scio equidem, illis praescriptam fuisse vestimentorum  
parsimoniam, ut de Aristaeo tradit Nonnus Dionys. V. vers. 237.:

καὶ ποσὶν ἐνδρομίδας θηρήτορα πάντα διδάξας,

"Ἀσχεῖτον αἰσσοῦτα κυνοσσοῖον εἰς δρόμον ἄγρης,

Πέπλα φαεινόμενης ἐπιγουνίδου ἄλχει φορέσσει.

Μὴ ποτε θηρήσειν ἐπαγομένου ποδῶν δρῦν

Ἄν' ἀνασπαράζοιτο καθιεμένοιο χιτῶν.

*Et pedibus calceamenta cursoria venatorem hominem docens*

*Retinere impossibile incitatum, canem agitantem in cursum venationis*

*Vela adparentia ad genua usque ferre;*

*Ne quando venatoris incitati pedis impetus*

*Statim retraheretur, detracta veste.*

Cum vero noster hic Venator nudus omnino adpareat, spectaculum id  
urbanum fuisse judico, & intra Septa populo exhibitum.

Ejus lancea bicuspis est, cujusmodi venatoribus adtribuit Gratius  
Cyneget. 110.:

*um stricta verutis*

*Dentibus, & gemina subiere hastilia furca.*

Specimen hastae dentatae videas in mea Lucerna Tom. III. Tab. IX., bi-  
cuspidis vero ex meis Libris Antiquitatum Tudertium adicipies, si ali-  
quando illis lux publica adfulgeat.

Finis Voluminis II.

## I N D E X

## R E R U M M E M O R A B I L I U M

QUAE IN HOC SECUNDO VOLUMINE CONTINENTUR

*Numerus Romanus indicat paginas Dissertationum, Arabicus vero  
explanationes Tabularum.*

## A

**A** Chratus, & Ampelus Bacchi Mini-  
stri. 44.

Adolescentes, qui Bacchicis initiabantur,  
turpiter larvati pelle victimarum in-  
duebantur. 21.

Adolescentes Toga donati placentam La-  
ribus obferebant. 12.

Aetates Mundi quo definitae ab Etruscis.  
LXVI. LXVII.

Amadurius Johannes Christophorus Vir do-  
ctissimus laudatur. LXXXIII.

Ampelus, & Achratus Bacchi Ministri, seu  
Genii. 44.

Angolorum pravorum supplicium Etruscis  
perspectum. XXXVI.

Illorum creatio Etruscis cognita. XXIV.

Ab ipsis derivata origo Geniorum. XXIV.  
XXXIII.

Animas hominum triplicis conditionis esse  
putabant Etrusci, bonas, malas, &  
& incerti meriti. LVIII. LIX.

Immortales adferebant Etrusci XXIV.

Praemia bonis post mortem, poenas ma-  
lis pro modo culpae imminere crede-  
bant. ibid.

Suffragia illis utilia esse adferebant. XXV.

Unicam in homine admittebant sapien-  
tiores, populares vero tres esse dicti-  
tabant. XL.

Quot caeremoniis mitigarentur. XLI.  
Bonorum divinitate donabantur ab E-

truscis, & deinde a Romanis. XLIII.

In Oceano purgari credebantur. 8.

Anseres Laribus sacri. 70.

Antiquitatum studia conferunt ad bonos  
mores. XII.

Apotheosis quo ritu celebraretur. LXIV.

Aqua adhibita ad lustrationem in sacris  
Bacchi. 18.

Ara tribus laneis vittis coronabatur. 72.

Arae domesticae forma expenditur. 13.

Arcana Etruscorum Philosophia nondum  
corrupta Christianae Religionis veri-  
tatem confirmat. XI. XII.

Armatura Samnitica Laribus adtributa. 9.  
13.

Ate Jovis Filia a Caelo dejecta Luciferi  
simulacrum. XXXVI. XXXVII.

Aurium schemata ex argilla Diis, & prae-  
sertim Laribus obferri solita. 74. 75.

## B

**B** Accha in Lecesternio. 32.

Duplicem mappam, sive linteum fa-  
crum ventilans, insigne potestatis, quo  
ceteros ad initia adcedentes adorna-  
ret. 36.

Bacchi Antistites annui, mas, & femina,  
mysticum matrimonium simulabant,  
Hymenaeo superveniente. 43.

Baccha sub specie Minervae intervenit ad  
triumphum. 39.



Arcanum aliquid sub velo adtolle, quod nudis oculis conspiciere nefas esset. 52.

Bacchanalia rustica describuntur. 51.

In honorem Larium celebrata post faustos eventus. 74.

Diis omnibus gratissima, & praesertim Laribus. 70.

Indicebantur maximo organorum strepitu ad excitandum Bacchum in inferno dormientem. 42.

Illorum ordo, & formula. 57.

Ablutione corporis, ut cetera omnia mysteria, absolvebantur. 59.

Indicta extra tempus post triumphum. 69.

Bacchi sacra communia cum sacro Praetextato. 17.

Quare vitis bifida, & quadrifida illi adtributa. 52. 57.

Cum crotalis, & gutto balsami. 67. 68.

Cur tridens, seu fulmen trifidum illi adtributum. 54.

Simul cum Baccha fere semper adjuncti circa Lararia in Compitalibus. 71.

Volucer ad aram adcedit ad proprium Antistitem consecrandum. 40. 41.

Senex ut plurimum sanctus ab Etruscis, & Campanis. 37.

Mercurio Duce in Caelum effertur. 7.

Illius Antistes a duabus Sacerdotriis haedera coronatus. 38.

Stellifera veste indutus. 39.

Ejus Antistes, & Antistita Bacchum, & Baccham adspectu, symbolis, & incessu simulantes. 37.

Ejus Antistes sub Bacchi ornatu ovans ex bello Indico. 40.

Ejus Capilli in formam serpentum coninnati. ibid.

Idem nudus ad aram adcedens potestatis insignia suscipit. Ibid.

Bacchi poculum sacrum ejus symbolum. 46.

Furiales motus in Bacchanalibus describuntur. 47. 49.

Quamquam fanatici viderentur, tamen

firmiter quodam ritu producebantur. 17. 55. 56.

In ejus pompis taurus dentibus discerpatur. 53.

Balneum sacrum praemissum adsumptioni Togae. 10.

Bicinium cantus duorum in sacris Bacchicis. 16.

Bononia a Vulsinienfibus condita. XIII.

Bruckerius Jacobus Vir doctissimus, & auctoris amantissimus laudatur. LXVI.

## C

**C**Educeum Mercurii pacis Symbolum apud Etruscos. 69.

Calamulus, & Lingula in inflatilibus organis Etruscorum. LXXIX.

Campania, & Magna Graecia diu post Etruriam habitari coeperunt. XXIV.

Capri sacrificium Baccho gratissimum. 58.

Cerauli, & Litui forma, & usus apud Etruscos. LXXIX.

Cista Mystica in sacris Bacchi. 71.

Cithararum formae variae. 3. Vid. Lyra.

Clypei Etrusci plicatilis forma peculiaris. 66.

Compitalia apud Etruscos solemniter celebrata. 67.

In his Larium imagines repositae in Cellis temporariis, vario cultu ornatae. Ibid., & 68.

In his Cellulis Jupiter Etruriae Custos etiam repositus. 67. 68.

Convivia antiquorum nocturna. 44.

Deorum imagines in his introductae. IV.

Nuptiale inter Antistitem, & Antistitam Bacchi. 44.

In adsumptione Togae opipare exhibitae. 4. 8.

Cornibus potioribus utebantur in Sacris Bacchi. 28.

Corona Etrusca qualis. 13.

Craticula, seu lamella perforata praefixa Thyr-

Thyrsis, qua vultus obnubebatur, Baccho adveniente. 46.  
Crimina per poenitentiam purgari posse, adferebant Etrusci. XXV.  
Leviora caeremoniis quibusdam dilui posse, credebant. LIII.  
Crotala in Musica Etruscorum. LXXX.  
Cyclus aereus in Musica Etruscorum. LXXXI.

D

**D**Ei vera cognitio ab Etruscis ad sapientiores Romanos pervenit, & a multis illorum admissa. XX. XXI.  
Dei voluntas alia absoluta, alia conditionata. LVI.  
Deorum persona ab hominibus larvatis repraesentata in Bacchanalibus. 53. 58.  
Deificationis ritum ab Etruscis adceperunt Romani. XLI. XLII.  
Diapason quid in Musica Etruscorum. LXXVI.  
Dii ex hominibus facti Ritu Etrusco recensentur. LXII.  
Discus aereus bacillo pulsandus in Musica Etruscorum. LXXX.  
Divinitas optime meritis adtributa ab Etruscis. XXXIX. XL.  
Quibus caeremoniis adferebatur defunctis. XLI. XLII.  
Draco in Cistis Mysticis, ejusque mysterium. 58. 59.  
Dux belli ritu Etrusco triumphans. 65.

E

**E**quus bellator in partem honoris adscitus in triumpho. 71.  
Etrusci omnium Nationum sui temporis cultissimi. XII.  
Plurima revelatae religionis dogmata custodierunt, & cum Romanis communicarunt. Ibid.  
A Chittim Noe Pronepote in Italiam

deducti, ubi primum, desedentibus aquis, montium juga adparuerunt. XXIII.  
Ab eodem duce Italia sortita est in scripturis nomen Chittim. Ibid.  
A Celtis minime deduxerunt originem. XIII.  
Eorum Regio optima ad Philosophiam excolendam. XIV.  
Eorum sapientiores alieni ab opinione vulgari circa Deorum cultum, & secreta initia Bacchi. LIII.  
Vulgus ejusdem Nationis univerfas actiones humanas symbolice exprimebat per Deorum fabulas. 61.  
Exempla virorum fortium exhibita adolescentibus, cum Togam sumerent, & in Vasculis ad hunc usum concinnatis exhibita. 15. & alibi passim.  
Exomis tunica, brevior, aetate a Matronis usitata. 14.  
Expiationum exempla apud Etruscos. LIV.

F

**F**abulae theatrales exhibitae in Bacchanalibus. 49. 75.  
Facies adhibitae in Orgiis. 29. 46.  
Fatum quid apud Etruscos melioris notae. LV.  
Quae illius auctoritas apud Antiquos. LIV. LV.  
Fauni Bacchantibus feminis insidiantes gratissimum Baccho spectaculum. 35. 37.  
Fistula qualis in Musica Etruscorum. LXXIX.  
Flores Baccho gratissimi, unde floridus nuncupatus. 74.

G

**G**ammadion instrumentum in Musica Etruscorum ad segmenta temporis, vulgo *battute*, designanda. LXXV.  
Scalae Musicae principium. Ibid.

Genio.

Geniorum officia, & imagines quae fuerunt apud Etruscos. XXXV. 15.

Inter Genios supremum unum agnoverunt, Judicem bonorum, & malorum constituerunt, indito illi nomine Mercurii, qui bonorum animas in Caelum elevarat. Ibid.

Tutelares adolescentum maxime venerabantur Etrusci in conlatione Togae Virilis. 14. 15.

Gerbertius Martinus Abbas, Congregationis S. Blasii in Sylva Nigra, & S. R. Imperii Princeps, Vir clarissimus, & humanissimus laudatur. LXXXV.

Gigantum adversus Deos pugna reproborum Angelorum lapsum sub aenigmate significabat. XXIV.

Globuli tres mystici in sacris Bacchi Trieterica, veluti tesserae, significabant. 5. 24. 29. 69. 72.

Guido Aretinus Monachus Pomposianus Musicae reformator. LXXV.

## H

**H** Annibalis fuga ex Italia Diis Laribus adtributa. 61.

Hercules Iphitum Centaurum subfocans. 16.

Hesiodi doctrina de Deo maxime ludicra. XVI. XVII.

Hominem ex luto formatum a Deo noverrant Etrusci. XXVIII. XXIX.

Horti Caelimontani Matthaefiorum Romae. LXXXIII.

## I

**I** Magunculae ex Lana, & Pilae Marinae suspensae vulgari opinione ab Etruscis ad Lemurum injurias depellendas. LIX.

Initia instituta ad purgandas scelerum maculas penitus aliena a Sapientibus. LIII.

Initiari omnia sibi licere putabant adferentes, Deum tunc habere pro anima. Ibid.

Jovis nomen deductum ab Etruscis a Jehovah. XX.

Jovis nomen Etrusci tantum adhucuerunt, ut constat ex Tabulis Eugubinis; illudque decorarunt iisdem fere epithetis, quibus Jehovah in sacris Litteris. XIX.

Jovis nomen exceptum ab Etruscis aetate Moysis. XVII. XVIII.

Quid intelligerent Etrusci sapientes sub hoc nomine. XIII.

Juventa Dea potissime culta in adsumptione Togae Virilis. 1.

Quo cultu, & adtributis ornata. 2.

Citharam pulsans, & cujus formae. 3.

## K

**K** Alendaria in forma Rotae volubilis descripta. 63.

## L

**L** Ancea bicuspis Etruscis usitata. 16.

Larunda, sive Lar femina cum speculo ad aram Larium ascendens. 73.

Lectisterniis, & convivii decorata in adsumptione Togae. 8. 9. 10.

Lares, & Manes apud Etruscos animae Majorum suorum melioris meriti. LVII.

Domestici aliquando plures numero. II. Senili specie cum baculo. 10.

Publici ad expeditionem militarem adiecti Deas domesticas salutant. 63.

Barbarico habitu post victoriam. 74.

Geminas lanceas deferunt. 64.

Redeuntibus e praelio vota persoluta, & tabellae suspensae. 70.

Redeuntibus post victoriam Dii Domestici occurrunt. 66. 68. 71. 72.

Sacella temporaria in compitis in eorum honorem exstructa. 67.

Magni-



Magnificis coronis decorati . 69.  
 Canis eisdem adtributus . 64.  
 Arma post victoriam deponunt in Larario,  
 five Sacello in Compitalibus . 71. 72.  
 73. 74. 75. 76.  
 Viales reduces Pileum suspendunt in  
 propriis aediculis . 64.  
 Publici urbium Defensores armati . 9.  
 10. 12. 13. 60.  
 Domesticorum facella in pariete excava-  
 ta, unde donaria suspendebantur . II.  
 Lectisternia quae apud Etruscos . 9.  
 Lemuriae dum celebrarentur, templa Deo-  
 rum clausa . LXX.  
 Lemures, & Larvae animae malorum ho-  
 minum . LVII. LVIII.  
 Depellebantur a Romanis ritu Etrusco,  
 & quibus caeremoniis . LVIII.  
 Linteum sacrum in Orgiis maxime usita-  
 tum . 46. 47.  
 Lyra Choriphaea in tota Musica . LXXV.  
 Quot partibus constaret . LXXVI.  
 Chordarum in Lyra instructio, & motus,  
 quo pulsaretur . Ibid.  
 Calchochordae, & Calypfocordae intro-  
 ductae in Lyra . Ibid.  
 Numerus chordarum qui in Lyra . Ibid.  
 Tetrachordum Organum Etruscum . Ibid.  
 Pentachordum, exachordum, & hepta-  
 chordum organa Etruscorum . Ibid.

## M

**M**alum Punicum inter secretiora Ci-  
 stae Mysticae servatum . 47.  
 Manes, & Lares, qui. Vide Lares:  
 Manium Deorum cultus apud Etruscos . 60.  
 Victimis, & sanguine placati . Ibid.  
 Sanguis adhibitus superstitiosissime, &  
 post diluvium execratus a Deo . 60.  
 Martinius Johannes Baptista Franciscanae  
 Familiae Bononiae, Vir doctissimus  
 laudatur . LXXXV.  
 Matres familias in Sacro Praetextato potis-  
 simas partes obibant . 9. 10. & passim .

Ad aram adcedentes sinistram pedem su-  
 spendebant . 63.  
 Mediolanenses Etruscorum soboles . XII.  
 Mercurii officium unde deductum ab Etru-  
 scis . XXXV:  
 Lance expendit ad trutinam bona, &  
 mala opera Defunctorum . Ibid.  
 Mors, veluti Dea culta . LXI.  
 Mortuis virtute praestantibus sacrificia, ve-  
 luti Divis, oblata . LXII.  
 Mortuorum resurrectionem agnovisse Tu-  
 scos, non obscure adparet . XXV.  
 Modi Musici tres Lydium, Phrygium, &  
 Dorium, eorumque indoles, & vis .  
 LXXXI.  
 Molopoejae aptissimae singulis adtributae  
 ad fervorem excitandum, vel remit-  
 tendum . LXXXII.  
 Natura ipsa hanc varietatem excitat in ho-  
 mine pro varietate passionum . LXXXII.  
 Modos Musicos tres habuisse Etruscos, con-  
 ligimus ex opificio Lyrarum triplicis  
 diversi systematis, five jugo versati-  
 li, quo unicum systema adtolleretur,  
 vel remitteretur . Ibid.  
 Mundum a Deo creatum crediderunt Etrusci.  
 LXV.  
 Creationis illius ordo magna ex parte  
 consonat cum Divinis Scripturis .  
 LXV. LXVI.  
 Ejus exitium praevisum ab Etruscis .  
 LXVII. LXVIII.  
 Musicae subsidia nunc majora, quam apud  
 Antiquos . LXXXV. LXXXVI.  
 Musica Etruscorum quanto Graecam supe-  
 raverit, conligitur ex perfectione Or-  
 ganorum . LXXXIII. LXXXIII.  
 Organa universa vel invenerunt, vel per-  
 fecerunt Etrusci, & Romanis tradide-  
 runt . LXXXIII. LXXXIV.  
 Musicae antiquae tam Graecae, quam Ro-  
 manae cum nostra recenti comparatio  
 cum incrementis, & vitiis . LXXXIV.  
 Naturae expressio in Musica petenda  
 est ab intima Philosophia . LXXXIV.  
 Hu-

Hujus artis definitio, & principia. LXXIV.  
LXXV:

Temporis intervalla, & progressus in Musica quomodo signarentur. Ibid.

## N

**N**aturae lapsae conditionem, & detrimenta ex Fide revelata adceperunt Etrusci. XXXI.

Hinc processit error apud rudes duplicis illius principii boni, & mali, lucis, & tenebrarum. XXXVII. XXXVIII.

Nec non superstitio, principium mali sacrificiis esse placandum. XXXVIII. XXXIX.

Nebris suspensa, veluti votiva, Baccho in templis. 52.

Noctua cur Baccho conjuncta. 41.

## O

**O**liverius Hannibal Vir Cl., & praestantissimus laudatur. 75.

Organa Etruscorum plurima describuntur, & examinantur. LXXVI. & sequen.

Triplicis generis Tensilia, Inflatilia, & Pulsatilia. LXXV.

Orgia Bacchi in tres gradus dividebat initiatos, Satyrorum, Faunorum, & Silenorum. 22. 23.

A Regina sacrorum cum Rege ordinantur. 25.

Regina sacrorum triplici tunica ob numerum mysticum induebatur. 26.

Oestro immisso auspicabantur. 26.

Aperto sacrario furens Antistita prodibat arcanum quid adtollens. Ibid.

Maximo strepitu ad oestrum immittendum inchoabantur. 27.

Ab expiatione incipiebant. 27.

Ritus, & ordo caeremoniarum, quae in illis servarentur. 30.

In ipsis Bacchum sese conspicuum Telestis exhiberi, vulgo creditum, nec

nisi flabello, cribro, aut crate interpositis conspiciendum. 18. 30. 33. 34. 35., & alibi.

Termitibus humo infixis locus sacer, a profano in illis sejunctus. 30.

Orphei, & Lini mysteria inania. XII. XIII.

Ova in lustrationibus universis adhibita. 12.

## P

**P**antheriscus Baccho sacer, & Cicur ad ejus pedes. 60.

Pecten aureus, aut eburneus Deabus oblatus. 13.

Pede suspensio ad aram adcedebant. 73. 74.

Philosophia Etruscorum Arcana ad confirmandam Christianae Religionis veritatem explorata. XI.

Resurrectionem mortuorum admittebat. XXV.

Leges populis servandas caelitus dari, exemplo Moysis, Etrusci hac Philosophia imbuti adferebant. Ibid.

Generationem aliquam in Deo, quamquam unicus crederetur, dari sub quibusdam ambagibus opinabantur. XXXVI. XXXVII.

Hominem a Deo formatum ex luto, adferebat haec Philosophia. XXVIII. XXIX.

Naturae lapsae detrimenta cognovit. XXX. XXXI.

Deum unicum, & perfectissimum omnino esse, adferebat. XVI., & seqq.

A populari Philosophia maxime diversa. XV.

Omnibus Nationibus communis est, sed varia pro diversa indole, & statu populorum, & Clymatis differentia. XIII. XIV.

Etrusca animae immortalitatem, praemia, & poenas post mortem adferebat. XV. XXXIX. XLVI. & seqq.

Peccata expiari posse in hac vita per poenitentiam docebat. Ibid.

Suffragia pro mortuis, qui minori labe con-

contaminati excessissent, utilia praedicabat. Ibid.

Sacrificia cruenta ex Divina Revelatione frequentabat. Ibid.

Hujus disciplinae documenta plurima monumentis confirmantur. LXIX. & seq.

Pictura, & Sculptura erroribus obtrudendis aptissimae. XVI.

Pilae marinae, & Imagunculae ex lana suspensae ad Lemurum injurias depellendas. LIX. 13.

Placentae umbilicatae in sacris. 4.

Plectri ad Cytharam pulsandam Theca qualis. 5.

Poenae leviorum criminum juxta mentem Etruscorum quae. L. & seqq.

Polytheismus a Sapientioribus omnium Nationum reprobatus. XV.

Praetexta puerilis dimissa, & Diis votiva. 6. Purpurea erat. 2.

In globum conlecta, & decussato vinculo constricta Diis dedicabatur. 24.

Praetextatum sacrum celebrari solitum in adsumptione Togae virilis. I.

Prodigia Romae sequuta in occubitu libertatis. LXVI.

Profani ejecti e conspectu sacrorum Oratorum. 19.

In his post balneum hircus mactatus. Ibid.

Initiati ferinis coriis induebantur. Ibid.

Porcum in his sacrificabant. 20.

Orgia ad humanitatem hominibus tribuendam, veluti ex vita ferina adcedentibus, conferre putabantur. 21.

Pulsatilia organa Etruscorum describuntur. LXXX.

Purgatorii traditio constantissima apud Etruscos. XXV. LI. LII.

Pyramides inter secreta Cistae Mysticae. 28.

## R

R Eligio revelata magna ex parte ab Etruscis custodita. XXIII.

Reticula a Matronis oblata Deabus pro felici expeditione, & reditu virorum. 62.

Roris marini ramusculi, placentis infixi, quando Laribus dedicabantur. 12.

## S

S Acella temporaria Laribus erecta in Compitis. 67.

Sacramentum a Regina Sacrorum interponi solitum in Orgiis, & ejus formula. 38.

Sacrarium Bacchi clausum ante initium caeremoniae. 30.

Ad illud Dii convenire putabantur. Ib.

Sacrificia mortuis obferri solita. LXIII.

Praemissa ante adsumptionem Togae virilis. 10.

Sambuca Etruscorum organum describitur. LXXIX.

Scala, veluti praecipuum symbolum, Fortunae adtributa. 28.

Sepultura Antiquis necessaria, ut anima quiesceret, & hujus vanitatis ratio. LXIII. LXIV.

Ejus ritus antiquissimus apud Etruscos ante Aeneae adventum. LXIV.

Serpentes a Maris sinistra manu capiebantur. 58.

Sesamides in Cista Bacchi. 70.

Signa militaria Etruscorum Aquilam ostentabant. 66.

Sileni omnium ordinum Bacchicorum Deo maxime proximi, veluti omnium puriores. 5. 46.

Stuppanius Joh. Franciscus Cardinalis sapientissimus laudatus. XI. LXVIII.

Speculum Deabus dedicari solitum. 12. 24.

Suffragia pro mortuis Deo dirigebantur. LXIII. LXIV.

Supplicia aeterna reprobis reservata. XLVI.

## T



## T

- T** Alorum jactus in sacris Bacchi. 27. 29.  
 Tellus Dea Baccho divinitatem adse-  
 rit. 7.  
 Conviviis Etruscorum adhibita. 5.  
 Thronus Antistitae Bacchicae in sacrario  
 locatus. 28.  
 Tigilla pulsata in saltatione. 3.  
 Tintinnabula vestibus psaltriarum adfuta. 3.  
 Toga virilis ex arcula ornatissima profere-  
 batur in sacro Praetextato. 14.  
 Potissime in Bacchanalibus tradita. 7.  
 Adolescentes nuper Togati per annum  
 numquam exserti. 8.  
 Cum Togam acciperent, viticulam ubi  
 conserebant. 11. 13.  
 Transmigrationem animorum rationi repu-  
 gnantem respuebant Etrusci. CLIII.  
 seq.  
 Tripudia, & Conventus Bacchici. 45.  
 Celebrata in assumptione Togae. 3.  
 Triumphus ab Etruscis inventi. 65.  
 In his Maeci, Ludiones, & Satyri intro-  
 ducti. Ibid.  
 Pro parte victoria Laribus sacrificia ob-  
 ferébantur post triumphum. 66.  
 Triumphus Indicus a arvatis exhibitus in  
 Bacchanalibus. 49. 50.  
 Tunicae forma, cui Toga virilis superpo-  
 nebatur. 1. 2.  
 Turbines inter mysteria secreta Bacchi. 62.

Tympanum Etruscum describitur. LXXX.  
 32.

## V

- V** Annus in Sacris Bacchi maxima Re-  
 ligione veneratus. 26.  
 Vasa scitilia cum imaginibus Matronarum  
 votiva in templis dedicata. 73.  
 Bacchica consecrata in templis a Sacer-  
 dotibus, cum officio functae essent.  
 26. 27.  
 Velatis manibus sacra occulta deferabant  
 Antistitae. 22.  
 Venationes inter spectacula triumphalia. 76.  
 Venatorum cultus qualis. Ibid.  
 Victimae in funeribus apud Etruscos ex-  
 piatoriae censuebantur. LXI.  
 In illis apud Graecos victima humana,  
 apud Etruscos Gladiatores substituti.  
 Ibidem.  
 Virgilius, veluti Etruscus, & Etruscae di-  
 sciplinae peritissimus maxime atten-  
 dendus in hac materia. L. LI.  
 Vittae Bacchicae, & earum forma. 31.  
 Viticulam sacram Genio suo conserebant  
 Adolescentes nuper Togati, & coro-  
 nabant. 21.  
 Vitis bifida cur Baccho adtributa. 18. 52.  
 Et cur quadrifida. 57.  
 Urbium servatarum tutelam Laribus tri-  
 buebant Etrusci. 61.


## F I N I S.

## ERRATA

Pag. 35. STUDENTES

## CORRIGE


LUDENTES.



*In Museo Vaticano*







*In Bibl. Vaticana*





NOLAE IN MUSEO D. FELICIS MARIAE MASTULLI







*In Bibliotheca Vaticana*







IN MVSEO EMIN. CARD. DEL GIUDICE



T. CVI



*In Museo Kirkeriano*





T. CVII.



IN MUSEO GORIO











IN BIBL. VATICANA.














*In Biblioth. Vaticana*





IN MVSEO GORIO





T. CXIII.



*In Museo Barberinico*





T. CXIV.




IN MVSEO MEDICEO



T. CXV



*Palmi i. Vno. 3*



*in Biblioth. Vaticana*





T. CXVI



*In Museo Lorio*





T. CXVII



Vi. Franceschini Scul.

In Museo Lorio




T CXVIII



*Apud M. Vincentium Riccardium*














IN BIBL. VATICANA.





IN BIBLIOTH. VATICANA





T. CXXII



V. Franc. v. 1. 1. 1.

IN BIBLIOTHECA VATICANA.





T. CXXIII.



*In Biblioth. Vaticana*





T.CXXIV



*Postica Pars*





T. C XXV.



IN BIBL. VATICANA







*In Bibliotheca Vaticana*



T. CXXVII.



IN MUSEO KIRKERIANO

















IN MUS. VATICANO.











T. CXXXII.



*In Museo Vaticano*





*In Museo Vaticano*

Vat. Mus. Vat. Mus. Vat. Mus.







*In Museo Grimanio*









T. CXXXVZ



IN MVSEO VATICANO





T. CXXXVII.



Apud (D). Guill. Hammond Anglum





T. CXXXVIII.



APVD G. ORIVM.





Alt. ped. 1. unc. 111.  
In Museo Guarnaccio





T. CXL.



*In Museo Corio*








*In Biblioteca Vaticana*





IN MUSEO VATICANO ~







*Pars postica ejusdem Taxis*







*In Museo Riccardio*





I. CXLV.



*In Museo Vaticano*





T. CXXXXVI.



Alt. p. I. In Museo D. de Hamond







T. C XXXXVII

IN MVSEO VATICANO





IN MVSEO KIRKERIANO









THE UNIVERSITY OF CHICAGO



T. CL.



*In Museo Mediceo*





IN MUSEO VATICANO







*In Museo Mediceo*







*Anconae apud Nob. de Benincasii*





APVD CL. FRANCHINIUM







IN MVSEO VATICANO







IN MVSEO BARBERINO



T CLVH



*Apud March. Peralta*





T. CLVIII.



*Apud Com. de Thoms*

V.F. 3.







*In Museo March. Peraltae*





*In Museo Panormitano*






T. CLXI



*In Museo D. Hadriani Sarri Patric. Sen.*









*In Museo Kirkeriano*



T. CLXIII.



*In Museo Baccio*





T. CLXIV.



Veronae in Mus. Cl. March. Scipionis Maffei







*Hadriae ap. Cl. Advoc. Bocchi*



T. CLXVI



IN MUS. MARCH. PERALTÆ





TCLXVII.



*Cursus Publicus eiusdem Vasi*





TAB. CLXVIII.



*Alt. unc. iv. lat. unc. iv. et s.*



*In Museo Lorio*



T. CLXIX.



*In Museo Mediceo*







*In Museo Barberinio*





T. CLXXI.



IN MVSEO RICCARDIO






IN MVSEO MEDICEO







*In Biblioth Vaticana*







IN BIBL. VATICANA



T. CLXXV



*Fig. Menabony delat sul.*

IN MUS SUBVRB NOB VECCHETTORVM






T CLXXVI



IN MUSEO RICCARDIO







*In Bibliotheca Vaticana*



T. CLXXVIII.



IN MUSEO KIRKERIANO.







*In Bibliot. Vaticana*








123

*In Biblioth. Vaticana*



T. CLXXXI.



V.F.S.

*In Biblioth. Vaticana*

















*In Museo Mediceo*











T. CLXXXVI.



IN MUSEO COLL. ROMANI



T. CLXXXIII



IN MVSEO VATICANO

V.F.S.







*Pars Postica eiusdem Vasis*







IN MVSEO MEDICEO





*Neapoli in Museo PP. Oratorii*





T. CLXXXVI



*In Biblioth. Vaticana*







IN BIBLIOTH VATICANA





*Parte postica ejusdem Vasie*













*Pars postica eiusdem Vasis*



TCLXXXVII




*In Museo Vaticano*

V F 5







*Pars antica eiusdem Vasis*







*Lans Posterior eusdem Visis*



T. CLXXXXIX



*In Museo Cl. March. Vincentii Riccardi*






T.CC.



*In Museo Coll. Romani*



















SPECIAL 82-B  
OVERSIZE 152  
NK  
3845  
P28  
1967  
V.2  
GETTY CENTER LIBRARY



